

北京圖書館 編

北京圖書館藏珍本  
年譜叢刊



第 66 冊

DUXIU.COM

北京圖書館出版社

□ 北京圖書館 編


北京圖書館藏珍本

年譜  
叢刊

北京圖書館出版社



第 66 册





# 第六十六冊目錄

徵君孫先生年譜卷下	一
初代開山主法雲頂和尚年譜	一〇九
蒼雪大師行年考略	一四五
聲鶴公年譜	一九三
邢孟貞先生年譜	二〇九
李廔園先生年譜	二二五
奉常公年譜	三二七
洪文襄公年譜	四五二
鄭桐菴先生年譜	五一七
劉伯宗先生年譜	五四七
文康府君年譜	五八一

徵君孫先生年譜卷下

孫

順治七年庚寅六十七歲

二月自祁州南發望雅侄量雅携家從留博雅尚

雅奉其母在祁

時王之徵同博雅留祁徒步送先生不覺三百餘里至廣平

其母追尋始歸先生贈以詩曰塵沙眯目透重裘借爾爾風典未休識得友朋真趣味便知陳蔡也非憂○先生途次藁城晤毛晴嵐三光

四月抵淇縣之西崗奏雅韻雅先同族黨親友在

此

五月來蘇門同三無老人讀易於間甯樓

三無老人李對

字霞表。縣人。精於易。先生著讀易太古自此始。

七月移入其城。顏其室曰留雲舍。廳事題柱云半畝亭臺唯種凡。

一家生計。只依雲。

### 十二月奏雅博雅奉其母至

是年新城王申之餘佑定典馬構斯爾楹成安李含生之藻王玉乘元鑣新安李性甫體天李

仁甫合天李信甫明天安巴馬

振公毓錫馬宜公載錫從學。學文無窮身世有用精神。日圖晏安。積成累

稟時為警省。滿人精微。古人吃飯著衣。便是盡性。至命吾人談天論地。總非行己立身。日用之

功。惟靜心可入學問之道。非勝氣能來。讀有字。書要省無字。理學而時習。習何事與。逝者如斯。何物也。天地之大。猶有城。夫婦之愚。可造端。

八年辛卯六十八歲

三月不違愈見不克。日月之行。至儘有可觀。富貴  
利達人。一轉念。卽豪華。健行法言士。耶失足成  
比。民賦性原同。習而遠。降才雖異。情發豈殊。  
夜氣猶存。當默省。格。亡我者何事。鷄鳴而起。急  
追尋。舜跖分者。向途。但求放心。要在責志。功有  
深淺。理無精粗。誦詩讀書。舉業不妨。德業學詩  
起居飲食之際。樂趣何窮。仰望同人。告教小子。

在輝縣

先生語餘佑諸子曰。余五十年始識一貧  
正賴有同志者。實履其境。而深咀其味。

昔伯順嘗云。我於貧字。未嘗身試之。所稱無詒  
無怨。終是虛談。今我輩以貧賤之身。值流離憂  
患之際。典琴書質簪珥。忍痛停藥。日不再食者  
屢矣。對妻子似難快心。對同志應無慚色。此字  
不明。終非眞實學問。大家不講明。終非力砥流  
俗之意也。餘佑因名其齋曰共飢。○又口味糞

不顯。千古治心之學。達而在上者。着落在平章。落和窮而在下者。着落在修身求志。既窮患難。者。着落在空乏憂虞。舜說諸人不閱歷山版築。深阻艱難之味。鳥能報善天下。空乏時不顯。與協和時不顯。總是一樣戒。慎恐懼。以提醒此心耳。

四月十九日繼室楊氏卒於其城旅舍楊孺人撫

子女終身無間言。前後六人各不見其為異母。息前愧。愧孺人有母年老。孺人迎養於家。事之如母。里黨賢之。先生終身貧旅。不事家人產。嘗以一布囊貯米。經年不能滿。孺人絕無愠色。

六月葬室人馬玉筭贈夏峯地寄厝

是年安邑景乾被應熊汝縣孟二  
青瑤暨雄縣王生洲子一廉從學

九年壬辰六十九歲

春衛河使馬玉笋以夏峰田廬見贈為諸子躬畊

之地先令韻雅督治

玉笋名光裕  
山西安邑人

謂諸子任曰汝等學稼吾慮汝不明習此事而  
小視之也舜畊歷山尹畊有莘亮耕南陽此是  
何等勲業孔子於樊遲乃鄙而小之此中道理  
甚活正不相恃當舜尹躬畊時渾身備禮義信  
之用故能成舜尹事業孔子大道為公正欲借  
及門共與東周納斯世於鑿非畊田家給人足  
豈區區以百畝之不治為憂哉今日寄居蘇門  
不畊無以為養且無以置吾躬也不有畊者無  
以佐讀者况負薪挂角古人何等不兼盡於一  
身吾老矣此躬不力望汝等並畊不怠○謂族  
黨戚舊曰汝等千里之外既備余求復階余止  
各分田數畝以共余畊年之豐歉有無共之我  
聞二人同心其利斷金願各去私心勿負閒氣  
各有父子兄弟夫妻各安本分生活吾之心事

告汝望汝大家聽信且轉以告吾鄉之附近居此者

十月移居夏峰

東風雪時聞疎籬蔽席撲窗無文榻每坐夜分竹戶絕

客至時常乏酒自奉安必有葦旁人竊笑而竊

憐病叟心安而意欣幸諸孺子長幼成羣誦詩

讀書膏續香焚長枕大被至性氤氳兄弟而兼

師友眠食起居隨意遠形而不覺其紛紜各為

忍勤於其母故念其父而彌殷此一榻也莫嗟

落莫莫厭荒涼不愧乎一室之中便可以策千

古之

勤

### 順天巡按御史陳渾水舉山林隱逸奉

#### 首着督撫按起送來京

陳名棐河南光州人復寓書今潁州劉公勇體仁商進止

先生復書辭云衰病腐儒謬辱大疏尚及奉古起送顧某何人遽此異數然承國士相遇不

敢不... 官... 於... 不... 老... 以... 報... 明... 公... 千... 載... 之... 知... 遇... 也... 正... 所... 年... 老... 賢... 書... 未... 嘗... 就... 一... 病... 也... 平... 生... 多... 病... 兼... 短... 一... 出... 勢... 必... 狼... 似... 面... 歸... 區... 區... 之... 請... 乎... 年... 逾... 七... 十... 終... 人... 之... 知... 遇... 也... 正... 所... 公... 千... 載... 之... 知... 遇... 也... 正... 所... 公... 千... 載... 之... 知... 遇... 也... 正... 所...

十年癸巳七十歲

春有十老社月一會於百泉

燕門社題辭衛水照

靈而聚。地以人聚。益靈。吾黨數人。地分四省。偶  
來借。則於此。遂爾托契。於心。或素嗜烟霞。而為  
冥不。下。或身經仕路。而鶴性難馴。或冷署優游。  
而默探。手學。古。或寒窻攻苦。而久澹手名心。均  
抱用。世之才。具有脫塵之想。一觴一味。聊遠此  
日之性。情。斯地。斯人。承作千秋之盛事。古人豈  
難並駕。我輩。猛自交。修。非敢素餐。用申盟。姪。○  
會約。回。則一定。交。一崇。儉。一受。善。一志。已。文。載。



中集

正月長曾孫用柔生

子淵長

三月保定太守胡蒼恒兩次催檄至具書辭

以按御

史陳薦奉旨起送故也

四月讀朱子晚年定論

先生手書曰晦翁六十歲後因目病靜坐痛悔向時

工夫止是講論文義於日用全次檢點深省痛懲此是晦翁天資醇篤真切用力自覺自証他人看不透信不及所謂中人以下不可語上以故於子靜陽明之說紛紛抵悟忘其為教忠之良友謬以為鑿敵之讐人聖道大公而學人自私以為為尊晦翁乃不尊其所悟者而偏尊其所悔者晦翁不有餘恫乎不能窺古人之藩籬徒為古人爭是非此是學人大病

問 亦 無 陸 子 靜 晦 翁 之 言 曰 建 安 亦 無 朱 元 晦 青  
 功 不 徇 清 面 子 靜 之 言 曰 建 安 亦 無 朱 元 晦 青  
 求 心 之 安 強 為 說 之 同 是 扶 同 也 先 儒 實 地 用  
 不 同 何 病 皆 足 入 道 使 當 日 弟 兄 友 朋 之 際 不  
 強 不 同 以 為 同 山 求 不 同 於 游 夏 游 夏 不 同 於  
 聖 人 出 焉 此 心 同 此 理 同 也 未 至 於 同 萬 不 可  
 余 詩 道 一 而 已 矣 不 同 宜 求 同 所 謂 南 北 海 有  
 師 偶 觸 其 遺 事 悵 然 恨 昔 日 之 未 獲 一 見 也 因  
 追 憶 之 以 志 企 慕 德 昔 神 廟 間 海 內 推 三 老  
 都 門 設 講 堂 福 清 為 王 道 時 彥 蔚 如 雲 日 夕 資  
 探 討 我 時 游 京 師 攝 衣 欲 往 造 友 人 偶 有 見 尋  
 師 當 自 考 未 幾 三 老 去 我 亦 竟 潦 倒 今 逾 三 十

家下

五

年。海內無不。好。後輩律前輩。方悔見未登。初疑  
賢才生。天地實浩浩。會與山陽。接踵入懷抱。  
誰知竟不然。真人非易保。卓哉三君子。立身如  
日杲。言為世羽儀。披對塵心掃。古人異代交。猶  
思薦蘋藻。我雖觀  
面違。私淑豈草草。

### 十月讀羅念菴集

手書云。念菴。陽明之功臣。龍谿  
之益友也。陽明良知之說。本之

孟子。不慮而知。龍谿遂以為一念靈明。便是致知。無內外  
無寂感。吾人不昧此一念靈明。便是致知。或  
良知不足。以盡天下之變。必加見聞知識。補益  
而助發之。便是俗學。此以一念之明為極。則一  
覺之頃。為實際也。念菴曰。不然。陽明常以入非  
怵惕。孩提愛敬。平旦好惡。三言為証。蓋以一端  
之發見。未能即復其本體。故言怵惕矣。必以擴  
充繼之。言好惡矣。必以長養繼之。言愛敬矣。必  
以達之。天下繼之。孟子之意。可見。陽明得其意  
者也。故亦不以良知為足。而以致知為功。念菴

集中多以此立論故曰陽明之功曰龍谿之益友也

六孫溥生奏雅長子

十一年甲午七十一歲

二月赴磁州張湛虛之約張名鏡心潛心易學者有年期為洛社之會先生過之留月餘張公有子十年不得見父矣其

生過之留月餘張公有子十年不得見父矣其亦失歡於其父損不得見者三年先生為之

翻劑俱父子如初

南和自兩三謂先生曰學問從源頭上理會併理字也無先生曰人生而靜以上雖不容說然理却是天之所與至其下手工夫須隨時隨事體認天理

四月過東昌訪張蓬立

張名鳳翔萬曆間與涇陽景逸少墟南卓諸公講習

類久歸田後數走字期過百泉先生至磁因携  
 理學宗傳就正焉張諱諱於姚江無善無惡心  
 之體一語不能無氣先生曰古人立言意各有  
 在一人之言也而前後不同孔子與及門論仁  
 論孝論行豈能一一同乎夷尹惠皆聖微箕比  
 干皆仁有程朱不可無陸王遵程朱者是欲因  
 程朱以見尼山遵陸王者是欲因陸王以見尼  
 山四子俱非盡境也視聽言動無非禮于臣弟  
 友能盡分此聖學實境界蓬玄深然之復  
 出所著書八種令先生為之箋訂而別

七月歸過湯陰南城均避貴客為砲所震耳遂龔

先生此行有遊譜張蓬玄序云昔陳太丘詣荀  
 圃陵貧儉無僕役乃使元方將車季方持杖於  
 時太史奏稱真人東行天人相感自古志之矣  
 容城燕啟泰先生前朝公車不赴清朝徵辟  
 不起蓋龍德而隱者也甲午夏四月自蘇門訪  
 余于東門人馬構斯季子孫君孚扶侍以行所

遇與人臣言忠與入子言孝與人弟言悌望老  
 以為高潔不可及而即之甚恭而溫油油然有  
 萬物一體滿街聖人之意先生之學學於天怡  
 然與造物同遊故遠邇爭迎致之非人之所能  
 為也遊譜有言春秋以天自處二百四十年此  
 天二千四百年此天二萬四千年此天此是福  
 述憲章上律下襲統體本領故高尚有其事事  
 天其事也以其時若上九事在峻極之天故志  
 尚甚高非以高尚為事也先生體認天理處處  
 見之畫為宵得到則隨筆疾書問形歌咏自家居  
 以至之畫為宵得到則隨筆疾書問形歌咏自家居  
 一晝一夜行九十餘萬里而天柱常止其所而  
 不動人知先生之行不知先生之止也易曰艮  
 其背不獲其身行其庭不見其人周天自行太  
 極自止動中有靜未可岐視諸中國嘗言  
 之太邱風誼似先生而學問遜先生遠矣  
 是年太康耿太焯耀耿亦夔  
 帝德肥鄉李元善貞吉從學

七孫沐生

尚雅長子

十二年乙未七十二歲

春集晦菴文鈔

先生題云宗傳舊選朱子止取晚

然相得安得許多同異余惟道問學與尊德性  
 原是一樁事正不妨並存見聖道之大各人入  
 門不同又如格物與陽明不同俱當互見以示  
 天下後世因簡朱陸始焉不合繼焉漸合終焉  
 相合之語俱列於册見友朋之益相得之難如  
 此後之學者不知陸並不知朱必以為到底不  
 合至學晚年定論之語亦不之信見有人尊信  
 陸子者則極力指斥之見有人指摘陸子者則  
 極力推獎之此與朱陸何涉適足以明已之拘  
 而不大千古學術豈一己之意見遂為定評哉  
 王子格物之說月險犯難歷盡諸攻始得休息  
 然亦與朱王何涉究竟建安亦無朱元嘯青四

亦無陸子奇賦江亦無王作安。問陽翁陽明  
之學先生曰門宗分裂使人知反而求之事物  
之際晦翁之功也然晦翁歿而天下之實病不  
可不洩詞章繁興使人知反而求之心性之中  
陽明之功也然陽明歿而  
而天下之虛病不可不補

十二月王天錫重刻鹿伯順四書說約於楚索序

先生序器云鹿子說約久已梓行其旨蓋取子  
與氏博學詳說將以反約之意夫博與約非二  
也博原自約出非約不能博約原自博具非博  
不能約是義也孔子曰常言之類子亦身承之  
故魯子之修齊治平一本於誠意子思之中和  
位育一歸于慎獨迨至堯放勳舜重華禹平成  
博矣而一廷授受執中而已矣不獨帝王四時  
行百物生博莫博於天矣而維天之命於穆不  
已萬古此行生也萬古此於穆也一越其宗即  
為畔道即諸儒繼起各以所見為發明如周之



無欲程之至敬朱之窮理陸之本心王之良知  
 皆從浩博中體認精微所謂殊途而同歸百慮  
 而一致正此說約之旨耳今天錫復刻此編於  
 楚意謂伯順之說得之陽明最深而說最相合  
 符余謂由陽明而于靜而周程張朱豈有不符  
 者哉由周程張朱而顏魯思孟以溯之孔子豈  
 有不符者哉由孔子而建天地質鬼神考三王  
 俟後聖亦豈有不符者哉總之本諸身者是則  
 言無不合言合而本諸身者非即合亦離也切  
 願學者因伯順之說而觀伯順之行余自丁酉  
 交伯順至丙子殉義之年蓋四十載深知其為  
 渾成處齊得喪一死生之人故其所說皆躬之  
 所行未可以語言文字觀也伯順生平極服膺  
 朱子晚年定論謂王子為朱子功臣又何有朱  
 陸之異而約  
 之不合一哉  
 先生語諸子曰自渾樸散而象數之繁異同之  
 見理氣之分種種互起爭長然皆不謬於聖人

十三年丙申七十三歲

九月題夏峰草堂曰無由堂

友人問卦之變也乾

所謂小德之川流也。有統宗會元之至人出焉。一以貫之所謂大德之敦化也。我輩亦能有此大見識。切不可專執一偏之見。正宜於古人議論不同處。着眼理會。如夷尹惠不同。發箕比干不同。朱陸不同。豈可相非。正借有此異以証其同。合知謙勇藝而文之。以體樂方見治鑄之手。

下皆

參下

七

而為乾六十四卦通相變。以至於無窮。其不變之義安在。先生曰。有立於卦之先者。太極是也。二氣五行相推相盪。天人理欲互消互長。而太盞終古自如。善變者陰變而為陽。化小人為君子。不善變者陽變而為陰。化君子為小人。長背無咎。無妄可貞。此易之所以教也。以無由名堂。意有取於斯。○三無道人。聯云。兩山相兼。土之藏水之潤。風之散日之暄。氣至化行。總是無聲。

無矣一背自止趾之動靡之隨身之  
安輔之序事因時起依然何慮何思

十月一日移先位於無山堂之西先生手書家系

離卽蕙萍心未定祭薦缺疎適卽次稍安移先

位於斯堂庶朝夕得依靈爽凡我于若孫入廟

思敬酌立儀注願身先之晨起櫛沐後入祠

三揖自入小學便不可廢朔望焚香拜元

旦味爽設祭四拜四仲月用分至日各設祭行

四拜禮令子孫供執事凡佳辰令節寒食寒

衣皆拜設時食忌辰設食拜子孫素食不宜

享客有事出門焚香拜歸亦如之吉慶事

卜期設祭兒女婚姻焚香以告生辰彌月設

食以獻新婦廟見設祭主婦率之行禮凡

祭婦人另行禮各如儀先生復手錄先儒時

祭祀先諸則揭之於壁與子孫反復發明至所

書儀注以身為教卽疾病未嘗少廢每遇雨先

人諱辰猶齋戒不與譏坐色恸淚零終身如一

口也

立雅欲歸故園破屋殘田思為料理先生曰我  
 正欲汝去料理跟尋祖宗舊業竭力修築耕耘  
 守而無失但恐汝力薄骨脆不能承任抑知昊  
 天上帝為生人一大主人翁乎日月星辰則主  
 伯亞旅也山河大地則田廬臺池也元會運世  
 乃所以承遠為業堯舜禹一中授受乃傳祖業  
 之人姬公仰而思之孔子終日不食則清理祖  
 業思為子孫萬世貽謀之計顏之克復魯之忠  
 恕思之戒懼孟之仁義皆謹守先業不至荒墜  
 周之太極程之定性又從荒墜中而得其不絕  
 之緒子而守而吾分內陽明六經皆冊籍皆祖  
 宗舊簡也而恍惚遇之其間身設築之勞躬耕  
 鑿之力者隨時隨地未嘗乏人然零星曲隅未  
 觀大全猶以溝澮而後言漢陽即堙而高談華  
 岱耳屋破矣田殘矣而廣居安宅萬古常新自  
 開闢來火不能焚水不能溺家家有此祖業家

三普

卷下

十

家不能料理一任頹敗荒蕪絕無有過而問焉  
者天無日不生人而不能得一承家立業之人  
天負人耶人負天耶汝  
能料理及此方是肖子

為槐慶堂歸櫬槐名公徵槐孺人從弟魏縣廣文  
率于任貧不能歸櫬先生糾同人

助之三喪  
皆得歸

是年武陟杭行  
麓世拯從學

十四年丁酉七十四歲

在夏峰

三月渡黃河

至杞至孟朝之家楊方伯聞  
之欲晤先生不入城而返

七月尚兒塗孫入輝邑序

先生在此入籍

八月鉅鹿楊猶龍過訪時殷伯巖申孚孟俱集

山堂

猶龍名思聖慕先生久在杞不得晤故來訪於夏峯時先生有畿輔中州人物考楊

雷心當世人物與之叅訂殊多伯巖名岳鷄澤人孚孟名涵光廣平人節愍公冢子俱問學於

先生

九月八孫浴生

尚雅次子

十一月九孫浴生

奏雅次子

十二月申州人物考成

自叙云余來中州九年矣中州之賢豪長者同時而

我不聞我之不能取善于鄉可知也過去而我  
不聞我之不能尚論于古又可知也語云蓋棺  
乃定姑無論同時則尚友古人可或靳歆殘年  
山居無所事事偶於素聞素見者得百餘人均

之為人物耳或以理學著或以經濟稱或殉難  
 一朝而以節義顯或抒忠有素而以直諫名或  
 居身不苟立朝有聞人亦不得以一節且之則  
 方正之謂也此五者途轍雖分而本源乃合第  
 就其時其地各成品格所詣君子亦仁而已  
 矣何必同或曰武與文則迥乎不同矣余謂不  
 然文以經邦武以戡亂益贊堯德曰乃武乃文  
 智信仁勇嚴寧直將道亦相道也亦君道也若  
 隱逸則不以文武著稱抱道于身未用于世  
 有不可必之行而我無不可必之藏所謂隱顯  
 一致耳故叙列入  
 科而以隱逸終焉  
 是年新安楊乾行行德新鄉郭駢臣迓熙郭駿  
 臣遇熙大興李奕倩滋大梁黃載公載從學

十五年戊戌七十五歲

在夏峯

先生題壁云人生最繫念者過去最冀望者未  
來最悠悠者見在大過去已成逝水無容繫也  
未來茫如捕風無可冀也獨此見在之頃或窮  
或通時行時止自有當然之道應盡之心乃悠  
悠忽忽姑待之異日談責於他人  
歲月虛擲壯懷空老良可浩嘆

### 二月畿輔人物考成

其規模次第一準中州考之例

### 三月葬張于度於夏峯北原爲作傳

先生諫以文畧曰于度爲

伯順高弟從余入山入水五十年未嘗或離左魏之難履虎尾涉春冰烈士之名滿天下卒歸老于蕪門高蹈遠隱志士不忘在溝壑其庶幾乎

### 七月輯兩大家錄

先生自序畧曰兩家錄者一錄從來創業之君若臣一錄從來

中興之君若臣蓋千古之英雄豪傑經世宰物莫有外焉者故錄之也或曰主聖臣忠不必盡



在創業與中興何獨缺此曰此原不可與守成  
 者同日論也不皆尺土不籍一民赤手而混一  
 海內此誠難矣噓既盡之灰尋已墜之緒疎逃  
 而恢大業亦豈易言然中興者又視創業之規  
 模小大元氣厚薄以為後起者之綿促漢高以  
 匹夫而有天下東漢節義之盛超軼前代昭烈  
 猶能以偏安一隅繫漢九鼎此古事之可見者  
 蓋天原不輕生一大有為之人運幾屯蒙晦塞  
 戕夷殺戮之慘始生一人焉以底定之而一時  
 之雲龍風虎共濟時艱者無一非承帝心之簡  
 在而此一人之與象人猶不知賣幾許心力歷  
 幾多死生而始成此永清之烈以仰答天心亦  
 艱矣哉思其親以圖其易民乃寧若以易心承  
 之鮮有不顛隳者人徒見功之難成若謂天之  
 不欲平治天下且疑天之私暱奸雄豈知陰陽  
 消長氣機咸各有數存焉即天且不能違而况  
 于人乎兩察之人下能盡舉其著者亦有我  
 見為著而人見為平人見為平而我見為著者

各從所見而已矣

### 九月題俄夫墓

俄夫姓彭名之燦字了凡隸縣諸生甲申後棄諸生來遊河朔侯先

生以居紳士為授粟夷然不屑有延之訓子者不往竟坐死于甯臺之傍先生義之題曰俄夫墓有文有詩紀之

冬王申之率同人魏蓮陸等葺余西山舊廬為雙

### 峯書院

易州縣崇信書院石以記之餘作與同人講習其中

是年陽武王君在際三原武張天章縻然新鄉郭熙侯治化從學

十六年己亥七十六歲

### 在夏峰

示諸子曰劉子東廓嘗語同志曰除却自欺便無病除却慎獨便無孽此語原自道

得盡千聖萬賢真切做工夫只要慎獨慎獨者  
 正慎其毋自欺者也古來自欺者莫過鄉愿故  
 聖門病斥之象者悅之欺人也自以為為是欺已  
 也敬愈工而新吾真也益其自非獨勤勵証戒  
 懼提醒終無自憚之路爾輩誘染未深天機用  
 專宜早致密于欺憚之介尚其勉之夙夜勿忘

三月四書近指成

先生自序曰或問學何為也哉  
 曰學為聖人而已曰聖人可學

而能乎曰可孟子曰乃所願則學孔子也曰仲  
 尼日月也猶天之不可階而非也鳥能學曰日  
 在天之上心在人之中天與日月不可學亦學  
 吾之心而已心以天地萬物為一體其操功却  
 在日月飲食之間故曰不離日用常行內直造  
 先天未盡前盡心知性以知天而聖人之能事  
 畢矣元公曰聖希天則道曰聖學本天孔子亦  
 曰知我者其天之外復何事哉夫子假年學  
 易而以不息法天行在春秋以天自處即魯論  
 二十篇大之言仁言德細之日用飲食名色雖

殊要之文章皆性道維天之命於穆不已聖人  
 以至誠配天則一不已誠者天之道誠之者人  
 之道時習之學始所稱盡人以合天則人也而  
 實天者乎魯論所載無言不可會通然其教之  
 所重而本之所蘊則時習一語足盡諸賢之蘊  
 教曾子得之而明德至善子思得之而修道而  
 教孟子得之而集義養氣以塞天地皆所謂一  
 以貫萬者耳不能得其一者讀書破萬卷究于  
 自己身心毫無干涉窮年矻矻終老無聞余嘗  
 與及門二三子括學而時習一語六經四書不  
 能滿其分量千聖萬賢不能出其範圍即如清  
 任和至不一也而所以一之者曰皆古聖人也  
 繳箕比干至不一也而所以一之者曰殷有三  
 仁焉或分派別之中自有統宗會元之地若其  
 必不一者一考定其詞與我異者非本天之學  
 也夫予嘗曰不知言無以知人孟子亦曰我知  
 言魯論二十篇無一言不傳聖人之精神色笑  
 而出二十餘年學聖人之學者蓋聖人之天而

忘其高履聖人之地而忘其厚此仲尼之天  
 地所以為大也劉靜修著有日書精要惜久失  
 傳其忠節說約一編刻畫生動余竊矣偶讀論  
 語復識數言乎其首標曰進指以告吾黨士之

共讀論語者亦以示不  
 可求之于遠且難之意

寄西華左令貴治自逆闖肆虐有蹈東海而不  
 為之臣且耻與之同姓理寒石皂和者世所稱

魯仲連後一人也僕素未識其人其風尚可廉  
 頑立懦聞其家有老母僅一妾與兩幼孫侍晨

夕有子為高節不能庇其母此固仁人君子所  
 矧然而深念也僕訪其詩文零落尤甚惜之足

下維持風教使寒石之精神常在  
 地間而表章之功亦與之俱永矣

雲南盧頌蓼貧老不能歸里余言之僑寓諸紳修

養老之禮

盧曾為衛廣文年九十餘無妻子先  
 生倡養老之舉時王蓼航為其棺郭

公望每歲  
為授衣

諸子立會孟城月兩會文每會問先儒學術異同

或禮制祠祀錢穀之事使自為條議以質之

是年易州田治廷趙安肅趙炎杞縣劉葛石  
始嘗從學始葛為文烈公冢孫以文烈公集乞  
序武城王國鼎舊師事啟  
美今為後丞復從先生學

十七年庚子七十七歲

在夏峯

友人問執中之傳肇自虞廷子思子又加  
一庸字豈以中之意有未盡乎曰中玄虛

茫無把握庸平常確有持循堯舜以來相傳之  
意傳者中而意即庸也非有二也故德曰庸德  
言曰庸言只此一庸而聰明識解之士多消熬  
不過不跳于異端則廢于半途故曰中庸其至

矣乎民鮮能久矣庸莫庸于子臣弟友而盡分  
 難庸莫庸于喜怒哀樂而中節難識庸則識中  
 矣又曰日用飲食之間可以証聖世人莫之  
 信也夫聖也而能離此口用飲食乎哉行庸德  
 謹庸言不以飢渴之害為心害聖人之能事畢  
 矣子曰吾無行不與二三子正言此日月飲食  
 也能于此日用飲食而無慙便可以候千百世  
 聖人而不惑豈可以其日用飲食也而忽諸

### 二月次曾孫用霖生

子淵次

### 三月考蘇門遺事

先生自序畧口事何云遺也萬曆庚辰以前輝有志百泉有志

事何以遺庚辰以來將歷三世道之升降政之  
 因革與人才之消長孰為綱之紀之經之綸之  
 而使之不遺乎幸西孝蘇王遵道嘗搜邑之大  
 利病彙成帙以告邑令陳必謙與其見諸行事  
 為永賴之圖願莫之遂惜身殞沒而子孫零落  
 其所言何事竟不可考浸尋至今日輝人輝事

無復有過而問焉者矣余雖衰病間有觸于見  
聞者有往蹟則有記無蹟而文獻可徵者則有  
考至勢不可支時不可失則有議記與考之類  
風教攸關而議則民命所繫語雖不文意不敢  
苟問有二三代子成之者二三代子之意一予  
之意也八十年來咏歌蘇山蘇水者碑碣爛焉  
然有德之言與有言之言亦  
自有辨其去取當與衆共之

九月十孫漢生

博雅長子

十月書孝友堂家規

先生謂諸子曰邇來士大夫

鮮克由禮不旋踵而壞名實已等身喪家不知  
家規常先以身作範祖父不能對子孫子孫不  
能對祖父皆其多慙德者也一家之中老老  
幼幼夫夫婦婦各無慙德此是義皇世界孝友  
爲政政孰有大焉者乎舜值父母兄弟之變湯  
武值君臣之變周公值兄弟之變雖各無慙德



然飲泣自傷烏能愉快于無言之地吾家先妣  
 以慈孝遺後人子孫世守勿替是在爾曹勉之  
 友人同陽明教旨先生曰人有情有情有才常  
 渾然未發時無才之可見併無情之可言祇有  
 一至善而已故曰無善無惡心之體其發也則  
 情生焉雖未見才而有善有惡便非渾然之體  
 故曰有善有惡意之動既動矣而善中有惡惡  
 中有善善之情無盡惡之情亦無盡必須吾炯  
 然不昧之良以辨晰之故曰知善知惡是良知  
 既知善必為善既知惡必去惡善惡情之發露  
 而為善去惡則才之効靈也故曰為善去惡是  
 格物物格正已而物正者是學問之終事格  
 至事物而窮其理  
 是學問之始事

是年濠州趙寬夫御衆盧龍韓子新鼎業王伯  
 生頃密縣錢升堵佳選光州陳向敏宿州王奇  
 年永康安州  
 陳泚從學

十八年辛丑七十八歲

在夏峯

先生謂一熬廼私曰子夏子張同是聖門高弟一言可與不可拒一言尊嘉矜容蓋

二賢各得聖人之一體一是學母友不如已者一是學汎愛眾而親仁各成其是非有二也

元日輯聖學錄成

道統也三代以後有治統而無道統道統於是乎歸之儒韓子愈原道曰堯以

是傳之舜舜以是傳之禹禹以是傳之湯文周孔子傳之孟軻軻之死不得其傳周程張朱乃所以傳孔孟者也述及于明薛子瑄陳子憲章王子守仁其最著已如劬守益羅洪先顧憲成馮從吾皆醇儒迺其源淵蓋緣二祖列宗心學之密直接一中之傳真以身行道于天下者也世遠言湮懼其久而或墜凡關于道統者輒為一帙名為聖學錄使列聖之精神炳如日星後之學者知諸儒之興起由作君作師者之鈞

陶其所繫豈淺鮮哉尼山之纂修憲章為大程朱之傳註表彰為先某衰年寡識敢日表章前聖然頽天之靈苟安印齋一日不死一日不敢謂無事自辛丑元日焚香手錄共得若干首未附臆測以俟後之君子考裏焉

二月戴嚴萃寓書問學

嚴萃名明說滄州人先生答書畧云來書以閑邪存

誠相質畧盡其愚夫誠合下渾然不存自存天之事也閑邪存誠以人復天誠之者事大易閑邪以存誠即所謂去人欲而存天理也人欲去一分天理自復一分人欲盡去天理全復矣得力處自在閑邪孔子之改過健義顏子之不貳不遷魯子之或拱求嫌子思之不疚無惡孟子之集義博心總之一閑邪而已其着落在庸德庸言其功夫在學問思辨德成之後博而化善世而不伐未成之先不知幾多困勉由愧悔而憤發鼓風雷之益見天地之心立地便能超凡

人聖堯舜湯文孔彥思孟遠周程諸大儒總是一箇功夫天地古今一誠流貫原無封畛無悖違只有一邪以障之舉是成迷骨肉相殘矣閑之熟外邪自不能攻內邪自不得起成性存存仍噓天地古今于太和一氣之中所謂反身而誠樂莫大焉

三月約遊嵩山至孟縣而返韓鼎業來迎先生為嵩洛之遊于三月朔

出門子望雅博雅孫涂從山新鄉會于郭公望家至獲嘉拜賀景瞻先生祠搜其遺集數種過覃懷諸友爭延留皆令其子若孫追隨有以襪祿至者曰異日成人曾于兒時見孫先生也孟縣有隱士喬騰鳳先生過訪其家薛行塢畱下榻于翕園復約同遊嗣以事阻不及往唯遣兩子以謝侯于嵩者有望嵩詩云嵩嶽依稀百里間幾年臨路嘆艱關不才自顧非聞道坐廢中途只等閑有嵩遊日紀

四月督河督水田華石檄郡縣諸生會於百泉書

院就余講學余辭之

田名木沛

五月寧國吳生訪余夏峯集諸友於孟城為講習

之會

每月以十六日為期同人遠邇畢至先生

有意見者也不知意見二字最害事勝氣凌物

是已非人學者第一要治此病不能破除畢竟

是一白賢自知之人而已矣安望其入德而聞

道哉舜之舍己克此意見也孔之毋意毋此意

見也顏之克己克此意見也意見各不同雖有

淺深理欲總之執而不化果能破除心虛無物

物來自能順應我輩吃緊功夫全在于此仰由

喜聞過令名無窮焉爾等默默自省勿欺勿諱

時時刻刻全力破除此件此是真實

為已學問外不必多講以恣口說

七月三曾孫用桓生

十月成述祖德詩詩云維我始祖肇自興州文皇

首印代乏間人桑土綢繆遷居北城魯祖鹿麻

邁跡我祖始著箕裘締造維艱敢忘前修於

維我祖人號佛兒淳表實行而背無坡年近知

命始薦棘樹十年作吏冰雪自持宦雖不達人

信無欺子孫曾玄繁衍維祺祖德惟馨令譽永

垂○於維我考是謂克家兄弟異乳門內多謙

考心月傷動忍孀加前承後敬矢志何涯色養

北堂獨力孔嘉家士悲歌野老桑麻彥方君實

携手同車○於維季父誦訥古人不達世務不

入俗塵寧固寧儉獨守其真與物無競返朴道

淳下董生緯守原憲貧我從問業不墮迷津司

鐸和下教釋猶新○惟我伯兄賦性磊落人所

牽纏片言傾畧雖值家乏意忘寂寞杯酒浩歌

情有餘綽保安鄉曲輯強扶弱居荆軻里奉劉

三五

卷一

七

現約兄也實師父命從學○遊我仲兄賦性  
易履道坦坦蕭條高寄義激于中瑤禍不避  
使之馴貴不敢媚得飲酒情晰涉世義長而  
迷老學更遠庶幾有聞以醒為醉○祖為廉吏  
弟能繼之考有憲德弟能宣之為人為子庶其  
無虧朋友切切兄弟怡怡武學七載不怕鬼神  
武城年餘不慮人嗤  
無百畝田有萬首詩  
是年河內郭世昌顧琮沈大中  
盧龍張嵩嵩延津李鼎新從學

十一月十一孫湛生

尚雅三子

康熙元年壬寅七十九歲

在夏峯

正月書經近指成

先生自序畧云蔡子九峯之言  
曰二帝三王之治本於道二帝

三王之道本于心得其心則道與治固到得而  
言矣然心何以得也靜言思之曰惟敬夫敬  
德之聚也惟敬始能凝聚此理計心而無所放  
逸倘或不敬則心君縱恣而天德亡百體懈弛  
而物則廢將于何處求道法更于何處覓治法  
乎堯舜禹以精一執中相授受非敬而何以精  
何以一精虔便是敬敬之不息而無所以雜之  
者卽爲一一則中矣商湯周武之建中建極舍  
敬而中于何建極於何建哉不獨湯武臯夔伊  
傳周召諸大臣明良合德臣主同心其所合所  
同者無一不本于敬以敬德而航天命顧民若  
慎五刑肅六師時至事起殊途同歸則二典者  
固三謨諸訓誥誓命之崑崙也自五十八篇推  
而至于六經之旨亦無一不本于此夫九不本  
于此者皆旁門異說非二帝三王治天下之大  
道孔子與子路論君子曰修己以敬修己以安  
人修己以安百姓至安百姓而堯舜猶病敬之  
分量安得有窮時敬之功能安得有息時堯之



欽若昊天天之健堯之欽也舜自夔夔齋慄著  
賔允若以至玄德升聞毛髮骨節總一敬之所  
傳見一息不敬則無所以主此身者與天地萬  
物有何關涉堯舜湯文聞而知之聞此敬耳禹  
皋伊呂見而知之見此敬耳

四月四會孫用楨生子

涂長子

五月鹿忠節孫從心客死武安山中迎其孤寡來

夏峰

韓鼎業資其來郭公望為之

王之敬再來夏峯先生手示云其理在日用動

靜上見非謂日用動靜即天理也此處必須實

實發明方有功夫明道天理二字是自然體出

出來不能自己體貼終與我無干又云道在日

用飲食謂日用飲食之合乎天則者是道非日

用飲食即道也合乎天則是動容周旋中禮處

山尹皆山道也飲食皆至

味也明道正于此體貼

是年汝縣任舍真光

### 二年癸卯八十歲

### 在夏峯

秉燭吟云客裏逢人日草堂一題詩題詩

識夙昔非以旌交辭五十謝公車入句坐

書帷白頭竟如斯辜負垂髫時因思衛武公老

年何所窺獨此嗜學心相見有循持人莫不攸

食其味鮮能知人莫不由豆由道者其誰咎則

一切合離則一切離非可片昧承冒認祇自欺

乾坤原易簡陰陽白鶴奇時物任行生俯仰夫

何疑古來賢達人別是一鬚眉秉燭光幾何勉

勉有前師

識吾說示諸子吾與吾周旋久初不識吾也乃

今恍惚識之猶未能遽認也謂人不識人人易

信謂吾不識吾吾亦難信初不知吾實不識吾也吾有身天人參焉者也仰焉而無愧于天者何在俯焉而無忤于人者何在不能令此身之不愧不忤也而謂識吾乎吾有身志氣合焉者也帥焉而無惡于志者何在充焉而無餒于氣者何在不能令此身之無惡無餒也而謂識吾乎子曰吾十有五而志於學此幼而識吾者也顏子曰既竭吾才如有所立卓爾曾子曰吾日三省吾身此受夫子不倦之誨而始識吾者也吾敢言識吾乎哉靜言思之吾不識吾夫負吾耶吾負吾耶仍乞靈于夫子從吾所好此識吾之路也不識吾惡能從吾能從吾不患不識吾矣諸子各有吾吾各有好亦第各從所好焉爾

八月河南提學使孔公刻余四書近指於大梁

亂  
繼

先生謂御衆諾子曰素貧賤行乎貧賤此是我  
 輩今日第一緊要語聖人不去非道之貧賤况  
 今日乃道中之貧賤乎弟貧賤實有不堪之憂  
 苦心志勞筋骨餓體膚與不必言至拂亂所為  
 英雄豪傑幾不能自主此而不移也誠難矣然  
 動心忍性增益不能者却在此時孔子曰志士  
 不忘在溝壑孟子曰貧賤不  
 能移此是聖賢豪傑的原本  
 學問不長進多因己不肯舍人不能容不肯舍  
 己便自護己已一護內實多欲何以容人不能  
 容人便自責人人一責載身不怨其誰與我積  
 漸而往文過飾非皆自護己一念生嫉賢忌能  
 皆自責人一念生舍己之盡者為至聖克己之  
 當舍者為大賢不能舍則自用而已矣妄人而  
 已矣實能容之為樂育勉而容之為舍忍不能  
 容則福喪而已矣冥行而已矣諸君今日既有  
 志向學靜言思之果無勝心不果為人畜餘地  
 否不能也不能而日思所以能之如疾痛之在

自容此共學第一吃緊事勿徒作口頭語也

太原傅青主山遇夏峯為其母貞老君求誌墓先生重其人隨手書與之

是年輝縣劉震之鴻聲大典列其可傳涿州張叔大典泰淮安吳嵩三朋從學

三年甲辰八十一歲

二月聞濟上事余具呈當事北行

順治九年曾奉旨詳察確訪明

未死難之人在廷諸臣各舉所知先生故有甲申大難錄一編濟寧州牧李為授梓至是嚴野史之禁有老蠹見編內有野史氏字以為此奇貨可居遂首大部李被逮此信初傳聞者皆為變色先生正在水部座上聞之飲食談笑自若曰天下事只論有愧無愧不論有禍無禍八十一歲老人得此已足矣遂投呈當事自請赴部遠滄州陳子石奉勅來問學辨晰義猶手為

批答同人皆詫其違奉勅自學術所關甚大余固知先生不以此介念也迄登車尚問難承已三月至中途聞簡原書特為表忠毫無觸忌釋濟

守歸余遂返

先生初北上時李茲同仙仲孫洽孫永慶先在守順德道

中遇劉鴻聲自北歸傳濟寧守將復任奏雅遂迎先生從大寧舖旋車

先生途中語諸子曰憂患恐懼最怕有所一有所則我心無主古來忠臣義士孝子悌弟只是

能自作主張無事不宜生事有事不宜避事學者正在此着力

至衛源遇曹子顧學士曰張子度在乙丙間同

先生周旋左右者時于度之叔子

姓從先生左右者時于度之叔子

度之子皆從行子顧為之稱快答同人慰問云當此之時誰敢自謂無過所恃者此心無疚禍患死生聽之而已借鬼神之祐

同人之處幸不罹于法網實出望外從此當閉  
戶修省以答神人之休默之一字原聖人微妙  
處其默是容此是何等功力何等  
境地頓與諸同人精思而實體之

輝令知子歸復聞之督撫諸公豫督劉疑之余復

北上 大難錄進呈已經辭謝並無他故吏兵刑  
三部俱已覆奏得旨豫督劉堅促赴部

先生曰此鬼神令我展先人墓也復驅車就道

四月初自衛源北發范陽耿子亮振承來執贄

值先生已出門追至  
宜溝遂于車中問業

五月抵里門展墓因念戚友門人奔走道途有古

人急難之義余以鷺贖支離飲食講習若無與

於已者殊有愧于同人也兩番從余者甚多而

始終周旋則高薦馨魏蓮陸李勣番馬構斯子

孫則博雅韻雅暨淦

廿八日至保定魏一鰲高矯率同人迎于大鷄店先

生長女在郡賈焯然其外孫也留郡城者四日朔三日抵北城舊廬展祠墓畢稍憇即北發

次涿州聞大司寇高公似斗已致書劉督事遂寢

因旋車歸北城

奇高似斗詩廿年踪跡隔龍門竟夢依然雙柳軒顧我躊躇蘭

譜燦得公推解雪堂温祥荆棘靜陽春滿拯難風高古道存聞說有堂開綠野遙瞻紫氣映山村

里門無事戚友日相過從余衰病不能續舊遊自

定興涿州歸僅兩至新安



# 六月為韻雅立嗣命名浩

寄魏石生家宰書云嘗讀古人薄感恩而重知已之言以其知己之難也至于感恩亦有未可易言者其坐享曲徒之福與身膺焦爛之禍雖其中有幸有不幸而謂能忘情焉必非人也司馬子長以絕代之才常嘆交遊莫救視左右親近不為一言遂至虜體辱親抱千古之恨如祁奚往見于范宣偉節陳說于竇霍其間有關一人之身有關黨人之禍拯溺救焚之心亦云苦矣而叔向未有感恩之辭孟博竟無報德之語豈古人心之所寓非近今所能窺耶某之不類不足方古人萬一且素未侍左右通殷勤於大君子之前也而先生出其詞荆撲烈焰于未燃障筋流于未潰始終愛護較之奚與處而泯其聲色較之向與滂而全其身名此段至德求之史冊中亦且難其人感恩知己兩念並切某亦且忘于無言矣

七月望日修祀事

合宗族老幼八十餘人祠祭畢各詣墓薦麻穀祭畢祠中享昨

昭穆坐修

敦睦之義

十二月里門族黨觴余北地戚友門人畢至

十四日先

生誕辰也

先生里門諸友質問各標見解先生曰我輩論前人要虛心平氣毫不得以愛憎參之大九前入建一事立一言不知費多少苦心而事始成言始立我輩即有一得之見欲効忠告于前人此中正不得太認真過負氣徒快一時之口談也學問之道表暴處多則闢修處少與人言須看其能承受與否不得強聒以失言此熱心人之病余耄矣尚不能除偶有所觸拈以志警是年容城孫鼎甫立勲李吉占瑞徵李公築昌宗李胤生發長易州崔魯望若秦田界延迺理

清苑劉公理統滿州高蓋臣侃新安管公式有  
 度揚亨子爾嘉揚洪子爾激管振聲嗣音周御  
 五維翰陳憲五大  
 廷柱孟南郊從學

四年乙巳八十二歲

在里門

先生語同人曰陷于習俗溺于聞見俛俛  
 然自以為是矣然要領未挈如舟無舵安

能涉風濤之險而免傾覆之患乎大聖大賢固  
 各有要領如明道以體認天理為要領陽明以  
 致良知為要領良知即天理致即體認功夫總  
 是實有諸己之謂不滯見聞而見聞莫非天理  
 良知之用不離習俗而習俗總歸天理良知之  
 真入水不溺入火不焚纔是無入而不自得之  
 了君

新城王濟美方毅容  
 城劉重華鼎新從學

正月尚雅自夏峯至致蘇門諸友屬望之意在里

門者為余築舊廬相留

容城諸友聞先生有返

別屬邑學博柴君拱醜金置產留之先生辭以  
書云僕聞之隱不違親貞不絕俗十五年輕去  
其鄉展墓疎違真有愧于古人雖當出門祭告  
別有祗承先人之意然以情理論之在家較在  
外其義自長諸親知之惓惓相留者其成我也  
至矣僕即不佞寧忘斯雅已與同人從長計筭  
暫作南北之遊徐圖終老之計兩地之骨肉兩  
地之聲氣庶不至睽隔耳忽聞台下出單醜分  
以謀恒產此舉則萬萬不可乙丙後大家皆貧  
無有餘何以補不足且僕自束髮時聞先人訓  
誠承良友提携辭受取予頗不敢苟義利之辨  
聞之已熟望急收前單君子愛人以德雅原鑒  
區區之誠也幸甚

二月過滄州戴嚴犖具輿馬令季子王綏及其友

陳遇堯來迎下榻於定園浹旬復歸北城韻雅

從

先生初意由滄州抵蘇門族黨各含悽

滄州從學者戴嚴犖明說率其子王綏王  
黎孫晏暨陳遇堯趨時秦孫揚陸劉重慶

### 三月自里門南發

先生十六日出門杜君異集諸友李昌宗家各  
以所見和質先生隨人指引夜分忘倦先生曰  
余八十二歲人念同人依戀之意約一歲一度  
北來竊不欲以衰老自阻諸友應念病叟求益  
之懷能自勵于別後庶不至聞然于道岐也  
詩云耄年仍去國臨路意何窮大道無南北  
徒渾異同酒斟燕市月帆挂海  
河風非作隨陽者年年伴塞鴻

四月至成安畱王玉乘家

畱成安月餘諸友興起者甚衆從學者卽郭徐  
夢松成安趙應文暨子廷燦聞廷儒弟廷秀唐  
文龍王特簡

五月再抵夏峯

諸友聞先生至日來省視先生曰學人要日日  
有讀焉求進之意方免于墮落一有悠忽便成  
苟安雖于日用飲食之間倫常事物之際未見  
有缺德敗行之處然不見其進便是退此夫子  
所以發憤忘食學如不及日日憂德不修義不  
徙而不善不能改也我輩可苟安而不思此一  
憤手願我同人共勗之

六月十二孫濂生

尚雅四子

# 十一月張仲誠以書論學

答書畧云手教謂學以

已者此言能挾其要與涵意正和脗合于天有難  
 賢總不外是豈獨四子即六經之義焉能出其  
 範圍諸儒或小德之川流或大德之敦化亦豈  
 能外于此哉僕謂陽明接聞知之統為後學闢  
 一生而大破帖括口耳之習學者果能見其確  
 然不可擬議當下承當則自致其良知即自信  
 其本心庶天之所與我者不至因循半途廢棄  
 一簣操之在我窮達何分時為平仲晉卿則即  
 為平仲晉卿之事時為靜修則即為靜修之事  
 時之所遇者在天而我之所學者本天而不違  
 乎時此處師友之夾助自不可少空谷窮山何  
 幸來有道之彌勉僕策燈燭末光嘗以不學便  
 老而衰自奮便鴻聖有以教我○又答書云  
 手教疊疊千百言不傍人口吻至知行合一之  
 說高明重行字此尤對學者口耳涉獵之病矣  
 昔與張東昌屢辨之伊時亦持台意東昌云

言之大方謂知行並進庶不餒于一偏卽如時  
習當屬之行而知固在其中到悅時則無知行  
之可分矣不行固算不得知不知將貿貿然行  
之乎如達和畿者須先計其路向酌其資費勿  
畏難自阻必期至于和畿而後已去之時到  
之之後將屬之知乎將屬之行乎此陽明子所  
以有知行合一之言也陽明子接聞知之統僕  
私心自信不敢求他人共信之不意鹿江村之  
後再得同心至判朱王爲二不欲持兩可之說  
足見自信其心僕昔與吾友持之甚力迄讀晚  
年定論暨其全書而後知晦翁之學非後學可  
輕議涇陽顧子論之頗得其當耳○神誠名沐  
上蔡人令內黃復  
遣二子爛端來費  
是年新鄉尚威如重聊陵梁以道延  
援馬千秋王餘厚延津中宣國從學

五年丙午八十三歲



在夏峯

有自學無究竟功無定程身與境會其性自靈非行仁義仁義無形履道常坦靜坐

獨醒焉飛魚

躍水落山青

二月過內黃先是邑令張仲誠因余有北歸之約

遂迎至內黃迄至而肢體困憊復歸夏峯往返

計月餘王堦耿極暨韻雅從

仲誠與紳士講學於明倫堂請先生登講先生辭不在仲誠復率僚屬紳士就于行館先生曰昔朱子講于白鹿洞象山遠至發明義利之辨至今服膺其說今日使君不為紫陽其亦不為象山因舉夫子學而時習一語反覆諄切言之謂子臣弟友之道俱在現前不可須臾離吾人無時不在道中則無時不當在習中一語論語句皆時習之功其為人也孝弟便是在孝弟

三時習不可巧言令色便是在言色上時習三省吾身便是在為人交友師傅上時習道千乘之國便是在敬信節愛使民土時習以至無友不如己過則勿憚改何處非時習之地但人不能立志耳孔子自十五志學以至從心不踰矩只滿的志字分量然義利之介最微殺色貨利之私中人最細總為所誘便是志之不立急須照察克治不使一毫私偽存于其中始得孔子生平不輕加人以賊字而獨以鄉愿為德之賊者以其忠信廉潔皆出于偽也時時照察時時克治務去其欺而求其慊方能日用倫常不離于道耳故願學聖人者當自立志始

八月五魯孫用梓生

子瀾三

九月睢州湯孔伯來問學

孔伯名熾先生為遜菴說贈之云易大過之象

曰君子以獨立不懼遯世無悶夫獨立者獨守其道而已矣苟世路荆棘斯文淪晦獨立誠難

誰能不懼遷世誠難誰能無悶懼生悶悶還堪  
 懼彼荏中弱柱者滅沒矣仰輪尤以犯難行非  
 獨立之謂也矣當于遂之義哉遜雅以潛為義  
 然與退相反非龍德不能潛仰于曰于淵于天  
 總之此龍德也亦視其時何如耳以退為進則  
 老氏之術君子不貴也夫子終身行終身藏藏  
 可以必之于已而行則聽  
 之于天君子能遠時乎哉  
 孔伯告歸口占送之師友道久衰江村不可作  
 策以燈燭光空山自寂寞舉世逐鷄子也雲  
 中鶴道行待其人乃身欣有託相視在無言焉  
 魚自飛躍偕登仰子窩空中觀樓閣月窟與天  
 根開闔而啓齋欲別不忍別後堪  
 有夙約歸當過丙黃咫尺即濂洛

十月張仲誠刻理學宗傳於丙黃命湯孔伯與博

雅校訂宗傳刻未完仲誠去官衛輝太守程念  
 伊竣其事先生自序曰學以聖人為歸

無論在上在下一表于理而已矣理者乾之元  
 也天之命也人之性也得志則放之家國天下  
 者而理未嘗有所損故見之行事與寄之空言  
 者而理未嘗有所損故見之行事與寄之空言  
 原不可岐視舍是天莫屬其心人莫必其命而  
 王路道術遂為天下裂矣周子曰聖希天程子  
 曰聖學本天又曰余學雖有所受天理二字却  
 是自已體貼出來余賦性庸拙不能副天之所  
 與我者幼承良友鹿伯順提携時証諸先正之  
 言等思之類于堯而聖孝不傳孟氏設而聞知  
 有得漢唐三子行其端肅落覆罔五子六其  
 統嗣是而後地各有其人各鳴其說雖見有  
 偏全識有大小莫不分聖人之一體焉余因是  
 知理未嘗一口不在天下儒者之學乃所以本  
 諸天也嗚呼學之有宗猶國之有統家之有系  
 也系之宗有大有小國之統有正有闕而學之  
 宗有天有心今欲稽國之運數當必分正統焉  
 邈家之本原當先定大宗焉論學之宗傳而不

本諸天者其非善學者也先正口道之大原出  
 于天神聖繼之堯舜而上乾之元也堯舜而下  
 其亨也洙泗鄒魯其利也濂洛關閩其貞也夔  
 而言之上古則羲皇其元堯舜其亨禹湯其利  
 文武周公其貞乎中古之統元其仲尼亨其顏  
 魯利其于思貞其孟子乎近古之統元其周子  
 亨其程張利其朱子孰為今日之貞乎明洪永  
 表章宋蕞綱天下人士于理熙宣成弘之世風  
 俗篤醇其時有學有師有傳有習即博即約即  
 知即行蓋仲尼沒至二千年由濂洛而來且五  
 百有餘歲矣則姚江豈非紫陽之貞乎余謂元  
 公接孔子生知之統而孟子自負為見知靜言  
 思之接周子之統者非姚江其誰與歸程朱固  
 元公之見知也羅文恭顧端文意有所屬矣宗  
 傳其十一人于宋得七于明得四其餘有漢唐  
 隋儒考宋元儒考明儒考各若干人尚有未盡  
 者入補遺補遺云者謂其趨異與聖人端緒微  
 有不同不得不嚴毫釐千里之辨真修之悟其

悟皆修真悟之修其修皆悟諸不本天之學者  
區區較量于字句口耳之習此為學也腐而少  
遠又有務為新奇以自飾其好高炫外之智其  
為學也偽而多惑更有以理為入門之障而以  
頓悟為得道之捷者儒釋未清學術日晦究不  
知何所抵極也此編已三易坐卧其中出入與  
偕者逾三十年矣少歷經下貧賤老困躓于流  
離叢知飽之可以為食寒之可以為衣而今知  
數之可以能履步  
之可以能視也

### 十二月栢鄉魏石生請來論學

先生答書畧云文  
武以前道統在上

治統即道統也孔子以後道統在下學統寄治  
統也大人之實事聖人之訓述顯晦殊途本源  
一致總不出聖學本天一語不本于天則異端  
耳天一命也命一性也性一善也達而在上與  
窮而在下同一命也性也則同一善也君道以  
此治天下師道以此覺天下理一而已窮理盡

性至命一以貫之孔子論行論仁論孝每每問  
 同而答異至微莫比夷尹惠諸聖使其生于孔  
 孟之後當不止如朱陸之異同與朱王之格物  
 也尊德性道問學說雖不一本是一事本人既  
 已相安後世仍然聚訟崇陽格物人謂屬知陽  
 明格物人謂屬行又有謂窮理則格致誠正之  
 功皆在其中正物則必兼舉致知誠意正心而  
 功始備而密則是二子之說未嘗不合而為一  
 如春夏秋冬皆一其令強而同之勢必不能故  
 非知天必不能知人蓋行足以兼知未有能行  
 而不知者知不足以兼行  
 是年山東張汝霖山西常  
 大忠上蔡王志且從學

### 六年下未八十四歲

在夏峯 先生偶書云夜來卧醒明月照窓忽憶孟  
 子夜氣不足以存則其違禽獸不遠矣不

覺凜然懼又不覺躍然喜也夫何以懼也懼其  
以人而淪于禽獸也慙負天地汚辱父母寧無  
懼乎又何以喜也喜違禽獸復轉而為人也性  
吾自盡命吾自立寧無喜乎夜氣二字真是起  
死回生一粒金丹也孟子真有功于聖門哉孟  
子自謂我善養吾浩然之氣余思之浩然之氣  
固夜氣之所積也存存不息平旦如是且晝如  
是極之而造次顛沛無不如是是義集而氣自  
充氣充而行自謙將見剛大之氣復歸于徑寸  
之舍而道義之配自塞乎天地之間矣夜氣者  
人禽之關亦  
死生之關也

### 正月訂家禮酌成

先生自序云家禮酌者何酌夫  
貴賤貧富之不同器數文物之  
互異分之為各家自行之禮合之為衆家共由  
之禮此其所以酌也不驚夫婦之愚不傷渾樸  
之舊如其必不可行必不能行者則亦不必酌  
矣竊自有儀禮以來學士大夫之家相傳為萬



義實玩之而不用非天下後世之異則禮之文  
 也繁也孔子曰禮與其奢也寧儉喪與其易也  
 寧戚蓋已心厭其繁故多方以補救之而後世  
 之靡也滋甚常思之孔子與子夏論禮曰繪事  
 後素則其所先者哉禮從厚出即三千三百不盡  
 固其所先者哉禮從厚出即三千三百不盡  
 太素之體所謂萬殊原于一本一本散為萬殊  
 者此耳先聖先儒定禮無非教人以敦厚之意  
 今之四禮雖云廢弛然天下無不冠不婚不喪  
 不祭之人十室之邑必有忠信但願行禮者隨  
 分自盡而不滴其忠厚之初可也近寧陵呂氏  
 有四禮疑一書其簡易有先進之遺間嘗竊取  
 其義夫易知簡能而天下之  
 理得更有望于後之君子

正月六曾孫用樟生

淳長

二月陳子石再過夏峯

奉勅函自滄州千里來問學先生嘉其篤志臨歸謂

之曰論本體只是性善論功夫只是慎獨善兼  
天下古今以為量獨合隱微見顯以為功奉勅  
因請額其齋曰慎先  
生復為之說以貽之

### 三月程來儀病中介友正弟子禮

西華程來儀名起鳳約御衆同

問學夏峰忽病刺介御衆代為納  
費先生嘉其志而傷其年為作傳

### 十一月新安崔玉階來問學

玉階名蔚林每歲過夏峰先生與之問答

甚多有云子既有嗜于陽明要得陽明與程朱  
相劑為用之意而非有抵牾也得其相劑之意  
則宗傳中諸儒無一而不供吾之用五味調而  
成羹八音諧而成樂四時備而成歲智廉勇藝  
文之以禮樂而始為成人故川流敦化識大識  
小莫不有文武之道焉能濫其源則所觸之一  
節皆全體也存此一說便欲廢彼一說有春而  
可廢秋冬乎有甘而可廢辛棘乎此必不得之

數也孔孟之用用在萬世六十四卦三百八十四爻皆言用耳拘曲之士不能用于一身不能行于家庭猶居然自命千古耶楊晉菴之言曰身有顯晦道無窮達窮則獨善其身有多少力量在路無旁蹊理惟一貫茅爲之而已矣

七年戊申八十五歲

在夏峯

盧龍韓子厚坤業從學先生嘉其孝有詩贈之

趙憲清以其子庚介寬夫來贊庚問未嘗學問入門從何用功先生反覆以孝弟勗之謂堯舜不外于孝弟仁義禮智樂之實統歸于事親從兄協天則帝不過爲唐虞之孝子孔子垂教萬世亦不過爲春秋之孝子孟子陳王道明聖學節管晏闢楊墨邪一事離了孝弟能見得孩提稍長之真面目堯舜孔孟之真面目在是矣

二月七會孫用模生

潛次

三月叙鹿江村年譜

鹿先生門人陳鉉始纂創年譜先生為序命長子立雅杜

子越搜其遺事續成之

四月張仲誠自上蔡來內黃諸門人續至留十餘

日而別

偶會詩云理惟仍舊毫無異氣却因時未有常  
畫餅已完難入口剪花雖艷不聞香經綸到手  
為指點變理隨心自主張運米搬柴皆妙道尚  
餘何事費商量○示同人詩云學問要從躬上  
得文辭璀璨總浮塵年來疎滿堪憐我老去空  
談恐誤人萬紫千紅渾是舊單枝獨葉漫誇新  
洗心藏到無言處  
此個工夫誰認真

四月八日曾孫用翰生

子 洽次

是年山陰沈甘來蘇州方讓滄州李玉玆養嘉王柔新鄉段廷珩孫績緒張瑛張璘郭景暉劉

若武杜晉卿從學

八年己酉八十六歲

在夏峰

元日有述不談仙術不談禪遇事只爭一着先地步放寬着脚穩欲尋樂處但隨緣

○東風育物人不知動地驚天未足奇尼父功夫惟默識至今底蘊未能窺

是年自春徂冬讀易再訂讀易大旨

先生初與三無老人讀易

于聞嘯樓副後集諸家之說手書讀易大旨至是幾易其稿矣

五月詔舉山林隱逸輝邑謬以博兒應有辭郡縣

諸公書

與和守程念伊書畧云頃聞拜臨奉採訪山林功令欲以豚兒姓名應之某父

子聞之惶悚無地某今年八十有六畝鑿洒掃皆兒孫身自為之豚兒博雅在某左右居家則任書記環屑之事出門則代僕力奔走之勞因是學業久荒遂成廢棄今明公何所聞而欲使濫膺大典不獨有辱知人之明而某以耄廢之年失所倚賴明公尚宜和成以德也

六月舉玄孫同人贈五世一堂詩文集成卷

臘之十四

日為先生誕辰遠邇同人畢至稱觴客甫入座長孫鬪遙抱其孫自容城來先生喜加七箸眾皆以為快

先生真寬夫以道升階書云入道之器朴實聰明固各有說聰明者雖曰寡悶然知其不可驟閃則會得容易其得力不更捷乎顏子聰明天授而以如愚出之故能潛心而醞釀翁聚處不

肯少動彼有聰明而躲閃者乃不聰不明者耳  
嘗思世界如急流石火全憑幾箇至誠聖人運  
轉其中一起一伏通義皇以來是一個人是一  
個心中間難有屯厄元氣環流上生百世下生  
百世其在一身如呼吸有消息生有消息四  
時有消息日夜有消息而惟此至誠一念無有  
夾襖故無止息也天之清地之一日之升月之  
恒山之峙水之流皆一誠焉耳不誠則乾坤炮  
矣誠以事父則為孝子不孝便是無父誠以事  
君則為忠臣不忠便是無君蠶者不聞鐘鼓育  
者不見天地日月渠自無相干涉耳故口不誠  
無物則誠身誠意合千聖萬賢發揮此誠字不  
盡願與吾黨士共勉之王心齋曰天下惟聖人  
之學好學不費此子氣力有無邊快樂若費些  
子氣力便不是聖人之學便不樂中華之誠身  
身吾之身也大學之誠意吾之意也有何費  
力而難於誠哉

聖學以性為宗能盡性便能以一性納古今民  
 物胎卵氣化之性而我性不覺其大又能于我  
 不觀不聞喜怒哀樂中見民物憂喜榮瘁生死  
 之狀種種顯見無有隔處故聖人上生百世下  
 生百世祖述堯舜是孔子上生百世也堯舜之  
 心至今在是堯舜下生百世也千古聖人隨緣  
 出世過去的聖賢即是未來的聖賢禹湯文武  
 即是孔顏過去關閩濂洛即是顏曾思閔復來  
 聖人精英在世迴環今古之間總之了當此一  
 個性字不盡若云性有盡時則乾坤熄矣萬古  
 此性萬古此人叔季之世未嘗化為鬼魅也彼  
 視晚近為難化者非但薄待斯世之人亦復辜  
 負已性不小

語含真合符云教人看喜怒哀樂未發前氣象  
 此程門宗旨也即濂溪無欲敬靜之旨也嘗思  
 之喜怒哀樂未發即不觀不聞之體也看未發  
 前氣象是教人下戒懼功夫不是作一段虛光



景玩弄真看此語太微妙人人有喜怒哀樂未  
 發之時未發時中何嘗不在中者性也中國鮮  
 能人豈有無性者哉看未發前氣象正是戒懼  
 慎獨功夫在勿忘勿助之間此程門之所以多  
 賢也

密令李松友嘗以書問學先生答云扎中不見  
 功而獨見過依中庸而唯恐下達此畏用心之  
 密卽慎獨誠意之學與今之所奉功過格者相  
 去不啻天壤矣况行之二十三年本性自當發  
 露形迹自當渾合臺扎猶拳拳不釋抑亦有所  
 未安耶蓋人生局不論頭晦年不論強弱天皆  
 賦昇以全美之性以一念真實心流通于天地  
 間旋于家者以此施于政者亦以此但于統宗  
 處理會卽外物之播亂正屬磨鍊而本性之體  
 自如就今日爲政一邑不獨大夫之賢士之仁  
 皆我所事之友之任觸一民一物一草一木皆  
 我性分中所有事總本此惻隱至誠一念所成

動至瑣屑棘手之處卽至中至庸之理寓焉欄  
柄在我隨感而應久之自當渾合回思當日逐  
事遂念考察賦屬入門階級操修墜  
苦耳以之長本塞源尚須理會頭腦

六月九曾孫用柱生淳次

十月十曾孫用栴生瀾四

是年密縣李希文鄭有  
四新鄉郭晉熙從學

九年庚戌八十七歲

在夏峯先生語學者曰古人往矣而讀其書誦其

生氣原未息也充實而有光輝之謂大到得光  
輝發越時則在天為日星在地為河嶽矣豈復  
有晦冥之日耶獨惟今之人食息起居與古人  
無異而奄奄待盡安望其上生百世下生百世

戶普

卷下

三

而有光輝發越時哉余願學者起頭用力要有  
 李光弼入軍旌旗變色氣象其既也要有周亞  
 夫中夜聞警堅臥不起定力兩者兼之庶為實  
 學有此一段生氣便是大而化之路○又曰  
 張子以變化氣質為學此便是知所用力者也  
 柴愚參魯師僻由謬皆氣質之稜也而柴也汝  
 血三年未嘗見齒孔性之難子曰柴也來參曰  
 省有三承一貫之傳子張前有輝而後有光子  
 路無宿諾喜聞過是皆能變化氣質而有所得  
 力者也我輩第清夜省察此身之受病何在而  
 急求變化則一日之用力便當有一日之得力  
 所謂一日克己復禮而天下歸仁焉其斯之謂  
 與得力後又開用力之端修中悟悟中修修後  
 悟悟後修循環無端新新不已聖學與天同運  
 此者以

是年自春徂夏再訂書經近指

二月湯孔伯冉過夏峰

孔伯冉兼山堂著淡旬先  
生語連日夜載答問甚多

一曰曰堯舜之參贊天地人可得而見也孔子  
之參贊人便難見孔子之參贊在萬世及門士  
已早知其賢于堯舜然却自尋常日用一言一  
動中見之如師冕見馨日之人此便是天地缺  
陷處而及階及席相師之道便是贊天地之缺  
知孔子之參贊則知人人有參贊堯舜可為孔  
子之心至今在明道天理二字自己體貼出來  
此便是贊天地處○又曰君子遠小人惡而  
嚴孔子之於陽貨孟子之於王驩皆遠小人者  
也孔子何等渾然孟子便不免有痕跡此孔孟  
所以不同也顏曾皆傳道之人曾點漆雕開皆  
見大意之人而顏子明然一嘆與曾子之唯亦  
微有不同孔子之全體大用顏子之明然一嘆  
已全領之所謂發夫子之蘊者此也故先儒云  
精澗波而孔子之道未盡傳點也沂水春風之  
對與知爾何以之問一若了不相涉者然無川

卷下

天

之用其用乃大夫子老安少慎之志被此言從  
無意中道自教不覺明然與之較之較開又自  
不問矣孔顏兩端然有少神情在令千載下  
凡有耳者莫不謂其明然之聲學孔顏者須從  
而明然處會其神情方  
見孔顏生氣至今在

### 十一 曾孫用楷生

子 潛三

### 五月 蔚州魏環溪寓書論學

環溪嘗以書問學是年居母憂先生與書

曰謂之先正云讀禮之時凡事可廢獨不廢朋  
友講者蓋講者正讀禮事也雖文恭亦以為然  
從來真儒碩士多奮起于藝禮之時此  
詩彌慕念切真性川事敬學專而力定  
馬玉笋又令其二  
子禹錫九錫納贊

### 九月 李松友刻余格物說家禮酌

松友名若易東阿人令密縣以

不得越境受學類以書

質至是遙拜稱弟子

萊蕪呂原水源介寬夫同過夏峯受學先生語

之曰須先淡其安飽之心方可言學孔子稱顏

回好學曰箏歌陋巷不改其樂自謂好學曰疏

水曲肱樂在其中孔顏一生只得力一窮字鹿

江村云貧即是道又云窮字抬舉人知言哉

原水聞而躍然曰終身佩服受用不盡矣

寬夫問箕子不死為傳道也豈逆知有武王來

訪乎曰箕子一日不死殷家一日不亡比干之

死雖比干之事箕子觀之即已之事也微子去

之鯀後子之事箕子觀之亦即已之事也總之

以天自處武王之過台不遇合皆無

容心焉故曰商周之際道在箕子

十月魏蓮陸二過夏峰倦念衰遲未忍言別為掃

一茅以居之

俗一茅在兼山堂東偏一齋病不耐先生曰聖人之教為愚夫愚婦

之其由賢人之教乃高人志士所傳契請看歸  
冕見一章便是聖人萬物一體胸襟襟位育天抱

全體學者須進

此習方是

大名熊洛叙九疇年七十餘讀先生答問宗傳

諸書深有會于心以病不能來夏峯對球極所

藏讀易像拜之稱弟子以書問難

有學言錄一卷迄致後先生序之

薛儀甫鳳神自益都再視先生于夏峯年七十

餘矣携其所著曆學會通二千餘葉來質先生

曰夫子之性與天道夫子之文章也不明于言

之性鳥知所謂天之道不明于日用之文章又

鳥知所謂性與天道哉鄉黨一篇夫子之飲食

起居也是即夫子之性命流行也余嘗謂讀古

人書任從何處領會無不可直証源源本本蓋

道惟一則歧故曰吾道一以貫之一物各具

一太極萬物統體一太極惟一故無不貫全在

聖人身上泛應曲當俗學不能一玄學不

能貫名家法  
家不必言矣

滄州劉與秀新鄉郭承休郭景揚郭瑛段四  
知暢秦徵劉孳輝縣王勤王仰朱藝從學

十一月十二日曾孫用棟生浩長子

十年辛亥八十八歲

按先生自叙譜至真成止是年  
以後俱係門人從日譜中考入

### 在夏舉

先生語諸子云無極而太極無而未嘗無也太  
極本無極有而未嘗有也有而未嘗有是真有  
也無而未嘗無是真無也故陽明曰無聲無臭  
而能知萬有基焉是無而未嘗無也又曰不離  
日用常行直造先天未盡是有而未嘗有也無  
而未嘗無故視聽言動合于天則欲罷而不能



有而未嘗有故天則穆然無方無體欲從而末

由茲頽子之所以為真見也所以能發聖人之

蓋彼滯于有而躬于無者胥失之矣

兼山堂示諸同人孩提之不學不慮即聖人之

不用之共觀共聞即道體之不觀不聞但要識得

共觀聞如何是不觀聞聖人一生功力全在此

處用非一識得便了事也盡人以合天議之者

少存養在君子道不可大人不失赤子不知有

先生手書示諸門人曰易贊乾坤之簡易曰易

知易從有觀有助可久可大然則學無二事無

二道根本苟立保養不替自然日新所謂可久

可大者不出簡易而已惟其簡易故愈充而

愈有光輝至誠無息無息此也三月不違不違

此也日月至焉至此也故人皆可以為堯舜塗

之人可以為禹及其知之一也及其成功一也  
 謂此簡易也牛過堂下孺子入非其惻隱與  
 仁者之惻隱豈有兩惻隱哉或謂此之惻隱遂  
 可為日月之至乎曰日月之至是子張子夏一  
 流從用功得來日至月至只是不純此之惻隱  
 是偶觸而露見人性之善非關學力古人之  
 詞處不同處各要理會明  
 自方不為無端之言所惑  
 聖人之道感應而已矣故曰無可無不可夫可  
 不可豈有定形哉有感而應因天因地因人  
 容一毫已意于其間總之行其所無事而已矣  
 從古諸大聖人不獨禹之行水為行所無事  
 舜之揖讓湯武之征誅伊尹之救太甲箕子之  
 陳洪範周公之東征時至事處總謂之行所無  
 事千載下駁為非常者與勅容周旋中禮不作  
 岐觀也不能行所無事非怕事則喜事怕事者  
 勢必廢事喜事者勢必生事所謂天下本無事  
 庸人擾之耳生事之非無事人易知也廢事之

託言無事人未易知也真能行所無事者處則為真儒出則為名世是之謂天德是之為王道非孔孟之流却不能識認

### 七月先生有疾

十三之夜先生偶感火症溺不通

客至不揖每日晨起始罷入祠拜揖遇兩朝日暨分至諸祭猶令子孫扶掖跪拜當病劇時宣城施愚山開章迂道來

訪先生猶對榻間談說

沈繹堂荃來訪先生于榻上見之繹堂自請

榻言及充實之美光輝之大繹堂躍然以充

其齋先生為記畧曰寶矣然後可充無實何充

能充則實者益實矣孔聖一生其所云時習發

憤忘食忘憂而忘老者皆充之功也而光輝

發越即在其充之中人不可見已亦莫知于

百載後無一人一事不在孔聖人光輝發越之

中此所為臣之忠子之孝弟之悌老之安少之

懷友之信皆孔聖之輝光也不獨孔子四醜十  
哲兩廡充有餘全故光有大小要皆從實中來  
充實可為也而光輝不可為也可為者下學也  
不可為者上達也孔子何有於我是吾憂也終  
身一下學而已矣終  
身一充實而已矣

蔚州魏環極在里闈先生病劇以先生身繫斯文  
禱於孔庭

十一年壬子八十九歲

在夏峯

崔玉階時赴都過觀先生曰學問之事最怕偏  
見尤忌勝心偏見與執守相近然一偏則愈執  
而愈成拘矣勝心真自任相近然一勝則愈任  
而愈背矣善乎明道之言曰新法之成大家激

成吾輩亦當分過此段心腸此段言語稍有偏  
 見勝心便不肯說此便是大賢處鹿江村嘗云  
 讀有字書要識無字理朱陸異同聚訟至今要  
 皆不識無字理多為字句所障聖人學易全是  
 用易易之用在天下萬世故易之言不可為典  
 要豈可于字句間求之禹稷顏回同道而出處  
 異微箕比干同仁而去就死生異比量于字句  
 之間終無自得之趣究竟成一義藁而取耳  
 答容城李勤菴孫鶴甫諸子云先正云丈夫方  
 寸為我天下事無不可為吾輩今日第求方寸  
 為我止吾邑先詰在望後起豈可談之他人此  
 中所關匪細歲月如駛幸努力擔荷老夫雖衰  
 尚可依一臂昨與蓮陸言此事  
 錄師友不得離師友亦不得也  
 病起連往示諸兒暨諸孫魯辛亥秋初夕病劇  
 時起床自持無生理冬盡漸起湯新春頗健飯  
 朋來自遠方懷中雖困頓好友話偏長因之憶  
 往昔歷歷不能忘七歲入小學十四遊宮牆十

七舉孝廉二親甚非常勉之以成方勿以淺近  
嘗國家重制科作官須賢良不謂連見背形枯  
而神傷自覺生氣絕理事名利場弟兄無外慕  
妻奴僕糟糠提携賴賢友學問別有商好書共  
我讀好酒澆我腸我事彼代主彼事我得詳異  
體而同心管鮑可雁行論交四十載險難皆平  
康已入靴江室行登涑泗堂家居以殉義令我  
心務復回首乙酉時瑞煥正猖狂丙子在圍城  
四面何悲涼戊寅避雙峯搜山勢更張甲申凌  
雲柵圍逆擄歸裝甲裏表忠書奇禍隱難量皆  
得免于難與非意所望我生多處旅并州是故  
鄉但得有知己何處不徜徉况有六男兒孫曾  
遠膝旁今得考終  
命何貴在義皇  
五月密令李松友以病告休來夏峯問學先生  
手書四則贈之○學有根本有枝葉在根本上  
做功最簡要心逸日味在枝葉上做功最煩瑣  
心勞日困孟子曰學問之道無他求其放心而

已○求放心工夫在慎獨慎獨是集義不愆獨  
 是義襲○慎獨是一統的功夫千聖萬賢總只  
 是這一件事無內外無精粗無大小一以貫之  
 ○伯淳言學者須守下學上達之語乃學之要  
 夫子自謂好古敏求蓋終身一學也  
 而上達即在其中即欲分而不得也  
 八月仲孫淫舉河南鄉試先生謂之曰些小得  
 意與些小失意而遂改其常度者固是器識之  
 小正緣不知學之故不學牆面人生不幸莫大  
 于是爾今日立身之始須有一段抵擋流俗之  
 志

陽藝墓廬來問學以詩三十韻為贊出其與友人  
 論學書不傳人蓋謙先生以尊聞行知廣之  
 ○一月魏一齋四至夏峯與博雅編勸北學編  
 ○一日田廼與一齋侍側辨生死之說一齋  
 謂從來大聖大賢忠孝節義之人所謂沒後將  
 的去者定有一真不散不然何有沒而為神有

感即應也。迺謂天地人物一氣也。氣盡則散。安有不散者。棲于冥冥之中。二說請問。先生曰。一真。我自不散。試看堯舜湯文周孔顏曾精。神俱在眼前。無一事一時而非堯舜周孔之道。即匹夫節俠一事到足色處。其精神便自不散。若當生時已淹淹無氣。何有于沒後乎。仁人孝子。祭鬼神則鬼神在。祭祖宗則祖宗在。只以本諸身者對天地質鬼神。保定府尹輔然陳坦介魏一熬來贊新鄉張欲翁。獲嘉王學柱郭承趙溶原武胡公緒從學。

十二年癸丑九十歲

在夏峰

先生云。人生如逆旅。寧幾何時。不蚤自鑒。地父母生我此身。一塲到得。後足之際。我所携之而來者。絕無所攜之而去。此之生也。真罔生而死亦徒死耳。豈不可憐。子曰。朝聞夕可。蓋急望人之有聞也。又曰。四十五十而無聞焉。

三

卷六

四



斯亦不足畏也。顏子好學有進無止。使稍為  
 悠忽。三十二歲時息過矣。願我同人互相策勵。  
 隔遠不及晤者。遙相誥教。即如對老夫面語也。

正月先生命魏一鰲輯北學編成先生序畧云學

運之升降前有創而後有承人樂地靈相需其  
 殷亦後學之大幸也居其鄉居其國而不能  
 友鄉國之善士何能進而友天下友千古哉此  
 編中所載諸先正各有面目其出處隱見立言  
 致行雖有不同要皆願學孔子不待文王而興  
 之人故董韓而後若器之靜修伯玉學本有來  
 克恭儕翁伯順力肩陳王因念紫陽當五星聚  
 東井之際及其身不免施偽學之禁陽明功在  
 社稷當日忌者奪其爵禁其學非兩先生之不  
 幸誠世道之不幸也我輩生諸賢之後自待  
 宜菲薄魏子蚤歲掛冠亟亟以表  
 章前誥自任則其居心可知矣

二月成都費此度來學

此度名密寓揚州白其父

之遂令受學先生掃雪亭以酬之因艱于聽此  
度嘗以手代口有答書云老夫年忽九十耳目  
氣血衰耗無以益吾子遠來就正之意念衰朽  
少承家學自先祖汝陽公與陽明高弟鄒東廓  
之子諱美者同舉京兆得聞其家學故平生口  
無偽言身無妄動以躬行教子若孫老夫奉父  
命從季父成軒公學此淵源之所自而左得良  
友與伯順夾助之力居多伯順深得陽明之學  
者也老大近見得學問一事原不在尋行數墨  
較量字句之間建安青田姚江皆效法孔孟雖  
若不同俱非立異我輩只要眼潤心虛實  
求自信不必拾人頰吻說隨人轉移耳

登封耿逸菴介來學

逸菴由翰林出為大名道有

日君曾秉憲大名余父母拜也易可以公祖而  
在弟子列逸菴執禮愈堅每晨起隨門人侍坐

請益不精賴先生手書答之云數日來或口語  
 相印或手疏相質具見近裏着已知行並進之  
 功君猶兢兢于氣質之未能變化途徑之或有  
 差失此是見好學之切矣嘗聞鹿伯順言說心  
 在事上見說已在上見離事物而虛談性命  
 性命何着外性命而泛言事物事物向歸賢所  
 云敬恕本體功夫一齊俱到變化氣質須戒慎  
 操存久則不放方能見活潑潑地而氣質自能  
 變化矣事無棘手  
 從學無棘手來

山陰姜定菴遺其子圭來問學定菴為

劉念臺門人寄其師遺書暨易說至

靈渾王荷興孫爾楨介耿極來從學先生云聖  
 人垂訓立教直欲天下萬世皆入于聖賢之域  
 其因教曰文行忠信其雅言曰詩書執禮只是  
 在用上說所謂吾無行而不與二三子也孔子  
 後孟子方說出心性孟子後秦漢儒者多求諸  
 訓詁濂溪明道說性命入微妙矣紫陽出不得

不從躬行實踐上說知得孟子之言便知孔子之言精妙知得朱子之言便知周程之語着實鍾國士前在覃懷同其師郭九如從遊至是復來問學先生留課諸孫手示有云聖人之言極坦易極精微是在讀者之領會如顏路請子之車子路使門人為臣高景逸以為窮理盡性之至獨異于佛氏言性處念臺謂夫子當日原自說得分明實專貫櫛無臣有臣正是一副見成道理雖愚不肖可與知者此之謂天然自有之動故憤憤兩先生皆大驚而所見如此不善會之又成朱陸矣要知劉之見從高出有前說不可無後說正不妨并存耳

六月十三曾孫用權生

溥長

先生為懷友詩

有序余生平借良友提攜之益  
晚年耄廢尤感及門之助我秋

夜不寐因爲裝支詩一章以見其志  
 氣之未申者感河山之修阻其月易過諸友  
 其知余心否耶以孔聖有四友又復借六侍顧  
 我老而病同人輩更亟匡我之不逮諸賢時寤  
 寐端亮曰孔伯當仁不肯避明達蓮陸子到手  
 無棘事新安勇向學識力何趨異滄州訟在愆  
 晚節扶其秘寬夫善補過力爲明學地垂老輕  
 去鄉薦馨共旅食渥城有五修答問借筆記習  
 仲能知幾介禩稱高寄子新饒俠賜錢升階薛  
 儀甫具識器構斯安賤貧守身明大義揮穆種  
 保汝不以窮失意退步震之賢虛衷亦夔智駟  
 臣有氣魄應侯無俗累子不稱孺慕含真嚴指  
 視天章多慧根子亮本美質振公孝友人景子  
 嘉其志濟蘭與裕卿問學漸有次鳧盟荆園語  
 鄂州辯學字廉幹推逸菴此度博綜備進德而  
 修業努力各自治我年已九十燭光安足熾願  
 言日有長助  
 我勿失墜

彰德許典三名三禮赴滂寧任過夏縣開學先  
 生日夫子固言之矣事大夫之賢友士之仁事  
 字友字中是夫子所以陶鑄士大夫以成其賢  
 與仁徒事之友之豈夫子告子貢之意大人格  
 君心之非孝子喻親于道方成其為忠孝成已  
 成人正已物正此方是孔孟本領○又答書畧  
 云來字本末為外一齊俱到所謂把柄在我觸  
 處音靈衰老之人不禁踴躍稱快僕嘗思濂溪  
 三箇希字是直要到天上天是何境地人如何  
 可到濂溪此語是後吾十有五而志於學看出  
 自志學到知天命再順從心行在坐卧刻刻皆  
 與天游故曰知我者其天乎他人皆信不及子  
 思獨從安排不得處下箇天命字從不假造作  
 虞王商率字又併一氣渾然不可名狀處下箇  
 中字錫字正是希天嫡傳曾子乃子明德即是  
 命天頌在物上討箇的當身心意知家國天下  
 皆是物格即神之格思之格感而遂通之謂學  
 者不以心為物役却時時與物酬酢無一事不

上書

卷下

三

先分內須將戒懼之心時時提起孝子之事親  
與仁人之事天原非岐觀正其本體功夫渾  
然俱到持此以往若家以此居官亦  
以此第求自信隨時自有證悟也

十一月先生命湯斌輯洛學編成

先生序畧云洛

高推時黃河號魁自河洛圖書天地已洩其秘  
有渾龐淳樸之氣人日山其中而不知主程氏  
兩夫子出斯道大明人知所趨的學者于人倫  
日用至庸極易之事當下便有希聖達天路徑  
是道寄于人而學寄于天蓋洛之有學所以合  
天人之歸矣先後之統關甚鉅也厥後廢而復  
明絕而復續學問淵源天中尤盛宋興伊洛元  
大蘇門至有明而西河八郡識大識小各有傳  
人余移家夏峯初懷思往哲悵微言之未泯念  
絕學之當傳湯子少負遠志壯歲即以病請致  
致斯道為己任十年以來余見其學日進而心  
日盛洛學之典端有所屬因念斯道在人求之

卽得表前儒以典起後學如射者之趨的必期  
于度如舟子之涉海必操其舵所謂呼之使靈  
叩之使覺千載上下南北海心同理同又何有  
于洛以篋謙與關關耶蓋學以希賢希聖爲歸  
而其最切發願一直便到希天上至其中道路  
之迂曲識力之偏全自不能強之同迨其所歸  
則流者以此教化者亦  
以此自不得有異也

### 十三年甲寅九十一歲

在夏

元日詩有序偶誦康節焚香告天詩因爲

也我于古人審所從主平最愛堯夫叟先生  
生當全盛時羣賢功業乎何有不事王侯鑄羣  
賢搏挽乾坤道在手與來爲吟自在詩客至且  
飲歡喜酒林間高閣望中希花下小車不來久  
焚香每誦告天詩先生心事昭秦斗外正內聖  
此一身安老懷少而律友湯子撥我愧非倫先



生敢黃不最獨讓古詩成  
 欲寄君曉起東風暖在柳  
 人口集周春兩尹芝伯于兼山堂時聞警或問  
 軍典無人騷動學問應如何先生曰古人無  
 事常若有事有事却如無事禹之行水疏淪決  
 鑿者是應如何而如何所以謂之行其所無事  
 果能行所無事天闔地陷皆定數也不能行所  
 無事鵲噪鴉鳴皆異事也唐虞揖讓三杯酒湯  
 武征誅一苟棋水到渠成易云天  
 下何思何慮此是學問第一義  
 先生語諸門人曰一生苦樂惟人自取止爭看  
 的破看不破少之時讓望于進取得失分而憂  
 樂形焉得者幾人其壯也馳逐于功利貴賤別  
 而榮辱招焉貴者幾人其老也屬意于子孫賢  
 不肯異而成敗係焉賢者幾人看得破皆天定  
 之數豈容一毫介意于其間此等處既無介意  
 則無時無處而不可節天地四時之趣視世人  
 之駁譽欣戚浮沉聚散爭如我山房白雲之卷

奇無定形來去無定方也古之達人高士誰非  
吾師誰非吾友其無愧怍于心者自然時益于  
面背故學者須尋孔顏之  
樂無此樂終難語自得

### 四月序容城縣志

先是崇禎癸未邑令胡葵襄以  
志稿付先生至是先生作序付

趙士麟

授之梓

安邑馬胤錫與其育德書院同學周世澤吳君  
煥薛良瑾楊震初郭績汾楊念祖張弘憲王昊  
之王奎斗南初謙齋弘德景之垣劉日益陳所  
蘊謝鼎南二謙郭純汾劉枋齡張宿規劉喬齡  
王一中馬蕙楊天爵  
爵遙拜稱弟子

十四年乙卯九十二歲

### 正月先生輯蕪門紀事

先生自考蕪門遺事數十  
則尚未成帙至是復錄此

編合而成

紀事二卷

取逸菴錄其與御衆問答書來質御衆云要希  
 聖只是收斂非謹慎之謂去其所本無全其所  
 太有而已逸菴云吾聞之師曰學問之著落在  
 日用倫常能于此中見得觸處皆天命流行便  
 是透得大原本所在我輩果有戒懼工夫久則  
 氣質自然變化竊意日用間體認天理而要之  
 以主敬時時小心翼翼而後觸處皆天命流行  
 也先生曰寬夫所云收斂非謹慎謂須求此心  
 恬適使生機盎然勿墮枯稿一路逸菴所云體  
 認天理而要之以主敬本體工夫一了百當正  
 與寬夫互相發明所謂分之而無可分也此事  
 各就所歷處自修自証到一層便覺一層非止  
 境

大名熊洛叙子夢飛同廣平宋拱徽安陽步鞠  
 從學李栲村遣其子李對受學新安劉繹祖舊

以如講事先生至  
 是正師弟之禮  
 漆繼俾世昌同御衆來問學先生曰學問原是  
 全體大用一了百當之道學者只從事于此一  
 事更無不盡所謂一事者復性而已如樂正子  
 何知人孟子便從可欲之善直推到美大聖神  
 地位此可欲之善便是人之性善從來惟堯舜  
 孔子方能滿此善之量故孟子道性善言必稱  
 堯舜又曰乃所願則學孔子也只此一點性善  
 終身學之不盡豈非全體大用一了百當者乎  
 明說問先生宗旨答書云耿耿寸心惟此共學  
 一事是非毀譽勘之已明疾病死生守之頗固  
 返顧生平雖所見有時而遷而獨知之地不敢  
 自欺識得天理二字衡準經緯原是千聖直血  
 脈非語言文字承當故說個心印在事上見說  
 個已印在人上見說高遠在卑遠上見說上達  
 在下學上見戰兢惕厲不敢將就冒認者只是  
 慎獨而已數十年來奉教于師友者以此印證

三晉

卷下

三

于曰學者亦以此一息尚存益當共勉也

語諸子曰吾十有五章是夫子自述年譜也孟

子願學孔子所稱可欲之善仰孔子志學之矩

有諸已則立矣充實之美則不惑矣充實而有

光輝則天命流行有威有儀矣大而化聖不可

知則耳順從心矣充實可為光輝不可為我輩

為學亦只在立與不惑上着手下學而上遠在

其中

矣談朱學者以朱學無流弊談王學者以王學無

流弊二者皆有偏處紫陽之後實病不可不洩

姚江之後虛病不可不補救紫陽之流與于前

其對症救姚江之流弊念菴其對症夫子四友

六侍皆實有受益處非虛語也舜之五臣武之

十亂皆真師真友所以成虞周之治不能親師

取友只是不虛心有

執見我輩當自體認

入春先生飲食倍健戚友門人來者談論夜分  
 忘倦至三月內忽感風寒微汗漸解而食不甘  
 味每伴猶飲酒一孟氣弱艱于講說手書日諾  
 云學問以了達生死為極語然世之所謂了達  
 生死者輕生輕死非真能達生達死也真能達  
 生死者則生不徒生而生足取重于世死不徒  
 死而死是取重于世類于一聞四勿之旨則請  
 事斯語由雖在四友六侍之列然未知生焉知  
 死如由也而能承當夫子必不曰不得其死然  
 能了達生死者必不敢忘吾父母所遺之體且  
 能親視還明耳能聽聽遺聽口能言言還從四  
 體能動動還豐是之謂天下之大孝惟天下之  
 仁人乃能為天下之孝子言能自重其主與死  
 於能大其父母之所遺也若以輕生死為達生  
 死則則謂一洗人  
 皆稱聞道者矣

四月二十一日巳酉未時先生卒

自劬日先生即  
病劇不能粒食

二日却雪海塞外書至猶手跋云老夫日益衰  
天地生生之氣不以遠阻不以老聞千古聖學

皆本諸天我輩果信得及無非  
光天化日便省許多葛藤矣

七日曲周王體健介中涵光字來從學先生以  
其年逾六十力學有年不宜在弟子列且危病

不可以受徒體健堅請先生猶整衣冠相對傳  
疾數日始別去先生口授日學問之事在躬下

在口隨時隨處體認天理此外更無他說我輩  
試自認天是何體則一切可相忘于無言矣

十日為曲周路文真公展飛書劾難遺事先生  
不食神氣雖日弱辰起猶梳沐令子孫扶掖稍

坐但平能多  
言而色甚愉

十日  
病益篤

十五日諸門人侍左右先生各有勉勵之言子孫各有勉勵復舉筆書云吾將去矣此後勉之至在爾等肩師傳率父顯祖古今大題日須自己做一番十九日先生云子靜病時令衆人俱退靜以休息是學問實際二十一日本刻疾中微有痰命扶坐著衣冠執立雅子書江村二字造韓芻業自釣陽來省伏前悲咽不勝先生猶執手熟觀連呼子新移時遂長逝矣門人與舍發者五十餘人子孫曾元服斬衰齊衰者三十餘人官師紳士下至負販耕籍跛者殘疾之人無不論識與不識皆匍匐奔出哀聲震地或遠不能卽至者爲位聚哭發後有承年陳章猶以書正師弟之誼安于新閣然于且來謁自述以官羈滯不得受學對像以學問贊法下書襟李煥庵亦以數年奉教未得一面拜像長號其僕役皆爲感動



十月十六日葬先生於夏峯東原先生繼亂楊孺

已二十五年矣先生素不泥堪輿家言愛東原

平敞開道夏峯第遂上北于此遷楊孺人祠

葬焉元祀魏孺人原葬容城祖塋先主遺命曹

北地諸子為魏孺人置木主具衣衾得附葬門

人湯斌為文誌其墓容城亦奉先生衣

冠暨楊孺人木主與魏孺人合葬焉

是月耀邑合衛郡紳士請祀先生於百泉書院百泉

舊有聖廟即宋之太極書院也兩廡列祀周程

暨朱元高儒先生歿闕郡紳士合詞上

請學使傳塑像列主春秋得奉祭祀

年譜卷下終

跋

江北多理學節義之士余自束髮卽知容城有大儒鍾元孫先生者至性孝友慷慨有氣節中年移家共城之夏峰抱道自守屢徵不就世遂稱爲夏峰先生自漁陽以北潁川以南負笈從遊執經問難者莫不各得其意旨以去余生也晚不獲登先生之堂親炙先生之儀型今

上  
乾隆元年春正月就養許昌賦兒亟稱和學博

孝廉孫君以寧賢矢志忠孝孺行潔清白淑淑  
人能不負其家學余始知以寧爲夏峰先生之  
曾孫也乃得讀先生理學宗傳一書直以聖道  
爲已任合程朱王陸一以貫之彼分門戶別異  
同者適自擾耳居無何以寧又以方靈臯開學  
所訂先生之年譜見示展卷捧讀不啻耳提面  
命因思韓子云莫爲之前雖美弗彰莫爲之後  
雖盛弗傳此雖爲勢分勲業而言然道統之傳

亦如是焉昔孔子當世衰道微之際倡明堯舜  
禹湯文武之道當其時咸知景仰迨後百餘年  
入于戰國邪說橫行孔子之道幾息使非子思  
子爲之孫發明聖道精微之旨以傳于孟子則  
數千百年後雖有理學諸儒何以闡其微而抉  
其奧乎今

**聖**天子在上正學昌明表章經術先生之及門散  
于四方皆知推崇所教終不若以寧之親承家

學爲真切而有據也爰相與考証而重刊之以  
廣其傳至先生之理學人品當代名公鉅卿及  
從遊諸君爲序爲傳爲贊爲記備集其美余亦  
何敢贊一詞惟叙述與以寧相遇之由得以私  
淑先生之教聊綴數言以寄仰竒之私是爲序

錢江後學吳維垣紫崖氏謹識

嶺首歷南郡講肆久觀雪浪一雨二公深究性相  
宗趣泊如杭叅雲棲蓮池大師授以淨土法門併  
付衣鉢緣師親年老還鄉侍養數年至襄曠事於  
癸亥年臘八寄莽大師開戒法性余得受圓具焉  
深慕禪宗復往博山親見無異和尚再求證戒執  
侍數年蒙耳提面命忽一日於案頭見趙州公案  
僧辭入閩州云彼中兵馬駢闐汝須回避始得僧  
云向甚麼處回避余於此打失布袋方知徒妄馳  
求光陰虛度擬縛茅爲逸老計幸未冬歸廣州諸

德何敢忘之爲開山主法志

初代開山主法雲頂和尚年譜

師諱道丘字離際晚號棲菴開山雲頂因以爲號  
系出廣州順邑龍山柯氏子明萬曆丙戌年二月  
二十六日示生年十七壬寅歲禮廣州永慶菴碧  
崖大師出家年丁酉歲事慈山大師於寶林  
年二十一丙午歲發足叅方聽教南都雪浪一雨  
二公會中推爲副講年二十有五庚戌歲叅蓮池  
大師付以衣鉢授淨土法門年三十八癸亥歲臘

月八日禮寄莽和尚受具足戒於廣州之法性寺  
年四十有二丁卯歲復出嶺叅博山審受記別華  
爲教授年四十有六辛未歲罷叅南還歸廣州駐  
錫於白雲山之蒲澗寺年四十有七壬申歲在蒲  
澗開爐結制臘八開戒越四載年五十有一丙子  
歲五月二十二日開山鼎湖主法於慶雲本寺禪  
淨律三學並行蓮宗淨土淵源於雲棲洞上宗風  
嗣法於博祖住持法社二十有三年皇清順治歲  
在戊戌六月十六日示寂僧臘三十有五世壽七



十有三前後得度弟子數百餘人得戒弟子三千餘人戒錄別載茲不具錄生平行履詳在自序實錄塔銘

棲老和尚自序

山僧祖籍順德龍山柯氏子世居廣州穗城母族陳氏生余丙戌二月二十六日未時自童子就塾卽知有三寶爲可歸依山是隨母持素發出家志屢請於父母弗許至年十七始得禮碧崖禪師鬚染師從余志得久侍慈山大師年二十一腰包度

嶺首歷南郡講肆久親雪浪一雨二公深究性相  
宗趣泊如杭叅雲棲蓮池大師授以淨土法門併  
付衣鉢緣師親年老還鄉侍養數年至襄曠事於  
癸亥年臘八寄莽大師開戒法性余得受圓具焉  
深慕禪宗復往博山親見無異和尚再求證戒執  
侍數年蒙耳提面命忽一日於案頭見趙州公案  
僧辭入閩州云彼中兵馬騷擾汝須回避始得僧  
云向甚麼處回避余於此打失布袋方知徒妄馳  
求光陰虛度擬縛茅爲逸老計幸未冬歸廣州諸

子邀住白雲蒲澗與衆共坐枯木牀焚地藏家風  
種田博飯度日久慕新州六祖故址乙亥秋往謁  
焉路出端州望鼎湖山水秀麗策杖而入見山勢  
嶙嶙溪流澄湛遂休心棲遲不謂遂成叢席喫累  
不少年過古稀諸方緇素慶讚良多但題於壁間  
云二時飽腹隨緣了一衲蒙頭總不知餘外付與  
執事者吾復何云

開山王法棲老和尚行狀 圓捷機撰

師諱道丘字離際棲絳其號也鳳城龍山柯氏子

母陳氏夢老僧借宿而娠生時室有異光師天資  
點慧非角嬉戲輒爲佛事每跌坐默默母嘗指之  
曰是果老僧再來耶洎就塾卽知有三寶可歸嘗  
喜讀金剛經由是隨母持素發出家志屢請於父  
母弗許至年十七始獲禮碧崖禪師雒染繼侍愍  
山大師于寶林內外典籍深達樞要愍甚器之旣  
而嘆曰出家務明心地文字相中豈究竟法耶于  
是辭愍度嶺時年二十有一愍嘉其行送以偈曰  
汝持一鉢曹溪水去灑諸方五味禪莫道老愍能

說法如今不值半文錢至南郡名宿法席俱往叅  
扣聞雪浪一雨二公演教赴聽之且曰斯亦與實  
相無礙耳親依久之深究性相宗趣洞契玄奧命  
爲副講時年二十有五復如杭叅雲棲蓮池大師  
雲棲門庭峻絕登者未易一見師卽欣然許可授  
以淨土法門并付衣鉢尋思親老旋鄉侍養至襄  
曠事濡滯數年癸亥臘八寄芥大師開戒法性師  
始進圓具焉然于已事未明深縈念慮佺佺若無  
所歸丁卯春復往江石執侍博山無異和尚時異

在鼓山未回隨叩雪關首座被下深錐稍知痛痒  
逮異還山懇求指示異問子從前所作甚麼事來  
師實對謂曾叅念佛是誰被異把定要津無出氣  
處嗣此屢入室請益未能瞥地值戒期因求證戒  
解制隨伴入闕是冬異應董巖請師時又在翠巖  
緬思當初發足爲親近知識了明大事今日混入  
此中有甚了期卽時過道巖見異異謂賢弟別山  
僧來工夫得力麼師無以對異謂汝旣如是不若  
仍歸博山叅禪去好古人心地未明擇一明眼知

識久久親近以決生死大事豈是等閒耶師唯唯  
卽日返博山鉢盂峯力叅三年蒙異每過提命師  
雖未能瞥地亦稍露囊藏已巳冬辭異之浙異寵  
其行送以偈曰棲禪嶺表稱耆舊鎮海明珠誰不  
有栲栳相傳古及今誰是挈雲虜浪手肉髻深藏  
知幾秋光明普照四神州旋聞返見辯端的喫飯  
穿衣得自由果若沾嘗些子味蹭蹬如癡亦如醉  
逢人嬾話目前機正好隨羣與逐隊何緣跋跬博  
山來浙水潮聲莫浪猜脚跟踏著家鄉路白泮通

身帶活埋庚午春復回博山命爲教授忽一日於  
案頭見趙州語錄僧辭入闔州云彼中兵馬駢闐  
汝須迴避始得僧云向甚麼處迴避師於此打失  
布袋大得休歇卽呈偈曰兵馬駢闐何處避團團  
赤骨露堂堂不須向外求知已六月炎炎降雪霜  
異聞畢乃云子旣于此會得出身句他日莫向白  
雲峯頂坐斷天下人舌頭去師旣承記愈自刻勵  
必期久依以盡其用季秋適異示寂居喪半載擬  
辭南還首座謂子受和尚恩深須待入塋乃行師



領之明年辛未十月念一襄葬事畢乃出山順入  
匡廬會同叅宗寶禪師於金輪冬杪歸廣州聞者  
爭謁一時緇素問道如雨又明年壬申宗伯陳公  
秋濤翰林梁公未央等并城內外寺勤舊請師住  
白雲蒲澗學者輻輳共坐枯木牀效地藏家風種  
田博飯癸酉相國何公象岡翰林伍公鐵山等延  
至香山講金剛經乙亥秋訪六祖新州故址路出  
端州望鼎湖山水秀麗策杖而入見龍蟠虎伏知  
爲福地遂有開山之志先是地主梁公少川與同

郡陳清波等十餘人延僧墾土構菴其中共結淨  
社招陽江朱子人主之卽在慘贊公也聞師至趨  
迎入山奉爲住持不久遂成大刹僧俗雲臻如水  
赴經先後經營皆始狹而終廣瓊樓絢閣丹輝碧  
煌諸有寮舍次第建立一一就緒至於造像請藏  
諸莊嚴事亦各告竣計費朱提非巨萬不可然師  
皆趣辦於談笑之間曾不假籌謀之力按鼎湖山  
羈誌亦名天湖其最高峯頂邈迤而下有涅槃臺  
爲智常禪師跌坐處鑄有正法眼藏涅槃妙心八

大字至今儼存循臺而東三台鼎峙環旋擁出蓮  
峯中平若掌則師之慶雲禪院在焉先是憨大師  
曾遊此峯懸記曰不久當有至人於茲開創大作  
佛事紀以詩曰蓮花瓣瓣涌滄溟寶殿高寒傍七  
星白晝雲封無犬吠夜深說法有龍聽至是果驗  
師乃力弘博山之道更嚴淨毘尼復設淨業堂弘  
雲棲法要禪淨律三教竝行自有佛法以來未有  
如吾師之兼善者也自是聲光燁赫四衆咸歸當  
道鄉紳悉在門下丁丑兩粵制臺熊公鼎建水月

禪宮落成率劉梁二孝廉并諸文學齋書幣再三  
請師主之堅臥不應識者尤嘆服高尚乙酉楚中  
惠藩山梁至端州遣使齋書帛敘弟子禮并錫千  
佛袈裟延往寓邸爲母太妃受戒辭不赴乃命使  
展轉代受求法名仍送藍紫二衣丙戌悅民王公  
偕伯安曾公等并光孝諸耆宿請師住持光孝禪  
堂辭不受志在晦跡韜光柰何身隱名隨莫之或  
掩嘗聚衆至二三千指常住素無僭石儲所給皆  
付龍天己丑方伯胡公念常住蕭然密偕監寺臺

壽募諸宰官共助金千兩有奇擬爲常任置田齋  
金入山師却不受竟擯監寺責其破壞佛制也于  
是有不置田產之約遺誠後昆大意謂釋子修行  
龍天擁護四事自足胡用田產爲故開山數十年  
來諸需周備未嘗匱乏間值糧絕職事以白畧不  
介意謹就韋天問訊旦日果有檀那揚帆載米而  
至辛卯護法殿前大波羅樹一旦枯萎衆謂必不  
再蘇師咒水灌之復茂如初癸巳春西敵逼端州  
兵賊交馳搜掠者旁午於山谷師畧不戒心率大

衆日課如常彼輩見師慈色逼人  
多投杖而拜是秋岡城鄉紳及四衆  
敦請說法大雲龍興寺有狂儒興謗  
笑請者癡夜夢神人責云汝謗活菩  
薩當減壽一紀宜急往求悔其人驚覺  
忙起整衣子刻卽秉燭詣師謝臯師爲  
開示收容傾信轉化同人求見者續紛  
也伍鐵山內翰時在岡州贈以詩曰  
昔日從師斷二愚別來原只當斯須  
肉身喜見生菩薩法座前稱老腐儒  
滿月一簾天在水春風萬里露成珠  
深承慈示恩何報願繪岡城立雪圖  
東

莞司寇李公曉洲宗伯王公園長司馬簡公頽菴  
復請說法金繩菴是冬 平靖二藩慕師道望施  
衣鉢于長壽禪林迎師爲諸僧尼說毘奈耶法仍  
請入府供養尊禮備至至乙未重修大雄寶殿有  
大木來自海隅山路徑崎嶇苦于轉運正策畫間  
忽大雨滂沱三日乃已溪水暴漲丈餘大木直抵  
山麓不越月而梵宮巍峩咸謂師行願弘深感龍  
天默助云丁酉冬 平南王復厚具資帛差官駕  
王舟詣山敦迎就府供養并請主無遮法會累辭

不允旣至王降階躬迎慰安問道言論甚竦王聽  
解嚴優錫衣禮還山并賜王座歸爲法座靖王亦  
請爲母太妃受戒求法名寵榮殊篤其爲國王薦  
紳所敬禮如此然皆處之澹然曾不少動于中時  
丁鼎革綠林嘯聚所在剽不剽掠獨師任處安堵  
如故間有陰圖侵犯者輒迷路口或至山阿便聞  
捍衛戈馬聲或見巨石從上毬下抱頭鼠竄莫敢  
覬覦戊戌春鑄浮圖于禪山師一日晨起聞天樂  
鳴空聲甚嘹唳移時方歇以問侍者侍以別對師



意未許暨晡時俄報昇舍利塔還山矣其密行立  
應類是者不能盡述是歲夏師自以化緣已畢有  
厭世意乃自敘其出家始末至六月望日觀白蓮  
花盛開索觚翰作蓮花頌訖呼侍者取水澡沐徧  
行各殿禮佛次于各寮一一開導晚示微疾黎明  
書偈曰兵馬駢闐何處避者條活路少人知自從  
踏到家鄉底生死由來更不疑投筆正襟危坐而  
逝越三日掩龕顏色不變門人及遠近來吊者哭  
師哀甚如喪考妣庚子五月六日奉全身塔于本

山之右離寺數百步許時連日霖雨七旬不息獨  
是日天氣晴明金烏朗耀籠芝甫竣復雨如前一  
衆咸嘆天時人事俱非偶然師生萬曆丙戌二月  
二十六日在菩提場中二十六夏示人間壽相七  
十三年在門諸彥如在猱贊公宗符華公皆法中  
龍象翊道弘宗傑出禪流蔚爲世望所度弟子不  
啻數千其下法裔尤稱蕃衍師氣宇魁岸軀幹修  
廣昂然如野鶴之在鷄羣稟性最慈遇衆嚴謹律  
身誠實不事矯飾立言示訓非素履而躬踐者不

言也大都其生平所可矜式者一與雲棲老人脗合聞者歸依恐後僉謂嶺南古佛故平藩請主法會時諸士大夫一見師不覺膝之至地其外黑白爭瞻禮者摩肩接踵館舍幾無容足至于爲法則殮寢頓忘晝夜爛勵初行脚吳越首歷講肆脇不沾席初中後夜嘗舍座而立閱藏瑠琉燈下雖溽暑祁寒殆無懈倦暮年頗嬰足疾動止須人目亦稍昏然以三藏旨趣叩之如谷答響自少至老精進不休晝則禪定夜則念佛愍念嶺南法道

全身獨荷垂示機語向上單提不滯枝蔓規  
矩嚴於過午半日半日褻灑陀以誓當神凜一念  
自欺之鈇鉞兼之維那唱名書記宣約勸善懲惡  
一軌雲棲典型故人稱鼎湖布薩之嚴良有以也  
遇宴必安居三月自恣後方許遊行自奉惟麤衣  
糲食未嘗少有偏衆至孝更出性成值諱辰必禪  
祀風木銜哀出衣鉢金命衆誦禮經懺以資報地  
仍散單資示不虛勞衆力也其接引來學曲盡盤  
桓諄諄誨諭一無倖容衲子就爐鞮者聞風奔赴

有病者則濟之湯藥而以思苦進道策之有省親者則施之財法而以竭力孝養勉之且器度寬大其能容物如巨海之納百川卽有跳梁跋扈狼戾粵峯必曲垂憐愍軟語調之俾其知罪懃悔而後已其有痴頑不從化者然後擯以規條求懃悔而還者許之不塞其自新之路仍敘用如常師嘗言大林有不材之木無容盡去况我以子視大衆忍見其回頭而不救耶於戲師道之普被嶺南蔑以加矣學者渥師法澤似飲醇醪醉不自覺絕唱迄

今遠近緇素繫念無斁如慕慈母生平著述不少而遺逸過半蓋師疇昔願力心印單傳以言語文字皆爲糠粕不欲畱存也師畢生行實不許侍者筆記覽其自序不過四百餘言非常情所能窺測者也機得承事最晚而於羣弟子中又最爲庸劣敢強所不知浮謾一辭一事以誣師哉此或見之行事或徵諸老宿或檢諸遺文謹述所知者其不知者俟智者補入

棲老和尚塔銘

寶安李覺斯撰

字曉洲官至尚書

衣鉢六傳至曹溪而大振同曹溪桑梓而挺出爲  
法中龍象者則石頭遷爲嫡孫而夾山會仰山寂  
洞山聰黃龍覺黃龍新諸尊宿皆具大機大用荷  
擔弘揚嶺南佛法之盛有自來矣明運秋降此道  
中衰求爲義學明律者固希而證圓頓者益寡必  
有過量大人徹無上之宗悟別傳之旨致嚴萬行  
行解相應施金鏡於翳目標月指於人天使嶺南  
法席繼曹溪而重振者其唯棲谿禪師乎師蓋洞  
山宗石頭下三十五世孫也法諱道丘字離際棲

經其號也廣州順德柯氏子母族陳氏夢老僧借宿而娠生而白光滿室襁褓嬉戲喜爲佛事或跏坐巖然母指之曰是果老僧再來耶稍長就塾嘗竊誦金剛經超然有出塵之志二親弗之許也年十七始從碧崖師薙髮侍憨山大師于寶林博習內外典悉領義趣山深器之旣而辭山徧叩諸方依雪浪一雨二法師深究性相洞契玄旨命爲副講時年二十五矣晉雲棲謁蓮池大師稟受唯心淨土法要以師親年老歸粵居數稔畢孝行復思



古人不以得少爲足遂翻身出嶺走江右叅博山  
無異和尚值異往鼓山而扣雪關首座卽爲痛下  
針錐稍知痛痒然終未能脫灑異還博山朝夕執  
侍屢被徵詰以工夫得力處師茫然無所置對異  
曰汝旣如是古人心地未明擇一明眼人久久親  
近生死大事豈是等閒俾就博山鉢孟峯操履閱  
三年如一日已已辭異遊浙異書偈以勉其行偈  
云棲禪嶺表稱耆舊鎮海明珠誰不有栲栳相傳  
古及今誰是拏雲屨浪手肉髻深藏知幾秋光明

普照四神洲旋開返見辨端的吃飯穿衣得自由  
果若沾嘗些子味蹭蹬如癡亦如醉逢人嬾話目  
前機正好隨羣與逐隊何緣跋躄博山來浙水潮  
聲莫浪猜腳踏著家鄉路白汗通身帶活埋庚  
午春復還博山值戒期命爲教授忽一日覽案頭  
語錄見趙州因僧辭入閩州云彼中兵馬騷闐汝  
須迴避始得僧云向甚麼處迴避師於此不覺打  
失布袋從前礙膺之物泮然撲落信口呈偈曰兵  
馬騷闐何處避兀兀赤骨露堂堂不須向外求知

已六月炎炎降雪霜異鎮之自是兢兢保任及異  
示寂師執心喪踰年建塏事畢辛未歸廣州德馨  
微露識者嚮風越明年學士秋濤陳公孝廉未央  
梁公暨諸緇素請住白雲蒲澗乙亥冬尋六祖故  
址于新州至廣利近鼎湖爲衆信稽留先是鼎湖  
山師大弟子在公於癸酉歲初拔俗時近鄉耆老  
少川梁公感夢警發卽舍地爲菴在公旣誅茅種  
松次年粗成殿宇及左右禪房開師至遂請入山  
師見此山峯巒環秀若蓮花亭亭開天半間實爲

有道者長養聖胎之所故山後雲蒸霞蔚處有飛  
龍潭六祖上首智常禪師涅槃臺存焉師便有終  
焉之志旣往新州還蒲澗丙子季夏辭蒲澗入鼎  
湖諸緣輻輳不按指而樓閣殿堂金碧相輝儼乎  
若從地涌出矣居常以禪淨律誨衆嚴重溫柔一  
味平等故每叨其慈攝者不自知爲慶遇爰是四  
方衲子之欲登其門者波委雲縈十方檀信之樂  
施其財者爭先恐後晚年聲譽益著卽王公大人  
咸生景仰前制臺心開熊公以星巖所建水月宮

請師駐錫惠王由梁遣使稱弟子獻紫僧伽黎復請爲母太妃說戒師皆堅辭不赴其孤高之槩如此至於座下常千餘指圍繞而絕不立田產明廉憲胡公念無寸土非常在計欲密與監寺募千金置業師覺卽止之謂釋子志在辦道不謀飽食終日一鉢千家飯猶自媿殺豈可廣積厚藏以貽來嗣坐享之譽故開山來不持一疏而施者自至其清確又如此也頃平靖兩藩慕師高風延至問道靖藩太妃稟受飯戒嚬以名香紫衣時內翰

鐵山伍公嘗偕諸紳士敦迎法施師唯一音演唱  
庶類欣心間有狂昧之徒懷不順心向師者輒遇  
神鬼暗譴非師之德紹先哲又孰能令幽顯全欽  
若是哉師以戊戌夏化導將畢自敘行脚始末蓋  
有辭世先機於六月望日取浴更衣晚示微疾黎  
明端坐而逝越三日顏色怡然乃掩龕供事歲庚  
子五月六日衆弟子奉全身塋於本山之右師誕  
萬曆丙戌二月二十六日示寂順治戊戌六月十  
六日戒臘五十六夏世壽七十三年所度弟子不

可勝紀當代名公巨卿列門牆者尤衆師完體豐  
碩律已嚴身誨人不倦胸無少物故道重一時覺  
斯嚮慕高風殆非一日癸巳之秋與宗伯園長王  
公請師說戒于敝邑之金繩禪院四衆香花持獻  
投體恐遲斯亦得昕夕咨叩受益良多嗚呼聖賢  
日杳求其行解相應三學洞貫振古道於末世挽  
墮風於將墜如師者殆不可一二屈指矣所謂逃  
名而名我隨無求而物自至寵辱不驚至誠而動  
非古高僧再來以爲導世大光明幢也耶諸弟

彙師行實徵余言爲埵上之銘誼不獲辭銘曰  
有過量人後佛出 爲迷衆生作杲日  
早辭世網事空門 依師決擇經禪律  
百城煙水歷忘軀 翻身撥入博山室  
從前虛妄一東拋 忽朝布袋混打失  
無聲曲子唱還鄉 沒踪跡處藏不密  
因緣推轉屬天湖 樓閣妙嚴比兜率  
法堂常繞半千僧 寸產并無鹽醬溢  
一片陽春藹照人 四方殮化長馳軼



七十三年眼頓空 五十六夏德難述

稽首千江老月輪 肉身何用加髹漆

無縫塼裏現全身 奚勞按指示常寂

悲智輔翼利羣生 智理靡分遂冥一

法語

上堂法語

峯巒疊翠澗水潺湲岸柳含煙庭花笑日鶯啼喬  
木蝶舞芳叢松風瓦枕水月雲房若作境會眼裡  
安錐若作禪思鑿空開戶去此二途畢竟如何欲

蒼雪生年與

大著明季滇黔佛教考不符敬求

指正為感

援庵先生

陳乃乾謹呈

蒼雪大師行年攷畧

庚辰孟冬旬愬





傳法系統


雪浪 (洪恩)

- 一雨 (通潤)
- 巢松 (慧浸)
- 雪山 (慧杲)
- 耶溪 (志若)
- 明宗 (廣詢)
- 蘊璞 (如愚)
- 若昧 (智明)
- 碧空 (性湛)
- 無學 (如能)
- 蔚然 (智觀)

陳垣同志遺書

- 汝如 (明河)
- 蒼雪 (讀徹)
- 西竺 (道寧)
- 唯觀

- 含光 (照渠)
- 道開 (自扇)
- 若鏡
- 警珠
- 希睿
- 戒冰
- 介石
- 緣中 (普經)
- 自均 (本懷)
- 德風 (書傳)
- 智光 (德本)
- 印持 (溥聞)
- 玄道 (口修)
- 文照 (寂覺)



蒼雪大師行年考略

庚辰孟秋王培孫先生以所注南來堂詩付印俾予雠校循誦數過於蒼雪大師之事蹟粗知梗概爰依年編次寫爲一卷其同時法侶詩友之可考者附焉寒家自兵燹以來篋藏盡散素居孤島緘借無門今撰此編蓋不勝踈略之憾云海寧陳乃乾

師名讀徹初字見曉後更蒼雪別號南來雲南呈貢人俗姓趙氏

父碧潭都講僧

母楊氏

姊妙德

滇釋紀妙德比丘尼呈貢人姓趙氏乃蒼雪法師之胞姊也童年祝髮於昆明城南清淨寺履止敦樸惟戒確守衣鉢之餘分寸不著寫志精修一無虛日常領衆數十時謂滇南尼衆之善知德也每爲大族所重世壽七十餘終於本寺 集中寄徒三和書言一姑婆亦不知近作何狀指此

明神宗萬曆十六年戊子一一歲

正月初二日生

見集中丁丑歲繫詩及六十酬諸法友詩

錢謙益蒼雪大師塔銘師面目刻削神觀凝睇

賢首宗乘本傳師貌古眼豁神澄氣壯出言成文意趣風生標格韻致渾如晉代人物  
雖脫略世相舉動之間事多冥會

滇釋記本傳師慧性敏達若生知然

是年古心如馨 四十六歲 雪浪洪恩 四十四歲 洞聞法乘 三十七歲 朱白民驚 三

十六歲 耶溪志若 董玄宰其昌 並三十四歲 陳眉公繼儒 三十一歲 碧空性湛 二

十六歲 一雨通潤 二十四歲 巢松慧浸 雪山慧杲 並二十三歲 若昧智明 二十歲

文湛持震孟 文彥可從簡 曹能始學佳 鍾伯敬敬 並十五歲 姚現聞希孟 十歲 錢

受之謙益 七歲 廖傅生孔悅 五歲 文啓美震亨 蕭伯玉士璋 並四歲 石林道源 三

歲 汰如明河 一歲

按師與汰如生年月日皆同集中贈汰公詩同年月日長時辰丁丑還同拜五旬可證  
也近年陳援菴先生明季滇黔佛教考獨謂師生萬歷十五年不知何據

萬歷十七年己丑 二歲

是年華亭董玄宰舉進士 呈貢文介石祖堯 生

萬歷十八年庚寅 三歲

149

是年耶溪講楞嚴經於蘇州 吳縣徐元歎波生

萬曆十九年辛卯 四歲

是年吳郡趙靈均均生

萬曆二十年壬辰 五歲

是年碧空得雪浪印心葛屺瞻祠部延主金陵天界寺開闡華嚴經義 耶溪講法華經

於杭州靈隱寺 桐城吳本如用先舉進士 覺浪道忞生 太倉王煙客時敏生

萬曆二十一年癸巳 六歲

是年耶溪講楞伽於杭州淨慈寺 攝山僧素菴真節卒年七十五歲 晉寧唐大來奉

生 按大來即持當和尚昔荷其祝髮在師圓寂之後一年故集中皆稱其俗名

萬曆二十二年甲午 七歲

是年石林禮智林寺明公為師 支浮戒岳生

萬曆二十三年乙未 八歲

是年月潭廣德自雲棲出遊遍參諸方 吳郡張德仲生 按德仲無考明亡後隱居集有詠張德

仲躬耕東朱詩

萬曆二十四年丙申 九歲

是年交光真鑑作楞嚴正脉成 長洲徐武子樹丕生

萬歷二十五年丁酉 十歲

是年秋月潭至北京講華嚴宗旨旋歸南京天界寺

萬歷二十六年戊戌 十一歲

師至雞足山寂光寺依水月

滇釋紀本傳童年隨父祝髮於昆明妙湛寺至雞足山寂光寺為水月大師侍者

賢首宗乘本傳師方十一歲送雞足山寂光寺依水月法師為沙彌

雞足山志儒全號水月昆明人萬歷初年禮古林為師後與朗目同參徧歷大方海內

宗匠無不印可一日至峨眉山四會亭得瑠璃三昧後歸主寂光寺

是年報恩寺塔頂傾側雪浪領眾乞於都市施者麇集遂得修復 剖石弘璧生 常熟

毛子晉晉生 長洲楊曰補補生

萬歷二十七年己亥 十二歲

師住寂光寺

是年含光照照生 三宜明孟生

萬歷二十八年庚子 十三歲



師住寂光寺

是年江陰周仲榮起生

萬曆二十九年辛丑 十四歲

師住寂光寺

是年漢月法藏 受戒於雲棲 道開自局 生 吳縣席寧侯本積 生

萬曆三十年壬寅 十五歲

師住寂光寺

是年耶溪棲息杭州永福寺 見月讀體 生 智光德本 生

萬曆三十一年癸卯 十六歲

師住寂光寺

是年達觀真可 被遠卒於獄年六十一 徐州萬年少壽祺 生

萬曆三十二年甲辰 十七歲

師住寂光寺

是年成都莊宜穉 祖登 舉進士

萬曆三十三年乙巳 十八歲

師住寂光寺

是年董玄宰以湖廣提學副使致仕 唐大來補弟子員 巨冶濟教生 微密真詮生

繼起弘儲生

萬曆三十四年丙午 十九歲

師出發參方由滇至蜀與扈芷廣育偕行達金陵受具於古心

錢謙益蒼雪法師塔銘年十九慨然遠遊孤筇萬里叩楞嚴於天衣受十戒於雲棲受滿分戒於古心律師聞雪浪晚棲望亭往參焉

賢首宗乘本傳年十九發志參方屢出屢爲師所制一日發憤三日三夜奔至雲南省城乃得脫自此孤瓢隻影悠悠萬里得達金陵時當古心和尙開戒於靈谷師乃進具昆尼焉行至浙江會稽習楞嚴於耶溪法師復至金陵叩法華於石頭和尙皆無所得聞雪浪大師晚棲梁溪望亭師往參焉

陳繼儒蒼雪詩稿序蒼雪上人自滇遊峨眉遇扈公裹笠偕來入吳禪誦吟詠如天親無着兩兄弟嘗結制余山中余與之倡和甚數

按集中度黔中鐵鎖橋登文殊頂秣陵關雨花臺金山寺自樅陽至桐城國清寺西湖雁宕山黃山黃海諸詩皆此時途中作

汰如亦以是年自通州南遊參叩諸大師門

按師與汰如同爲一兩上首弟子時人並稱蒼汰一生遭際無所不同師嘗作六同詩謂同師門同行脚同轉法同住山同起廢同護法也

是年友竹傳法生

萬歷三十五年丁未 二十歲

雪浪接衆於望亭師往參焉

賢首宗乘雪浪法師傳晚年接衆於望亭草菴日則運水擔薪普濟飢渴夜則隨緣說法開導昏蒙二利並興學者翕集

是年一兩南遊武林天目 三際住遊 講法華經於婁東隆福禪堂王文肅公錫爵特建

潮音菴居之 石林受具於古心 與樂庵志生

萬歷三十六年戊申 二十一歲

冬雪山慧泉 卒一兩自武林歸賦詩哭之十一月十五日雪浪亦卒一兩爲位於水田菴附雪山祭焉

師從巢松聽講唯識論茫無所解歲除賦詩一時傳誦 集有巢師雲隱講期水仙居對

兩同社分韻詩

錢謙益蒼雪大師塔銘雪浪沒巢松浸開講甘露寺師年廿餘古貌稜然敝衣下坐除  
夕奮筆呈詩大衆驚異

賢首宗乘本傳雪浪大師沒巢師開講於吳之雲隱師乃進謁聽演唯識茫無頭緒歲  
除賦詩有云一歲若教無此夜百年那得暫閒人友人巢雲拍案叫曰吾黨今夜盡可  
閣筆內外喧傳師之詩名實基於此矣

按集中有壬戌山居除夕詩云天地滿蓬塵吾廬一掃新若教無此夜那得暫閒人  
瓦雪融松火瓶梅破凍冰自來飄泊慣不覺寂寥身三四兩句與賢首宗乘所引合  
惟一爲五字一爲七字耳考壬戌爲天啓二年適當巢松圓寂之歲師亦年三十五  
矣詩之不作於是年可知壬戌二字當是傳鈔相仍之誤或早歲本有此七言二句  
壬戌年復改入五律歟

又按寶華山志載讀體除夕次蒼雪韻五律一首與此詩僅易數字當是選詩者誤  
讀徹爲讀體而傳鈔率誤字句遂因而小異考其時讀體在滇年尙童穉不得與師  
酬和也

一兩以師友旣喪思欲靜居立言因卜居於海虞秋水菴

按師從一兩不知始於何年集有侍二楞師初住藤溪詩侍兩師藤溪休夏詩藤溪

平野堂兩師命同聯句詩藤溪在虞山當即居秋水菴作也

是年廬山僧若昧由黃巖移住開先寺 三際講經於練川西隱寺 石林從巢松聽講

楞嚴法華唯識起信諸經論

萬曆三十七年己酉 二十二歲

一兩應匡雲性淳之請講經金陵休夏於斷臂崖冬升天界之座師從之聽講

是年朱蘭峒太宰建石頭菴於金陵碧峯寺左延蘊璞如愚居之 開先寺僧智明建華

藏閣 古心說戒於鄧尉聖恩寺 漢月受具於靈谷 吳縣蔣賓容一菴舉進士 聞

照寂覺 生 婁東吳駿公偉業 生

萬曆三十八年庚戌 二十三歲

春一兩天界寺解制冬講法華於鷲峯師從之聽講始豁然通悟此後數年中一兩講筵所至師殆無役不從

賢首宗乘本傳神宗庚戌參兩師於鳳山乍聽楞伽猶然故我十晝夜對卷癡坐雙目逼如赤桃及聽三自性章恍如枷鎖墮地種種憎愛忻怖莫不帖然自此經論觸目一皆冰釋無滯行住坐臥惟覺大快而已

巢松主華山講席 集有春懷華山巢松師詩當作於此後數年中

賢首宗乘巢松法師傳此山雖自浪師開講麓師演化而規模湫隘師至擴而新之山靈面目頓然改觀

是年漢月住海虞之三峯 錢受之以第三人及第 緣中普經生

萬歷三十九年辛亥 二十四歲

春一雨訪巢松於華山夏至若溪居福山禪院冬應講蘇州慧慶寺撰唯識集解十卷成是年含光禮化城庵悟宗師出家 練川詣護法創真際菴延三際主之 無學如能撰楞伽接響成 自均本懷生 德風書傳生

萬歷四十年壬子 二十五歲

春一雨講楞伽於蘇州雲隱菴

萬歷四十一年癸丑 二十六歲

春一雨講唯識論於蘇州桃花塢之北菴主者不協僅及八卷而止

是年玉菴真貴 撰楞伽科解十卷成 含璞戒珠生

萬歷四十二年甲寅 二十七歲

一雨講楞嚴於胥江餘慶菴嗣開講於金山甘露寺  
汰如始謁一雨於金山

萬曆四十二年乙卯 二十八歲

秋一雨自金山南遊於考室山中得琇禪師故菴將終老焉冬復還金山

明河二榜大師無住蹟乙卯解衆而南甘露主人曰法燈停一刻之照亦足啓蒙廓蔽  
固請弘經師曰去而來訂以是冬故金山衆不以師行爲別而苦秋杪絮一杖問雲嶺  
上考室山中得琇禪師故菴菴面太湖背西磧潭彈二山左折層松障天過小石橋而  
西爲塔塔與松門石幢影相望屋與山際山與水際天秋無雲七十二螺洞庭雙翠統  
之入指頭也春來梅花不知其幾千萬樹寒香冷暈間泠然鐘磬莫識路從何入探梅  
不至是觀止於光福玄墓間殆未見梅花也師喜曰山水之奧衰暮所宜吾老於是菴  
久廢爲民居居者索直師笑而無對城中諸居士受法者共成之或問師曰住此何先  
師曰種竹以菴少竹也賦詩曰且罷栽松事仍添種竹心擬將一片地轉作萬重陰帶  
雨生新綠因風送好音衰年無可意猶望遠成林未幾甘露主人至師曰奈何乃行眉  
之攢也期中大雪寒甚師憶鐵山梅花新蕊竹新栽力不勝恐見壓爲之愁心學人得  
法喜如在春風中坐不知也

吳與則正己 舉於鄉 集有贈吳與則孝廉詩

是年七月蓮池詩去卒年八十一 十一月古心卒

萬歷四十四年丙辰 二十九歲

一兩自甘露寺解制歸鐵山秋應講餘慶菴

汰如謁一雨於鐵山尋入閩 集有吳門送別汰公詩送汰公之宣城詩

是年耶溪再應講於吳中如意菴 靖江縣民沈其旋倡捐為戒衲洪注海門 建楞嚴菴

集有楞嚴菴洪公故居詩

支浮至廬山東林寺從三昧寂光 受具足戒繼至五乳峯參憨山

憨山以自著華嚴綱要授之 蕭伯玉士璋 申青門紹芳 舉進士

萬歷四十五年丁巳 三十歲

一兩居鐵山五年師從焉 集有二楞師閉關詩

汰如自閩歸與師同居鐵山 集有喜汰公雁宕遊歸詩

明河二楞大師無住蹟歷丁巳戊午己未庚申凡五閱歲絕影人間改鐵山為二楞菴

自稱二楞主人於是疏楞伽楞嚴二經故也

錢謙益蒼雪大師塔銘依一雨潤於鐵山與汰如河師並為入室弟子雪浪之後巢講

兩筆各擅一長二師殆兼有之諸方所謂巢兩蒼汰者也

賢首宗乘本傳師與汰公為兩師上首弟子凡兩師瓶錫所至挾持左右綱領大眾若

性若相若圓融具德之學一皆窮源極奧昔之稱巢兩者此時稱蒼汰矣



是年二月朔耶溪回永福寺九日示疾次日坐化 六月月川錄澄卒

萬曆四十六年戊午 三十一歲

師從一雨住鐵山

明河二禡大師無住蹟師之住鐵山也家風一味淡苦執爨拄扉剔釜皆躬之故菴中無坐食人一年除夕師自舉一大桑樹根生火堂中換香水師火前向佛坐河與蒼雪侍坐向火燒芋食雪大作屋垂欲壓河蒼雪各賦一詩上壽坐以待旦柴門十餘日不啓雪欲待人而殘不可得也師勤學者懶欲終杜門謝之是輩不以門杜而不來以講說妨靜欲終杜口謝之是輩不以口杜而不請至無可奈何曲應之一日過經二十紙上首白略裁則說無勞聽易領師正色曰汝看我囊中米多少入門未有不攢貼相容尙遭嚴拒如此其視曲惠以囿學士厚貌深詞以固其藩者聞師之風亦應少愧

聖恩寺信墨華鑄法華鐘歷時廿載三鑄而成 集有詩

萬曆四十七年己未 三十二歲

師從一雨住鐵山

是年曹能始等延覺浪結制羅山 北京敕建金剛寺成沈銘緝淮 延蘊璞主之春冬講論日燒數千指 姚現聞成進士 顧茂倫有孝生

萬曆四十八年即光宗泰昌元年 庚申 三十三歲

巢松退居水田方丈一雨繼主華山師從焉

賢首宗乘巢松法師傳至泰昌元年謂門弟子曰吾可以弛擔矣遂請兩師以謝院事  
自歸水田方丈

明河二楞大師無住蹟既而巢師自華山遷望亭與師書曰鐵山且置華山兄之華山也敢請師曰華山且置丈室老人之丈室也不敢辭將行鐵山人曰師捨此而去耶師曰華山人謂我住此而來也可乎幸無置我於去來相中是冬泰昌改元爲昇支道林講座談經兩月祝聖萬壽

是年三昧自東林移主金陵寶華山 憨山德清自廬山往曹溪 碧空講法華於獅子

窟勝慈往依止焉 含光聽法於巢松 董玄宰起爲太常寺少卿掌國子監司業

熹宗天啓元年辛酉 三十四歲

春一雨昇天界講座冬講楞伽合轍於蘇州慧慶寺 集有奉和二楞師元日詩

明河二楞大師無住蹟天啓元年辛酉鍾祠部爲師結雨花社於南都天界寺破雪來迎師曰天界吾鹿野苑不至此十二年矣無是或一往向半峯雙檜間問故人在否况命我乎是會社中人人義龍行且作兩義天唯師一點眼耳前是巢師連應鐵甕石城

二集名高衆咸諸龍或在或否概以桓宣武置酒李勢殿視高坐恨人不見王大將軍故爲是舉而師莫之知期終至燕子磯賦蘆花江上月一宿乃還師疲於津梁有匡廬終老之志昧師實啓之以二合轍初出案一兩著楞嚴合轍十卷楞伽合轍八卷非親宣不可適慧慶化城二刹請爲期主慧慶故舊會首是冬畢楞伽明年壬戌楞嚴則化城菴也巢松卒世壽五十六

是年支浮隨三昧至南嶽居雉潭蘭岩 勗伊佛閉 受具足戒於天祐尋往天界寺投月

潭 剖石從漢月圓具 開先寺僧若昧造七佛樓 姚現聞授檢討 吉水劉晉卿同

升學於鄉

天啓二年壬戌 三十五歲

師從一雨居華山

靈石道淳 還蜀未幾坐化 集有送淳公還蜀詩懷蜀友石公時聞成都有奢會之警詩

又華山除夕有懷扈芷弟詩亦當作於是年

是年智光披剃於六合千佛菴 巨冶從觀法師披剃 微密從大觀山虛中披剃受具

足戒於天祐 文湛持戒進士廷對第一授修撰 張靜涵有舉 賜進士出身 董玄宰

兼翰林院侍讀學士纂修實錄 雲音道周生

天啓三年癸亥 三十六歲

師從一雨居華山

巢松營葬華山 集有水田師塔詩

扈芷匡雲與陳眉公休夏山中留連九旬始去

陳繼儒偶菴草小序扈芷自西蜀走吳顧獨與董玄宰章青蓮徐九玉眉道人爲詩友  
嘗與蒼雲匡雲休夏山中打松子作麩余爲煮蔬蒸菌留連者九旬始去

是年破山寺僧洞闡卒 十月憨山卒年七十八 自均投蒲菴慎獨律師剃度 緣中

禮城西寶月菴自公爲師 慧開空明生 三月吳本如以侍郎總督薊遼 董玄宰遷

少詹事掌南京翰林院轉禮部右侍郎

天啓四年甲子 三十七歲

二月一雨講華嚴玄譚五月解制八月移住中峯九月十八日坐化世壽六十汰如繼主  
院事

明河二楞大師無住蹟華山僧有以忍苦致稱者請弘華嚴疏鈔師以時久費浩不許  
請玄譚許之於甲子春二月昇座五月告終期後一病不起法音不復更舉是秋八月  
遷中峯猶能接王安衆若爲無病人者半月一日出一紙示大眾視之乃遺囑也是日

坐脫於中峯禪院師生於嘉靖之乙丑五月五日化於天啓之甲子九月十八日閱世六十坐夏四十有六將化前一夕命衆鳴魚念佛自疊膝合掌口朗朗至夜半命輟魚但用引磬一人及明聲始絕面色轉紅頂門如火氣漸微至已乃盡身不歆掌不開儲器從俗故舒而斂之師之法子蒼雪與河狎主院事

時中峯久爲王氏產至是仍捨爲佛寺且立券證焉

中峯大殿落成詩自注山爲王文恪公所有四傳而至伯真君不以爲松楸仍還佛地明河二楞大師無住蹟初師移華山二楞菴空虛魔來問鼎鼎遷而師不問至是西城王伯貞居士正信佛乘奉師爲大和上願永捨中峯爲二楞菴將死命其子其子能行父志師始以病辭既思中峯與華山密邇且俱爲支公勝地曰死於彼使王氏父子善因成就

文震孟重復中峯禪院記略昔晉道林支公於吳有勝緣焉迄今千餘年猶多遺蹟華山其講院也南峯北峯中峯則志所稱冬茅椒夏石室處也我明弘正間佛法陵夷珠宮紺宇往往入豪貴家南峯旣廢爲墟墓而中峯亦歸于先正王文恪公四傳至太學君永思且死遺言仍還淨域是時講師一雨潤公卓錫華山通曉禪理緇素歸心王因以地畀之佛光再朗寶地重新吳山之靈咸爲明證矣潤公旋即遷化二三同志以禮

延其高足汰如河公于白下嗣主院事請余一言垂諸永永

彭紹升居士傳予嘗過支硎中峯寺僧念庭言寺故王氏宅明天啓間捨爲寺以居蒼雪法師立書契戒子孫不得有所求責而景文湛持孟長三君子皆署名其後爲左證師移居白門廿四松山居 集有儼園四詠諸作

賢首宗乘本傳天啓甲子師隱居白門廿四松山居卽大司馬吳本如供高僧處也

冬至廣陵居吳師利明本 菴羅樹園 集有寓吳師利菴羅樹園詩重到菴羅樹園詩渡

江訪師利居士阻風詩

范鳳翼吳氏園作四首小序冬日過廣陵吳師利道兄爲予下榻文園而蒼雪禪師先已駐錫於此因出所和李本寧先生詩見示不揣□□依韻酬之終愧不如碧雲秀句更脩遠耳時爲甲子十月

是年扈芷欲還蜀師亦有返滇之意均未成行

陳繼儒偶菴草小敘頃奢安二酋逆我前行西川稍梗青蓮醉晚扈公曰子休矣蜀道登天矧今日乎而玄宰獨謂是不足難扈公也扈公刻詩成挾之西歸試爲我叩小瓦屋中辟支佛牛山心孫思邈果否尙在 王培孫注集有扈芷五十而亡詩知扈芷沒年五十蓋曾欲返蜀而未成行也

按集有次答現聞姚太史見送還滇詩云萬里孤游只等閒天涯歷盡路間關鄉書  
屢到隨拋擲歸夢無因自往還竹隔雲深秋色冷楓橋月落槽聲慳一瓢莫道輕身  
去難別吳中不獨山又有留別眉公先生詩云買得荒田也種瓜結廬多半想東余  
鳥鳴得意不離樹客到無言只看花二十年前曾住脚九千里外偶還家茫茫滄海  
從茲別何日逢君話歲華據此兩詩知師曾作還滇之計師離滇在萬歷三十四年  
至此已十八載矣故云二十年也師遇兩師如子得母不忍捨離忽動歸興當在兩  
師圓寂之後時屆深秋故云竹隔雲深楓橋月落也師昔年自蜀至金陵與扈芷偕  
行今則舊侶同歸亦意中事也永寧土司奢崇明之叛始天啓元年九月至三年五  
月而敗餘孽未靖其時音訊阻滯故江南人猶謂西川道梗也又集有寄徒三和書  
云不見汝已三十年知師東來以後迄未返滇也

是年漢月謁密雲函信於金粟 含光聽法於一雨  
天啓五年乙丑 三十八歲

師居金陵

是年姚現聞分校禮闈以丁母憂南歸 嘉定李灌溪模舉進士 寒山趙凡夫宦光卒  
董玄宰遷南京禮部尚書尋謝政歸

天啓六年丙寅三十九歲

師居金陵 集有金陵千華庵唯識論解制詩白門送唐大來明經北上應試詩

是年湛然圓澄卒 漢月開法杭州安隱寺 四月吳本如罷薊遼總督 緣中受戒於

報國茂林律師

天啓七年丁卯 四十歲

師居金陵

是年懋德重建雲隱菴即師昔年聽崇松講唯識論地也 義公湛懷 卒於長干 漢月

主鄧尉聖恩寺

莊烈帝崇禎元年戊辰 四十一歲

冬講楞伽於中峯期畢繼汰如主院事 集有中峯楞伽解制詩

贈高松汰公詩序高松汰公自白門招余講楞伽於中峯時以先楞師受山未幾化去

閩郡諸檀延公主之期將終公乃不辭委之而去諸檀仍強繼之

賢首宗乘本傳戊辰冬堂中法鼓忽鳴者三踪之寂無人不數日汰師在中峯遣僧使

賈書請師說法師應之期事將終汰師以院事卸肩爲請師唯唯不決汰師以常住事

密整書契給以他事別往師送之同侍人報云汰師去矣師歎曰這條擔子在我肩上



耶衆人歡賀師獨以爲憂

爲一兩建塔請虞山錢受之爲之銘 集有二楞大師久寂戊辰冬塔基始定志感次汰

兄韻詩謝撰塔銘詩

明河二楞大師無住蹟崇禎元年戊辰十二月四日奉全身葬於本山表之以石

錢謙益書汰如法師塔銘後余爲汰如法師塔銘狗蒼雪徹師之請据其行狀而作也

德風脫白於堯峯山省恆禪師會下服勤十載 集有德風掩關於堯峯詩

是年友蒼程嵩遊京師召入大內賜紫衣金鉢 熊魚山開元令吳江

崇禎二年己巳 四十二歲

春董玄宰陳眉公諸人請師講楞伽於松江郡西之白龍潭期中眉公以余山茶筍餉諸

學者師賦詩報謝及解制出門執香前道者數千人有尾追而不及一見者從來誼師之

盛所未有也眉公贈詩亦有執香聊代去思碑之句 集中有自吳門之雲間詩雨中望

崑山詩訪陳徵君東余山居詩訪汪希伯詩解制志愧詩

秋偕姚現聞探桂靈巖泛舟金雞堰均有詩時華山僧聞宗留滯江北師賦詩寄懷現聞

將復官北行致書范太蒙鳳翼以汰如聞宗爲託從師意也

姚希孟與范尙寶太蒙書貴地有講師汰如及苦行聞宗駐錫吳門皆有伽藍之寄而

檀施未集往往香積生塵知台翁夙因不淺幸以神通力一振起之弟行矣端以此爲託 王培孫曰集中懷聽元聞公詩編列于同姚太史中秋泛舟後靈巖探桂前知爲同時所作蓋乘與姚希孟酬對時作此詩諷之而以聽元事囑託而姚卽爲書致范耳病中懷徐九玉有詩

按師懷聽元聞公詩云我病何時還白下懷九玉詩亦有臥病一峯寺之句又云旅泊雖無定住茲冬夏更蓋師住中峯一年矣

是年春廣慧湛公講圓覺經於蘇州 聞照從湛公剎染發志參方冬結制蔣山 自均禮聞谷受十戒 繼起從漢月剎染圓具

崇禎三年庚午 四十三歲

師住中峯 初一兩泊汰如之主持中峯也僅五王祠後數椽而已至是始次第興建規復舊觀 集有過訪友人以中峯建殿因緣詩葦山得甘泉次高松韻詩葦山得甘泉友人攜畝片就試同汰兄賦詩

贈高松汰公詩序高松汰公自白門招余講楞伽於中峯時以先楞師受山未幾化去闔郡諸檀延公主之僅五王祠後數椽而已期將終公乃不辭委之而去諸檀仍強繼之及余勉復舊觀大殿次第落成

中峯八詠中峯院下自注在寒泉上又稱楞伽院相傳支公夏居石室冬隱茅椒卽其處也嘉靖廢予今仍復爲寺古井下自注井在峯腹深可丈許甘冽異常古碣下自注二小石碣方從事土木在舊地掘出上鐫治平年號報恩山中峯院及勾當行者福能一吳姓一張姓者曾有小施聊記姓名歲月而已時旁有二同姓者見之恍若前身遂大施助成亦一奇事

賢首宗乘本傳十年之間佛殿樓閣禪堂齋堂丈室僧寮廚房浴室靡不備內外煥然山林一新爲吳中名刹凡名公巨卿文人韻士靡不偕來優游其下連宵達旦散花供石問法而歸如文文起姚現聞錢牧齋吳駿公王烟客李灌溪楊維斗毛子晉諸名碩輩皆請師爲山林經濟佛法司南

又師建大殿采石柱於山巖匠氏徧探無可運斤之地師夜夢跨馬神人指其所明晨尋至一同夢境指匠采之一殿之柱無欠無餘濬一古井建亭覆之得兩石碣姓字與今施主全同

潘耒中峯講院興造碑中峯講寺創自支公興廢不一明季始還爲梵宇一雨法師肇開講席蒼雪法師繼之雷轟雨霈法化大行吳中講堂惟中峯華山二刹最盛

李果游支硎中峯記中峯乃支硎三峯之一晉支道林道場也去城二十五里在龍池

山東北山多平石故支硎吳都賦云右號臨硎卽此峯在山之半望之隱然由山麓循路而上細澗有聲汨汨與落葉相亂寺初名楞伽院入門有石幢一清壑道人所建也西南有南來堂前明萬歷中蒼雪徹師從滇南萬里而來因以名之蒼公博涉內外典嘗於中峯建殿買田其詩筆妙天下文文肅震孟姚宮詹希孟王太常時敏隱君周茂蘭徐波諸公皆與之游虞山錢尚書謙益至願居弟子之列可謂賢矣稍北爲寶月堂有泉曰寒泉在南來堂之前飲之而甘寺僧云蒼公從事土木時有杜白兩者指庭中地脈曰此當有泉鑿之不出三四尺見石版仆碑臥其上啓視一泓瑩然深丈許紫巖居士虞宗臣書寒泉二字於山麓其以是歎南曰覃思室古梅一株老榦槎枿二百年物也又西曰冬青軒樹高一丈餘雜以修竹蒼公畏寒冬則居之面東有樓曰水明樓凡東南遠近之山可以送目於月夕尤宜曰水明者取杜詩殘夜水明樓句也樓下方池多碧螺無尾出中峯院稍西有鶴飲泉喝御窩馬跡石跡大於虎印石如泥文公養神駿遺跡也

是年漢月開堂於鄧尉聞照還吳中從之受具足 萬年少舉於鄉 鄧敷教與楊維斗  
廷樞 陳臥子子龍 夏彝仲 尤彝 等同舉應天鄉試

崇禎四年辛未 四十四歲

師住中峯

是年勗伊讀藏經於半峯菴足不越戶者三年 五月若昧遊西昌示疾於淨土蘭若六

月坐化年六十三 董玄宰拜禮部尚書掌詹事府事 吳駿公舉會試第一殿試第二

韓芹臣四維舉進士 曉庵覺了生

崇禎五年壬申 四十五歲

師住中峯

校刻一雨所著維摩所說經直疏三卷 按一雨合釋維摩思益二經至是先刻維摩經

而思益卒未付梓

是年聞照參密雲於育王 自均從漢月圓具足 見月從亮如披剝於鳳尾西山放光

寺 吳江朱白民卒

崇禎六年癸酉 四十六歲

師住中峯

夏久旱得雨作題十名山詩自序云海內名山但曰十者或予所親遊與夫臥遊亦或有

寄想送別蓋因人以存其山因山以存其人僅得十而已非專詠其山他則猶有所未逮

也

秋九月初三姚現聞偕長子文初及徐元藪過中峯留宿一滴齋 集有與汰公分賦詩  
是年無爲如舉 說法於金陵祇陀林七月廿二日示寂

崇禎七年甲戌 四十七歲

師住中峯

瞽醫胡白叔梅 買石建二幢於天池華山 集有胡白叔暨就石幢於中峯因入山作禮  
而去詩

按白叔建幢不知年月惟錢謙益乙亥贈詩有綺語未成先欲爇炷香遙禮二幢僧之  
句知爲乙亥以前事

夏四月八日文震亨招集緇素禮佛香草垞 集有詩

秋閏中秋日林若撫雲鳳 陳季采過訪留宿山中 集有詩

是年一如照眞 重修廬山西林寺成方拱乾 爲撰碑記 董玄宰以太子太保致仕

崇禎八年乙亥 四十八歲

師住中峯

夏六月十七日和陳百史名夏 卿雲詩

是年繼起得法於漢月 七月漢月示寂於鄧尉聖恩寺剖石繼席 西竺傳衣鉢於勝

慈 文湛持陞少詹事旋晉禮部侍郎兼東閣大學士十月罷歸

崇禎九年丙子 四十九歲

師住中峯

中峯大殿落成文湛持爲題中峯禪院額 集有大殿落成呈湛持文相國及諸檀護詩

徑山僧雪嶠圓信 過訪集南來堂分韻賦詩

陳百史歸自雁宕劇談其勝師爲賦詩

秋往鼻亭月明菴禮請汰如來中峯開講華嚴玄談 集有夜泊阜林詩泛舟武林訪印

公詩自雲棲過西湖雜詠詩梅花庵詩雲度山堂新建詩和雲度月夜坐蒲萄架下詩月

明庵禮請汰公詩中峯法會和林若撫韻答汪孺石檀護見寄并惠齋糧詩丙子期中除

夕是年他宗闢諍幾破和合衆詩中峯玄談解制詩

是年文照還吳始謁汰如勝慈主法雞鳴寺 吳駿公主試湖廣 崑山張鴻一立康舉

於鄉 碧空卒 三際卒 董玄宰卒 姚現閩卒文湛持哭之慟未十日亦卒 廖傳

生卒

崇禎十年丁丑 五十歲

師住中峯

賦歲朝詩自序云余生戊子迄今新正年俄半百世歷四朝幾經征役下遺幸以山林或免正慚世既無裨僧徒濫廁况復邇來不無人琴感切多恐法愛有孤彌深內慙莫知所報

與汰如合作百歲壽筵賦詩稱慶一時號爲勝集 集有贈汰公六同詩自序云開歲同慶五裘喜感交并賦得七言近體六章以紀之公隨見和乃分爲六同蓋謂兩人遭際無所不同也

與汰如訂分講華嚴疏鈔之約以九會爲次第一歲兩期互爲主賓

賢首宗乘本傳崇禎丁丑正月師壽五十與汰師合作百歲壽筵二師自此遂訂分講華嚴疏鈔之約謂曰華嚴一宗自我雪浪大師掃除注疏單提本文以來沿習日久後之主教者惟尙穿鑿多逞胸臆古人所立教觀置而不問若我兩人今不提倡則大經教綱自此滅裂不復整矣

又汰如法師傳崇禎十年春與蒼雪徹師約曰白文經四方傳演雖盛然昧旨者多得旨者少我二人若不扶大鈔之教觀宗旨日久日衰必至邪說亂行矣

錢謙益蒼雪雪法師塔銘師謂華嚴一經經王法海非精研疏鈔不能涉其津涯窮其奧突遂與河師訂分講之約河師住華山師住中峯一歲兩期踐更周遭東南法席於斯



爲盛

又南來堂集題辭余謂蒼老之於法門深心誓願泐金石而渡河沙者在與汰師互演  
大鈔燃雜花千年垂絕之燈此蓋清涼現龍之分身蜿蜒青冥百千數變之一耳  
萬年少至吳 集有雪中喜萬年少至詩

黃子羽翼聖 泊僧養素購復吳中昭慶寺 集有昭慶寺重復自養素者宿詩

是年普潔普經重建吳中寶月菴 貝巖性寶 講楞嚴於靈谷寺 見月從三昧受戒於

丹徒海潮菴返居揚州石塔寺 文啓美北上就選特授中書舍人 鄭敷教舉賢良方

正以母老辭 劉晉卿舉進士第一 高彙旃世泰 舉進士

崇禎十一年戊寅 五十一歲

師住中峯

汰如道開校刻華嚴教義章師爲撰華嚴教義章說

德風始來從師親炙者十有八年

黃子羽以薦授四川新都縣令 集有送黃子羽之任成都詩

劉晉卿以劾楊嗣昌請福建按察司知事 集有和劉太史閩遊詠荔枝詩

一門住攝山 集有送一門至淮上詩

十一月八日吳中能仁寺浚井得鄭所南鐵函心史能仁寺亦名雙峨寺僧穹玄居之集有贈穹玄七十詩是也

雪松本瑞重建青松庵申敬中用懋為之記 集有再過青松菴訪雪松詩 是年有除夕詩見集中

崇禎十二年己卯 五十二歲

師住中峯有元旦詩又為汰如作圓覺蚊飲序

徐元歎五十師賦五古五十句為贈

秋徐元歎黃奉倩承聖子羽過中峯兩宿一滴齋與汰如道開佩子分韻賦詩

是年二月楚璽迎三昧住華山定水菴 貝巖主法金陵水草菴 月潭應講雲棲未幾

反白下尋卒年七十昂伊繼主天界寺 上生明隱至金陵鶯峯寺受業微密之門 含

璞披剝於溧陽七寶寺 吳駿公陞南京國子監司業 申維清詒芳舉於鄉 陳眉公

卒

崇禎十三年庚辰 五十三歲

師住中峯

春汰如講華嚴疏鈔第一會於華山 集有解制同作詩高松講大鈔於華山感羣鶴繞

空飛鳴欲下一時播聞詩以紀之詩

賢首宗乘法如法師傳十三年春師首倡一期羣鶴旋空飛鳴圍繞又山後石吼聲震  
林木咸以爲大鈔中興之祥也

錢謙益道開法師塔銘蒼汰二師約踐更講大疏實尸勸請汰師至華山命爲監院

徐松之卷始與師訂交

百城煙水崇禎末余偕弱翁文將掌文訪靈均留止數日遂與靈均徧遊妙晤蒼汰二  
公於華嚴講期中時子晉同麟士退山諸公亦至

汰如卒年五十三含光嗣主華山集有聞汰公訃音一夜成四詩哭之詩臘月初四日  
送汰兄入龕詩

賢首宗乘含光法師傳崇禎庚辰高松主金陵報恩講肆人集萬指公與戒雷並列東  
西序首座由此道香流播望重一時還山未幾而高松圓寂臨終手授袈裟一頂爲嗣  
法之冠次呼戒雷而戒雷已先一日逝矣

文照依師於中峯

賢首宗乘文照法師傳汰如去世竟入南來之室

是年勝慈進具於三昧 雲音剝染於寒溪寺 吳駿公晉中允論德 方密之以智胡

其章周鼎 並舉進士 熊魚山以劾周延儒下錦衣衛獄 趙靈均卒

崇禎十四年辛巳 五十四歲

春師講華嚴疏鈔第二會於華山 集有道開以汰兄遺命請余續講華嚴第二期解制  
予時落一齒詩

賢首宗乘含光法師傳辛巳春南來自中峯移錫臨講堂而首司監寺者爲道開局一  
日以輯衆不協忽遁去羣喙大譁始一心推轂於公時值薦饑旱蝗爲虐公子身腰包  
入山任其事捋茶仔肩自此伊始而一衆貼席

滇南木生白太守寄華嚴懺法囑師校刻 集有紀事詩

詩序辛巳春華山講期中滇南麗江木太守生白公遣使以唐一行禪師所集華嚴懺  
法見委校讎刻行江南識者咸謂於兩年間初得教義章再得賢首傳三得華嚴懺次  
第出世得非吾賢首宗之幾斷而復續晦而復顯之明驗歟

又寄徒三和書法潤師來吳奉木檀越命以華嚴懺法相委多恐爲謀不終

王烟客五十 集有贈詩

雲隱庵昔爲巢松雪山兩師受業之地至是頽廢 集有過巢師雲隱廢院詩

是年覺浪至蘄州荆王請其內庭說法 雲音進具於天界寺顯愚 繼起入天台 溯

聞照音 重建蘇州清遠菴

崇禎十五年壬午 五十五歲

春師講華嚴疏鈔問明品於華山是爲第三期

秋九月繩武中怡招遊大明寺平山堂諸勝 集有詩

毛子晉赴試南闈 集有賦贈詩

歲暮作雜樹林詩百八首自序云曩吾二楞師舊隱鐵山花宮十畝榜其林曰雜花今中

峯在寒泉萬木中人與雜居命其林曰雜樹不亦宜乎四時掩映一意蕭疏無不可懷適

茲壬午歲聿云暮風雨淒其俯仰今昔得百餘絕會於楞伽菴說楞伽一作楞嚴經因足成

百八首云要之閒言冷語花笑鳥啼聊與本人共之詩則吾不知也

是年荆王請三昧興瀋仰道場 文啓美勞軍蘇州給假歸里 起復劉晉卿未赴 方

密之授翰林院檢討 姚文初舉北闈 李仲木楷舉於鄉

崇禎十六年癸未 五十六歲

春師講華嚴疏鈔第四會於蘇州慧慶寺

是年寇破武昌覺浪下金陵 含光講經華山自後無歲不講凡歷十年 三宜繼席顯

聖寺 聞照掩關蘇州白椎菴 態魚山遣戍杭州 文介石任太倉州學正 陳百史

舉會試第一廷試第三累遷戶兵二科都給事中 吳駿公拜少詹事甫兩月謝歸 劉

公旦曙舉進士

清世祖順治元年甲申 五十七歲

春初師訪道開於虎溪因而留宿尋往婁東海印菴講法華經 集有虎溪留宿詩留別道開詩海印菴講期解制詩

三昧律師說戒北禪講寺 集有次昧公韻贈端和詩

朱雲子隄選刻明詩平論選及師詩 集有朱雲子明詩平論選及拙作詩

文彥可端文父子隱居寒山趙氏山房 集有次韻寒山鼓吹詩

三月李闖陷京師 集有和胡清壑七十年逢鼎革詩

是年萬年少南歸 劉晉卿攜家入閩十二月卒於贛州 楊曰補歸隱鄧尉山 張爾

球鴻一昆弟閉戶奉佛 王原達入華山禮三昧祝髮受具 聖恩寺僧剖石復興白馬

寺

順治二年乙酉 五十八歲

春師講華嚴疏鈔第五會於吳中昭慶寺偶過雙塔寺山亭於蟲蠹朽爛堆中得賢首祖畫像頂禮持歸時所演疏鈔板藏西湖昭慶寺與吳中講席名同三緣偶合賦詩紀盛

靈白智禎 重建獅山思憶講寺 集有靈白法友開懺壇於獅山詩

清兵破蘇州師避跡渴獅窩冬仍歸一把茅度歲有詩紀事 又作乙酉秋積雨紀事詩

嘉定侯記原訪避兵入中峯依師

汪琬侯記原墓志銘嘉定前左通政侯公峒會既以城陷不屈死其子演潔皆從死已其弟太學公又以事被執太學家子秬園府君與通政公幼子澹適在他所故不及於禍不移日而名捕澹之令下君不暇顧家竟挾澹以逃達於支硎之中峯訛言追者將至澹大懼欲歸就死君持之泣曰不可女死我世父目不瞑矣女速行吾代女死立遣澹而身自登小舟攜酒痛飲解其腰間金以與舟人揮之去乃大書澹姓名於衣襟殆徧躍入水自分必死矣會有泗而拯之者出水良久始甦土人詢知其故歎曰此忠義家也蓋留故衣水次儻有追者當以示之給令求尸水中耳君從其言易服夜走吳山有老僧薙君髮更其名一正授以鉢曰女勿留此吾誓不女泄也復至中峯中峯僧匿之而澹亦薙髮亡命間道渡江匿於揚之天寧寺矣事甫定君母弟掌亭先生迹知君在所遺書勸君還君乃謝中峯僧變姓名往來崑山常熟間

韓芹城南歸隱支硎山麓易名延祺結茅菴曰糝花 集有訪糝花菴主於仙掌峯下詩和韓芹城冬青軒避暑詩

吳一菴吳港 避居湖浦之荆園閉戶讀書不問世事作荆園詩四方和者頗多師亦有和詩見百城煙水

徐武子屏居西郊一雲寺 集有贈一雲寺埋菴上人詩

是年弘光改元金陵設壇讖薦特賜三昧紫衣白金敕文武百官迎謁於寺稱國師閏六月三昧卒見月繼主定水菴 上生開法永定大闡華嚴教觀 福王授劉公旦南昌知

縣未赴而南都陷集有次答劉使君見贈詩花朝前二日過訪劉公旦廬墓詩 授莊宜釋為鳳泗道

後遁跡隱居蘇州集有早春寄答莊使君二度惠問詩次答莊使君見寄詩 起李灌溪為河南道御

史引疾歸構精舍於家園榜曰碧幢又嘗避夏喝獅窩 張靜涵遁入武康山依繼起

吳去塵菴落魄遊吳門遇亂死虞山舟中毛子晉為收葬之集有題蓮宇詩 文啟美避地

陽澄湖嘔血數日卒年六十一 八月江南義師潰萬年少被執囚繫兩月脫歸江北

陳百史避仇北行清廷授修撰尋擢吏部侍郎

順治三年丙戌 五十九歲

師住中峯有元旦次答王彥平詩新正次答道開入山問訊詩早春寄毛子晉詩立春曉望懷吳梅村詩

角直許孟宏元溥 捨宅為海藏禪院迎願雲主之張鴻一諸居士賦進院開堂諸詩師有



和作

聞照掩關三年白椎菴新殿落成師與徐元歎諸人皆有詩賦贈

巨冶重建香山白馬寺正殿經閣煥然一新山有梅泉淹塞已久至是迸出師贈詩有細流引到泉盈壑空鉢持歸雪滿舟之句

自均從師得法時年三十六

是年文介石自婁避兵入中峯依師後婁人迎之居壘陽觀 陳百史以憂歸里

順治四年丁亥 六十歲

師住中峯

正月初二日六十生辰諸法友賦詩爲祝者五十餘人師不及遍答因賦七律一章總酬之文祖堯朱鶴齡詩見附錄

鄧尉聖寺僧剖石五十 集有贈詩

周安期卒年六十六歲師以詩弔之

秋至太倉賞菊王煙客之西田

吳偉業詩序丁亥之秋王煙客招西田賞菊踰月蒼雪師亦至

是年覺浪結制天界寺 合光講經於郡城北庵 陳百史起復吏部侍郎 劉公旦與

夏存古完淳 顧□□咸正 同棄市 徑山僧雪嶠卒年七十七 曹能始卒

順治五年戊子 六十一歲

師住中峯

聖恩寺建還元閣成 集有三宜和尚招灌溪寅仲還元閣看梅分賦詩

含光五十有詩

文彥可卒子端文結茅陸墓耕樵以終 集有為端文大孝追憶尊人彥翁疊韻詩

冬十一月初四日汰如十周忌骨塔始成賦詩志愧塔在華山而皋亭月明菴另有別隱

是年覺浪結制浮山無相寺以原道七論不應稱明太祖坐獄 吳公定等復興雲隱廢

院 陳百史擢吏部尚書 彭鴻叟年舉恩貢 三月翁仲謙母卒 林若撫卒

順治六年己丑 六十二歲

師住中峯

春東菴僧香渡德淵卒以詩悼之

秋至無錫招集邑中詩人於忍草菴分韻賦詩 集有景行昆玉招同秋紹諸居士社集

忍草菴分得魚字詩重九後誠之心甫鴻叟路然招游惠山詠泉疊韻詩次誠之諸君九

日後登石浪軒詩惠山汲泉詩

忍草菴志讀微國初至邑北郭蓬萊閣演講華嚴疏鈔遂居菴中

涇臯匯覽僧讀微喜歌詩嘗集邑中詩人拈題限韻有中原七子非無後顧氏三龍正始餘之句三龍者謂顧秀才野與景行廷颺也

錫山景物略善住菴在蓬萊閣右庚寅秋講師讀微寓菴率弟子數與顧景行諸少年分題限韻有詩成集曰過溪唱和 按庚寅似當作己丑

講華嚴疏鈔第六會於無錫善住菴以病未竟賦還山吟二首留別 集又有次答秋紹諸友見過善住講席詩次答秋紹諸友見過不值留贈原韻詩 按善住菴即蓬萊閣

繼起葬親通州將歸天台兵阻吳中吳人士延住靈巖之崇報院集有靈巖坐雨和繼公韻次答靈巖繼公見過詩

印持傳聞 贈許氏廢園建金幢菴與法弟湛門分居之 集有過印持首座金幢菴題贈詩

德風買地於桃花塢北築菴養母師為題其菴曰慈氏

是年操江李公禮釋覺浪江南諸檀護延主攝山棲霞寺 願雲歸廬山 三宜說戒真

寂寺

順治七年庚寅 六十三歲

師住中峯

正月與妙湛宜公張靜涵李灌溪吳寅仲有亮諸昆季雨中看梅玄墓華嚴閣分韻賦詩

道開年五十自秀水歸虎丘居鳧溪新香阜之東小庵 集有道開五十詩

十月初二日錢受之絳雲樓不戒於火藏書悉燬 集有寄詢詩

友蒼南歸金陵居報恩寺師贈詩有國破何家問人餘隔世看之句 按友蒼南歸未知

確期惟當在順治三年以後八年以前

是年曉菴從靈巖繼起受具足戒 方密之爲僧於粵 瞽醫胡白叔卒年約七十餘

順治八年辛卯 六十四歲

師住中峯

三月寶華山僧見月五十師壽以詩

九月十八日一雨忌辰師以杯水作供復至法螺菴與照斯同遊作詩紀事

詩序辛卯九月十八日值先楞師忌辰以杯水作供悲感之餘時正秋霖初霽霜葉半

酣攜友輩一二人信步寒山道上不覺已至法螺庵照斯亦潔治瓶花茗碗佐香蔬展

祭楞師共憶師之見背二十七年于茲矣撫今慨昔時不我與有感於衷相與哀慟欲

絕飯罷同至合流庵隨喜識禮復沿溪深入得二靜室把茅縛屋乞食荒村卓有古之

住山家風少憩越嶺穿林尋舊路而歸有平生足跡皆所未到處猶聞有師姑基者由天峯一徑直上卽記傳所載白雲端禪師開法天平有萬僧千尼處惜足力倦極不能往探期以異日至化城前照斯別去獨友輩隨余歸喝獅窩已不知夕陽之在樹掩映丹楓眞似洞口桃花或不笑人虛度此日因拈絕記之

越十日過華山默然洞看菊留宿彈指閣作看菊無東詩

詩序辛卯九月廿八日偕法螺菴修公與其徒照斯過華山同舍友宿默然洞看菊久待洞主不至歸已抵暮修公師弟先別去予不能行留宿彈指閣是夜西風大作竟不成寐因同舍友作六絕以紀其事云

王烟客六十賦七律十章爲祝

是年願雲開法建陽雲居山 木陳繼起被執諸義士謀救之 陳百史拜大學士 蕭

伯玉卒於西陽信舍年六十七

順治九年壬辰 六十五歲

六月道開疾邀師坐榻前手書訣別擲筆而逝年五十二師賦二律悼之

木陳繼起質獄東甌尋事解還吳繼起夢深林坐石生秋隱之句覺後續以成章時覺浪在棲霞夢繼起寄詩亦有此句因作同夢詩師與文介石諸人和之語多感慨

山中將續起大經講期師往常熟崑山太倉諸地徵舊檀護有詩紀事

詩序壬辰冬杪山中將續起大經講期自郡城過海虞候子晉毛居士法緣偶合願首倡初期約四年告竟因再過玉峯婁東訪諸舊檀護王奉常偶偕府中飯罷隨謁吳梅村太史雨中留宿

梅村詩話蒼公年老有肺疾然好談詩以壬辰臘月過草堂謂余曰今世孤禪盛行一大藏教將墜于地矣且無論義學卽求一詩人不可復得乃幸與子遇我襍被來不會攜詩卷當爲子誦之是夜風雨大作師語音愴重撼動四壁疾動喉間咯咯有聲已呼茶復話不爲倦漏下三鼓得數十篇視階下雨深二尺矣當其得意軒眉抵掌慷慨擊案自謂生平於此證入不二法門禪機詩學總一參悟其詩之蒼深清老沉著痛快當爲詩中第一不徒僧中第一也

是年萬年少卒

順治十年癸巳 六十六歲

春期解制有詩紀事

詩序癸巳春期解制同社中諸子分賦得七言近體九首併謝前辦供諸檀護王言玉居士喬梓自施勸施且得席太僕識禮五十三部圓滿法筵見聞隨喜莫不讚歎希有

按席太僕名本寧卒於是年七月

竺塢一指高恆宗禪師八十 集有贈詩

白林九登明為太倉知州 集有攝六黃居士極頌白太守政聲感賦詩

是年木陳由泰州至維揚 吳中慎交同聲兩社大會於虎丘 吳梅村以總督馬國柱

疏薦北行 莊宜稗自蘇州移居瓜州及海艘亂破瓜州全家不知所終

順治十一年甲午 六十七歲

春講十地品至第三地病篤輟座人或勸其且止師曰我與汰兄炷香發願人天鑑知敢

背捨乎 集有十地品即解制詩

休夏寶月菴就醫有詩紀事

鄭敷教蒼雪詩序公老多病畏寒其孫學思跪而暖足公喜付以牙塔詩人徐元敷學

士韓芹城為之銘

繼起五十初度以詩為祝並和披雲頌 集又有靈巖掘石得井志喜詩喜靈巖得泉詩

次繼公開池得泉詩

靈巖志略儲和尚五十誕辰以檀資建二閣於法堂之左右左曰天山右曰慈受已而

濬池得石塵洗讀之乃宋慈受禪師披雲頌也慈受閣名先為之兆衆皆驚異遂用韻

成十頌適中峯徹大師至各再三和於是諸方知識及門弟子咸有和章  
是年木陳至青州 永定寺微密卒含璞繼席 含光講經於太倉長壽菴 陳百史被  
劾論死

順治十二年乙未 六十八歲

師住中峯 集有過深棲菴贈寒松詩

吳人重修撫署掘地得碑因倡復朱明寺延三宜開法師贈三宜和尚重興朱明寺詩有  
云威振轅門是命臣僧寮久廢屬居民那知翻轉開山地猶待重來捨宅人

木陳六十時自青州歸維揚 集有祝虎巖山翁六秩時開枯木堂於維揚詩寄訊山翁

自東魯初歸維揚詩寄虎巖山翁和尚詩

石林七十以所箋李義山詩乞錢受之序並募修常熟智林寺 集有贈詩

王端士<sub>發</sub>舉進士 集有送王孝廉北上詩

是年勗伊主普德寺 含光演華嚴大鈔於華山春秋二會 范太蒙卒

順治十三年丙申 六十九歲

正月偕繼起及張靜涵李灌溪登鄧尉山坐華嚴閣分韻賦詩時春雨連作梅花盛放  
宗統編年落木庵主徐元歎波靈巖退翁儲和尚晚年俱相往來儲住靈巖每歲二三



月間草花滿田野八九月間白雁青楓天氣一竹輿由中峯而天池飯于落木故儲輓  
辭有寥寥今古幾知心慚愧虔公與道林之句

三月應見月之請講楞嚴於寶華山以病未竟作自解詩十章

詩序歲在丙申暮春華山見月老師弟以楞嚴講期見召使命載至余以老病辭不獲  
免勉起以應至山中賓主相見寸步必假人扶載拜爲難堂頭私念能唱一經題下座  
則吾願足矣講至二卷末惟餘一息奄奄而已堂頭固請命弟子輩代之如釋重擔一  
放下更不復振起雖然是役也何必竟亦何非竟若語其竟未及如是我聞早已信受  
奉行語其未竟卽塵說刹說熾然無間終無有竟噫斯言固自解卽以解嘲枕上得詩  
十章舉似諸方具眼可共發一笑

閏五月二十二日疊膝坐化將寂以衣付智光見賢首宗乘以山繭袍及詩文集屬毛子晉

見宗統癸年

第九世馨鶴公諱恆字五侯年譜自敘

萬曆十七年己丑五月辛未二十九日乙亥卯時母蔣恭人生恆於余宅橋西村庄

十八年庚寅二歲

十九年辛卯三歲

二十年壬辰四歲

二十一年癸巳五歲

二十二年甲午六歲是年三月父鶴坡公親率拜唐豫湖先生始從習句讀

二十三年乙未七歲仍師唐先生

二十四年丙申八歲師三叔父鶴源公

二十五年丁酉九歲仍師叔父

二十六年戊戌十歲是年父鶴坡公爲聘同郡太學生劉嵩雲公諱應朝女

二十七年己亥十一歲師王和卿王範安兩先生假館墩上徐宅徐號平字爲予姑  
公云

二十八年庚子十二歲仍假館於徐師楮充字先生諱應諫

二十九年辛丑十三歲師誦銘大兄學爲文

三十年壬寅十四歲仍師大兄隨父及長兄原鶴仲兄二鶴讀書於府學之尊經閣

三十一年癸卯十五歲隨父兄讀書護國寺中師程先生號儀明是秋擬字叔中鄉

榜第九名

三十二年甲辰十六歲師大伯鶴瀾公於家塾同學十五六人會文殿加殿最予管居首鶴瀾伯理學精徹著有四書詩經導彙行世

三十三年乙巳十七歲仍師大伯是歲隨吾父移居於城覓渡橋董氏舊宅自鄉入城風景既別見聞漸廣矣

三十四年丙午十八歲隨父讀書於屠明吾家會課於東坡書院是年長兄大收入學吾父秋闈以葩經中式四十五名予以是冬畢姻

三十五年丁未十九歲長兄率予追隨頡頏會文遞相雄長恕行先生每以大器期之鄧鑄生皆一時名俊予追隨頡頏會文遞相雄長恕行先生每以大器期之

三十六年戊申二十歲仍師高先生會課於五雲樓是歲杜太尊季考儒童合四千餘拔取四十人予得列名第三閱文者縣公張五雲諱垣特加旌賞曰此子決非

久困池中者

三十七年己酉二十一歲春初隨父讀書游塘廟武義徐雷門諱有威不遠千里從  
吾父遊夏間坐胡尊生家是歲十二月長兒保生生

三十八年庚戌二十二歲偕長兄仲兄習靜東坡書院是年春吾父偁南宮二十五  
名夏六月南旋予兄弟迎候京口舟中談文講藝懽然爲天倫樂事時雲陽養冲  
姜公延武林黃貞父先生至吾父率予兄弟三人執弟子禮命題課文特刻予萬  
物並育四句題文評云板題不板腐題不腐佳矣佳矣先生許可迄今佩之

三十九年辛亥二十三歲正月八日吾父謁選北上予兄弟偕李敬一送至京口卽  
讀書金山寺五月吾父得選浦江縣南旋予兄弟隨任衙齋兄弟也有友道焉徐  
雷門亦同硯席

四十年壬子二十四歲仍隨任浦江文宗熊芝岡師兩試毘陵予得采芹是秋長兄  
以菴經中鄉試二十五名同大人計偕北上

四十一年癸丑二十五歲師徐瀛臺先生諱有誼讀書於早科坊別業弟兄自相切  
磨會文時在東坡書院

四十二年甲寅二十六歲吾父改授蘭江予兄弟及雷門仍隨任讀書吾父政優則講學受益良多

四十三年乙卯二十七歲仍隨任蘭江秋試南闈未克售秋九月定省兩尊人意融融樂也

四十四年丙辰二十八歲友萬里徐兄同硯席是春長兄售南宮授麻城令予侍兩尊人送之京口登金蕉遊北固寓目何繼充之小優一家歡聚真天倫樂事

四十五年丁巳二十九歲仍偕徐萬里習靜遊塘橋鄒衣翁於父鄉會同譜年伯也有師誼焉朝夕講貫如此者幾二十載是歲吾父除南京戶部構成濟美堂而行

四十六年戊午三十歲秋偕春候弟以遺才赴試依父署中時會課神樂觀惟徐雷門兄得售

四十七年己未三十一歲父任淮關予兄弟讀書署中文甫姪在焉每作文暇吾父親爲較正指摘瑕瑜外師不及也長兄覲回留淮月餘定省情殷友恭誼篤七月次子佑生生

四十八年庚申三十二歲父復任金陵予兄弟肄業永慶寺中月會七義糊名易書

送諸名公甲乙每以予及春侯弟爲優

天啟元年辛酉三十三歲父任金陵構別業大中橋予以鄉試至相約諸同人吳巒樾  
王芳洲李少文蔣羽公吳德嘉輩月有七篇會春侯弟以遺才後至榜發惟春侯  
弟得舉禮經第五人予卷落山陽練公諱國事房幾得而復失豈非命也歟

二年壬戌三十四歲吾父擢撫州守予兄弟送至蘇州時值中秋佳節登虎邱遊石  
湖追隨十日而返五月三子傑生生

三年癸亥三十五歲偕友呂淵思徐敬一讀書於平陵之龍祠院是歲吾父以察處  
還里

四年甲子三十六歲赴試南園同呂海日寓天界寺仍未售

五年乙丑三十七歲呂海日仍同硯席吾父補河南汝甯府司李不數月旋轉北版  
曹

六年丙寅三十八歲父任天津予肄庠久有志北雅八月同瑞鶴弟詣津門十月抵  
京時長兄原鶴任秋曹取同鄉結以廩例入監仍次津門而還偕行者徐三鞭朝  
夕不至岑寂也

七年丁卯三十九歲偕母舅冲所詣天津三月途中得長兄訃音哀悼久之時瑞燄熏灼遣崔文昇李明道總督漕政抑司道行屬官禮吾父義不爲屈衣緇往二瑞街之假中旨逮繫會傳錦州告急遂寢焉尋以際雲黃公題授天津餉道予就試燕京仍未售

崇禎元年戊辰四十歲友王爾見趙台侯同事硯席吾父轉太僕寺少卿管光祿寺丞事時有以速化論吾父者因疏辨引疾遂奉命旨三月素鶴弟得售南宮二甲第一名授禮部主事是秋吾父歸予兄弟迎至雲陽正值古稀壽且稱觴歡祝家庭樂事亦一時快事

二年己巳四十一歲吾父率子若孫會課於大樓中細加評覈歷試互有短長兩尊人之注望於我輩者年愈老而心愈篤也

三年庚午四十二歲率傑佑兩兒讀書蘇園走僕往京改北雍赴南應試卷落績溪鄭師諱觀光門下前後場俱已中式因監生數滿填名副榜嗟乎士子遇合豈不有時哉

四年辛未四十三歲習靜於含章閣之耐齋徧取坊刻經義改輯五百餘首遂覺題

無不熟機無不治古人云多讀書而勤爲之則妍媸自見予蓋有得於斯言

五年壬申四十四歲以庚午副榜值龍飛首科選卷之佳者附准廩監准貢予得邀恩選未食餼而先貢亦一時之遇也是年冬素鶴弟赴閩中督學任予同兩尊人留吳門月餘

謹按公庚午中副車且丙寅有廩例入監一語是已由廩生而副貢矣此處又云監准貢又未食餼而先貢不可解公所撰鶴坡公傳自列爲恩貢生自卽由此大約其時之恩貢與今之恩貢不同

六年癸酉四十五歲吾父抱病走延名醫何繼冲診視初意病勢少間尙欲秋闈努力以博兩尊人歡乃繼冲寅充俱云且過三月果至三月十九日而吾父忽然長逝矣嗚呼痛哉終天抱恨尙忍言哉追隨膝下四十餘年居常每云吾有五子可發者三蓋指予及長兄四弟也長兄四弟得發於吾父生前予尙滯迹明經當彌留日猶張目視予曰勉之哉汝決非以明經終其身者雖在九泉當有以報之言猶在耳痛何可道

七年甲戌四十六歲經年讀禮春夏之交偕兄若弟走荆溪詣平陵泛雲間之舫買



姑蘇之棹各各致謝諸年親翁之弔奠者兩閱月而事竣

八年乙亥四十七歲處禮席習舊業屏居山塘園時造虎邱石湖天平光福灑然有自得之趣

九年丙子四十八歲服闋幸老母在堂得赴京廷對兼就秋試三月朔發棹內子劉及諸子送至京口拜別慈親猶記有日短北堂萱之句至都偕對大廷（謹按是時副貢有廷對之例可得知縣教職等官清後則無之）予卷在進呈之列夏秋結社於都尉王見心宅一時名俊如來元成陶岸生趙范予皆與焉八月京師有警場期改九月二十九日十月十八日揭曉之晨五中得失交戰夢先罔卿博帶峨冠來寓云兒名已登榜矣適我自場屋中見填榜出也臨行云漢文帝尙以進士相期須謹識之時不佞怡然而覺雞已三唱果報售如夢追想吾父臨訣之言而今得驗矣吾父亦以四十八歲鄉薦有登榜還同吾父年之句

十年丁丑四十九歲春闈進試拈筆柒墨五中耿耿忽一日心動而吾母竟棄養予熒熒子身數千里外生不獲奉遺言死不能與苦次帶星南奔憑棺長號舉家哀慟人子至此痛忍言哉

十一年戊寅五十歲春夏讀禮兼課諸子於繆賢壩庄乘一小輿早出晚歸成義兩首入秋有蠡城之遊晤諸名公玩佳山水爲之主者太守王公麗青意慙慙善也十二年己卯五十一歲春候弟有含沙之射力爲解紛同詣京師消彌讒謗歸途有今日方知行路難句蓋以鶴鶴誼急怨謗所不避也

謹按是年瑞鶴公中副榜

十三年庚辰五十二歲復有南宮之役淪落不售春候弟陷刑部一載矣二月得釋予丙子房師屠芝老督學東省便道晉謁署中閱卷月餘而返

十四年辛巳五十三歲率諸子肄業因設帳於星聚堂郡邑之有志能文者凡數百人執禮門下薄爲授餐後先發志去科第聯翩如是者蓋三載

十五年壬午五十四歲仍課諸子及門下士予經理舊業每當會文日一揮而就五月長孫鎬生

十六年癸未五十五歲復以有警會場改期八月予七月入都追思丙子十月夢中漢文帝之說因改名煥遂以更名事啟東厓黃老師致宗伯林公入場果得售十一月擬館選不果授浙之金華司李蓋先大人舊政地也蘭之陰浦之陽非門下

士卽夙昔知契實有慰於懷者四月二孫鑑生十月四孫錦生是年十二月傑生兒以無病而卒傷哉

謹按是年順治帝已在北京登極惟南省多未歸順是以公仍仕有明十七年甲申五十六歲正月出都二月抵家課諸子及門下士兩月於茲四月赴婺州任有謂全婺驕宗悍族宜以威克顧善教勝殘之旨素所佩習誓不敢以鍛鍊周內從事棘木之下大宛沈抑者力雪之小故淹滯者立豁之不數月而婺之囹圄幾空八月隨直指察四明不輕議一罰鍰以媚上戶外履音惟大小魯髦執經問字而已先是癸未冬婺許孽蠢動東浦義三邑多被焚劫予多方安集稍獲慰止甲申秋餘孽再逞甬東震驚予力請武甯藩王九如兵進剿兵次孝烏諸孽聞風而遁時洶洶之鋒所在思動而吳甯爲甚撫臺黃跨老親提一旅入境愚謂民惟不安於民故爲賊必使不終於賊仍爲民故退亂之略在殺救民之道在生生得而殺亦以止撫公深善其議遂以安撫吳甯之責相委期期不奉令撫公曰此非署篆等也特以荒叛巖城不假風力無以資彈壓卒強之往要以疎網弛禁加意煥咻不一月而反側自安甯民亦旋定焉十月五孫鐸生

宏光元年乙酉五十七歲春正月赴三衢入武林隨卽察盤括蒼更署府篆錄試諸生  
童文宗李公更生諱于堅移駐婺城不佞開薦各邑之有文名者無不許可可稱  
文章知己冬臺差有婪餉之役巡歷金華八邑以十二月詣東陽視事及門吳庭  
發故人晉接相對詢然稱快事焉

大清順治朝

丙戌年仍仕宏光

丙戌五十八歲正月巡視蠡城屏一切詞訟專肅門禁先是巡城爲牟利數每以假  
兵打糧搜括鄉里殷實月累數萬予盡息風波行所無事適值丙子之變回視鍾  
王里僑寓他鄉孤蹤千里實爲痛心幸二子在寓克襄厥事四月督視學政日事  
帖括如遇故人見故物但以兩月報罷品藻激揚未悉敷播雖所選貢士已多報  
雋豈敢借以獵冰鑑之譽哉八月入武林城荷蕭撫公慇懃故誼相視彌篤留寓  
半載

丁亥五十九歲正二兩月仍留武林三月六日自杭歸里玉馳姪捷南宮先是里中  
諸大老自鼎革來二三同志共訂一社每月舉於望前後辰刻畢集禮文從簡簋  
止用六或棋或書揮塵清談彷彿香山遺意而陶情於詩酒者也不佞歸甬三日

諸君子不鄙夷而進之服先朝之舊式而存古雅之遺風猶覺月舉之爲疎而情誼之爲密也秋九月有佑生兒之變傷慘彌甚

戊子六十歲荷諸年親翁稱觴爲祝撰得悔過日新文述予性之急也予德之薄也予口之直也六十年來艱難困苦得失升沈追思而日勉者無一刻不與念積并有懺過十歌鑿括於父子兄弟祖孫以至口體衣服僕隸勿以耳順之年爲衰且憊而甘自棄也是歲斐公玉墀姪均登鄉薦

己丑六十一歲月仍舉會首倡此會爲芝遠瞿公次許至鶴徐華南萬九幼齒之最高者推鈕誠老次賀簡翁而惠風白老先生尤爵德俱尊怡然諾嚶分韻賦詩幾幾成帙三月斐公玉墀並捷南宮

庚寅六十二歲課諸孫句讀適郡城譙樓燬郡邑尊屬予董司構造朝夕料理幾及兩載煥然一新貽費千金任勞任怨迄今文風日甚科第聯綿未始非斯樓所繫也

謹按公是年三月由杭歸里素鶴公九月亦自燕返因與二鶴公商議置公屋一區族有公事皆於此議之

辛卯六十三歲脩葺宗祠增置義田橫堰龍游祖墓春秋躬祭蓋自浙回歲未或輟  
敬祖敦族秉性本然而諸弟姪及族人亦能體吾意敬慎將事十月六孫鉞生  
謹按是年春歲大饑公捐米於余宅大千兩區施饘粥以橋庵爲施給之所又以  
是庵爲太僕公所脩葺特置田數十畝給庵中香火事載重建橋庵碑記冬二鶴  
公遭池魚之殃幾蹈不測

壬辰六十四歲察院被燬地連吾家直指苛求牽及仲兄經年受累白下潤城追隨  
同之并以吾兄一生忠厚無端禍患意殊惘然

癸巳六十五歲春日仍爲二兄事戚戚於心入夏天旱隨郡邑尊步禱月餘六月二  
十三日突遭長兒之禍先是金沙虞來初年伯薦一星士至推予運限不佳五六  
年間種種拂意予問應長逝乎曰非也過甲子運還有十五年佳境今寶兒被逮  
誠禍始矣偕素鶴弟上下於金陵間不下三五周而寶兒終不可救嗟乎天哉非  
命也哉臘月玉階彥公兩姪卽起二尊人柩停駐陳渡庄

謹按玉階公戊子已得副榜彥公公次年亦卽登第有父輩在而遽起二尊人柩  
自屬不合况迭遭變故者二房三房也聲鶴公旣不以然二鶴公亦未必首肯乎

甲午六十六歲雖遭兒變事尚寂寂西門有裴玉者其弟及子悉係家奴偶觸某怒興詞督撫經年質對走澄江赴秣陵日與史胥伍受羣小之侮種種不堪星士誠先見矣

乙未六十七歲家居無事延孫劉二師督課諸孫師嚴而生益勤多所進益予藉慰焉

丙申六十八歲三月督撫移文提及妻孥七月初二日抵江甯寓大中橋卽先太僕辛酉壬戌間所構宅也追憶當年父母在堂兄弟無故結社論文科名鵠起以迄於今滄桑代易世局變更曾日月之幾何而江山不可復識矣徧地登臨盈街問卜理舊業以課兩孫酌數巡以娛知己如此者凡六閱月卽公祖莅省始得歸家除夕元旦各有詩句不爲境所窘也

丁酉六十九歲正月初四日上午家役北來知素鶴弟長逝下午小童南至知白惠翁亦損館鬱鬱不快者半月餘其悼惠翁也有招歡每憶燈前節惜別曾經故國秋哭素鶴弟也自憐老朽人間習一鶴蓬萊去不歸四月移寓四象橋兩孫一媳於五月北行十三日偕童還秋有牛首之遊先詣祖堂松柏鬱蔥泉石峭秀已非

凡境繼問西上人覽勝入寺見有錫杖泉虎跑井積孟泉懶祖洞大殿中則有懶佛遺履二真巨人跡也其白雲梯趨級而上儼若登天住持僧引我徧遊有塔二其一方塔五層古制也有經二藏一南一北諸名山所不能得者最高一峯爲彌勒殿稍轉而下爲兜率崖再轉而東則爲捨身巖修竹珊瑚佛容楚楚地雖小而境實佳真大觀也十五日回寓爰整歸裝六月十二抵家丙申以是日往丁酉以是日歸故園秋色骨肉重逢如醉初醒如疾乍愈一時悲喜交集兩孫一媳亦於九月還里

戊戌七十歲荷年親翁製屏爲詩各賦詩一章予亦構得長文一篇懸之堂中以見年愈邁而志愈苦云多壽多辱誠然乎哉

己亥七十一歲邀同門兄卜穀似中表弟唐臣協訓誨諸孫每月文會嚴加殿最予卽年逾七旬亦自構一首以爲諸孫式蓋注望者殷且忘其爲老也十二月移厝兩尊人柩於余宅村原係陽宅基堪輿家以爲善遂遷葬焉先荆劉氏卽於兩尊人墓傍安厝是役也經營相度予獨主持同年詞林李研齋精於地理不遠三百里來視亦譜詎中厚道云



庚子七十二歲春正月同蔣槎老訂舉老人會惟七十以上得與焉八十者三四友望九者爲蔣春麓九十四翁周怡泉蒼顏白髮濟濟一堂亦近世所罕覩者

謹按是年同鄉人爲臺省糾參復遭波及

辛丑卒七十三歲

謹按公性情肫摯忠君孝親友于兄弟一生事績迥異尋常徒以禾黍興悲晚年迭遭家難身後新朝鼎建時勢變遷後人之蓄道德能文章如仿鶴公阮尊公藻庭公者皆惕於聲威諱莫如深不敢有所稱述遂覺難於屬筆以致譜中並未有傳且併行述銘表等而無之若非公自述一年譜則生平將隱沒不彰矣此譜係自述其中決無一語之鋪張一言之矯飾而時在清初對于爾定公之忠義及歷年自遭牽累轉徙流離其中細情轉多避忌殊不足爲公之真正事實讀公遺著譜序先瑩記及所撰各傳其行誼已可窺見一斑今欲爲公補立一傳除此譜外殊覺無所取材不易動筆特識數言於此以待後之賢者如能按尋當時事迹及鄉賢著述中留意採取使公兩世忠義昭著於世亦後起之責也第十九世族孫

兆鈞謹記

明慶  
孟貞先  
生像



二日三

天

德行重、魏子昂耶譽冠三  
 臺齊子才耶此之居石盤桓  
 素好而蒼韻者綽坐於伯  
 仲之間耶

社弟楊文驄撰

魯不射書、不飲酒石白湖  
 陞一廬十畝挹膝而吟乃老

此爰有書滿車有酒盈缶我  
依石凹與師與友安得畫史  
置亦左右又魚七身与君  
白首

歷陽弟戴重襪

幸適吾年鬢絲斑白中何所  
思得肩感頰正風凌骨

不絕如髮維此老人先為詩  
 伯雖郊寒集疫彷彿於續  
 眉顧頴之間要於開元以下  
 人物也

吳江社盟弟史重謨

子之史章金門至事何為  
 逃而放於寬間深處之鄉

孩子請生以為其才並此必  
不覺於嵇生之從阮生之狂  
夫安知其樸心至性全乎且  
為赤子也又有類乎干頃之  
汪之野人也可其借隱吾  
將移家於園城石白之土  
長與子而相年

在正集

作

三

吳郡顧夢游撰

年譜

萬歷十八年庚寅七月十八日辰時先生生於石  
臼湖南薛城古里二十三年乙未甫六歲入鄉塾  
穎敏異人從祖安香令尚友公愛之較過諸孫二  
十六年戊戌九歲能文章二十九年辛丑年十二  
失怙督家僮種湖田二十餘畝以贍朝夕三十年  
壬寅年十三留心詩古文詞三十三年乙巳年十  
六讀書族祖松野公來禽園見架上李獻吉詩集  
悅之手鈔一冊藏之篋行時江夏石頭和尚居滬  
西菴能詩先生與之交最善是年娶同邑永豐鄉



李氏與里中胡印度李武治先生結社課詩文三十六年戊申年十九補博士弟子員三十七年己酉年二十長女生後適河城文學趙辟祚四十二年甲寅年二十五歲試前列為增廣生就學於陽羨曹銘石先生深加器異每月餘輒歸省慈幃四十三年乙卯年二十六復寓陽羨冬憩來禽園兩月四十四年丙辰年二十七築草堂花犇山莊四十六年戊午年二十九著蕤池草四十七年己未年三十築室於宅舍西南題曰魯稽齋天啓元年辛酉年三十二納妾朱氏後生子沔四年甲子年

三十五寓銀林之龍華寺弟子填其門而之孫與  
焉五年乙丑年三十六年丙寅年三十七俱客  
龍華寺七年丁卯年三十八寓保聖寺重選李獻  
吉詩集秋試金陵之孫同寓三月自乙卯至丁卯  
五入南闈皆數奇未售崇正元年戊辰年三十九  
復寓保聖寺族叔司徒傲我公延評二十一史二  
年己巳年四十復寓龍華寺有四旬齒未老三寸  
舌猶存之句三年庚午年四十一過茅峰一月始  
歸里四年辛未年四十二讀書族兄太守茂翼公  
園宣城沈眉生梅朗三諸公過訪焉族人如慶元

令古愚衛輝守紹岩著宦遊詩集孝廉瞻岩陵水  
令政之良家課文集先生俱各為校定藏於家五  
年壬申年四十三仍寓保聖寺歲試督學侍御葉  
見放焉斥辭曰狂太狂先生走筆作太狂篇遂棄  
舉子業益肆力於詩古文詞是年始至括蒼六年  
癸酉年四十四與陳百史吳見末賦詩往來居龍  
華寺數月定杜箋涉筆及唐十二家五言古詩七  
年甲戌年四十五留韓元長當崑園結竹溪社有  
竹溪六逸詩行世胡印度韓元長與八年乙亥年  
四十六豫章曾升伯先生橫經瀉湖刻先生魯楷

齋詩冊九年丙子年四十七與江甯顧與治桐城  
方爾止震澤葛震父姑蘇楊曰補吳江史弱翁四  
明薛千仞數十人結社秦淮時譚友夏北上過金  
陵同唱咏鄒滿字積霞閣十年丁丑年四十八貴  
州楊龍友秉鐸華亭延先生署中二子從遊焉過  
東余山訪陳眉公先生示以魯稽齋詩眉公擊節  
歎賞曰幽奇絕似焦氏易林今之古人也斯時雲  
間幾社名士如朱宗遠夏彝仲陳卧子李舒章周  
勒自徐闇公相與訂交甚懽是年女駟殤血症大  
劇十一年戊寅在雲間與楊龍友遊東西洞庭山

有倡和詩刻一册八月二十二日始生長子命名

曰沔自是先生欣有後矣然先生五世青衿高祖

有南涯詩集曾祖符祖尚以詩文名世而不獲一

賓父一瀟俱弱冠食餼掇巍科者皆天札故也故癸酉拜墓詩云高曾以

下無中壽俎豆之間見赤貧十二年己卯年五十

在龍友青田署中吳橋范質公先生嗜先生詩先

生與范公交有知己之感十三年庚辰年五十一

寓永嘉龍友署中遊浙東天台雁蕩諸名勝謁劉

文成公祠有詩刻十四年辛巳年五十二寓永嘉

與史弱翁吳日生有倡和詩刻十五年壬午年五

十三仍寓永嘉是歲旱蝗石米價近三兩先生曾  
惠之孫糗米一石十六年癸未年五十四客江甯  
龍友署中先生艱於衣食奔走四方旅邸念及母  
衰輒嗚咽不勝情也十七年甲申年五十五即順  
治元年在龍友署中八月節母趙孺人即世二年  
乙酉年五十六在常鎮道龍友署中五月北師渡  
江避兵歸里寄之孫札云生還差慰生理茫然囊  
橐蕭條不免饑寒矣三年丙戌年五十七在白門  
觀察王子京署中嶺南祖心和尚寓顧與治園往  
來酬唱甚樂時陳百史數遣人存問先生與方顧

諸君自分異趣不與通冬服除嫁次女於張唯理  
次子葬母於東壇族叔帶甫殉節南康歸葬軍山  
先生吊其墓為詩哭之四年丁亥年五十八復居  
王子京署中選明二十家詩集定宋梅聖俞朱元  
晦五言古詩是年冬弟亞貞亡先生撫二姪如己  
子老妻弱兒困苦備嘗矣五年戊子年五十九同  
子京入楚歷遊鄱湖匡廬黃鶴樓赤壁大別山有  
江上詩刻一集六年己丑年六十在白下校胡印  
度偶然吟行世七年庚寅年六十一八年辛卯年  
六十二家居間遠遊是時竹溪諸友無一存者先

生每過墓旁涕泣不忍去九年壬辰年六十三秋  
居之孫草堂數月自訂石曰前後兩集選唐風正  
變定詩千三百餘首九月十五夜夢中得句有芳  
菲易了早收成之語十年癸巳年六十四病石城  
一月冬過宣城遊敬亭山憩施尚白先生園有宛  
遊詩十二月歸里過來禽園俯仰陳迹太息泣下  
十六日卧席弗起猶於枕上檢點先世詩文集二  
十二日卒於魯稽齋

門人湯之孫彥仍謹識

先生日記錄多散佚茲所記憶者僅什之一耳古



文多代縉紳作無存稿笥中止收數十藝先生沒  
後平昔最投契者皆如晨星落落獨宣城施尚白  
金沙于息菴留都顧與治桐城方爾止豫章陳伯  
幾同里陳汝颺諸君子逾於先生在時子沔一名華祚  
讀書克追先世先生可少慰九泉焉矣

之孫再識



李蜚園先生年譜

上虞羅繼祖輯

明萬曆十九年辛卯九月二十八日寅時先生生

先生名天植字因仲號蜚園居士又稱忘機子後

更名確字潛夫號潛初國變後披緇隱陳山號龍

湫山人又稱龍湫山衲道確見墨其先世以武功

起家家淮徐間永樂十五年以正千戶調海鹽正

統八年又調平湖之乍浦遂為乍浦人逮先生凡

十世乍浦素鮮文教獨先生曾祖以一經迪先生

伯祖萼為諸生萼字剛夫別號子業少受知於學

體念有得唐荆川視師海上招與語深契之年而

先生祖以貧廢學至先生父惟來字鹿仙貧益甚

性至孝有隱德寄跡闒闒配力氏生二子長天柱  
冲元先生其仲子也

二十年壬辰 二歲

二十一年癸巳 三歲

二十二年甲午 四歲

二十三年乙未 五歲

二十四年丙申 六歲

二十五年丁酉 七歲

二十六年戊戌 八歲

二十七年己亥 九歲

二十八年庚子 十歲

二十九年辛丑 十一歲

三十年壬寅 十二歲

三十一年癸卯 十三歲

三十二年甲辰 十四歲

三十三年乙巳 十五歲

三十四年丙午 十六歲

應童子試充嘉興府學弟子員始與王仲遵路正

始端兄弟訂交路字澹雲居邑之黃泥堰幼嗜學

號雲外又稱雲王居士路弟也讀書湯山好兵家

言喜為詩尤工繪事啟禎間以策干當事不之省

崇禎甲申以憤懣卒著雲外集見九山補志及先

生所撰王正始傳是年先生與仲遵同入學平湖

采芹錄載仲遵名  
作王路清者誤也

三十五年丁未 十七歲  
是年受學於萬正叔名侯正叔居胥山之陽里許

遂招先生游胥山作游胥山小記又賦七律一章

三十六年戊申 十八歲

侍父游姑蘇泛太湖有震澤舟中晚眺詩

三十七年己酉 十九歲

三十八年庚戌 二十歲

三十九年辛亥 二十一歲

四十年壬子 二十二歲

偕友人王方穀名侯等至于忠肅公祠祈夢夢登

樓望北斗見於南方是年鄉試不售遂讀書陳山

四十一年癸丑 二十三歲

四十二年甲寅 二十四歲

四十三年乙卯 二十五歲

四十四年丙辰 二十六歲

四十五年丁巳 二十七歲

四十六年戊午 二十八歲

四十七年己未 二十九歲

是年受分奉兩親歸祖宅訪宋爾恆咸於陳山萬

松臺賦詩贈之爾恆初名斌字二完號覺非世居

易著易說性調儻不拘小節工書善弈家貧不給

遊著易說性調儻不拘小節工書善弈家貧不給

詩合九卒遺稿有未刪草金陵游草唐又有七夕立

秋詩集不載 泰昌元年庚申 三十歲

宋爾恆來與先生同硯席上元夕先生偕爾恆及

倪惺孩端相與携酒看月至夜分清端初名元邑為

望族家貧父歿與母遷于陳山之陰以教授為業  
喜為詩好畧治農圃有隱者風後苦目疾幾喪明  
卒年五十四著有效  
聖集見兩廡士傳

天啟元年辛酉 三十一歲

與友人羅仲吳名侯祈夢於于祠夢呼盧得上天

梯是年鄉試復不售八月子觀生觀字我生巳請

自記作是年得子而哭亡兒文又言父年三十一始

生汝又似在前一年然據文中辛未觀兒十一歲

二年壬戌 三十二歲

三年癸亥 三十三歲

孟春十日與友人携具泛舟為尋春之游楊皋原

名侯携名畫宋爾恆携清茗朱九先素臣携古籍

時聖傳一中携瓶花陸中黃錫禮携古鼎雪溪上

人圓映携塵尾中黃精於易與宋兩恆聖齊等入著有

生忘機社先生稱爾恆為勝友中黃等為益友雪

溪字元徽嘉善西林庵僧工詩崇禎間居乍浦與

先生倡和著有西林焚先生携鐵如意遂同游雅

四年甲子 三十四歲

五年乙丑 三十五歲

六年丙寅 三十六歲

孟夏先生父鹿仙公年七十先生作乞言啟復述

生平閱歷作八圖曰馬陵踏月曰蛟門拜風曰江

浦還金曰江郎思親曰洛橋神夢曰駱嶺脫虎曰

感慈終養曰淮海尋仙是年子觀患痘幾殆覓醫

雲間而愈



七年丁卯 三十七歲

邑宰程畸人楷修邑志先生懇載筆者為伯祖也  
醒先生立傳而需素金為壽先生向嬰家難無以

應遂不果是年次女巽生 先生長女早年見  
字震兒名巽女說

崇禎元年戊辰 三十八歲

有七夕立秋詩 集不載  
見墨迹

二年己巳 三十九歲

春先生母力太君棄養年六十九自是年後先生  
生計日蹙

三年庚午 四十歲

夏至日集湯山山堂有過趙完叔高士兼懷越上  
王長鱗詩

四年辛未 四十一歲

是年孟夏服闋乃以孟春於瑞祥寺延僧誦華嚴

經期以三年為母追福作誦經薦母疏始築室池

上種梅植竹名曰蜃園園在乍浦城內西南隅園

疎籬頗稱佳勝後廢為因自號蜃園居士蓋逆知

世變之將作也名其堂曰深省軒曰鄰鷗自為聯

語又有軒曰有竹園成慨然有感作書廬經始示

觀兒文及示觀兒詩三章時觀年十一就外傳矣

五年壬申 四十二歲

五月觀山西麓青龍觀舊址得晉咸和元年古墓

先生作詩記之又有大雪次東坡韻雪霽再次蘇

韻兩詩

六年癸酉 四十三歲

是年應鄉舉中式第二十五名房師知山陰縣事

宣城鍾公震陽字百里號元是科薦中七人乍浦

二百年無膺鄉薦者有之自先生始初先生與友

人萬元引定遠兄弟名侯同祈夢於于祠元引為

先生祈籤得詩曰何須買卜君平宅自有真傳邵

康節試問乾卦是何年此時困龍發雲涉云云榜

發遂驗作于忠肅祠祈夢述以記之友人王長鱗

六龍以書賀是年六七月間海寇劉香將犯乍浦

備兵使者防海夜燃七燈於觀山之巔先生應試

歸見之因憶壬子鄉試祈夢于祠見北斗見於南

方宛然七星燈也蓋至是始驗有元日詩

七年甲戌 四十四歲

九月先生生辰王長鱗自鄞至雪溪上人自武塘至同宋爾恆等集龍堂賦詩記之

八年乙亥 四十五歲

九年丙子 四十六歲

有元日詩

十年丁丑 四十七歲

九月二十七日王長鱗初度之辰先生携具邀游陳山作游記並與長鱗及時聖傳等分韻賦詩先生得七律一章是年又有初度詩

十一年戊寅 四十八歲

中秋前五日社友秀水錢夢生公先邀先生及張

敦甫名等九人游雲岫山聯床秉燭分韻賦詩先生作游記夢生集諸入篇什為雲岫游州而為之序九月既望先生有毘陵之役與萬元引游惠山觀第二泉登錫山塔次日復同游虎邱作惠山錫山游記游虎邱小記夢生子元方櫂為付梓以傳之

十二年己卯 四十九歲

九日與友集龍堂登高得詩一章冬舉力太君殯大風幾覆舟是年子觀入學為弟子員觀是年入學見先生

所撰哭亡兒文而平湖采芹錄列觀名於十年丁丑殆誤

十三年庚辰 五十歲

應京兆試入京師正月五日夜夢仰天而視見空

中飛一長劍及鼻端化雪颺去清明後一日游西山假榻碧雲寺次日歸作游記並賦清明日長安旅懷游西山游玉泉山寺宿碧雲寺游西山憶故園知己諸詩又有五十初度自嘲詩是年子觀讀書於携李之金明寺夏間先生往視時已病肺八月咳血甚歸蜚園

哭亡兒文云觀受業於萬元引二載王長麟五載均不知在何

時附記於此

十四年辛巳 五十一歲

正月二日子觀以瘵卒年二十一觀性至孝有學行先生哭之慟因悟客歲之夢作哭亡兒文全氏祖望撰先生神道表記觀卒在初度日友人招登湯山癸未誤張氏庚撰傳誤同有詩記之又有雪中哭觀兒用東坡韻詩二章是

年先生始灌園自給

十五年壬午 五十二歲

九日集陳山山堂賦扶病強登山詩廿八日霜降  
值初度友人招登雅山醉中賦謝得詩二章閏十  
一月二十日夫人黃氏五十作室人五句初度說  
並作詩慰之是年有元日大雪及除夕詩又有早  
秋王長鱗自越上過訪詩

十六年癸未 五十三歲

先生鄉舉後凡三上公車是年秋暑病甫止親知  
促駕乃戒行立秋後十日抵潤州病復作投寓於  
北固山甘露寺半閏月病稍間遂徧游北固金焦  
各為游記由潤赴宣州為文弔房師鍾公遂游敬

亭山九月歸自宛陵游祠山橫山復各為之記并  
集游山題詠為三山游草敬亭游草序以授梓宛  
陵劉參級芳蘅為序三山游草仲冬十九日鹿仙  
公棄養先生在苦出有哭先大人詩是年始更名  
確

十七年甲申 五十四歲

三月十八日與宋爾恆登陳山祝白龍君誕得詩  
二章及聞國變有哭忠烈皇帝詩自是始每歲必  
賦三月十九日詩以誌痛據全氏神道表詩不見  
集中殆編集時刪去  
又有除夕詩王正始卒

大清順治二年乙酉 五十五歲

父服闋乃遣兩妾命女巽嬪於海鹽彭氏壻名貴  
字無



為邑立兄天柱子震為嗣震字子省號性庵後水

有瀉游五岳之志晚年於燕於楚於江都歸卒年七十有五著有梅花集句十首附刻先生梅花百

後詠先世遺產百畝至是已去其半乃以餘田三十

畝與巽以二十四畝與震并畀以祖房一區及日

用器具俾守先人之祀黃夫人多病不能偕隱因

囑震善事之作與巽女疏與繼嗣震疏遂掩闕陳

山自號龍湫山人先生自傳言居龍湫十年先生

年始而他詩文又往往言丁亥始居陳山祭告先

丁亥以後遂入山不返耳

三年丙戌 五十六歲

作祭告先亡文並賦遠嫁別垂老別諸詩九月初

度招友人集山堂賦詩二章又有除夕詩

四年丁亥 五十七歲

是年先生決計從白社游乃於端午後一日髡髮

入陳山訓蒙自給自署村學究老頭陀沈摩青中

柱徒步入山相訪摩青字石臣別號無諍邑之清

詞已劇卯舉于鄉庚辰成進士訪諸有道得江西吉水令

治聲冠江右方甫成進士時問道於鄉先達念臺

劉公授以人語遂勉自刻厲石齋黃公以言事下

獄上怒且不測乃遺書彭嶽劉公力教之甲申之

一佐報仇雪恥之役而南中柯用者諱言兵莫之

省金陵再覆欲以身殉而老親泣慰遂髡髮披緇

沈摩青先生所撰談避世事訂方外交六月颶

風作苦竹山天妃宮殿階為潮所沒潮退得遺址

出古器物先生考為古顧邑城遺址賦海上即事

詩九月生辰諸禪友携具集龍堂賦詩記之宋爾

平普

九

恆卒

五年戊子 五十八歲

是年王仲雲士鳳來受學凡三載有十四夜山房  
看月懷遠及潮日同陸山翁諸君唐灣觀潮次韻  
諸詩

六年己丑 五十九歲

移植園中羅漢松銀杏各一株於山寺前作二  
詩一偈付本山住持俾愛護之十月朔僧祥及陸

亦樵谷等訪先生山中

亦樵初名樵字懶漁後改  
今名又稱樵道人妻子既

喪編游名山以終著育  
夜鴻鳴集見携李詩繫同看日月合璧賦詩記事

是年又有元日詩

七年庚寅 六十歲

自正月至六月晴止六十三日餘皆雨中元日作  
入夏愁風雨詩四律又有秋日過郭震生竹廬看  
菊詩

八年辛卯 六十一歲

有正月五日大雪仲秋望月同無為壻賦諸詩沈  
摩青卒

九年壬辰 六十二歲

有元日山中作及正月三日妹倩王履禎招過山  
莊值雪適周蓋兄遣舟至賦此諸詩又有哭先光

祿梅羹三弟文

梅羹名字事迹無致此文亦無年  
月惟文中自有癸酉迄今十年語

故知在是年文稱梅羹然諾不欺若仇有識  
者許為朱家季布者流其不免於衆多之口有由  
然矣云云又代宗人折券書言汝父少而任俠壯  
乃有成遭家不造鄰兒構難毒方肆乎舍沙賦處

成手鵬鳥云三疑亦指梅羹是年沈摩青父天培公紹滋卒年

八十三先生為作傳初摩青欲築懷木庵以奉親

會卒不果至是摩青弟獻臣中琛始築庵成獻臣

劉公宗周黃公道周游著有抱一軒稿見嘉興府志

十年癸巳 六十三歲

有除夕詩

十一年甲午 六十四歲

有元日值雪春日陳山開築石徑走筆寄馮茂遠

林楚南浴佛日迂密公駐錫陳山諸詩是年陳山

請曹洞密公開堂山房既安僧眾先生乃復歸屋

園住龍湫者十年矣作龍湫山人自傳先生以乙酉

山其入山不返蓋自丁亥始故張傳言居陳山八載又先生龐德公傳書後及自傳均有避海上之

變語山居詩蓋是有時時明計魯烽王煙以海海上竄自注時而山張  
 撤兵戍守蓋是時明計魯烽王煙以海海上竄自注時而山張  
 鎮江於去年正月名振及張煌言又崇明掠金山  
 入長江抵秦興破鎮山故我州嚴兵為備而先生  
 湖頌海又密通金山故我州嚴兵為備而先生  
 不獲甯居矣又先生中秋對月詩注有時余惜不  
 海之上招語此亦先生海桑後事之可記者惜不  
 能詳此自是索居荒園塊然寡侶乃搜求古隱逸  
 遺事為隱林列傳十卷明忠清隱林合傳四卷各  
 為之序食苦不給黃夫人為梭鞵竹管鬻以佐之  
 有錢某者見先生貧餓欲為謀饗殮託先生友致  
 意拒之作與友辭米書食無年十月然有語則此輩  
 當在先生既歸園後姑附此又全表張傳皆言  
 先生歸後買文自給不知何處編檢本集絕無一  
 語及之說殆出傳會今不取語又有除夕昼園書  
 買文及之說殆出傳會今不取語又有除夕昼園書

懷詩

十二年乙未 六十五歲

秋同馬培原給諫嘉植訪沈獻臣於懷木庵給諫

山崇禎甲戌進士授南直武進縣知縣後陞吏科

給事中尋督西江福建餉馬士英族其後陞吏科

廣東道謝事歸國變後祀髮村居自號為賦懷木

庵詩冬寒甚樹俱凍損作園梅失稔歎  
十三年丙申 六十六歲

初鹿仙公及力太君卒以卜宅不協皆權厝於祖

塋之後去歲始築壙於祖塋西畔是年八月二十

一日乃得安厝作告墓文謂將以祀事付之繼嗣

老妻託之弱女又有仲夏寓蜃園即事二十二韻

除夕兩大人入土自慰諸詩是年百可禪師偕本

來上人游湯山晤先生五月俞西塋焜來訪不值

熙嘉興人父振紀童年葬母負土成墳慈烏巢焉  
人稱孝鳥塚熙著有石函詩集十二卷文集四卷  
及見携李詩繫  
嘉興府志

十四年丁酉 六十七歲

秋日讀從亡隨筆賦長句四十二韻自為之注

十五年戊戌 六十八歲

八月九日澈浦發蛟大雨一日夜水漲丈餘先生

所居沒階作水警篇次馬東皋韻東皋即馬培原

見携李詩繫 是年又有春日答雲間王孟衍書及元日

和答詩一律季春自題小象一絕俞西瑩來書以

姜伯淮陶元亮相況答書謝之先生又有與周雲

均載集中雲州名宏起號道勝歲貢生官青田訓

導著有易經集義四書集義堂古堂詩文集見當  
湖文繫書中勸先生絕遠時趣語頗切直先生語作  
書後有文山必死而王矣午不免有生祭之文語



攷附年記於此

十六年己亥 六十九歲

有元日詩

十七年庚子 七十歲

有秋杪予方七旬先期過柴溪精舍訪勤公萬公  
喜金車空谷雪竇天隨兩禪師偕集同時于彭壻

無為繼兒震雨中分賦用禘字詩勤公萬公者平

密萬微也勤密名行涼俗姓趙繼於朱姓性至孝

為八爽直有通必面諍年八十三而終為祿名行

海性清潔律行甚謹夙能細書嘗手書華嚴經八

十一卷與勤密稱法兄弟終身無間言以不樂城

居遂結茅於稚山深處曰

十八年辛丑 七十一歲

七月五旬不雨作禱旱篇又有秋日禮一葦禪師

塔有感秋杪登龍湫秋日重游海會庵游陳山題

雲外賞禪室諸詩繼子震授館遠出集謝老妻己

詩有繼兒硯田苦不熟兩月差堪供一  
肉句是震之授館必在壬寅前姑附此

康熙元年壬寅 七十二歲

是年黃夫人七十有老妻七十賦謝知己詩

二年癸卯 七十三歲

陸亦樵游粵人日即席賦詩送之正月馬培原卒

挽之以詩作張氏傳張氏者先生故人戴履方子

婦也又作還戴氏山記在何時買戴氏山文中不載

以情死故閨而還之張氏又以是年卒作傳還山諒  
亦一情年中事故蟬聯書之又記中有昔日買山之

資一惠之屈君又原一惠之吳君子疑語亦他詩  
文所不載又有何王兩負語何王何人所負何事

均不可知矣

三年甲辰 七十四歲

仲春百可禪師扁舟來訪為序其杖頭草沈獻臣  
 於其祖塋之東築永錫堂推廣其孝思凡平昔交  
 游有品望而無子嗣者皆立木主奉之香火不絕  
 鹿仙公之主在焉是年中元日先生迎歸蜃園深  
 省堂賦詩以謝季春門人王寅旭連以雨生禪師  
 柳因講錄乞序為書其後寅旭先生友王正始次  
 子也寅旭號復園邑庠生少從先生游又與陸亦  
 煇偕結蘭社文章意氣稱盛一時著有繫桐  
 吟豪見續先生自去冬戒不作詩奈猶有不能已  
 於言者復勉強捉筆是年有元日口號王寅旭四  
 十贈言吳子凝七秩預祝九日王寅旭招同社集  
 龍湫時值小雨留宿山房分逢字賦得旋斫生柴

帶葉燒諸詩

四年乙巳 七十五歲

春作馬培翁因果記八月撰乍浦九山補志十二  
卷成平湖舊有九峯之名而不得其地至先生始  
攷定之因箸是篇自為之序是年有元朝口號八  
月家竹西齋前梅放一枝見紅白二色招同人賦  
詩紀事次韻修松竹西江宜教功又菁武仕解民  
諸阮時惠白粲賦謝答施仲芳少府諸詩時先生

已患聾

見惠白粲賦  
謝詩自注

五年丙午 七十六歲

遭家難乃售蜃園託黃夫人於壻家復入陳山賦  
蜃園留別詩二章仲春先生居彭氏最宜樓旋復

移居東濠草堂方旬日適門人吳卓凡家杰來謁

因附舟同返賦詩記之歲除復往是年有元日題

於鷗軒歲除前三日留謝宋彙中詩有適館授餐

彙中欲余過歲余以使舟西上所除夕酌無為壻濠不及而別先生殆又館彙中所除夕酌無為壻濠

上草堂諸詩又有承仲潔詞兄暨諸厚兄有溉釜

之義賦謝詩此詩集失載見墨迹全氏神道表言

妻居又十年先生益曰不能有其園復委妻居於壻

年己七十矣致先生自順治乙酉居陳山時年五

十五至十一年甲午避劫歸園剛十年至康熙

丙午遭家難售園時年七十六園

居凡十二年至明年復返全說失實

六年丁未 七十七歲

暮春山居病作親友議贖園以安之得楊皋原沈

獻臣獻臣子仲潔名侯王寅旭王仲雲諸人力得

返故居詩以謝之又賦解嘲一律復慮友朋將伯  
之助或不免負義媿心死不瞑目乃立蠶園公議  
繼子震遠出獨居無侶遂留猶子救功同住且藉  
其房租稍酬沈負但居止兩楹僅僅容膝耳楊皋  
原命孫來受業是年夏秋之交值旱四野俱霑城  
中獨否友人有待雨之約先生賦詩自傷又有元  
日口號正月念七日訪本來禪師於潛居留別本  
公諸詩

七年戊申 七十八歲

萬安高士曾日永堯昶自江右送彭太僕期生忠  
骸歸海鹽先生賦詩以贈六月十八日適彭氏女  
病痰歿年四十二越二日走哭之賦詩志哀沈仲

潔卒年三十五挽之以詩友人徐拱元六十為文以壽之又有元日口號和陸古塘諸詩

八年己酉 七十九歲

先生猶子右文歸自山左至新城舟覆溺死悼之以詩繼子耀即震改名以重九前一日年五十時授館

廬州作詩寄勉又有方君聘雙壽序及元日口號故友鮑玉如孀嫂過舍有漂母之惠陸亦樵於南雄貽書兼惠香扇除夕謝劉爾徵惠名酒諸詩

九年庚戌 八十歲

撰族譜成自為之序又題七律一章時貧甚紙筆皆乞之友朋復自敘平生為對聯自記初夏病熱血從耳出遂失聰八十初度親友有以壽儀稱賀

者賦詩謝之又賦八秩寫懷詩七章仲秋陸亦樵  
自嶺南貽書并集諸家詩畫卷冊各一為壽復賦  
詩寄謝十月八日葬亡子觀於祖塋之後作告亡  
兒文繼子燿遠歸理葬事十月望聞彭氏女將祔  
葬於其舅姑墓往送之作奠亡女文是年老友楊  
皋原卒年八十七鄭嬰垣卒年八十一并哭之以  
詩哭鄭詩注老友嬰垣年八十一無妻無子女兼  
無食性高傲物不肯干人真介守者凍死雪中  
是年苦雨先生有巨浸及苦雨即事詩又有元日  
口號元日題祖德冊子六月十八日亡女二週吳  
卓凡書至兼有餉遺寄謝寄贈兩王君諸詩  
十年辛亥八十一歲

清明展豐山先墓為文以祭門人王仲雲卒年三



十四詩以哭之秋寧都魏冰叔禧自江右來訪無

應門之童自執盃茗不能具餐周雲虬為具酒饌

此據魏與周青士書張傳言魏訪先生方絕糧魏探囊得銀半兩買米炊飯共食殆出傳聞之誤

時先生耳聾又苦下墜不能二三百步行日惟仰

卧以粉版與客相酬答出九山補志稿示冰叔冰

叔為改易數重句重字篋中惟餘筆二枝墨寸許

皆苦惡不堪用冰叔乃以二筆墨一挺銀五錢為

贈五反而後受垂泣而別賦詩謝之冰叔念先生

老病亟致書周青士質屬曹倦圃侍郎溶鳩友朋

為先生致月餼雲虬以告先生堅謝不受初冰叔

以書示吳中徐高士枋高士曰君意良厚恐李先

生不食他食君子愛人以德君力所不及聽其餓

死可也已而先生果峻拒冰叔歎曰子淺之乎為  
丈夫也陸亦樵於粵東為梓九山游草郵寄至賦  
詩答謝亦樵更索先生全集許之為劉松谷題春  
水船圖歲暮松谷贈米二石遂炊以薦先人是年  
又有元日口號三月十七日宋伯嶼過訪志感即  
事口號辭謝親友謝葉遇之惠白粲贈蘇州陳烈  
婦挽徐州海烈婦諸詩

十一年壬子 八十二歲

先生上元夕示疾二月六日戌時卒先是前壬子  
歲<sup>十時年二</sup>夢神示以半生字蓋隱寓八十二也至  
是預知死日於二月朔賦詩以辭親友既卒友朋  
私謚曰介節先生葬牛橋西懷字圩穆穴沈客子

季友為立石曰明孝廉李潛夫先生之墓王寅旭

撰墓誌里人請入祀鄉賢嘉慶八年里中慕義之

士復請於當事謀建祠於陳山寺以祀先生署海

防同知楊兆鶴知縣路鐸等翊俸為倡祠成無錫

秦小峴瀛為之記記言翊俸首倡者尚有乍浦縣

平湖縣事非縣丞也爰附正之道光二十五年

同知龍光甸重修咸豐十一年燬同治十一年重

建

先生著述頗富惜多散佚已梓者則有乍浦九山

補志十二卷乾隆中浙江巡撫採進入梓行宣統

丙辰里人蠶園文集四卷雍正中先生曾刊補遺一

蠶園詩前後集各一卷康熙癸丑陸亦

同輯盛

道 父 又 中 同 里 錢 椒 得 其 板 修 補 重 九 山 宣 統 草 已 未 聚	王 珍 版 重 刊 先 生 詩 集 始 稱 放 言 集 繼 稱 就 正 草 及	陸 氏 梓 行 時 改 今 名 錫 頤 撰 凡 例 更 列 放 言 集 於	未 梓 也 諸 書 龍 湫 集 五 卷 刊 末 附 陸 培 選 本 宋 景 闕 編	中 誤 也 諸 書 龍 湫 集 五 卷 刊 末 附 陸 培 選 本 宋 景 闕 編	一 卷 見 嘉 興 忘 機 社 月 令 詩 一 卷 門 梓 行 吳 卓 凡 送	府 志 今 未 見 興 忘 機 社 月 令 詩 一 卷 門 梓 行 吳 卓 凡 送	秋 詩 一 卷 已 錫 頤 未 見 例 云 梅 花 百 詠 一 卷 金 殿 揆 外 梓	行 板 藏 清 溪 王 氏 沈 文 恪 公 未 過 時 相 載 去 作 駢	文 序 冠 首 重 為 印 行 迨 通 籍 旋 里 板 已 腐 壞 道 光	四 年 附 錢 氏 重 印 詩 文 集 敬 亭 游 草 三 山 游 草 二 書	為 刊 附 於 後 見 錢 氏 跋 敬 亭 游 草 三 山 游 草 二 書	生 自 刻 未 見 錫 頤 凡 成 例 中 又 有 雲 岫 游 草 一 卷 應 列	集 同 游 諸 人 見 詩 文 而 成 例 中 又 有 雲 岫 游 草 一 卷 應 列	入 毘 陵 游 草 有 錫 頤 未 見 例 九 山 游 草 各 一 卷 康 陸 亦	樵 梓 於 未 梓 已 佚 者 則 有 蜃 園 文 集 十 卷 山 房 日	錄 四 十 卷 古 今 觴 詠 集 八 卷 隱 林 列 傳 十 卷 明 忠	清 隱 林 合 傳 四 卷 兩 書 均 有 裒 忠 錄 三 卷 濯 園 日
------------------------------------------------------------------------------------------------------------	--------------------------------------------------------------------------------------------------	---------------------------------------------------------------------------------------------	-------------------------------------------------------------------------------------------------------	-------------------------------------------------------------------------------------------------------	--------------------------------------------------------------------------------------------------	-------------------------------------------------------------------------------------------------------	------------------------------------------------------------------------------------------------------------	---------------------------------------------------------------------------------------------	---------------------------------------------------------------------------------------------	--------------------------------------------------------------------------------------------------	---------------------------------------------------------------------------------------------	-------------------------------------------------------------------------------------------------------	------------------------------------------------------------------------------------------------------------	-------------------------------------------------------------------------------------------------------	---------------------------------------------------------------------------------------------	---------------------------------------------------------------------------------------------	---------------------------------------------------------------------------------------------

手普

八

錄十二卷大東飽蠹篇一卷呼天外史一卷紀夢

集山居雜志山居雜詠清修八則有集序載深省堂

詩話各若干卷賦非輯補遺中均有詩凡話四例駕湖百

家談異錄八卷凡見當湖文繫

先生自甲申後高臨掩關所與往還者二三故舊

縑流而已冰蘗自甘與世相遺乃彭仲謀孫貽撰

小傳縣志全謝山祖望撰神道表及沈客子携

李詩繫盛丹山楓嘉禾徵獻錄嘉興乍浦兩志隱

逸傳均載先生遊跡後長吏守帥慕其高車騎過

之踰垣走避終不見與湯文正公撫吳訪澗上事

後先一轍諒非虛語顧諸家記載不詳不知在何

年先生集中又未嘗自言殆雅不欲自表襮耳姑

補記於此又先生事跡湮沒至多茲之所述不逮  
萬一其單辭片義見於集中而事實不詳且無可  
繫者如哭先光祿梅羹三弟文云憶自癸酉早秋  
吾兄弟晤集靈衛山房既而泛舟鵠湖連鑣北道  
避難浦西而吾以兢兢孑立之身行蛇虎荆棘中  
幾不免攘臂操戈之慘等語及平湖志鄉賢傳云  
破產拯兄寧織棕鞋以易食遷回孝友更辭免役  
以懸鶉語事實皆不可知矣

先生兄元冲事跡無考于二長豐見字震兒次即

先生嗣子耀也耀亦無子嗣子曰方山見馮幾序方

山始其其他見於先生集中者羣從則有周蓋有

周蓋梅羹有哭梅羹聖木有送聖木弟繩白有十

年譜

十九

望月同繩仲瞻有初度日詩景愚見贈如壁如金

族子則有又菁名長業見平湖采芹錄功武中有謝

民諸阮惠修松竹西江宜遠均見平湖采芹錄名救

功武仕解民右文有悼右棠舒有棠舒姪又有

為僧者曰慈光上人九山游草有登湯山燕詩自

注上人其不見集中者有為光字宛星號蔗村邑

庠生工詩文先生歿後嗣子耀相繼殂謝遺稿往

往散佚賴為光掇拾得不廢墜又嘗繼先生志纂

九山續志未成年六十七窮老以終見續携李詩

繫族孫則有秋水有悼秋水宗孫二詩自注秋

繫獄如壁如金有弟景愚孫也初孫詩二後復人合

繫養親故先西生上人名通霽號耕霜慈光上人

遂行脚諸方善書喜為詩姻戚中則有王履禎王

有斷雲草見九山補志又墨迹佚詩不知何姓

鶴驂何仲來下見詩注同立豹甥立豹詩先生雅好吟咏早年結忘機社與吟友唱酬晚年

遜跡雖貧病不廢故所作詩不下數千首陸亦樵

等授梓時曾請澹歸大師為加裁汰存不及半即

今之蠶園前後集是也當時與先生訂交及以詩

相酬答者如宋爾恆倪惺孩王仲遵正始錢夢先

時聖傳王長鱗陸中黃楊皋原沈摩青獻臣馬培

原陸亦樵諸人外尚有王青芝偉曾入忘機社見楊

李詩繫集中有彭季親亡棄去與高僧者宿結社

賦詩有寤歌室稿私謚有節隱季親見携李詩繫德

符長宜知縣著有小草吟見携李詩繫仲謀孫一

手譜

二



旭王仲雲吳卓凡陳型叔觀陳子有山中詩門數人	然璜翁耳黃鉉王徵先召等門人可知者惟王寅	經館於平湖馮氏因家焉後以明朱樺韜學章趙閣	山補潤志鮑玉如湖州人博學洽聞精春秋萬太鹿	集及九志謝詩又史公補志為錄副戚吟烈陳人銘曾為	集有十年交滿長安然終不遇朱史公錄先生平詩	垂二賁趾山房集見揚李詩繫朱史公錄先生平詩	論古今成敗生字叔累致于全緣手散去後走氣好談	人原名啟沆字叔度貢生為人周儻負奇氣好談	見携李詩繫沆及明末五百家遺民詩陸山翁平遜	儒學教諭遷沆及明末五百家遺民詩陸山翁平遜	集見携李詩繫沆及明末五百家遺民詩陸山翁平遜	生哭西成道元詩注先曹登仙庠生晚號空人善	稿見携李詩繫沆及明末五百家遺民詩陸山翁平遜	聞見錄諸書中劉西成靈巖以喪子失明後有松廬	平寇志山中劉西成靈巖以喪子失明後有松廬	得後二十餘年萬安義士曾堯昶歸其遺骨者有	字拜仁疏若齊父期生殉難度臺親往求之竟不
----------------------	---------------------	----------------------	----------------------	------------------------	----------------------	----------------------	-----------------------	---------------------	----------------------	----------------------	-----------------------	---------------------	-----------------------	----------------------	---------------------	---------------------	---------------------

方外如雪溪本來百可勤密萬徹外尚有道可禪  
師隨隱法師自聞上人等餘具見先生集中不復  
備述述可攷見者如此

施氏洪烈張氏庚撰先生傳全氏撰先生神道表  
雖間有小誤無關宏旨而詳略足以互見茲并附  
錄於後以資參攷

潛夫李先生家世當湖之後所人也潛夫生於明  
朝神廟辛卯鄉舉於崇禎癸酉乍所自三百年來  
未有登賢書者潛夫始之即以潛夫終之蓋時方  
嬉如而潛夫心隱身閑鼎移潛夫遂身隱先是太  
公寄跡闒闖德可風潛夫遁跡山居有丈人抱甕  
之遺不為絕俗自詭蕭然無累焉所著有忘機社

月令詩及和中峰韻梅花百詠送秋詩九山游草  
皆已刻行世又九山志族譜古今觴詠集隱林列  
傳明忠清隱林合傳褒忠錄就正草七言雜詠飽  
蠹篇諸稿遠近見聞惟此一人名天植字因仲又  
號蜃園居士云施傳

孝廉李氏名天植字因仲平湖人居乍浦海上蜃  
園崇禎癸酉舉於鄉三上公車癸未其子諸生觀  
卒自以有潛慝痛自刻責遂絕意於仕進會國難  
乃改名確字潛夫喪亂後尚餘田四十餘畝宅一  
區乃并家具分與所後子震及女而與妻別入陳  
山自是足不入城市訓童子自給居七八載陳山  
寺僧開堂聚聽者衆避喧反蜃園復與妻居賣文

以生不足則與妻為椶屨竹筥佐之又十載益困不能保其園復以妻妻之壻家而寄食於僧舍友戚憐之相與贖蠶園歸之於是復與妻居時年已七十矣所後子亦稟訓棄諸生謀食四方老夫婦白頭相對時時絕食有饋者非有故不受又十載蠶園僅存二楹雙耳失聰又病下墜終日仰卧客至以粉版書相問答魏冰叔自西江來造其廬先生與之粉版冰叔書竟先生視姓字則強視張視之泣老淚滋滋下冰叔亦泣時方絕糧冰叔探囊得銀半兩為買米炊飯共食作書與嘉興布衣周青士屬其集知交為先生月給冰叔過吳門見侯齋侯齋者崇禎壬午舉人徐枋亦不入城市者見

書彙謂冰叔曰君意良厚但李君不受人饋君力量不能聽其餓死可也及青士輩往饋果堅拒不受未幾卒乍浦有鄭嬰垣者孤子絕世與先生為金石交先二年凍死雪中至是先生餓死臨歿云我無媿我老友矣時康熙十一年年八十有二葬牛橋所著蜚園集所後子歿乏嗣遺彙不可得矣惟續修乍浦九山志迄今猶有珍之者

張傳

蜚園先生歿七十有餘年再絕世遺文散佚其從曾孫錫禎始哀其叢殘之作合為數卷乞表章於當世子惟先生之大節在天壤無人不知顧生平顛末則未有詳述之者異日國史隱逸傳將何所考乃略為摭拾纂文一通使表之墓先生諱天植

字因仲浙之平湖乍浦人也曾祖某祖某父某父  
有隱德先生少而蕭散其於世事泊如也嘗曰無  
欲則心清心清則識朗識朗則力堅無欲則心真  
心真則情摯情摯則氣厚時時以誨學者亦頗耽  
清言登崇禎癸酉鄉薦浦上之以科名起者自先  
生始三上公車癸未其子諸生觀卒自以為有隱  
慝痛自刻責遂絕意仕進改名確字潛夫彭仲謀  
作先生傳以為國難後始改名者非也既游遭喪  
亂遣妾遣婢殆盡尚有田四十餘畝宅一區并家  
具一切分與所後子震與其女髡髮別其妻逕入  
陳山自是足不至城市訓山中童子以自給其自  
署曰村學究石頭陀居山十年陳山之僧開堂先

生避喧始返蜃園復與妻居賣文取食不足則與  
 其妻為棕屨竹筥以佐之時有好事者約為月給  
 供先生米力辭不受有司慕其高訪之踰垣而避  
 其所賦詩皆吊甲申以來之殉節者蜃園者乍浦  
 勝地可以望見海市者也又十年先生益困不復  
 能保其園乃復以妻委之壻家而身寄食於僧寺  
 戚友憐之相與贖蜃園而歸之於是先生復與妻  
 居則年已七十矣所後子震亦稟先生教棄諸生  
 顧以謀食走四方二老相對時時絕食歎曰吾本  
 為長往之謀顧蠟屐未能乘桴又未能至於今日  
 悔之無及待死而已有饋之食者非其人終不受  
 或問以身後曰楊王孫之葬何必棺也又十年蜃

園但存二楹雙耳失聰又苦下墜終日仰臥客至以粉版相問答魏凝叔自江西來造其廬相對而泣臨別以銀五錢贈之五反不受凝叔因以請曰此非盜跖物也乃納之凝叔因屬曹侍郎倦圃糾同志復為繼粟之舉且謀其身後徐昭法聞之曰李先生不食人食聽其餓死可矣俄而使至則言先生果堅拒不受凝叔歎曰吾淺之乎為丈夫也嗚呼信夫凝叔之淺也但知為先生謀食而不知為先生謀施食之人夫倦圃新朝之貴人也先生肯食其食亦何待凝叔故昭法之在吳中能食之者惟一退翁禪師餘莫能也昭法聞凝叔之舉而卜先生之必不食其可謂相知以心者矣不數



月先生死其時有鄭嬰垣者亦乍浦人也孤子絕俗與先生稱金石交前數年凍死雪中而先生亦竟以餓死仲謀又言先生能預知死日賦詩而逝意以為禪定之功也予謂先生披緇而未嘗談空蓋其靜極而明何必從蔥嶺得力乎先生生於萬曆十有九年九月二十八日卒於康熙十有一年二月初六日其年八十有二娶黃氏葬於牛橋之西其所著蜚園集自震死之嗣子不存一惟續修乍浦九山志世間尚有傳者其銘曰餓死事小失節事大正叔之言先生不愧百年宰木護茲遺蛻

表

李蜚園先生年譜

年譜附錄

同時往還詩文

賀李蜃園登賢書啟

鄞王六龍長鱗

季秋二日弟於深息山房得友人一簡報當湖李蜃園巍掇鄉薦喜極而躍恨弟坐貧不能走元纁申賀殊覺怏怏茲因翔便聊進不腆數言以當賀私倘亦贈人以金不若贈人以言之意乎諒高明亦所樂聞也弟思浦上二百餘年未聞以科名開闢者而特開闢於蜃園讀古高論孤行積德放言成集忘機主盟之吾兄皇天后土未可謂不鑒此耿耿也雖然西銘之言曰富貴福澤將以厚吾生也竊嘗取其規富貴者之言思之夫生豈存活永世之謂當思有以自壽

天壤厚豈視饗蘊隆之謂當思所以自待不薄耳弟  
今日目中所見於敝邑者皆高趾闊談之人當其寒  
落時未嘗不指近日仕官劫奪成習者切齒詈時  
時浩歎無已及其一旋飛聲門庭傾動此時里閭親  
族交游朋舊莫不拱手咋舌進稱譽於前而此一人  
揚眉吐氣相相然醉鹿鳴謁座主聳身輿蓋中泛然  
若浮泊於衝波疊浪之上家奴蜂集門客麇至交游  
日廣度支日侈日與高門豪士投刺簡往還藉勢而  
投獻紛然借援而苞苴不恥日與郡縣有司分庭抗  
禮向所指貪墨無賴而切齒詈者今將與之附耳  
促膝竿牘請託而混混於中相垢濁矣弟視此輩異  
日居官隸土於國於民之情狀可想而知也嗟乎世

界敗壞極矣在今日欲得一廉潔自將剛明不苟上不負忠君愛國之思而下不失其矜憫惻怛為吾子吾民之至念令千載而下想見伊人讀書經世之精神品望者斯人真舉目寥寥若河清之俟矣善乎陸宣公之言曰上不負天子下不負所學斯豈異人任乎茲喜吾兄公車北上明春自當得志南宮以吾兄之學之才定識定力必能柁柄在手破浪而行洞視古人哀憫當世大拯頽風使百族萬類仰承披拂皆各有生動妍澤之意則足下之陰功博厚知有赫赫天心必鑒臨昭格而累昌足下之門第於無窮矣此仕宦中極便宜事也又況吾黨久大自期志道德不志富貴為民社不為身家原有不責報於天而問心

自盡者哉夫今日郡縣有司豈盡無清夜良心豈盡不通曉民故而往往如瘖如聾如狂如醉者無他利昏其智也故吾黨得志宜先戒豪華俗官之氣毋使家庭日逐太侈其費用費用侈而需財不得不廣需財廣則剋剝不得不峻心術之浸移人品之漸壞勢之相迫使然也弟竊自謂得志後倍宜幽居深念堅忍沈摯內培救國濟民之厚願於聲色不動之中而田園第宅子孫之計裁令粗足譬如不得科甲而已夫田園第宅百年有盡之物也今試有人焉宦成而樓閣翬飛莊田萬計未免為千人之所指一不肖子孫執鑰馬而萬事烏有矣官舍淨於僧房宦囊獨携琴鶴甚至有為御史在家而其妻適鄰家磨麵視其

寢室惟蒲蓆布被褥者芳名至今照映青史吾輩試  
平心計之果孰得而孰失孰榮而孰辱乎門庭蕭寂  
齋鹽泊如不改寒士家風是所望於留心古道者居  
常佩服吾兄之言曰無欲則心清心清則識朗識朗  
則力堅無欲則心真心真則情摯情摯則氣厚斯言  
也吾黨忘機原本之論窮而守志達而守官皆是物  
也今日聞兄報而喜喜而旬日不寐者蓋深信吾兄  
忘機之旨行將大明於天下矣不肖弟自分骨相寒  
儉問學空疎當委棄泥塗老死草野蓋一倖有仕進  
之日正欲以吾兄為師法敢以危言嘗知己況知己  
如吾黨又豈敢謂吾兄有所不逮於是而為此諄諄  
煩瑣為哉不肖肝腸無他平日之齋對神明者如此

今日之敬陳於吾兄者亦如此惟吾兄鑒而宥之幸甚幸甚

上李蜃園先生書

周宏起 雲虬

先生力敦古道絕遠時趨為里中叔度彥方蜃園之作胸中豈有孝廉二字哉困頓公車垂十年所又有喪明之痛癸未之役嘗距江返矣先生之賦遂初何必今日今事且不忍言選奕依違固非僕所望於先生人生禍福自有定豈必委蛇從俗乃保令終耶莊生張毅單豹之喻足以觀矣僕懷此志遭遇如一日也上則擬同王元趾之引決含笑地下次亦當如雪庵和尚之逃禪中流而讀離騷覩面從時非僕心也僕父年八十有一母年六十有八舉一子僅三年耳

饘粥之產當古一夫田廬之宅兄弟貧弱不能自立  
即有舉動妻子何足計此龍鍾者累累將安託乎所  
謂道中回遑臨食浩歎者也今行勉自謀矣慮不敢  
以堅白自信終且淪於緇磷耳先生則不然先大人  
園陵無恙令嗣即玉折今嗣君之奉尊聞也何敢不  
敬而又有令坦夫婦之孝謹獨此灑然之身復何介  
介而為此在詩有之翹翹車乘招我以弓豈不欲往  
畏我友朋先生而勉為此友朋之罪也抑人之言曰  
仁而無武無能達也又曰死者復生生者不媿於其  
言則可謂信矣夫灌園吟猶在僕且忍死先生之不  
愧豈為不仁無武之故也豈得為信先生如將投劾  
當時瓢笠方外以待正命則僕之願也若終選奕依



違禍福勞心遂行不撤竊恐翹乘之刺大不列於風  
木矣僕辱忘年之好有年不敢效小人姑息之愛嘿  
嘿以負知己聞將戒期聊伏佈陳伏惟自愛自重毋  
為昔人所笑

又

俞 熙 西 瑩

孟子私淑尼父太史公願為晏平仲執鞭道在可宗  
誼有足慕不盡識面也羃結髮時即知有海上李先  
生然是時先生方舉於鄉羃特從賢書中識先生姓  
名耳未得先生之為人也已讀先生所刻詩歌及梅  
花百詠稍稍窺豹文一斑辛卯以來幸締交公凡蔣  
丈子貞朱丈為具言先生高蹈邱園足跡不入城市  
家貧於回憲而一介不取布衣糲飯晏然無戚容羃

然後悉先生為人洵是姜伯淮申子龍流輩哉舉世莫不好紛華而先生獨守寂舉世莫不好富貴而先生獨食貧舉世莫不好榮達而先生獨處卑累弗敢他論自乙酉迄今江右諸名下類竄匿田野驕語殷頑數年間出者出仕者仕獨先生幅巾芒履放棄如故陶元亮不得專美於前矣詩云高山仰止景行行止先生累之景行也第海隅匪渺親炙無期丙申夏仲曾偕敝同盟沈集九艤棹興福冀一望見丰采而先生適不在山毫釐千里寤寐轉輾又已三年茲辱王盟長惠然賁臨伏聞起居多勝敬肅短絨仰塵清覽雖無因至前必遭按劍而傾挹不能自己或亦先生所弗拒也牘一冊舊作一章呈政不莊

暮春李因仲携具偕同社過訪山齋留宿

宋 咸爾恆

取意不在遠  
閉此悠然門  
讀書白雲午  
俯仰几席尊  
泉飛雨聲來  
我友命酒樽  
相見各一笑  
天趣洽後昆  
情真得薄醉  
理簡有奧論  
取次選高石  
振衣望乾坤  
須臾日西逝  
歸影馳暮村  
越客戀清景  
半榻恬游魂  
中宵妙語默  
澹茗生月痕  
聚散雖固然  
依依神理存

夏夜與李因仲

倪 端惺

閒心共企水  
雲居紈扇空  
庭坐晏如風  
過竹窗僧定  
後月高檐外  
酒醒初乾坤  
事業君須荷  
詩酒生涯我  
合疏見說兵  
戈南北甚不  
知何處可樵  
漁

登陳山訪李潛夫

王 偉青芝

頽壁疎樨古寺荒佛臺相滂讀書床沙彌打餅修山  
供逸士携壺探錦囊一片石根雲卧冷萬株松影墨  
痕涼磁甌飽飲龍泉水問取猛龍鉢底藏

次李潛夫灌園詩

海鹽彭宗因季親

寂寞雙扉抱影居偶逢異世自如如門因避俗堪羅  
雀水溢橫塘可聚魚平野置身猶散木長林託跡治  
嘉蔬山廚菜甲盤殮足垂老營生計不虛

傍屋園林尚未荒拋巾散髮過頽牆殘枝伐得供晨  
爨野果收歸作晚糧間圃風人元有紀栽花月令不  
須商蕭蕭數畝終肥遯敢謂溪山歲月長

心遠紅塵即是禪家徒有壁亦陶然鋤花每帶溪邊  
月種竹初逢雨後天山影當窗寒石几風紋走水媚

漪蓮早春賸有松蘿在閒自呼童漫煮泉

八口饜殮未覺貧不衫不履樂天真起看峯色清雙  
眼坐聽潮音悟六身飲雜漁樵傾宿釀游同鹿豕避  
浮塵年來禮法從人棄宰相山中任世嗔

送和李因仲孝廉灌園詩

海鹽胡夏客 宣子

破廟隣僧勿習禪相尋白話共陶然看春罷亞如農  
老特煮藜祁供佛前細摘棚間垂綻豆輕划甌去採  
鮮蓮歇勞儘喫茶滋味留得迎梅雨賽泉

中秋後二日同友人宿龍湫山房贈李潛夫道

兄

陸 遜 山翁

十里溪行即上山夕陽洲渚有無間寺前短棹隨雲  
冷天外濤聲到嶺還夜枕共談香案寂秋燈方照石

堂間思君常在龍湫頂千仞秋光試一攀

戊子八月十七日夜宿陳山寺同諸子賦贈潛

夫道友

同上

苾芻薜荔倚龍城早向移文共勒盟處士未忘秋菊  
意大夫仍愛古松名數聞鼓角搖邊戍往日山川空  
月明海日自諳滄海訊詰朝即聽午潮聲

潛夫從竹西村居還山奉懷有作即次山居原

韻

同上

絕壑危巒幾不堪依巢掘石雅能甘小山何必非東  
海大國吾然自汝南柳傍先生彭澤五徑開處士杜  
陵三閭行只共雲相似來往無心照一潭

潛夫先生始製僧服有詩見示次呈二律

華亭王庭宰鹿柴

一袈裟地小茅庵瓜圃周遭柳帶參  
辨取素心精觀  
忍來參黃面老瞿曇蒲團破碎棲  
崑九樺燭燾微鎖  
院三消息個中君自領經行時  
拂寶裝鐔

買得青山且卓庵白頭自笑髮  
參參經翻葉上初書  
貝衲曝花前本種曇夜夜苦吟  
霜漏半朝朝晏起日  
竿三眉間精悍知難掩天矯  
長虹吐劍鐔

游陳山過李潛夫茶話

翁 鉉 耳黃

秋色山中到十分尋幽何處正  
逢君茶烹鷹嘴春先  
葉泉割龍湫澗底雲石筍恍從  
空翠出松聲還向靜  
虛聞塵情未斷重言別樽酒  
相期更論文

灌園和李潛夫先生

海鹽 彭孫貽 仲謀

鮭菜長飢未識貧茅堂藥圃各清真庭前拾橡獮三  
口雨後移花月一身門有好山何必畫徑辭俗客自  
無塵穿林歸去常衝晚野老寧煩醉尉嗔

夜酌李潛夫鄰鷗池館

同上

河流蕭瑟雁聲哀相約登高客自來歲月幾何成短  
鬢山川如此負銜杯荒城雨過潮初上老圃秋容菊  
未開共話昔年惆悵事寸心殘燭有餘灰

九日邀潛夫先生同雨生開士朱史公姪季愚  
甥陶筠湘集龍堂小雨留宿分三字

王連寅旭

輕舟微雨泝城南雲擁山村好共探地愜勝游峯自  
九觴遵約法豆惟三清緣却喜聯禪榻幽興難忘漱



石潭靜聽松聲茶漸熟不妨高詠更深談

九日集龍堂分天字

釋心含 雨生

選勝登高此地偏移舟剛值薄陰天踏殘黃葉來幽  
徑數徧歸鴉立暝煙汐浪不過山外響籬花還向雨  
中妍萸樽茗椀分酬倡肯羨參軍落帽年

同上分花字

王穎思 季愚

携朋載酒訪黃花小雨村西隔斷霞雲影數峯看未  
厭濤聲萬壑聽偏賒插萸敢擬追摩詰落帽何須羨  
孟嘉佳節名山差不負樽前莫更惜年華

同上分寒字

陶 塗 筠 湘

追隨九日上危巖萬壑秋光帶雨看嶺上暮雲連野  
白潭間微浪撥衣寒人誇落帽當年勝我媿題糕此

日難惟有登臨情不淺履痕還擬問龍蹠

諸家撰記題詠

龍湫山人像贊并序

陳謨拙脩

潛夫李先生自甲申後迹龍湫山中髡其首被  
閣黎服自號龍湫山人屏跡不入城市感慨抑鬱  
之意一寓之詩高風峻節弈世下猶凜凜焉是時  
吳郡徐侯齋先生嘉興巢端明先生并吾邑馬和  
衷先生與先生共四人數百里中遙相望也皆僅  
前明舉人未嘗食朝廷之祿服朝廷之官而君臣  
之義不可解於其心至於凍餓且死而未嘗稍變  
抑亦可以繼夷齊而為百世師也已余嘗謂治平  
之時無所謂隱士也其謬託為隱士者非怪迂者

流即清閒自適之子也惟夫變故忽遭義既不得  
如有官守者之死而又不可如常人之樂而生則  
含酸茹苦瘁其體膚以求不歎於心其斟酌非苟  
然矣余覩明末有以諸生布衣死者此當直斥其  
無謂而一時逃爵祿服居士服未幾造謁王侯卿  
相之門則又謬布隱士之名而實鄙夫小人之無  
所據者四先生輩必惡之訾之而不屑聞之四先  
生中侯齋先生及先生名著士林雖頑儒亦各競  
相欽仰蓋人心之公不可泯也況忝為同里後學  
稍知自飭者乎丁酉孟春先生之從曾孫某懸先  
生像於中堂謨過之敬再拜而為之贊曰  
其貌清癯其意嗟吁何哉生之不辰值故國之為墟

雖未嘗錫珪而擔爵亦已曾名列乎賢書其不為仕  
宦者所以報舊君之養士其不為感慨而激烈者知  
在上有堯舜而自容夫巢由之徒爰屏跡於草野甘  
凍餒而寂居嗚呼先生之歿於今蓋百十有餘年矣  
猶使人展其遺像而為之懼然自顧其廉隅

又

葺城姚廷璣增迂

窮者其遇達者其識不為詭隨不為矯激善藏韞匱  
之珍求保無瑕之璧乃波瀾之砥柱豈煙霞之痼疾  
瞻斯古貌則商山之芝艸實如擬厥幽芳則孤嶼之  
梅花堪匹噫蜃園不可問矣而到今仰止風高尚畢  
然於龍湫之萃

李介節先生祠堂記

無錫秦

瀛小峴

天地當乘除之運舊命既訖而一二巖棲川觀之士沈淪草莽屏跡人世且餓死而不悔自漢以降多有之本朝之初如吾吳徐高士侯齋平湖李潛夫先生之二人者擬其志節殆如論語所稱逸民者非歟侯齋明舉人其父文靖公殉國難侯齋獨處靈巖土室中數十年先生故居平湖之乍浦亦以崇禎間舉于鄉鼎革後髡髮入龍湫山中已而復歸乍浦蠶園蠶園者故先生所築遭難鬻於人逮是其戚友贖之以居先生者也自餘蠶園僅存二楹時時絕粒甯都魏冰叔欲周之謀諸侯齋侯齋曰李君不受人饋聽其餓死可也先生果不受蓋先生之窮甚於侯齋而兩先生志行相似故侯齋之知先生若是其深也侯

齋沒其鄉人即其故居祀之今尚存而先生沒後百餘年蜃園久廢子姪衰絕嘉慶八年海上慕義之士高先生之風始請於乍浦副都統三韓本公乍浦丞嘉定李君首蠲俸緡共集金若干兩議於某地築屋若干楹祀先生誣始以某年某年訖工以某年某月工既歲貢生韓子維鏞來無錫以余嚮者屢行部至乍浦企先生久請為文記之嘗謂論語論次逸民首伯夷叔齊夫武王以仁伐暴夷齊當無叩馬之事史記所稱或妄而餓死首陽不降不屈雖武王無以奪之我朝得統之正遠軼唐宋勝國遺民即仕無害於義先生豈不識天命而必以苦節蜚遐者自處顧其耿耿之志皦然不滓介然如石之確而不可易且

冰叔亦志節士也祇以聲名太盛卒不免當途之物色而其與周青士書欲以先生身後事屬倦圃曹侍郎似亦未為知先生者而先生逃名海裔殿門埽軌卒偃蹇困踣以死殆尤非他人所及余故記先生祠而并箸之先生諱天植字因仲後更名確潛夫其號鄉人私謚介節因以榜其祠云

兩俎詩 馬和衷不錄

沈季友 客子

吾生不識老夫潛字改名確仰止高於萬仞尖葱嶺

尚穿居士履嘗織棕鞋鬻食蜃園空閉隱居簾其居曰蜃園

魂來午海潮頭壯名在丁祠座尾巖所重豈關香一

瓣要將苦節破濃甜

雙珉詩 王柘湖不錄

同上

龍湫老去大名存一拜春荒小墓門  
鷗外廬空符劍

夢先生居曰鄰鷗子夢梅邊月到想詩魂  
遺稿有梅

青山獨卧連蜷字白叟同澆塊  
磊尊謂王復園不有丰堆

霜雪裏誰將冷骨傲乾坤

兩俎詩和家客子韻

沈不負東樂

先生自謂只宜潛潛夫只合潛愛詠梅花筆退尖殘

稿但留蕉上墨小亭祇掛我家簾  
一雙耳聵休醫治

百結袍寒取友嚴飲賸龍湫泉  
一勺登筵猶是蜜爭

甜

題李潛夫先生遺象

陸奎勳陸堂

有恨吟離黍無心賦考槃衣冠仍自若  
面目任人看

虎落風塵暗龍潛冰雪寒百年遺像在  
展拜欲沈瀾



錢塘厲 鷄太鴻

海畔遺民在平生屢斷煙貧無食可乞清有骨成仙  
風雨歌山鬼乾坤拜杜鵑九峯猶可仰三復誦斯篇  
明平湖李潛夫先生抱高尚之節窮獨以死其  
曾孫錫禎搜輯先生詩文成集并獲遺像一  
軸於焚毀之餘畫已焦灼而像不損若有呵  
護之者真足喜也親家董浦杭太史屬余斐  
章各以一律題之 錢塘丁 敬龍

玉碎珠沈入網搜乾坤清氣此長留唐瓢自有口口  
口陸稿無煩木佛收抗節久甘繆谷隱遺書肯待茂  
陵求千篇漫說張公子一字堪輕萬戶侯  
薇蕨空山舊迹荒尚聞遺象出珍藏衣冠想見漢逢

掖眉宇得無唐漫郎  
劫換畫存真足喜  
名飛行悴亦何傷  
幾時去展秋堂拜  
霜菊叢邊酌酒漿

題李潛夫先生集

仁和梁啟心 葢林

蠶園叢殘集出自歷劫餘  
寒茫落箕尾片紙同璠璣  
故國多遺民通介不一轍  
論世亦良難知君洵卓絕  
爾時誰同心魏美與侯齋  
里中大匏翁亦復可與偕  
出門以辱死杜門以飢死  
但求得免辱死亦清不滓  
敬謝江州酒不識道濟錢  
持此見陶公前哲遜後賢

同上

錢塘金志章 江聲

一卷遺文劫火餘  
殘篇隻字等瓊琚  
蠶園不朽高風在  
苦節爭傳卻米書

白髮先朝舊孝廉  
逃名海上早歸潛  
緇衣禿頂陳山

寺獨抱遺經自織簾

九日三旬老病侵餘生何用故人金久拚飢死同孤竹只有徐枋識此心

同上

錢塘施 安竹田

試讀遺編一愴神  
蜃園荒後絕比鄰  
衣冠滄海知何代  
薇蕨空山尚有人  
老去誰能辨牛蟻  
客來強起話松筠  
織簾賣屨心期在  
畢竟清流等致身

同上

嘉興 于東昶 湯谷

義熙以後少全人  
惟有陶家漉酒巾  
聞道吟魂歸故國  
多情還欲苦留春  
午浦王鳳池嘗請亂仙作詩時  
立夏前一曰青梅如豆筍  
春如標芍藥迎風舞態嬌借得酒籌三十挂為留  
春色到明朝後署龍湫山人知為爵夫先生也

同上

葉之溶 笠亭

海上行歌作隱淪從渠淺水幾揚塵九山卓立青如  
舊苦憶風流折角巾

老妻白髮能偕隱太息無兒慰暮年不是故交王陸  
亦黃撫在蜃園遺艸散秋煙

題介節先生遺像即用其自題韻

馮幾幼茗

澹掃丰姿絕粉痕妝成未肯嫁烏孫廿年甘向龍湫  
老誰篆豐碑立墓門

故國飄零掩淚痕高踪爭比趙王孫水仙障子梅花  
卷同鎮空山古寺門

李潛夫先生遺集題詞 震澤張棟玉川

當湖遺一老高行並陶潛豈借篇章重偷將姓字傳

無絃古趣益集腋後昆賢處處堪追慕清芬滿眼前

同上

劉錫勇待廬

柴桑心事杜陵詩幾度呼天只自知  
留示千秋真面目九山青老照幽姿

過李潛夫先生墓

潘夢鹿 蕉軒

寂寞孤墳野岸斜百年過客尚興嗟  
一泓湫冷龍猶蟄九點峯青蕨有芽  
彭澤隱懷書甲子孤山清況托梅花  
行人莫話前朝事冷雨淒風噪夕鴉

鈔李潛夫先生蠶園集

宋景闢 話桑

居近還憐世未遙遺文零落等煙銷  
蠶園有恨留殘照鷗夢何心趁早潮  
一領袈裟清磬晚萬株梅樹凍雲彫  
只今敎傳應誰屬好與編摩當楚招

先生作九山志為家

爾恆立傳因題其後曰嗟嗟後爾恆而死者不知教  
傳之誰屬矣今予撰乍浦志列先生於隱逸用慰九  
云原

題九山補志

同上

紀載標題署九山晚年參伍更增刪補時寧待先生

褚成處無勞女子班先生無子僅一敝麓昔曾憐璧

碎全書今喜比珠還武原不有張公子桑梓依然只

豹斑

讀龍湫山人雅山詩集

戈志熙 硯祥

麈戰詞壇盡日酣不追王李不鍾譚清腴老境林君

復抑塞孤情鄭所南九點山靈開面目千秋汐社盍

朋簪仙根莫訝凋零甚一卷長留猿鶴擔

題李介節先生忘機社月令詩後

張廷捷 湘雷

水邊林下寄高蹤杖履招邀白髮翁聚首溪山殘劫後餘生歲月苦吟中蕨薇春雨生荒圃黍黍秋風夢故宮留得新詩編甲子感懷真與谷音同

三君詠 沈中柱王端不錄

沈 初雲 椒

自清溪至乍浦不數里於明季有三人焉慮其久而無傳也各為詠之

李君遠塵俗潔身棄簪組偃息南山隅避迹山中著書

北堂廡名字經變易改名確居止少儕伍梅花伴孤

吟百著有梅尚存泉聲拂清塵餽糧無宿舂杖屨有聞圃

有蠶園以其集以詩憐晞髮窮跡與枕椎古

題龍湫山人晚香吟詩冊 嘉定 李賡芸 許齊

七字長吟晚節香山人寄興比柴桑百年遺墨猶無  
恙半畝空園已久荒落木蕭晨秋黯澹餐英老圃淚  
淋浪挑鐙展向閒窗玩石隱高風景仰長

謁介節祠

海昌沈張洲滌齋

半角青山祠宇新先生曾此寄閒身芒屨竹笠依禪  
悅梅韻松風見性真和靖以來唯是叟義熙之後一  
完人我來瞻拜尋遺蹟咫尺靈湫絕點塵

蜃園

徐志鼎春日

園以蜃為名虛無擅衆妙山人去山遠蜃園名獨噪  
箸書消奇愁暇日恣遠眺我來湖遺蹤放眼一憑吊  
藥欄落林衣石徑埋夕照風雨海上來洗出雲間嶠  
天末懷佳人劃然發長嘯



題李潛夫先生畫象

嘉興張廷濟叔未

先生古逸民神完中有恃北上長安書滿腹吐經史

晚遁龍湫山絕跡遠城市詩吊鄭嬰垣詩見携李錢卻

魏叔子府志自非賣椽鞵得飽即可恥見府志海天

何蒼蒼小事是餓死

結習老未除詩為青山發青山非故山不語轉兀兀

忍饑問青天且詠天上月一夕詩一章月盈行復闕

吟到月盡時無月但飲泣此意人知否先生瘖不說

先生排日詠月今存  
十三至十七日五詩

題李潛夫先生遺象

海鹽吳應和榕園

苦節平生矢自甘窮真到此問誰堪胃懷難託千言

寫名教多憑一餓擔和靖吟魂梅共冷所南心跡井

空涵九山往日尋芳躅彷彿儀型我舊語

李潛夫先生遺象

慈谿嚴

侗樂山

自讀梅花百首詩令人想見古風儀今朝得覩先生  
象果是寒香冰雪姿

蜃園故址

朱為弼椒堂

金碧於今改故邱依然仙李擅風流遺書無恙滄桑  
閱古木空腔劫火留一水洗心超彼岸三山彈指見

層樓

隄方三山商人改奉天后香火院

龍湫咫尺存祠

宇薇蕨荒涼入暮秋

題李潛夫先生遺像

仁和徐

鉞西澗

龍湫高蹈白雲層老眼曾經閱廢興志見易名占介  
石榭後生原名天確貧甘忍餓抱清冰年年春墮聞鶉淚

夜夜風搖織屨燈海曲于此遺像在卻憐孤瘦比寒僧

李潛夫先生祠

邵 澂 童 溪

幽愁中散琴中曲憔悴靈均澤畔吟雲散星離驚節候天荒地老憶登臨春風一樹杜鵑血空谷千年薇蕨心更有蠶園遺跡在滿林黃葉曉霜侵

懷李介節先生古蹟

丁曙英 半閑

手澤曾傳正始聲絕無塵滓澗清纓啼鵑似抱哀吟

意畫虎空追惜別情

人去徒增畫虎名先

生留別蠶園句也 叢桂小山

經易券烏衣舊巷尚題名

蠶園之旁至今李詩可憐

幻影真同蠶遺址蒼涼幾變更

蠶園

書李介節先生梅花百詠後

姚國光 涉園

梅花芳潔寄幽蹤悟到入天萬慮空莫謂龍湫傳逸士山名藉與首陽同

盛雲泉以新刊李介節先生蠶園詩文遺集見

貽賦謝

海昌宋 棧樗里

雕肝剝腎琢新篇何限名思棗木傳高出時文千百輩獨將貞節表前賢

修到梅花品格如

幾生修得到梅花謝疊山百詠 疊山而

後又潛初浩然正氣留天壤卻米書同卻聘書

題李介節先生忘機社月令詩後

錢智林 山香

春風吹綠西山巖泉明叢菊荒烟碧憶昔龍湫高卧時幽懷獨抱烟霞癖竹杖芒鞋薜荔衣招來鷗侶皆

忘機山中甲子自太古花下分題詠落暉蕭蕭風雨  
蘿窗夕谷音一卷同清發白頭想像幾窮交吟老空  
山閒歲月

同上

錢 椒 解 薜

九山來往馴鷗鷺相約忘機共苦吟春月秋華明几  
席一編誰解故園心

興嗟華髮撫流光裙屐招邀老未忘佛屋梅花殘劫  
後寒泉猶為護茅堂

陳山謁介節祠

劉東藩 心葭

數椽茅屋隱層巖策杖登臨路曲盤冢畔梅殘仙鶴  
化庭前松老蟄龍蟠一生苦節吟周秦千載同心結  
鄭蘭我欲薦公無別物靈湫泉水極清寒

過李潛夫先生墓

陸 鎔 春林

墮紅舞幽谿雨過村橋滑孤墳東郭東白楊莽蕭瑟  
披榛得茂徑別蘚讀殘碣先生磊落人無意同沮溺  
悲來感黍離長歌采薇蕨龍湫一瓢水清到梅花骨  
孤鶴從東來清風動林樾寥寥山海濱坐待松梢月  
冬日伊葭村杓鄒並珊瑚環丁見堂子復諸先生

同登陳山謁介節先生祠 同上

吟魂彷彿託巖阿犖确危岡策杖過垂老逃禪依淨  
域餘生閱世感滄波荒原薇蕨春風早孤冢梅花夜  
月多香雪一瓢誰與薦夕陽山鬼嘯煙蘿

陳山謁李潛夫先生祠

張漢槎 荆賢

枯筇扶我上層巔海闊天空四望懸蜃氣不隨朝霧

散龍身常抱夜珠眠  
魂歸誰識遼東鶴  
春去頻啼蜀國鶻  
願採溪毛奠芳躅  
山中薇蕨正如拳

過蜃園有懷潛夫先生

高蘭曾楚香

故國滄桑後先生老  
一民畢生存大節  
四海仰完人委樹  
風霜古閒庭花木  
新百年傳講席  
悵望獨傷神  
題介節先生忘機社月令詩後

林壽椿 雪巖

忘機心跡竝沙鷗  
歷盡滄桑兩鬢愁  
閒約東林舊吟侶  
詩筒酒券老春秋

吟瓢淨掛古梅花  
高卧林泉避俗譁  
莫道深山忘甲子  
新詩一卷紀年華

題李介節先生遺像

海昌 謝澧蘭 瘦仙

須眉瞻仰墨痕新  
晦跡逃名東海濱  
無地立錐師白足  
遺圖留像著聞身  
飢餐薇蕨辭庚癸  
老閱滄桑痛甲申  
難寫靈臺心一點  
梅花百首自傳神

謁介節先生祠

王鈞子衡

乳溪之水流向東  
波光滑笏碧玉鎔  
晴巖一帶淺綠  
蒙林端依約見梵宮  
昔聞居士隱此終  
一邱一壑誰與同  
龍湫之泉飛半空  
陳山之薇青茸茸  
百年人仰遺民蹤  
空山寂寂雲蘿封  
階除梅影交玲瓏  
瓊葩錯落遲春風  
山僧煮泉活水紅  
清泠洗我塊磊胸  
斜陽曖曖頽西峯  
澗聲松籟相琤琮  
歸塗樵徑遙堪通  
荒祠回首寒烟重

陳山謁李介節先生祠

吳江仲  
湘子湘



早從圖畫拜先生錢海香曾寄示先生遺像肥遯從容苦節貞  
 汐社幾人盟素志首陽終古嗣高名詩傷板蕩仍和雅  
 劫歷滄桑賸老成不盡遺民生事淚龍湫泉尚咽聲

陳山謁李介節先生祠

伊佐圻鐵畊

琳宮日暮起鐘聲高士崇祠列數楹深澗龍歸秋水  
 淨荒園蜃化綠蕪平梅花詩外傳遺豪薇蕨香中老  
 此生屋後流泉終古響出山何似在山清

游龍湫山因謁李介節祠

華亭張鴻卓獻峯

瘦筇喚登臨嵐光媚晨霽一徑入松陰白雲蒨林際  
 野草塠踈花危峯露雙髻嘯風竹韻清漱石泉聲細  
 頻年守里門自笑同匏繫竭來緬芳蹤高人昔避世

薇蕨繞籬青叢祠日虧蔽一勺在山泉清風扇天地  
龍湫山人遺像  
鍾步崧穆園

翩然高隱托龍湫話到滄桑淚欲流四海魚羊成劫  
運一山猿鳥伴離愁方袍圓鉢孤燈夜竹笠椽鞋暮  
雨秋曠有遺容傳髣髴年年祀菊薦林邱

憇陳山興福院謁介節先生祠二首 錄一

秀水孫 澍次公

大節滄桑外高風想像間髡緇逃歷劫薇蕨老空山  
菊水清堪薦冥鴻去不還徘徊勞景仰夕照滿巖關  
謁介節先生祠  
汪世鑑松濤

蹤跡寄禪林頭陀世載心饑寒關大節山水託哀吟  
月落一聲磬松高萬壑音荒庭曠薇蕨訪古一沾襟

龍湫山謁李介節先生祠

沈慶慈仲田

斯人不可見扉掩落花深入徑泉爭吼升堂松解吟  
雲山千古意薇蕨百年心誰為標清節鐘聲叩碧岑

陳山謁介節先生祠

劉鵬雲程

東海高風表隱君長留天壤蠶園文心同孤竹餐芳  
蕨身比臞梅卧白雲晴峽龍湫涵雪色雨墻蝸篆漶  
苔紋春秋俎豆今誰主祠宇荒涼悵夕曛

陳山懷李介節先生

鍾正平子琴

竟爾甘肥遊飄然東海濱滄桑徵歷劫薇蕨藉完真  
道在首陽餓衣消京洛塵高山深仰止頑懦共沾巾

介節祠

山陰龐章渭清甫

祠宇就荒涼龍湫古剎傍蘚迷山徑碧花落野風香

歿後梅留詠生前蕨代糧我來尋舊跡殘日立蒼茫  
飲白龍湫水懷李孝廉潛夫 釋德衛  
道松  
一勺閔靈蹟高人心與同携瓢就寒碧歆火試松風  
啜罷起長嘯寥寥遺韻空

陳山懷李潛夫先生

釋觀我成己

桐蘿臨絕磴憑弔感前賢百首梅花詠千秋高節傳  
龍湫餘落日蘭若鎖荒烟不見巖栖者臨風思惘然

陳山懷李介節先生

賀師章

鏡湖  
羽士

陳山踞海角高聳凌蒼穹上有靈湫泉一勺滋潛龍  
潛龍占勿用百代仰高風耿介露石骨節操歲寒松  
孤雲嬾出岫薇蕨荒不叢何人訪遺躅月隱秋山空

附金

李奎園先生年譜附錄

蜚園集拾遺

平寇志序 見平寇志

嗚呼興亡之理雖曰人事豈非天命哉予讀史至有明之季而歎流寇之禍烈也當是時天降喪亂饑饉洊臻羣盜如蝟毛而起中原鼎沸其間之有名號者不可勝數彼闖獻特盜之魁耳逞兇殘之性恣狡猾之謀所過之地積骸如阜流血成渠自書契以來生靈之塗炭未有如斯之酷烈者也卒乃神州陸沈銅駝荆棘遂使忠臣志士徒抱杞國之憂良足悲矣論者以為天厭明德生盜賊以亡人國如此然當日事勢之本末有可得而言者夫羣盜發難之初不過因饑無食抄掠為生已耳此時為官吏者開倉粟以賑

之講荒政以活之誅其首惡赦厥脅從不逾時可漸  
漸解散也無何文臣玩寇而不恤武臣縱寇以自雄  
如養癰然久之賊氣愈熾漸不可制於是徵兵徵餉  
十數年間日以討賊為事伊時亦嘗挫衄其鋒斬馘  
其旅然而蜂屯蟻聚已蹶而復張豕突狼奔甫潰而  
旋合則勝形之未見也我搗其西彼則衝突於東我  
擊其南彼又奔竄於北則長策之未得也且也鄖西  
之役獻賊已經乞降漢中之困閬賊業為面縛乃敗  
而求撫撫而遽叛是督臣之以撫誤國也瑪瑙山之  
捷獻賊之精銳略盡武關之扼閬賊之窮蹙不支卒  
之未能一鼓成擒滅此朝食是鎮臣之不力以遺害  
也傅督之困於項城也人龍救援不至孫督之潰於

汝州也廣恩所部先奔是將帥之不協債事也大約  
督師有節制之名而指麾不克如意鎮帥有跋扈之  
實而進止一任乎其心此所以帷幄無決勝之圖疆  
場鮮敵愾之氣也夫唐有李郭而安史於焉授首宋  
有范韓而西人因之喪膽而乃師老財匱不見成功  
失地喪軍所在蹂躪尚可謂閫以外有人乎哉况夫  
三秦者天府之雄也荆襄者四戰之地也晉豫者神  
京之左右臂也險要之設四顧皆成邱墟京師單弱  
曾無藩籬之限金湯之固李闢乃敢席卷長驅窺竊  
神器而有明之宗社遂致淪胥矣噫雖曰天實為之  
豈非人事之多失耶迨乎王師入關李闢數十萬  
衆一戰披靡遂爾颺馳電掃燕都鼎建其餘諸劇賊



以次削平何向者跳梁狡黠之難為制而今者攘除廓清之易為力也蓋以太陽一出而鬼魅潛消真人當壁而么麼屏息有由然也君子觀於興亡之故亦可慨然而識天命之有歸矣

與沈獻臣札

見昆明蕭氏藏墨迹下同

翼承台召殷殷竟作熱客不免程曉之朝也辱喬梓雅愛不覺叨擾過當愈增顏汗歸途便道較臯老僕僕弟竊有厚幸非叨庇不能至此猶煩懸念耶草此奉謝未知所圖報為耿耿口小詩一紙暨尊稿一紙奉到令郎君令姪處不及另柬乞叱名致意獻翁老仁兄足下龍湫弟確頓首

雲壑瑩公像讚

藹然可掬者師之慈容冲然可挹者師之仁風肫然  
其可信者師之坦衷行不矜夫小智坐不習乎頑空  
此真檀林之翹楚而後學之師宗彼渺說以欺世何  
足以方吾篤行之瑩公

昔李寬面帶三無今不佞三無之外又帶此四  
無乙巳元旦書此以發一笑

家無應門之童瓶無兩口之粟梁無畫叉之錢婦無  
斗酒之蓄

己未七夕立秋作

河梁初駕暑云徂玉露金風此夜俱綺席豈因迎白  
帝涼宵兼喜話黃姑支機石冷歡情洽大火星沈別  
思孤天上人間消息近會看分巧到庭梧

戊辰七夕立秋作

銀漢無波夜遂悠  
楚天涼思入針樓  
風吹落葉機初罷  
月照靈橋火正流  
慣卜蛛絲終是拙  
重辭團扇不勝愁  
多情宋玉今誰是  
肯為王孫賦遠游

清溪晚望

晚步清溪上  
秋情竟若何  
山明殘照迴  
川淨落霞多  
疎磬一聲出  
昏鴉幾點過  
幽人當此際  
偏喜聽漁歌

仲秋日集懷木庵聯句賦得南山當戶牖用十

七篠韻

按此詩已見揚李詩繫沈氏  
以屬馬培原燕據墨迹再錄

精廬臨澄溪  
夕陽展晴眺  
漸覺秋氣深  
潛能令客思

渺蒼涼自南來  
培原蛻蛭還東遶  
遙青隱雲間  
躡瑞靄

浮天表松風到涼宵  
夫潛海日開清曉  
一望極平原  
培原

千尋浴芳沼郊原雨乍收獻臣初時川谷流方森虛

窗接綠疇夫潛小艇迷紅蓼時余舟栖巖淨瘴煙原培開

徑移霜篠懷人夢轉孤賦傷往情何悄憂來事薄冷

夫潛譚罷澆清醪良晤尚可期賦歸興未了培原時

秋采蕪之約

### 奉賀獻翁老仁兄浴麟之慶

長庚星現彩雲端佳氣遙知已滿闌笑口正堪娛晚

景白眉真可快奇觀連城壁自懷中出照乘珠從掌

上看我亦添丁喜同甲他年重與訂金蘭

### 題永錫堂呈獻翁

卜築河干喜落成新題吾識永言情明心自許皈慈

氏報本兼之及友生魚鳥盡霑香積施詩書不廢墓

田耕從來力善多能慶卻勝遺金說滿籬

以錦川石贈仲潔道兄

片石從來自錦川扁舟移贈綠窗前須知金石交如此一片心期藉此傳

十五夜

夜半月無時同鹽官來  
聿修昆季及玄約坊

銀蟾端好出東瀛知傍關山幾處明橫笛樓頭繞片影搗衣砧上又三更山情喜共諸君領秋色難逢此夜晴底事窮途遭百二廣寒宮闕有紛爭

確遭家難卧病空山承仲潔仁詞兄暨諸厚兄  
有溉釜之義小詩奉謝


年來風雨舊巢傾卧病空山感客情北望我方懷有道南飛君尚念餘生窮途下泣逢羊舌分宅高風見

邱成何德厚邀知己盼口棲重許返柴荆

蜃園集拾遺

合頁

五



才  
豆

傳誌年譜之作其昉於史之紀事編年乎然傳誌舉大端  
一二年譜則條分件繫并始終本末而著之故年譜可補  
傳誌所不及傳誌取其簡括年譜取其詳備此大較也余  
七世祖烟客公承文肅太史之後以門蔭起家歷仕太常  
官非顯要中年以往又值國家多故羣小橫行中抱隱憂  
退居林下比

聖朝鼎興法制初定太倉爲濱海之地吏胥肆擾未獲遂  
登衽席時公以故家遺老外負邦人之望內支門戶之艱  
廩廩焉恐或失墜大旨以謹言慎行讀書爲善垂訓於家  
庭爲法於鄉黨暨乎年躋大耋林立孫曾人每艷稱其諸



福俱備不知上綿世澤下啟詒謀惟公獨際其難也余幼讀先大父手輯祖先遺蹟卽擬爲公編作年譜至庚辰下第南歸家居無事訪於族中長老得公懿訓家言詩草先爲編集一二繼又推及先世遺集傳誌公子隨菴巢松之自譜同時諸先輩之詩文尺牘碑版劄記最後得公書畫跋語蓋雖零篇碎墨苟可徵信悉爲排次後先十餘年來屢經易稿而公之始終本末畧具是編且有補傳誌所不及者後之人猶想見公所遇之時所值之境而不勝低徊往復其間也道光十六年孟春月七世孫寶仁謹序

奉常公年譜卷一

積學齋徐乃昌感言

七世孫寶仁謹編

明萬歷二十年壬辰公生

公姓王氏諱時敏

初名贊虞至十二歲更名

字遜之號烟客後取龐

居士詩日用事無別惟吾自偶諧自號偶諧道人繼葺小齋用昌黎歛退就新懦之句顏曰新懦又號懦齋晚歲築室西郊之歸村稱西田主人亦號歸村老農既而於潭西結茅屋三間為西廬又稱西廬老人先世系出山西太原南渡後居河南汴梁歷傳至諱榮公長子諱求一遭元至正間紅巾賊亂割據河南始遷平江路嘉

定之樂智鄉明宏治間割隸太倉遂為州人其遷之松

江者次子求二公也求一公子諱伯臯伯臯公長子諱

道昭字叔昭叔昭公長子諱瑁字孟威孟威公長子諱

謹作諱謙者誤字有常號散田官福建莆田縣縣丞以廉惠

著治冤獄反活七人有常公長子諱侃字文剛號耕樂

耕樂公長子諱銑字汝澤號自然自然公次子諱湧字

以東號友荆宏爽有才器人稱長者友荆公長子諱夢

祥字奇徵號愛荆年十六試有司以異等補州諸生旋

奉例入太學尋授鴻臚寺序班以孝友稱自自然公以

下並以文肅公貴累贈光祿大夫太子太保禮部尚書

武英殿大學士加贈少保吏部尙書建極殿大學士愛  
荆公二子長卽文肅公諱錫爵字元馭號荆石嘉靖戊  
午經魁壬戌會元一甲第二名進士歷官至太子太保  
吏部尙書建極殿大學士授光祿大夫初贈太保謚文  
肅賜全祭葬嗣加贈太傅勅建特祠春秋丁祭

國朝因之是爲公之王父次諱鼎爵字家馭號和石嘉靖  
甲子舉人隆慶戊辰會魁由刑部主事官至河南提學  
副使有子名術旣殤嗣孫賡虞又未及長公以次子揆  
爲之後公父諱衡字辰玉號緱山萬歷戊子解元辛丑  
會魁一甲第二名進士授翰林院編修愛荆公文肅公

和石公緱山公並崇祀鄉賢事實詳國史州志文肅公  
緱山公並以公第八子拔貴

國朝贈光祿大夫文淵閣大學士兼禮部尚書公嫡母爲  
金太夫人徐太夫人馮太夫人生母爲周太夫人俱贈  
一品夫人公之兄鳴虞公賡虞公係馮太夫人出餘未  
詳周太夫人以是年八月十三日子時生公 去年緱  
山公隨朱太夫人奉吳太夫人歸文肅公旋以省母給  
假思與朱太夫人治子舍爲長隱計旣而再奉特召至  
是已屢疏仍不得請乃偕出至高郵吳太夫人病更命  
緱山公隨朱太夫人奉以歸而文肅公獨身待命至八

月吳太夫人病漸愈而是月七日爲朱太夫人六十誕辰緱山公請率內外諸婦諸孫羅鐘鼓具衣冠爲母稱壽朱太夫人以爲不可乃止閱四月文肅公仍奉吳太夫人北上

二十一年癸巳二歲

嫡繼母馮太夫人歿年二十三歲先是金太夫人歿於萬歷壬午年二十一歲徐太夫人歿於萬歷癸未年十

有七歲

按緱山公詩集癸巳前十一月二十二日送亡妻櫬出東郊次楊氏墓追述往痛五律十首其四云大兒能哺弟小女解呼爺其六云將雛雙乳雀啣啣傍簷行其七云分作兩兒襦蓋馮太夫人生二子一爲鳴虞公一爲賡虞公也又其六云九載歡期促其八云十五妝成日是十五來歸也又其四云重陽風雨合

蓋歿於九月也又按緱山公游湯泉記云癸巳秋余有內戚不自聊九月四日從母舅朱向之友人唐叔達周季良張伯新再游盤山疑馮太夫人歿於九月四日之前故云內戚而詩云重陽風雨者特言其後耳

二十二年甲午三歲

二月上以纂修玉牒書成有旨加王錫爵少傅兼太子太傅吏部尙書晉建極殿大學士廕一子與做中書舍人文肅公三疏懇辭 六月文肅公得請吳太夫人喜甚以命下之次日行九月抵家 十二月十五日吳太夫人歿得壽八十先是愛荆公歿於壬午十月九日得壽六十有八文肅公兄弟選地得墅溝口之新阡以乙酉之二月五日葬焉

二十三年乙未四歲

先是次兄賡虞嗣和石公殤兒術後至是疹殤乃出繼

和石公為嗣孫

一本自述賡虞作稽虞今和石公祠止有嗣孫賡虞木主按緹山公與公孝與

書云浹月之間失一妻一子又與馮文所書言室人而即及次兒是賡虞公殤在癸巳距馮太夫人歿不久特是年公纔出繼耳又按賡虞公次於鳴虞公鳴虞公長公五歲而文肅公為弟和石公行狀云丙戌歲吳太夫人歸命不肖次孫賡虞為弟殤兒術後意其時豫立名以待之又按緹山公遺囑云先仲父之歿既奉大母之命以敏兒嗣矣不幸長男早世敏兒居長理難出繼即擬別議立嗣而見病未果計和石公歿以乙酉距公生八載所云奉命以嗣者殆指賡虞公殤後言

之賡虞公殤在癸巳故猶奉吳太夫人命也 五月二

十四日文肅公奉吳太夫人柩合葬於愛荆公墓和石公及莊宜人亦於是月二十日葬洋子涇之新阡

和石公生



於嘉靖丙申歿於萬歷乙酉年五十莊宜人生於嘉靖甲午歿於萬歷壬午年四十九按和石公墓誌銘及墓表俱稱嗣孫贊虞

二十四年丙申五歲

二十五年丁酉六歲

二十六年戊戌七歲

緱山公自戊子首領順天鄉薦橫被口語覆試後詔許會試謝不入至是三不上公車矣去冬又值計偕仍不欲行朱太夫人納登科錄於袖強遣之入棘之朝感惡夢驚而痛欲擲卷出同舍人強之乃勉試畢卽以其次日星馳歸朱太夫人正據床而咯且撫且泣至七月四

日朱太夫人歿得壽六十有六

二十七年己亥八歲

二十八年庚子九歲

二十九年辛丑十歲

緱山公會試中式第二人殿試一甲第二名授翰林院

編修時朱太夫人尙在淺土七月緱山公奉文肅公命

奏乞卹典照例與祭一壇墳界銀三百兩卜地於長洲

縣楓橋鳳皇墩之陽擇於十月築墳十一月開壙先期

上給假回籍遷葬疏按文肅公祭緱山公文云母未及葬又緱山公墓誌銘謂公屬纊時

云母夫人有墓而未葬蓋朱太夫人仍於癸丑年合葬此則或請而未舉或殯而非葬也是冬冊

立皇太子及冊封福王等王禮成加上皇太后徽號上  
 遣刑部員外郎捧勅諭存問在籍大學士王錫爵 十  
 月一作十一月十五日以冊立分封禮成緱山公齋詔南下  
 事竣上終養疏

三十年壬寅十一歲

上於二月中微感風痰既而即愈文肅公方具疏申賀  
 而遣官存問疊沛恩綸遂又具本專差長孫鳴虞詣闕  
 陳謝奉旨與做中書舍人按鳴虞公先廕國子生會恩  
 特授中書舍人未任而卒  
 三十一年癸卯十二歲

七月文肅公七十壽辰遠近祝者遍海內緱山公為撰

杜祁公雜劇以佐觴并訪同開布衣耆老與文肅公雁  
行班席爲竟日歡 先是乙未歲出繼和石公爲嗣孫

至是長兄鳴虞夭仍歸宗

鳴虞公字穉臯號卒一時年十七歲南雍秋試後得咯血

之疾至十月竟不起曾聘吳縣申孝廉次女而未娶按  
緱山公文集尺牘與陳抱冲云弟比遭摧剝甚苦止存  
一魚魚未角之犢耳與于穀峯云往年登籍之子四今  
僅存一與楊魯源云弟歸後遂失三子與耿叔臺云不  
肖初有四子浹年來已失其二皆嫖秀可念承歡爲重  
猶能以強笑遣之今奈無歡可承何與陸欽所黃荆山  
並云浹歲而失三子與鄒瀘水云前者失兩幼兒尙可  
以理譬遣曩歲所失則頭角已見之長子也據浹年三  
子云云則不數賡虞公可知與文肅公祭緱山公文文中  
自以去國十五年先喪母繼喪婦繼又喪三孫語合蓋  
緱山公尺牘云云皆係鳴虞公既天之後賡虞公於乙  
未歲疹殤相懸八載如數及賡虞公不得云浹年而失  
三子至文肅公祭文止敘喪三孫於喪婦之後亦未兼  
數賡虞公皆就其近者言之耳若賡虞公疹殤之歲於

奉常公自述外更得一證緱山公與馮文所書云室人之不長世八年前已預卜之中道摧割尙在人意中乃次兒磊落有奇骨方款款翔舞膝下而遽以殤死則意外甚矣又與公孝與書云比浹月之間失一妻一子生趣都盡是馮太夫人歿後不久卽殤也且奉常公作周太夫人行畧云辛丑吾父歸省文肅公比時繞膝稱孫者凡四人亡何而長兄幼弟相繼夭折是浹年所失之三子其一爲鳴虞公其二爲奉常公弟也緱山公未刻尺牘與雲泉云家君自失第三兒後飲食起居都不自聊下接云時下賓客錯履筐篋載庭只有一味勞辛是所失未知爲何名也又考唐叔達集祭周太夫人文云太史公有子六人皆有圭璋之質而不克成器以薦於明堂當是時也太原之緒如綫故游於兩世之間者謂報施之尙茫茫下接今尙璽君云云是奉常公兄弟曾有六人又案文肅公牘草與張起潛云弟費詞費氣彌浹年月僅而得此一歸今已抱孫侍二老親行年四十有六無意人間事矣是文肅有孫在四十六歲時而鳴虞公天時年僅十七時文肅適七十歲知鳴虞公尙有長兄又于慎行爲朱夫人傳云太史多子及夫人之世稱孫男者八人是奉常公兄弟且曾有八人都生而不

也育

三十二年甲辰十三歲

三十三年乙巳十四歲

十一月皇太子第一子生又以上皇太后徽號上特遣行人存問在籍大學士王錫爵文肅公上疏云故事閣臣蒙恩存問例遣嫡男嫡孫詣闕陳謝而臣今止有一男在籍一孫尙幼只得權令同祖弟監生元爵代行旋奉恩旨王元爵與做中書舍人

三十四年丙午十五歲

緱山公於是年始患頭疾堅頑如石百不能療醫家或

謂之中鬱

三十五年丁未十六歲

六月大學士朱賡等奉上諭再起在籍大學士王錫爵  
續諭加少保兼太子太保餘官如故着差官召來文肅  
公疊疏辭恩仍不允

三十六年戊申十七歲

李夫人來歸夫人係崑山人萬歷庚子解元辛丑進士  
翰林院編修名胤昌集虛公女時年十有六歲初來時  
適蘇松四郡水災道殣相望因却綺紈弗御儉素淡泊  
曰此何時也而忍居溫食厚乎 公自幼依王父文肅

公同寢息偶或園居亦必相隨至成婚後始居別室

是冬緱山公病甚自知不起以所爲詩文屬唐叔達時

升婁子柔堅

唐序稱己酉冬者  
其序爲明年作也

三十七年己酉十八歲

正月二十九日緱山公歿於家年四十有九世俗喪禮

類以七終而輟公以大父不堪哀勞爲趣期二十日亦

體緱山公之孝思也文肅公以緱山公殯宮未穩遂於

三月三日清明節移柩權厝 公哀毀骨立遂嬰咯血

之疾綿歷年餘幾濱危殆 文肅公前後屢疏辭召未

蒙俞允至第八疏未得報旨適緱山公病故喘喘腸斷



精神日衰乃更上疏申請

三十八年庚戌十九歲

文肅公以建儲事橫被流言去秋因病移床檢出書箱

一隻題緊要文卷四字起封閱之皆緹山公手錄次第

御札併御筆批答之語至是文肅公重寫一通并錄原

諭原揭隨本上進本中有孤忠未明及以雪沉寃之語

十二月二十九日文肅公薨於家享壽七十有七

三十九年辛亥二十歲

正月六日上遣蘇州府知府趙世祿諭祭原任大學士

王錫爵首七七日內恐不及奉旨或另日補祭耳七七及百日同公為文

肅公上遺疏請卹典六月十九日奉旨王錫爵准贈太保還廕一子與做尙寶司司丞九月十七日奉賜諡文肅誥命二十二日上遣趙世祿諭祭十二月三十日又遣趙世祿諭祭期年其再期禫除皆如之 先是緱山公奉命頒詔東南六郡旋請終養里居之暇詮次文肅公年譜自甲午誕生壬戌登朝乙酉入相癸巳首揆欲歷歷詳爲纂敘而病奪之故遺囑有云吾有二恨未曾作老父年譜及檢校文集也公於居喪之日更爲補緝就正於陳徵君繼儒以成先志次第求文肅公緱山公行狀墓志神道碑傳於諸名公質之申相國時行及陳

徵君為文肅公刻奏草文集奏草為申相國序文集為

何君美宗彥序

贖草未詳何年所刻

四十年王子二十一歲

文肅公生前少保原銜未及追贈三代至是始得顛請

補給

四十一年癸丑二十二歲

二月八日葬文肅公於鳳皇墩之賜塋上遣蘇州府知

府林紹明諭祭下葬長洲申時行作墓誌銘

行狀墓誌稱公子履

清履任是其時李福唐葉向高作神道碑申為文肅公

夫人生有二子也壬戌同年葉為文肅公門下士又同官以緱山公未得

吉壤於是秋移厝文肅公之賜塋

據唐叔達所著行狀中年月當是移厝又

叔達過緱山公墓舍詩云靈巖西去鬱嵯峨又云憶逢寒雨泊楓橋是緱山公固曾厝楓橋賜塋側也

四十二年甲寅二十三歲

自辛亥夏有恩卹璽丞之詔服闋後周太夫人謂公曰  
吾家三朝袍笏兩世絲綸兒念家聲豈忍遽就門廕但  
兒獨身當戶又素羸弱門內門外事輻輳填委何暇攻  
苦下帷且世情滌惡非冠裳曷支巨闕宜急入京拜恩  
乃注名就之於是春偕李夫人奉周太夫人北上唐叔  
達婁子柔輩並贈以詩叔達并爲序送之 闔宅赴京  
之先諭囑管家人家中一切覩縷詳盡累數十紙宅內

及東鄉莊上蘇州壽山東園後園等處各有示言粘貼於收租完糧事宜尤不憚再三并諭禁家人輩生事壞法干瀆公庭及刻剝鄰里武斷鄉曲諸弊一有不遵令管家人送橋上二老爹責罰重或送官治罪其有事須酌議而行者亦必稟問蕭相公及二老爹蕭相公者名士佐諸生與緱山公會同視席爲公業師橋上二老爹者卽公從祖中書崙石公名元居武陵橋南也赴京卽拜官璽司璽司列禁廷侍從體貌優崇職事清簡而頭緒頗繁所典有誥勅貼黃用寶及巡方御史領印文武官關領牙牌及稽查守衛官銅符等事公夙夜兢兢

寅恪共職不以閒曹冷署而自假易凡朝參陪祀戴星

出入即祁寒盛暑未嘗稍有間缺公奉命出使轄軒所歷南北兩畿齊豫楚

閩江右足跡幾半天下每叱馭時必先戒僮僕曰此行

車徒廩餼幾千里間所糜朝廷金錢不少而吾不費一

錢優游乘傳又得便道歸里已大逾分何得復有苛擾

故所至厨傳務從省約廉從稟奉約束靜謐無聲凡至

止奉使之地使事畢不少留以滋地方煩累即候吏館

人咸歎詫以為未有所過監司及郡邑之長凡有餽遺

一概謝絕有先知一路却餽止以家製盤殮為餉者則

受之奉命冊封存問祭葬使於藩封者凡四王府有遺

止受書籍石刻之類鏹幣則堅辭之即與共事者異同不顧也

四十三年乙卯二十四歲

奉命視葬益藩隨周太夫人旋里李夫人所生三子相

繼而殤長名履清年幾就傅曾聘觀察黃元會女次名履任又次名履和按唐叔達集遜之子周歲詩

云去歲衣冠賀紫宸傳聞相府產麒麟又云應知此後  
 中秋月綠野堂前燕喜頻蓋指李夫人所生也又按唐  
 叔達寄陳御史書云前承台教垂問辰玉後人今璽郎  
 遜之者潔清自好不嫚不惰動無越禮殆類其祖父而  
 通曉萬事調量人情則又過之惜其以任子為官不得  
 展其才藻耳已舉二男骨體俱不凡蓋其門戶未至塗  
 地也所云二男未知指李夫人  
 所生抑即指減菴公芝廕公也 李夫人過傷致病至  
 九月十六日而卒年纔二十三歲周太夫人哭之慟遂  
 患痰壅頭眩諸病

四十四年丙辰二十五歲

為緱山公刻詩文集

四十五年丁巳二十六歲

春入都報命周太夫人不任遠涉而以公子身在外未

忍恣置遂力疾偕行 以三年奏滿授承德郎封贈如其官周太夫人春秋正五十四方知交之仕於朝者咸醵金張屏爲賀

四十六年戊午二十七歲

以致祭衡藩差奉周太夫人歸優游子舍者匝歲嗣是周太夫人亦憚遠役不復同行矣

四十七年己未二十八歲

是夏將文肅公芍藥圃稍拓花畦隙地插棘誅茅作暫息塵鞅之計適雲間張南垣至其巧藝直奪天工憇憇爲山甚力遂不惜傾囊聽之

去歲旋里是夏蓋猶在家也

七月初



十日長子挺生

李夫人所生三子俱殤其九子長滅菴公諱挺側室孫氏出次芝廛公諱揆側

室徐氏出次隨菴公諱撰側室姚氏出次平宰公諱持

姚氏出次巢松公諱扑徐氏出次砥菴公諱扶姚氏出

次汲園公諱攄徐氏出次顓菴公諱揆側室沈氏出次

南湖公諱抑側室徐氏出南湖公與芝廛公巢松公汲

園公非同母蓋

有兩徐氏也

四十八年

是年八月後為泰昌元年

庚申二十九歲

上年太倉州儒學廩增附生員顧昌胤蕭士佐張嘉并

耆糧等同詞具呈請建文肅特祠并崇祀鄉賢節經大

憲覆准鳩工經始於是年正月告成即於是月之二十

七日迎像入祠載入憲綱春秋丁祭仍送主鄉賢祠中

按王書城瑞國澄碧亭文肅公遺像記云吾州城隍廟之東行宮有澄碧亭者故太傅王文肅公之讀書所也

今距公之薨且踰一甲子矣。會父老輩有鼎新墀隍廟之舉，相與修而飾之，以公家別業所存遺像奉之於中。是舉不知何年，惟中有今太常年踰八十。云云是在康熙十年後也。姑附記於此。 五月初六

日次子揆生 是年經始東園園本文肅公藥圃在東

門外半里向止老屋數間 有玉壺閣芍藥亭見顧抱桐集栗園傳 公先以

己意構造亭臺，絜山植木，名曰樂郊。以張南垣為絜石

妙手，延之過婁遂，盡廢昔構，別出新裁。從來絜石者，惟

以高架疊綴危梯深洞為上，不解用土。南垣一變舊習，

因形布置，土石相間，高阜平陂，獨得真趣。 自述云東南兩園疏築並

興按南園為文肅公舊構是時蓋曾修葺也 冬過廬山作詩紀之

七世孫寶侗校字

奉常公年譜卷二

七世孫寶仁謹編

天啟元年辛酉三十歲

天啟元二之間山林彙征英賢濟濟署中至無可施席

大都皆宿素名碩負海內重望

按公致郭瞻月漕院札云辛酉冬雄州郵舍一

奉顏色嗣後甲子仲秋復以中州捧詔之役得操筆臺端疑是年曾奉差出都也

二年壬戌三十一歲

五月二十五日上加贈文肅公為太傅

三年癸亥三十二歲

正月初一日第三子撰生

癸亥辛巳

辛巳為崇禎十四年兩察

始則當事者欲修先人之邈繼則竊枋者將爲異己之  
鋤多方吹索究無挾摘而止

四年甲子三十三歲

夏以九年奏滿陞尙寶卿適遇覃慶授奉政大夫封贈  
如其官令甲閣廕璽丞者九年滿始陞二級先是同官  
中徼登極特恩不幾年而驟躋者比比公以奉差在外  
秩滿逾期 是秋得中州捧詔之使事畢旋里途中作  
自警文一篇大旨謂立身應物總不踰言行兩端言行  
之得失人品之優劣一生禍福繫焉因歷敘粗浮疎脫  
直言嗔性之弊朝夕覽閱深自檢察凡一千一百餘言

五年乙丑三十四歲

庶母陳氏於是年七月初八日卒年五十七歲公爲之

服朞

按陳氏曾生一女適曹長發公待之甚厚見陳眉公與公札中

六年丙寅三十五歲

自甲秋旋里擬乞身侍養周太夫人諭以晉秩方新國  
恩未報尙寶雖冷署循分亦可自効我幸健飯勿以爲  
念趣戒裝北上乃黽勉就道比入都數感惡夢遂汲汲  
思歸適有閩中頒詔之使至七月十五日舟抵毘陵家  
人出迎知周太夫人病痰喘亟易輕舸兼程疾馳十七  
日抵家幸周太夫人病稍差相與抱持而泣

按公跋自作幔亭秋

色圖云丙寅秋杪曾以使事入閩長揖幔亭君因戲繪其接笋圖以歸又為葉雁湖作武夷山圖跋云丙寅秋杪以使事入閩曾游武夷至三曲而止據此則七月抵家尚未畢使事也 為緱山公卜地

於十九都之宋涇以十二月壬寅自長洲楓橋奉緱山

公柩歸葬請唐時升為作行狀温體仁為作墓誌銘唐

公并作哀詞哭之金徐馮三夫人當亦於是年台葬按周太夫人墓誌銘云璽卿以形家言

編修之幽宅不利於嗣欲為改阡以告之太夫人太夫人曰可興事疑緱山公會遷葬也又按自述云卜吉壤

以葬先父母庶母長兄共七喪所言庶母蓋生男未育

生女適曹之庶母陳氏遺訓所云陳庶母久在祠中者

當時疑亦從葬

於緱山公塋也

七年丁卯三十六歲

公以周太夫人夙疾時發皇皇醫藥不能復事絕裾且

見闍孽猴冠璽署恥與同列決計疏請終養而簡查令  
 甲侍養一款凡京官奉差在外欲乞終養者必親身至  
 京具奏乃擬延至冬初為周太夫人稱六十觴再決進  
 止 四月七日華亭董思翁其昌陳眉公繼儒過南園  
 繡雪堂話雨畱宿思翁題話雨二字於壁附公書問梅  
 禪院題額後  
 云先文肅種梅數百株於此園每值早春寒香競發萼  
 綠紅白花相錯如繡故有繡雪之稱自願陳大師得法  
 斷橋歸過婁寓錫其中道化為緇素之仰遂以歸之道  
 師順世其上座巨公以名家子勤修梵行真實參究智  
 過於師又能以其餘力經營締構將使殘梅廢園鬱成  
 梅熟機緣與道侶相問答禪林傳為佳話今正巨  
 公梅子熟時矣適其山門成請余安名喜為題額 入  
 秋以後周太夫人病勢加厲初患咯血繼以寒熱不止



遂妨眠食至十月三日而歿年五十九公居喪三年每一言及淚未嘗乾麻衣未嘗去身又爲廣作佛事寫經造像以資冥福 十一月初二日第四子持生

崇禎元年戊辰三十七歲

三月初三日第五子抃生 往雲棲爲周太夫人作佛事諸子從焉 城南有海月菴在鐘樓之左偏爲萬曆庚戌間鄒愚谷學憲顧惺涵給諫士琦黃陽平觀察元會所構數間瓦屋有沙門恆如焚誦其中而甕牖頽垣無異田舍是年雲棲法嗣聞谷禪師偶過茲土與公議舉放生會而難其地隨喜是菴以爲福地可與公乃首

倡捐貲一時緣事輻輳殿宇遂成傑構而廊廡寮舍以次增煥并請額於董宗伯易之曰海印菴至丙子而李萍槎繼貞爲之記

二年己巳三十八歲

三年庚午三十九歲

緱山公崇祀鄉賢

按公致周道尊札云先子鄉賢一事周文宗在任時道府久已詳請文宗

亦許於試後批行不圖有意外之變遂爾中格今在學諸生復擬具呈學憲矣又按陳眉公與公札云尊公鄉賢允稱德舉兄之孝思心力竭矣下文有以讀禮之時讀經居喪之時戒殺云云是在周太夫人喪中也又云學臺聞是上虞李公懋芳未知確否按三年科考學臺是李而此尙云未知確否是李公尙屬初任之時約計太史公崇祀事定於二三年間也

四年辛未四十歲

三月赴補北行舟中無事偶攜得佳絹乘興戲擬子久

秋山圖凡三日而成 秋以存問周藩差過家 爲周

太夫人營葬事將耐葬於緱山公新塋諸地師堅執不

可僉云地隘土薄所葬已多不宜復動畚插動必獲咎

不得已別營兆於出字圩之南距緱山公塋僅半里松

楸鬱鬱相望也

行畧首云先慈見背越三載矣末叙營葬營兆云云當在是年據隨菴年譜則

明年仍耐葬於緱山公新塋也

爲周太夫人作行畧請義興周延儒

撰墓誌銘

五年壬申四十一歲

壬申癸酉間屢下卹郵之詔奉差官員復命過限者不

許復用原領郵符 是夏奉周太夫人柩耐葬於緱山

公新塋 隨菴年譜云是秋恐有悞按公致劉彥尺牘云客冬歸途邂逅餘皇匆匆棹輟軌里門即為

母兄營葬拮据海壖殆夏始竣又云清秋素節或得於燕市中瞻侍光塵又按董思翁致公書有云太母大襄

其昌不獲與執紼之列茲聞吉期在六月敬具炷香之儀因尊使以布又按陳眉公致公札云春初京使萬不

可遲一則催文一則謝其賜差之恩一則說明夏初就窆之故是葬事當在夏間也 為長兄鳴

虞公築墓請陳繼儒撰墓誌銘禮未婚者不置嗣公謂

禮以義起乃為文告廟以第三子撰繼蒸嘗使執喪抱

主入家廟奉祀 初擬以鳴虞公繼和石公殤兒術後既思大宗長子無出繼之理乃以第三子

為鳴虞公後而以次子出繼 廣虞公為和石公嗣曾孫

六年癸酉四十二歲

長子挺補博士弟子員 是秋北行

七年甲戌四十三歲

東園落成園自庚申經始中間改作者再四磴道盤紆  
廣池澹灩周遭竹樹蓊鬱渾若天成而涼堂邃閣位置  
隨宜卉木窻軒參差掩映頗極林壑臺榭之美有藻野  
堂揖山樓涼心閣期仙廬掃花菴香綠步綰春橋沁雪  
林梅花廊翦鑑亭鏡上舫峭蒨專壑煙上霞外紙窻竹  
屋清聽閣遠風閣密圓閣畫就香霞檻雜花林真度菴  
并東岡之陂諸勝

據常熟嚴虞惇記及巢松公族祖小山公時翔郁東堂植各詩集東園雜

咏 十餘年中費以累萬樂郊之名著海內矣謹按康熙四十六年

聖祖仁皇帝南巡有旨取道太倉臨幸

王按家東園時顓菴公以刑部尚書 扈從面奏東園

光景并水淺

不能前進 初夏齋糧長勘合勅至南戶部中途具

疏移疾奉旨沿途調理 十二月二十日第六子扶生

八年乙亥四十四歲

正月初一日第七子攄生 子揆撰同補博士弟子員

三月為長子挺娶婦吳氏在燕喜堂而自移居樂頤

堂 自僱夫馬北行自記云是春而隨菴巢松年譜並云五月抵都具揭以

勘合繳之駕司復命後於常朝日面見致詞音吐明朗

進退雍容上目屬久之退朝後忽有中使持文書房墨

字揭帖至尙寶司寫上傳王某係何出身何處人問明  
 速速回報本司以履歷開進後竟寂然想以資格置之  
 也 奉勅諭凡在京五品以上皆薦舉一人吏部發單  
 各衙門不報者重處且嚴連坐之條公交游頗不少而  
 所深知者祇得一人已先為許某開薦例又不許重複  
 部文屢催竟未有以應之 公姊丈黃翼聖官新都知縣  
 陞安吉知州為公所薦當在  
 此後 公意俟明秋奏滿或乞便差作歸隱計  
 九年丙子四十五歲

秋陞太常寺少卿仍管司事 授中憲大夫未詳何年據  
 李夫人行畧云去秋量移  
 太常寺少卿再贈恭人 疑是年即得恩典也  
 寄諸子札云有淮安武舉陳

啓新者具疏通政司不爲上達賚本席藁伏大明門外復大書揭帖張之柵欄如是者五日厥衛以事件進上令取其疏入次日送票閣中原擬以議論駁雜斥之上竟改批褒美直授吏科給事諸中貴爭欲識其面擁觀者塞路一時長安大譁無不歎憤及見其疏惟停罷科舉一款過於憤激果屬悖謬其餘指陳利弊痛快透徹不能使人不動心如言推知之貪殘驅民爲盜一段真可一字一泣疏旣出傳抄幾於紙貴雖甲科恨之刺骨然被捉着病處且其言正辨亦無有以折之上所最善者罷推知考選破資格二款於款上各加一圈令下部



確議爾時郡縣諸公養交布局翰林銓諫一手握定孰意爲一武舉倒翻也自此疏後上遂疑舉朝臣工人人貪僞事事欺朦廣詢芻蕘漸更成憲而市井無賴盡生妄心泥塗下賤之人無不具疏誕妄猥褻之語無不上聞朝堂之上狐嗥鬼嘯囂囂不知所止 州人有陸文聲者字居實少與張受先采同受經於外父周文潛後受先成進士文聲援例入雍錢州守肅樂時獨信受先言行鄉約立約正副博采人言分別淑慝而勸懲之文聲間條陳地方利病州守亦採之有陶姓所爲不法受先列其惡款偶置硯下文聲窺得之洩其事陶往張自

辨受先知文聲所爲大怒竟褫扶之是年三月間事也  
文聲不堪挫辱忿甚因星變求言乃哀集受先交通上  
官把持武斷諸事繕疏走入京上之先陳病民十款歸  
咎鄉紳意實有所報復且向人說共草五疏陸續上聞  
雖通政一再駁還而咆哮恣肆其勢不已第三疏通政  
疏請聖裁奉旨不准封進繼大司禮曹某進署文聲迎  
謁馬首疏揭外復以張天如家墓誌刻文國表序文目  
錄姚深書周司李之夔諸揭復社十罪檄討受先檄一  
併送呈諸刻已先達御覽矣既有旨着提學倪元珙查  
究復社回奏天如使人謂文聲子茂貞曰忝在同里與

尊君素昧平生若因他人負罪而無故加兵是城火池殃也如陰騭何茂貞赴京苦口以勸其父且曰復社黨與半天下獨不爲子孫計乎乃許之時社中有候選在京者說之就選醵金爲費使得善地乃選道州吏目以去公寄書諸子云我爲陸人一事雖綿薄不能排解然數月以來或當面痛切曉警或托人婉持自謂竭盡心力不意里中反以爲罪京師此時羣小得志滴水興波此人邇來脚步愈濶心膽愈橫如瘕狗逢人便噬不論生熟同里士紳在都者畏其唇舌無不與之周旋款贈特厚我家門望尤其所最注意彼若有時而來我何能

獨拒之然聞彼在人前尚謂我待之簡薄頗有惡言乃  
獨以密字加我豈不寃哉總之里中有非常風波我在  
京不能消弭又不能絕其往來旁觀者自然疑猜况吾  
州小人流落京師者甚多險幻萬端鑿空駕虛固自不  
免要之久當自明不必分割至若首揆嚴峭孤冷人不  
可得而親我每隨衆朝房一見並無私覲乃同鄉諸公  
及地方當事者妄以先世舊誼謂我可片言解紛屢貽  
書托我使我何以置對我婆婆一官久思引退悔抽身  
不早耳

按錢州守以十年來任  
此據復社紀畧有誤

上疑宦家豪富刻意

搜求借端希售者每復以此聳聽時有武生李璡一疏

大畧謂江南縉紳富皆百萬最少亦數萬無非瘠國瘠民以自肥宜割其半充餉有隱匿不報者卽行籍沒而田產一入官家便爲子孫永遠之計宜每畝責稅一兩此疏分錢相公士升遂擬提問隨發出改票再擬姑不究又復發改相公疑上意欲行遂進一揭極言此說果行必致激變次日批紅發下仍用初旨上以相公不面奏而用揭疑爲沽名嚴旨切責尋斥爲民 時廷試歲貢有四川一生於試卷後寫一奏疏專贊陳啓新而罵縉紳閣中以違式題叅下部議處 去歲保舉一事降旨甚嚴至是上意亦不復如前而銓部亦視之甚緩據

舉朝之論皆謂海內州縣缺有限卽盡儘甲科貢三途  
尙虞擁塞今頓增薦舉一二千人位置何所此斷斷難  
行卽使必行亦必待各省到齊吏部議定題請或廷試  
或朝考就中量拔十之一二以信明詔非一登薦牘卽  
通仕籍矣 是秋都中道上戒嚴驢馬皆絕公意原欲  
待考滿之後少需月餘卽請告南還乃正值多事未敢  
言請且有坐守東門之役縱有差亦不能題憂心如焚  
顏髮爲之盡改 初冬偶有山行以楓林丹黃悅目仿  
黃子久筆意寫成長幅 有清客陳明卿者名廉係松  
江人善畫爲人坦易恆良與物無忤而賦性狷潔淡於

財利與公交十六年如一日凡事無鉅細必盡心相爲  
不辭勞苦不避艱難爲士人所難得以是冬十二月  
病故於公寓館公手寫哀詞哭之

十年丁丑四十六歲

正月九日題差得糧長二月九日領勅出都

董思翁有  
致公書云

榮擢奉常卽  
有皇華之命經過州縣驛遞應付煩難不比往時至兗

州以南各處夫逃馬倒必等候一日半日方得起身更  
有幾處夫馬都自僱日蹶躡數十里夜宿茆店甚至竟  
日不得一食公奉差十餘次足跡半天下至此始覺行  
路之難山東北直爲入京孔道未經兵荒蓋已頽敝如

此矣二十九日從宿遷下船順流而下一日便可進口  
乃日日遇大逆風五日方抵淮安溯江至南都完差事  
望後抵京口因鎮江以下河路阻塞至丹陽下船便道  
過家時五月中也 七月爲子揆娶婦申氏令居道南  
宅中 長女適常熟陸廷保 九月爲李夫人作行畧  
子抃遷至道南東宅

十一年戊寅四十七歲

新正三日檢書篋得舊作自警文跋識一百餘言 夏  
間擬上病疏旣而不果 蘇州賜塋差役本係優免時  
漸更張公力請當事以仍朝典 冬十一月初自家北



行丹陽一路水涸舟膠鎮江揚州壅塞尤甚登陸後行  
抵郟城知前路梗塞風鶴驚傳因而重回宿遷十二月  
初九復從淮安放舟探問消息至平沙橋距淮安三十  
里泊焉天寒冰合荒村斷岸間淒涼寥廓風樹流澌無  
非助愁之響二十九日爲文肅公忌辰於舟中寫片紙  
作神位焚香擊頽南嚮嗚咽 途中寄諸子札云吾鄉  
世態人情真成鬼國汝等如處覆巢之下旦暮不保宜  
刻刻戰兢凜惕不可一毫任性居家惟閉戶讀書遇人  
惟謙恭緘默莫務虛名莫妄交遊實實做本分工夫持  
身憲法以續密沉細爲第一義我正坐疎忽之病所以

多尤悔汝等宜切戒之里中好事有力可爲者黽勉行之勿惜小費延壽積福多一件受用一件感應之理斷不爽如此荒歲收租稅宜量加寬恤明出告示饒免若干不可容管莊人朦朧滋弊有名無實也又云我直腸快口機心盡忘於世遂多尤悔然旅中朝夕自念人生在世間一言一動當有軌則豈可率行胸臆草草乃爾自今已後痛自刻責一以含容渾厚爲主將平日躁言浮氣盡行鋤洗自拈二聯云甯人負我毋我負人甯我容人毋人容我又云舉頭惟畏神明絕口不談世事以此銘座右書紳未知能持循勿失否又云汝等年齒漸

長趨向亦近高明姓字駸駸在人耳中一舉一動當顧  
名譽不可示纖毫漏罅况滿眼風波荆棘正當一刻百  
慮非晏安放浪之時平日宜深居簡出勿徵逐泛交遇  
人宜僂偃謹默勿翔態沸詞蓋所處之地與他家貴胄  
及寒素者不同萬分歛退猶恐媒忌况可露一毫英氣  
邪至於善事要隨所遇而爲之不必有意如葛繁黃兼  
濟二則我會刻以施人可刷一紙時時省閱傲而行之  
又云聞吾鄉旱涸已極河路盡絕米價日甚一日吾家  
决宜多積米糧或以減價平糶或備煮粥賑饑就各莊  
稻租粒粒徵完日用之外尙有幾百石贏餘亦可用作

好事此際商之衆家人必謂儉歲廩虛自家用度尙不足何力爲此不知此時人情世風天災時變皆不可保富不如貧聚不如散智士決宜早計以不足爲有餘切勿狃眉睫之見貽顧指失掌之悔也 自十一月起程至明年三月抵京家信計發三十餘次極言中途危苦之狀至於諄囑諸子料理家務刻志下帷連篇累牘尤曲折詳盡云 時州中有修學之舉張天如溥受先采爲之倡率公令諸子竭力許之旣而不果興工通學諸生又請墾東南一路故河以疎壅滯

十二年己卯四十八歲

子揆於是年中式舉人 正月六日借寓淮安城中至  
二月初畧得前途確耗僱舟北行十七日抵宿遷以前  
路董家口開濬打壩舟行不能至濟上有徐州總兵馬  
爌者乃李萍槎繼貞職方時所提拔感恩甚深李與公  
素善適至謂閘河阻塞坐待開壩尙在三月望後不若  
由舊河至徐從馬總兵乞健丁護衛起早至京乃從之  
在徐州日日見報因道尊總戎皆撥馬在德州北偵探  
郵傳甚速故也自二十六日徐州起早因北路殘破處  
多每日遇有旅店便歇不能按常程饋路至二十九日  
抵兗州三月初七日抵德州十五日抵都十九日因上

徽號慶典暫止朝儀二十三日始得陞見時都中門禁漸寬而百物踴貴幾倍矣公以白糧船途中觸沉交納又不容緩借貸補缺幾不能支時差中貴督理兩浙鹽課其勅書所載大而兵農錢穀小而戶婚田土無不該括更細注蘇松常鎮等處令遍歷各州縣稽查守備清覈錢糧訶察鄉紳許以不時叅奏公寄諸子札云吾家素爲德於鄉錢糧從來清楚可以無慮但此後更宜百倍收斂謹慎每事務從寬厚不可一毫得罪鄉曲至僮僕田園尤宜着實收斂年來我諄諄戒諭固知必有今日之事也是夏又持節冊封岷世子其地爲楚南

絕徼公衝炎出都暫返里門七月中至南京病瘧初猶  
勉強至池州困憊不支延醫調理數日稍可而後行嗣  
此時止時發日日在高山峻嶺崎嶇跋涉更有數百里  
無驛跼處深林叢箐多虎不敢夜行未晚卽從農舍投  
宿百苦備嘗力疾勉完使事有題瀘溪館壁及中秋宿  
湘鄉有懷家園雨夜次紫陽口占詩九月十二日行至  
臨江從清江令無錫秦若水借南錄觀之知次子中式  
秋闈悲喜交集十月初旋里適次子亦從畱都歸公因  
途中瘧痢交作消瘦骨立遂不作還朝之想 子揆新  
宅落成公車北上 次女適華亭董祖京

十三年庚辰四十九歲

正月三女適華亭徐佐 二月為三子娶婦顧氏 是

春具疏遣老僕王宰入都繳節遂以病請奉旨 在籍調

理病痊起補而公從此不復出山矣 公自筮仕以及予

半奉差實在衙門者十年有餘 時子揆公車未回擇吉遷居新宅為

光大堂三子乃居道南宅中五子仍歸老宅 三月杪

子揆歸言京中百物湧貴山東民饑食樹皮及十六日

怪風飄燼之異 夏間米價騰貴公首倡平糶時里中

亂民焚劫南門陸足吾中丞家 足吾名文獻官江西巡撫其宅燼餘後為冰菴

太守所居在旱涇橋



十四年辛巳五十歲

公姊丈吳叔寶鳴珙感寒疾不治絕而復甦自言身入蓮邦親見諸佛合掌端坐大笑而逝公爲作往生記時六月十七日也 五十初度詣吳門瑞光寺禮懺薰塔兒輩從往親友設席金閭爲壽旬餘乃歸 自初夏以至深秋點滴不雨木棉微有所收種稻者不畱一寸遂至斗米千錢冬間餓孳盈衢僵尸載道

十五年壬午五十一歲

春作一家同善會引倡率合家眷屬及家人輩至在宅各男女或銀錢或米麥糠粃隨力輸助廣施粥餅親自

給散 長子挺入南雍挈家白下 錢州守巧公同張  
受先管理積米公辭以書云積貯者天下之大命今此  
之米台臺費幾計勸輸閭閻費幾許出內羣千萬人之  
心思耳目環而注之亦千萬人所待命莫不喁喁嚮風  
歸心受老總其成而諸約正副分其任臂指之勢無有  
扞格則似專而實分事必克濟不肖某旣無知識徒擁  
空名必將事事併煩受老於分與專兩無所據况城中  
名彥如林豈乏真實幹濟可以共効勛勤者乎又謂愚  
意通邑之人出之當使通邑之人見之或選擇長厚分  
貯各門數少則易於稽地近則便於發勢散則民情亦

不眈眈於一處而銷其觖望之疑惟台臺察之 州中以積米宜速賑饑有郎平翌星緯具呈道尊時郎館公家錢州守疑公與子挺主之又有匿名單痛詈州守及張受先粘州學牆上數其十大罪字字切實且文辭華暢逐款援引聖旨極其明確似一通達世務者所爲州守見之大怒持以泣懇道尊有人亦以公家爲言公寄長子札及之 是歲賠賫漕糧遂及萬金田旣不售衣飾酒器盡歸質庫眉燒肘露不可言喻 八月十六日長孫原祁生次子揆所出也

十六年癸未五十二歲

子抃補博士弟子員。元宵里中張燈極盛，小街僻巷，  
喧闐徹夜，蓋是時天下大亂，而吳人猶處堂如故也。  
是年會試改期八月，夏間子揆北上，十月抵家。

有燕遊  
草一卷

八世孫維祺校字

奉常公年譜卷三

七世孫寶仁謹編

國朝順治元年甲申五十三歲

公抱病里居四月杪得三月十九日確耗五內摧裂不自意生哀慟欲絕者數次會南都部院諸公擁立福藩起陞太常寺正卿公深惟知止之義且見爾時朝政混濁黨論分爭自分無可報稱遂引疾疏辭 冬底爲子持娶婦曹氏

二年乙酉五十四歲

正月初七日第八子揆生 二月初入郡謁撫臺張公

鳳翔尋遇侯廣成黃陶菴兩先生於鄧村 去秋被召  
已得請復爲臺中疏薦起原官仍不赴 南都有旨義  
陽王准太倉居住該撫按照例給與祿糧向例郡王與  
親藩體統遼絕不啻天淵其在本封雖服王者之服於  
地方官及士民交際往來原與鄉官無異卽其居室會  
典開載止平屋二十八間自祿糧之外一切宮室服用  
皆自備辦與朝廷絕不相干乃自有太倉居住之旨州  
中烏龍會人與市棍衙役居爲奇貨倚爲窟穴煽惑州  
守營建府第遂集鄉紳會議供帳務極華侈并出牌索  
納絹疋數十喚諸銀匠製造各色器皿種種騷擾莫知

底止公寄札長子囑其速與錢曼修吳梅村痛切一言  
貽書州守力爲救正 長子挺題補南都中書舍人三  
月奉差乞假歸 五月 王師渡江南都潰散時大江  
以南望風瓦解矣 夏間避地城西見有深林僻塢負  
絕人境其中廣池曲流不煩開鑿而曠觀幽致渾若天  
成意頗樂之 此據懿訓中西田囑語按巢松年譜云鼎  
革時隨吾母到十四都避亂離城止數里  
外歸述之大人云此間頗有幽致大人以滄桑之後不  
欲專居城市卽於此創一別業是西田爲五子避亂所  
也 時州中羣不逞者思於里閉修宿郟而快私憾揭  
竿嘯聚望屋而食比戶束手莫敢出氣惟公至則搖手  
相戒曰太原王公來矣抱頭爭竄鳥獸散去 南郭張



公以正直爲里中奸蠹所疾毆辱至體無完膚公力救之得不死里中又有奴變事著姓累世舊僕盡索身契公然背叛吾家獨無其事後兩案巨惡悉正法焉 六月二十八日荆兵入城有吳升階魯瑟若蔣龍岡等統兵分駐道署及報本寺人心惶怖不知所云次早訛傳大兵已來遂拔營而去越三日 大兵始至 司禮

姚在洲爲子撰持扶生母之弟秋杪子身忽至詢其國變情形談之甚悉相對欷歔灑涕遂畱不復去館之別

室後老於婁東

按隨菴年譜康熙十八年十一月舅氏在洲姚公卒於碧香寮年七十三十九

年仲春望後葬姚公於香林寺西顧治齋成志邑乘小識云人呼太監墳

是年得文肅公

南宮闈牘墨本以數百千易諸老兵之手吳梅村偉業  
爲之跋尾

三年丙戌五十五歲

南園梅花盛開時通州白在湄及其子或如俱善琵琶

流落吾州延之園中爲度新聲適梅村至置酒白生朗

彈一曲叙述亂離豪嘈凄切坐客有舊中常侍姚公當

子撰持扶亦避地來此因言愍帝在玉熙宮中梨園子

弟奏水嬉過錦諸戲內才人於暖閣齎鏤金曲柄琵琶

彈清商雜調自河南寇亂帝顏常慘然不悅無復有此

樂矣相與哽咽者久之梅村因作琵琶行以紀其事據

村集編年在丙戌丁亥間

時當事疏薦舊人列及公名公引疾力

辭 三月為子抃娶婦錢氏 是春析產諸子各授田

二千五百畝房租一百八十金僮僕亦皆分屬見隨菴

譜疑是時但 分析五分也 是秋始築西田於歸涇之上去城西十

有二里構農慶堂語稼軒飯犢軒逢渠處巢安等室次

第告成吳梅村為作歸村躬耕記巢松年譜云丙戌秋

積月累費至四五千金纍石穿池亭臺竹 樹頗堪遊賞時集文人談客觴咏其中 十月初六

日第九子抑生

四年丁亥五十六歲

三月長子婦吳氏卒 由西田寄兒輩札云城中人情

日異而月不同我畏之真如火坑得汝等分任家事一  
毫不以相聞我投老村塢經年不入城市豈非至樂

長夏避暑漁莊一日竟畫十幅 是秋農慶堂菊花盛

開王遺民瑞國吳梅村偉業朱昭芑明鎬黃攝六翼聖

李爾公可衛賓侯可汗二李崑山人公之內姪同過夜飲踰月蒼

雪法師亦至蒼雪名讀徹滇南呈貢趙氏子住吳之中峯以佛教重東南者也西田

看菊梅村以詩貽公公次韻答之 吾州從無蘆課因

把馬巡歷海濱以民間計田窆入始有蘆田之目蠹猶

乘機恣爲奸利更於額課外鑿空固紮變幻無窮累年

劇患自是冬始其流毒正未有艾也

五年戊子五十七歲

集中有林居有感及初夏西田雜興夏夜雨後西田泛  
月西田農隙次陶南村集中村居雜興二十章韻諸詩  
當在丁亥以後 織造陳工部點富室爲機戶江南著  
姓無得免者長子與焉賠累不支諸子皆捐貲助之  
六年己丑五十八歲

子揆赴公車口占爲別五月抵家 蘆洲禍日益熾不  
經之費動盈千百奸蠹索擾奴輩侵漁正復不少 子  
持改造新居子抃亦經營北門宅子抃於十月中遷居  
北門子持亦於歲暮遷高橋新宅 十二月初三日三

房孫日表生是夕夢獅舞庭中以獅威能攝百獸因命乳名曰威

七年庚寅五十九歲

正月初三日子持婦曹氏卒 西田中綠畫閣垂絲千

尺等處俱落成復構西廬縛茅蓋屋籬花徑草大有幽

趣延畫友卞潤甫

名文瑜長洲人

繪壁高妙直追董巨公作長

歌紀之時招書城梅村攝六諸公觴詠其中屬和成帙

自此樂郊泉石花時偶一游賞不免三徑就荒之歎矣

七月十八日有諭諸兒一則謂人家所貴乎有子者

專爲撐持門戶爲父母分憂令諸子同心協力拮据經

營以楮柱孤危捍禦外侮 秋六女適周曦 冬五女

適沈受宜 十月旣望詞人楊曰補見訪適有虞山之

行兒輩畱止拙修堂累日歸後集菊下以詩倡和

八年辛卯六十歲

子扶攄同補博士弟子員 是春以樂郊園區畫爲四

分授子挺揆撰抹令其各自管領有樂郊分業記 二

月憲委王二府吉人丈勘蘆洲頗多繁費 閏二月入

山觀梅 子抹婦錢氏卒 子持續娶卜氏 時秦瑞

寰侍御世楨方按吳郡乃率諸子跪門控告蘆蠹楊琪

芳等准拘提蓋覆益見天之幸矣吳中巨蠹肆橫狐鼠

相依沈碧江邵昇斯實爲巨惡秦公皆斃之於獄爲地

方造福不淺

秦世楨廣甯人隸正藍旗漢軍官至浙江巡撫順治八年巡按江南

中秋

林若撫過訪攜冊以示皆一時巨公與若撫王叔父尊

甫先生往還尺牘而文肅學憲尤多蓋少同硯席契誼

最深故書辭皮膚脫盡止留真實足見前人友道文情

非晚近悠悠者可比公以先人手澤所存莊誦之餘不

勝感愴特書數語歸之 作西田感興詩三十章其序

云余以頽齡適丁迤運西村卜築六載於茲惟田圃之

是謀與樵牧而爲侶眷言晨夕永矢寤歌豈其離羣索

居安希高蹈度幾處陰息景用畢餘年何圖世路嘖吭



時態猖惡既困誅求於刻木復驚毒蠹於含沙且也洪  
 潦為災田廬胥溺卒歲無計萇楚徒嗟每悒鬱無慘不  
 勝低徊咏歎觸物興感因事屬詞每韻各為一章近體  
 共得三十首數年來歲功時景人事物情豐歉悲愉約  
 畧可見

九年壬辰六十一歲

春晴偶步後園池上梅花盛開得詩一律

後園即宅後地東西可三

百餘尺南北三之係文肅公所治此詩末句云不堪聞  
 笛悵南村自注南園梅花最盛樸菴師儻為禪居遊人  
 排擊攀折於方吐萼時盡擊  
 去蓋是時南園已屬他人矣

春曉從西田放棹探梅

蔡灣飲曹氏花下以詩紀之

據集中次序二詩當在壬辰癸巳間

蘆訟

批發魯司李長子三子在郡候審不時往返 夏初秦  
公來按吾婁適有鳳里周氏寃獄得申時方亢旱忽沛  
甘霖公作秦雨歌一篇紀之秦公親鞫蘆洲諸蠹分別  
痛懲定罪大快人心隨具疏豁除重糧蓋丁亥以來蘆  
洲爲患業戶橫罹湯火吾婁較他邑獨深公屢次致書  
當事及都中諸老力爲剖析未得稍安至此而積困始  
甦也 四房孫維卜生 爲子扶娶婦金氏子攄亦於  
是秋就婚崑山李氏 九月子抃續娶汪氏  
十年癸巳六十二歲

上巳吳中兩社並興兩郡名流大會於虎邱設席舟中

奉梅村爲宗主梅村賦襖飲社集四首畫舫鱗集冠蓋  
如雲爲一時勝舉諸子與焉梅村卽於是秋被召入都  
白林九州守登明泣任未久政績卓然是秋偶傳註  
誤里中諸公相約入郡保留 九月初二日冢孫源慶  
生 七房孫昭溥生

十一年甲午六十三歲

自壬夏病目至此未就痊愈 六月長子挺繼婦徐氏

卒 會經又續未詳何年 時海氛乍熄婁民方幸得保耕鑿乃自

去歲水災米價騰貴木棉僅存霜蒂今歲四月間高區  
又漸憂旱而黃梅得雨竟至翻盆三晝夜低處禾苗盡

被淹沒猶得竭力車救七月初颶風挾怒潮以至發屋  
拔木平地水湧數尺木棉遂皆罄掃且四境盜賊充斥  
西關至翫子一帶日見殺掠卽近至清水港距城不過  
三四里亦有白晝暴掠者民心惶恐莫知所措又以春  
間漕白緩徵二分繼奉部文催繳轉滋一年兩兌之累  
是年學使改用詞林江南爲侍讀石公申 十月中  
子揆北上 東郊藻野堂向極宏敞前臨藥圃後瞰廣  
池樹石掩映誠爲大觀因歲久蟲蝕榱棟朽壞改築小  
堂三楹仍顏之以藻野旁構一軒名曰疎快雖失闕鉅  
之觀頗盡清幽之致於是冬落成 是歲奇寒冰雪凝

近崇沙未免驛騷之累 冬間海氛復起日聞鋤帆跋浪迫  
以志喜 除夕聞捕巨惡旣逸旋獲詩

十二年乙未六十四歲

二月七房孫昭復生 常熟楊子常彝來訪畱飲拙修  
堂陸桴亭世儀盛寒溪敬俱在焉 子揆成進士上巳  
之晚喜得捷音繼接家報知已黠庶常得而復失七月  
杪旋里 是年白州守開濬朱涇諸生顧殷重士璉竭  
力佐之工始於孟春下旬成於季春上旬雨晴相半役  
民不過一月其時大劉河未開朱涇爲劉河北派故稱

新劉河民感白公之惠又號白公渠 張爾唯郡守學  
曾過東園看芍藥 文肅公楓橋祭田公占先年隨卽  
抵補原未缺額屢經勘覈有碑帖累累可據而吏胥時  
復藉端滋擾因思特祠旣蒙復祭則墳墓一體可邀異  
數求郡守申憲批定用杜橫索惟事須達部殊費用折  
公更商長便不必申請立石止請郡守再給一帖歷叙  
詳明以垂永久 吾婁十九二十等都爲濱海邊圍之  
地頻年因寇氛不靖防戍兵丁接踵而至然猶分彼此  
來去之期居民猶得偷息近苦寇踪飄忽入犯寢逼登  
岸殺掠畧無顧忌防禦之師徵調不絕莫辨何營何伍

皆散處民家坐索酒食兼之縱放馬匹踐踏禾菽騷擾  
實甚卽如文肅公起家之地有老屋幾間距汛尙遠兵  
馬往來於此屯駐幾至不保公致書當事力陳居民擾  
累之苦始得畧爲禁止

十三年丙申六十五歲

長孫原祁補博士弟子員 是年江南照各省例學院  
改爲學道 西田小築流水環戶雜花滿庭幽曠差堪  
避地而公私逋欠叢集初夏暫憇其中踵索者日至煩  
悶無聊口占七律一章以自慰依次當在是年 五月十五日  
次房孫原博生 堂姊適崑山魏氏者貧老不能自給

迎養東園十餘年是夏病歿爲治棺殮概從優厚冬間  
卽爲反葬崑鄉 八月七女適張熙 九月之望西田  
積潦與月光交映混濇空明一碧千頃公與客泛舟其  
中笛聲縹緲恍在天際樂飲忘疲有詩一律以紀其勝  
黃攝六及陳確菴瑚並過西田賦詩與公倡和 十  
月朔舉鄉飲酒禮白州守延鄉老年尊者七人同爲大  
賓公暨顧松霞方伯燕詒吳約叟封翁琨吳魯岡僉憲  
克孝凌約菴憲副必正曹梅梁大尹有武黃攝六州牧  
翼聖號婁中七老 仲冬子撰輯公詩分二卷一爲偶  
諧草歷仕時所著一爲西廬草歸田後所著乞序於嘉



定陸公元輔

十四年丁酉六十六歲

是時學道科試因崑山衙署未成權駐吾婁 春石公  
和尚在隆福寺講法華經公率三子設齋聽講 時吳  
梅村以大司成告歸劉河湮塞已久適侍御李公森先  
按吳紳士條議皆言白公朱涇法有成效今亦宜專委  
開濬侍御從所請令崑嘉二邑協辦役始於仲春下旬  
吾州與嘉邑一月告成崑山因按君被逮規避者作輟  
無恆越三月始竣而中尙有淺段數里劉河自重濬之  
後東方田畝賴以蓄洩白公固殫盡心力而贊襄籌畫

者則顧殷重陸桴亭之功居多也 三月子抃北上應

試 季夏十有二日白州守過東園揖山樓月夜觀荷

適公患瘧命子挺揆撰爲主人而賦詩一律貽白公同

集者有武陵吳興公振宗維揚陸無文朝陽羨任文素

雄雲間董得仲黃子少楹枿及陳確菴顧殷重陸桴亭

各設紙筆卽席賦詩 確菴以詩見貽次韻酬和 西

田感興次確菴韻七律四章 曬家藏墨蹟復次前韻

確菴過西田止宿有詩仍疊前韻和之 以上諸詩依次當在是年

子撰持扶生母姚孺人以是年六月二十四日卒年

五十有八 有闡後課諸子說一則 訓持兒五古四

十二韻

據懿訓注明是年據集中次序在己丑庚寅間

十月子抃抵家 是

年除夕詩有已見閭閻空行軸况經藪澤盛萑苻之句  
十五年戊戌六十七歲

元旦次日立春有七律一章 夏邀白州守東園賞芍

藥作詩貽公公和原韻答之 長子四十初度口占示

之 子揆謁選北行送之楓橋歸棹不勝悽惋寄勗四

律中有句云宦跡應看四十成時年三十有九也適患

怔忡秋杪卽歸 是秋霖潦爲災高低盡沒幸開壩後

水卽漸退 吳梅村嫡伯文玉瑗與公交垂五十餘年

自總角以至皓首歡好無間是秋病歿年近八旬惜無

有爲之承嗣者 子持以是年十一月初七日卒 丁酉科場禍發主司房考悉置重典吾郡新雋亦有流徙關外者

十六年己亥六十八歲

三月游武林捐資至雲棲建水陸道場七晝夜從者子挺撰揆三人先訪許堯文煥於嘉興府署隨至湖上徧訪名勝禮具德和尚於靈隱豁堂和尚於淨慈最後入雲棲謁石公大師觀其殿宇卑隘器用儉樸雖蓮大師辭世已久而僧衆守其遺訓規範肅然 初夏復邀白州守東園觀芍藥貽詩一律公依韻酬之時州守新奉

調用之命 江上寇警管提督效忠全軍覆沒人心惶  
恐無措幸梁帥化鳳戰捷逆氛卽退海隅得以漸安然  
調餉徵兵誅求無已固已民不堪命矣公有亥秋書事  
詩二律其二云江邊空戰骨海外漫羈魂自注京口士  
民有隨海船去者其四有戍兵終日至田稅疊年徵之  
句 公姊丈黃攝六素爲蓮社中勝友以薦辟宰蜀之  
新都治民以慈惠歸田後堅修淨業是年十月杪病革  
公衝寒過其廬則四壁張彌陀像爲西歸計矣次晨與  
言別尅八日必行屆期果不爽 仲冬作自述一通歷  
叙平生居官居鄉及慎終崇本交游好尚始腴終悴之

大畧凡三千餘言 嘉邑鉤考欠糧甚亟通學繫縲無  
一存者有宗人所逋最多而家赤貧公立典數百金代  
輸出之於獄

十七年庚子六十九歲

五月子抃北上應試十月旋里 女適張熙者於十月  
病卒 十一月歸延陵姊氏卒有哭姊詩十四章其序  
云余薄祜終鮮雁行零落惟吾姊居止鄰並幸得朝夕  
數見晚晚相依乃今復舍我而去衰年殘息顧影無儔  
摧割何能已已因念吾姊自歸延陵爲婦爲母拮据萬  
狀勤苦一生實未一申眉頭今年屆古稀眼見三子成

立舊業不墜夫豈容易其平日持身正靜教子義方內則端嚴家規整肅人皆知之而隱德細行更未可以一二數愧余椎魯無能闡揚萬一姑舉閨幃病榻所親見親聞者爲斷句十四章以識梗概末章自注云昔年叔寶姊丈面西念佛而逝今吾姊亦然

十八年辛丑七十歲

子揆補博士弟子員 親朋子姪請於新正預祝四方知交及諸戚黨來賀者接踵而至開讌累日有七十自詠詩四律其序云余偷延視息忽屆古稀循省生平深慙虛度惟是胸懷結轆夢寐嚶喃每思效鼃黽之鳴少

攄榛苓之感而椎拙自媿牽綴未能勉賦俚句四章仰  
呈詞壇一笑倘荷不遺鄙僿俯賜賡酬庶沙礫溷投反  
博珠員入手而春花蔚粲頓合茅塞開心不但絳雪延  
年兼亦黃露洗髓矣 時嘉定侯研德滋致壽詞曰奉  
常公之纘承前烈胚胎後祚蓋有三難其事隱而難窺  
不可以不論公以相國太史兩世一綫少遭惛疚劇疾  
幾殆公私細大百責委身伺間蹈瑕或探厥釁公年少  
凝定陽示椎納徐出凶悔以底終吉此一難也國本事  
秘相國以元臣赤蓋默佑東朝而疎逖之張弧或傳疑  
於易世公以孑然藐孫趨使禁近二十餘年獵名竊勢



者盛修影響之隙舉足左右鋒鏑所叢或推或輓進退皆谷公小心以值清班折節以下朝儁孤臣之本末較然先公之謠詠遂息此二難也甲乙以後僨轍相尋駭機四出公以世族遺老俯仰跼蹐阡陌陂池盡爲禍藪官吏叱呼於外科賦檢括於內公能綢繆估窘委虵混濁有戒有厲不滓不皦卒使家宅克全風義弗墜此三難也其言可謂深知公矣 三月子扶移居長街新宅 七月十二日五房孫兆新生 公不堪催科之擾諸子懇請代任賦役乃於閏七月初旬分授田各二百畝於諸子而以膳田賦稅任之有分田完賦記一篇中間

歷溯壯年餘衍及晚景蕭條之况使知盛衰之代謝稼  
穡之艱難門第無足稱甘媮不長保而以流行坎止之  
義嚴切警示凡一千言 八月子扶婦金氏卒 冬間  
長子大病病後卽失明 是年吳中有奏銷之禍朱撫  
軍將民間零欠錢糧造冊上聞紳袍衿士釐毫掛欠者  
無一得免江南四郡共一萬三千五百一十七人公及  
子揆俱在欠冊中奉提解之 旨憲牌絡繹驚惶莫措  
大費經營子扶因金漢廣戶亦以零欠賠累此後復有  
請兵圍城之舉吳民湯火未有甚於此者

八世孫維麟校字

奉常公年譜卷四

七世孫寶仁謹編

康熙元年壬寅七十一歲

子抑補博士弟子員 去歲初秋就所存田畱千二百畝自贍九子各受田二百收其租入以供三千畝之賦乃以當歲卽逢歲儉租入蕭條終歲之資艱窘不給迨至是秋木棉罄掃竟不得名一錢庖爨屢空資用常缺枝梧無術因以一千二百畝之半分給九子爲飲食資依次就養三日而更令以二日葦一日素爲率亦自任三日而仍畱餘田取其歲入以爲公私酬應之費作分

田就養記後又以管理乏人收租不能如法遂以餘存  
盡授諸子不論歲收豐歉每分出銀二十兩米二十石  
名曰包租自此永爲定式以終天年未嘗少變也 是  
冬奇寒子揆就婚宋氏長孫亦同時娶婦李氏迎親舟  
楫冰凍不能行

二年癸卯七十二歲

西田土木未息方約南垣抹山種樹又修葺後園改築  
亭榭爲衰年憇息之所 五月初三日五房孫兆建生  
秋闈後功令廢八股用策論取士 是冬始延蘇崑  
生教家僮時曲爲娛老計崑生中州人音律最精吳中

善歌者罕及蓋卽所謂崑腔也 十二月九女歸郁煒  
爲養媳

三年甲辰七十三歲

作友恭訓一則以示諸子謂人之有兄弟猶身之肢體  
連心木之枝條附本未有四肢殘而腹心不潰枝葉瘁  
而根本不撥者設爲未然之慮諄勗將來 華亭徐婿  
亡 是年有深秋卧病詩五六云自是寒風催木葉不  
同閏歲厄黃楊蓋是年閏六月也 冬八女適李樞  
州守浙人陳國楨莅任數載婁民膏髓爲之吸盡最可  
恨者以鞭撻子衿爲能事有一老儒竟斃杖下甚至登

世闊之門答其子弟真怪事也時與胥吏比而厲民增  
加無名之賦凡三四十款十一月中諸生周雲驤持經  
承加撮一端將白當道邑紳佐之先是周嘗館公家疑  
公長子有力焉致書於公公復書辨之

四年乙巳七十四歲

元夕往虞山觀燈 仲春於子抑几頭瞥見畫冊乃崇  
禎辛未赴補時舟中所作忽忽將四十年中間陵谷滄  
桑變遷多故俯仰今昔不勝愴歎且謂筆墨之功視壯  
時畧不少進小藝尙爾何況其他因題數行於首 春  
杪爲九子娶婦周氏 八房孫奕清七房孫昭被生

九月之望邀吳梅村諸公郊園小集陳麋涇許九日以詩貽公公亦賦詩奉謝 柰山陳眉公徵君故廬久歸

他姓諸進士乾一

名嗣郢青浦人

捐資贖還改置祠屋四方頌

高義者詩歌盈帙公賦七律一首

依次當在是年

時朱涇戚

浦中多淤段難以行舟甲辰春值劉河議移城而將作不能出朱涇崇沙告餉匱而運艘不能出戚浦羽書旁午軍民交困陳州守奉撫院韓公檄並浚兩河仍用白公銷圩勸分法權兩河繁簡以撥夫役通計一州二十九區分五十扇以四十扇役戚浦而以一十扇役朱涇役始於甲辰四月之二十日卒事於五月之二十六日



自茶菴起南至天妃鎮北至茜涇鎮計四千餘丈每丈約十六工計六萬四千工每工准租銀六分計三千八百四十兩朱涇告成後戚浦亦漸浚由是運艘旣達城工可興矣明年秋霖吳地大浸又决婁江朱涇兩壩以洩上江積水公於是年十月作太倉州重濬朱涇碑記刻入顧殷重新劉河志

五年丙午七十五歲

子揆中式舉人未報以前公夢家僮捧硯於壁上書一大奏字初不解乃爲春秋房第二人可謂奇驗 仲冬子扶續娶錢氏 子揆拊摠生母徐夫人以是年十一

月八日卒年六十有六時子抃闡後考教習未歸 十  
二月子揆公車北上

六年丁未七十六歲

四房母子棄高橋住宅欲卜居東城三子以廳堂議典  
與居 作預囑一則始以特祠修葺之計繼及歲時祭  
享之規思仿錫山王仲山祠自置影像於合祠之東壁  
旣而不果 除夕小盡爲文肅公忌辰詩有桑榆惜歲  
意凄其况復傷心泣硯時之句

七年戊申七十七歲

二月六房孫遵辰生 有額駙慕公已久五月初特遣

使持書幣相迎情不能却遂買舟渡江款洽經旬而返  
七月子抃棄北門宅典大房鶴來堂一帶居焉 九  
月游西泠僦居湖樓 子撰以住宅議售七房 有再  
囑一則謂家禮尊祖敬宗人倫慎終追遠惟祭祀爲最  
重我生平於此最爲注心以長子廢病且貧而家祠設  
饗一次約費數金恐或致闕畧命諸分各助資費先期  
出單徧約每分若干收取備辦篇中兼及薦新至清明  
十月朝展墓之例 有終事一則謂我後命終切勿徇  
流俗之見用門徒混鬧惟於善知識道場中選擇有德  
禪衲或四衆或六衆卽在佛堂中日誦大乘經典早晚

持咒七七而止請大德法師放燄口一壇以拯濟幽冥  
必得實益至佛堂爲魂魄所依之地身後宜畱爲公所  
擇一人令居側近朝夕灑掃各分湊出米糧給其口食  
於家中畱此淨域薰長善根

八年己酉七十八歲

長孫原祁於是年中式舉人時功令仍復八股 初春  
袁節母年八十有五其子重其特延名手繪像傳之世  
世公爲之題云重其以幼孤奉事節母備極孝養迄於  
白首其所以表揚貞婺者有海內諸公鴻著自足抗跡  
圖史炳燿千秋今以虞山所爲旌節頌書於像端於義

斯愜并以表哀氏一門節孝亦吾吳希有盛事也 三  
月楓橋掃墓畢渡太湖至洞庭席氏弔喪次日登莫釐  
峯遊翠峯寺諸勝并遊席氏家園 初夏子抃北上應  
試 十月祭掃後詣靈巖山 冬初子抃抵家子揆及  
長孫原祁公車北上 是冬子攄東遷子撰乃移居東  
偏小宅

九年庚戌七十九歲

子揆及長孫原祁同榜成進士揆選庶吉士 次房孫

原博七房孫昭復

後改名旦復

同補博士弟子員時三房孫

試而見遺公卜關聖籤有巍巍獨步向雲間之句乃令

俟校松郡時借名再考遂借吳日表名列入府庠 三  
月初四晚得春闈捷音五月又得子揆館選信賀客滿  
堂稱盛事公不色喜常憂滿溢家中防閑愈嚴作家訓  
一篇釐爲五則一首先敦睦一省察功過一敬恭桑梓  
一慎收童僕一早完國課字字皆格言至論統二千數  
百言 長孫於五月中歸里 五月十三日始得曾孫  
名之曰暮長孫原祁所出也 公歿時曾孫九人未盡詳  
其生年吾高祖成都公諱  
瞻則以康熙乙卯  
五月二十三日生 郵書寄子揆其畧云世間最難到  
手者甲第幸而得之又有幾年閒歲月本分切已事所  
應做者甚多其最上徧讀羣書覃思著述畱心經世之

學務期以博洽有聞於世其次諳習世故交遊名俊聯合氣誼亦可自振於流俗乃觀近科新貴一從京師歸出遊日多家居日少衝寒涉險苦覓蠅頭皆以迫於困乏心之所思口之所言惟此一事孜孜汲汲勞於夏畦反不如做秀才時猶得自在似已遂成風氣此則前輩極庸者不若是究竟並無實益世家子徒失家風寒素者亦損名節吾深爲之惜耳 自夏徂秋霖雨不止巨浸稽天木棉掃地陸桴亭歷指顛危之狀具控各臺爲民請命凡數千言惜當事莫有上聞者 是冬一日在拙修堂早膳後忽然暈去頭面俱冷時王石谷輩正在

座中少頃卽平復如常

十年辛亥八十歲

子撰於二月北行 自去歲夏秋洪水爲災太湖四溢  
高低受害督撫各憲檄州開濬海口未有成議是春郡  
守郭公四維親覽形勢聞顧殷重名召詢籌畫計工估  
費遂委二府于公署州三府吳公暨崑嘉兩令分段督  
濬于公立法甚善忽以病卒新任蕭守下車與吳共襄  
厥事河工以成後天妃宮又有建閘之舉皆藩司慕公  
天顏所調度也 八月舉八十觴同里及四方來稱祝  
者開宴累日子撰挾徧徵都門諸大老及詞場名宿壽



言以累百計彙集郵寄 作族勸一則大旨謂凡我尊  
長及兄弟姪輩累世聚族而居漸漬文肅公懿訓有年  
無論讀書者勵行好修卽力田者亦循分守理惟族蕃  
人衆恐心志未能齊一此後更望互相勗勉倍加砥厲  
每事必主退讓同宗切勿鬪爭毋與戶外毋比匪人務  
使禮義敦睦之風洽聞遠近庶幾條葉發祥更益昌大  
爲太原盛事佳話 子扶婦錢氏子抑婦周氏常熟長  
女沈婿受宜俱於是年病亡

十一年壬子八十一歲

子揆散館授翰林院編修 大宗友芝公之次子慕芝

公有二子長文石公次楚石公俱歿久未葬其後嗣漸  
替公於是年三月偕孫孺人易簪珥代營窀穸之費一  
時六棺並舉 四月杪子撰自都中歸 七月初子抃  
北上應試是年蓋閏七月也 三房孫日表中式副榜  
是科副榜共四十五人貢額僅十二人後謁房師知主  
司已批取中正榜四十九名繼因膳錄有悞覆字監臨  
堅執不從故抑置貢額之外後更考補廩生又以改歸原籍本姓降作增廣 子揆生母沈  
夫人以是年十月十七日卒年五十有七 十一月子  
抃歸

十二年癸丑八十二歲

家孫源慶補博士弟子員 春子抑移居小北門 二

月中子揆以生母憂歸 公倡議修建鐘樓請法印禪

師住持

此見隨菴年譜據錢大可廣居年譜則修葺鐘樓係之康熙戊申其言云州中鐘樓高時異方

關係文運盛衰鐘聲二十餘年絕響矣余商之煙翁毅然募資修葺託吳東溟督功約費千金拮据二年厥功

始竣又按黃忍菴與堅鐘樓記云康熙十一年樓漸圯太常王公時敏與憲副錢公廣居竊慮之告之知州張

公良庚州佐單公國玉以再建工始於壬子十一月竣於癸丑某月 作後友恭訓先是

甲辰歲曾作友恭訓示諸子至是恐各分家人輩口語

間微有牴牾更曉切示之 八月十六日作祭問一篇

先是預囑再囑時議歲時祭饗諸子均出公分衆擊易

舉似簡便可行後又恐房分衆多事難畫一復議挨年

輪值而傳之久遠萬一或有參差因思立祭田若干使

各分共輪經理其事至賜塋特祠何項可備繕修何人  
可任典守尤宜詳慮深籌故作此一篇設問諸子使與  
族友中老成練達者細細商權以求至當 九月二十

八日諸子集族中衛重名文及公執友顧殷重

盛聖傳公議開列設田楓橋西郭田二百六十六畝七分三釐共租二百九十五石一

斗五升三合又地租銀八兩一錢二分房租銀三十一兩七錢特祠前基地銀一十一兩二錢馬路內地租銀

五兩九錢五分皆可充用但所費輪任兄弟九分定為極繁更宜隨力隨時量為增益

一輪其管協之序大房二房四房為一分三收管每年房六房八房為一分五房七房九房為一分

管之中推一房主持兩房協助所收銀米悉貯主持者之家必三分面同封貯不得私開祭享所餘公用寄貯

典庫以備祠墓修葺之需貯典時更三分公用半票為憑以杜獨自支取之弊三分中第一分二房輪主大房

四房協助第二分八房輪主三房六房協助第三分五  
 房輪主七房九房協助其管協中間有怠緩者他分亦  
 得催促不得查覈造總冊一本鑄圖記一方付輪管主  
 以煩聒為嫌查覈持者執掌每次公用畢輪管三分面  
 同會算注冊用記以便交盤三分各自造底冊備查不  
 得稍有異同至交盤之際務極清楚從公勿使授受不  
 明致滋經始初年任事者租利未入即有條銀啓徵且  
 議辦端經始丁祭時享接踵而來定議初年費用九分  
 協辦料理直至歲除為止使任事者全收今歲之租在  
 備來歲之用至第二年交盤定期十月朔不得稍有游  
 移管租得安不必屢易如有未安則公議易之祭享  
 文肅公賜塋祭掃特祠春秋二祭及家祠夏至中元長  
 至除夕作享并節序奉觴薦新祖父父母生日忌辰每次  
 儀式務期豐定期三年一修而三年中擇其最急  
 潔垂法後人修葺者先之更須九分公同估算不得苟  
 且粉飾耗備荒如無餘租則公同協辦謹守輪任之年  
 費開銷如無餘租則公同協辦謹守輪任之年  
 荒一畝拋十則至東鄉老宅係祖宗發祥之地理宜作九

分公所亦隨祠塋之後三年一修 九月爲孔贊侯作  
七十壽序贊侯係諸生爲臬憲盛天虞壻而窮約自如  
居平以孝友稱善事後母四十年如一日其五世祖爲  
至聖六十一世孫自澄江之梧塍里隨戚屬至婁遂  
寄居焉其父君陽與緱山公輩唱酬贈答有詩集行世  
十月望日有西田囑兼答祭田公議一篇諸子集族  
友會聚一堂公議長便之策皆云祭田必不可不立但  
田各有主不分屬者祇存楓莊二百餘畝與西田頃餘  
諸子以西田小築尤公一生意志所注宜少留以存付  
託請於分授田中各出數畝湊成百畝以補此項蓋仰

體公意將以西田讓付子揆也。揆以昔年東園分授僅長者四分。今諸兄尙有未授者。未敢越次先之。如父意必不可違。或祇受屋宇田則仍歸公分。公謂僻荒寂寞之鄉。若田無分寸。何以守此廬舍。諸兒旣能共諒。揆兒當以從命爲敬。因作此示之。至公議所列十則。公謂皆鑿鑿中窾。無可移易。其委折細微之處。尙可不時參酌。傳示子孫。十二月朔日。又書祭田公議。後其畧云。祭田一議。承親族苦心斟酌。深思極慮。更無不盡。但議中諸款。皆屬異日之事。非目前可以遙度。况臨時事或變。更亦難懸定。且饗祀所費猶少。如修葺祠墓。增益祭田。

更爲繁重議中所云恢拓裕用神而明之等語要期次第構求協力整緝實實增光廟祐非徒托紙上空言此事我一生精魂所注故復縷縷言之

十三年甲寅八十三歲

時 詔撤三藩平西中途變叛自滇蜀以至湖南干戈鼎沸西南半壁擾攘不安楚蜀閩浙豫章一時騷動徵兵調餉警報日聞吳地剝膚民不堪命如是者四五載有訓大三兩房一則凡八百餘言其畧謂諸子雖皆極貧而長子三子顛連尤甚大房關係非尠卽今所居之宅乃文肅公故第相沿已逾百年風雨侵凌漸多傾



圯每歲修葺之費皆我任之今大兒以赤身窮漢住城中第一大宅賠糧旣所不堪葺費從何設處况我身後各房往來稀簡宅中益復寂寥一分不能獨任恐其未必能守特此先囑諸兒萬一有此須協力涕泣諫止縱未能終使常畱但遲一日可令存歿安安一日亦子孫之大孝倘汝等有仕途得意者或借或買分割同居更爲兩便至讀書爲善幹旋厄運凡各分子孫皆當專心着力更不獨大房三房宜然子孫但能深體我意奉四字爲養身秘寶奮勵力行交相勗勉以慰我心則我將含笑入地矣

十四年乙卯八十四歲

四月下旬五房大孫婦忽得奇疾變幻百出至七夕前始得平復子拈有奇疾紀畧一篇 五月子揆服闋還朝 夏間有丈量蘆田之舉遲糧道日巽臨州丈勘用小步弓以漲灘侵隱爲言大有騷擾排年頗受其累子揆典山東試得士四十六人 中秋始患頭眩舌強歷三四年形神漸衰

十五年丙辰八十五歲

二月子揆陞左春坊左贊善兼翰林院檢討時新設詹事府坊局等官上年冬始設 子扶捐納歲貢三月初入都

廷試事畢卽歸 四月旣望有後樓囑一則公生子九  
人分授住宅惟大二三房皆親自經營大房於正屋之  
外加以小宅後園所以隆長枝也其餘或授外宅或畀  
田爲買宅之資八房僅以中宅授之俱係書齋無一間  
可作內室因思長子病廢已久家復就落兩孫雖已婚  
配孱懦未諳世事諸叔宜爲照管而各分另居往來未  
便八房同宅義自無辭特有此囑謂俟我身後大房長  
孫居燕喜堂次孫居樂頤堂其後樓一帶一正兩側則  
付八房作內室庶爲兩便並非損長益幼無不從祖宗  
起見要使大房安於無言且使八房不得推卸併使諸

兒共白我隱故書此以爲後券 望後二日有祭田申  
訓一則其畧謂文肅公特祠與楓橋賜塋規模宏大日  
後每年修葺爲費甚繁况有春秋展墓并有兩丁祭享  
之用前所議祭田僅二百九十餘畝將來必不濟用向  
聞諸兒曾有各助數畝之說甚善若得通顯得意尤當  
篤念本原須多助增入如可湊成千畝固屬上願否則  
五六百畝必不可少此不獨文肅公祠塋得以修葺凡  
東鄉祖塋雖經各分承任亦可以餘力所及永不至於  
坍塌是在賢子孫神明我意而已至於不思加增反欲  
侵損或艷羨膏腴妄期更換在祖宗爲罪人在我老人

為不孝汝曹皆知大體必無此事特恐再傳而後未必盡如目前故為未然之慮書以示誡 子揆告假歸里

十六年丁巳八十六歲

子抑於是年中式舉人

隨菴年譜云是年特設一科專試太學諸生闈期在九月貢舉

考畧云是歲因軍興開科有鄉試無會試江西湖北廣附江南福建附浙江山東山西陝西附河南

長

子失明雖久然猶飲噉如常至三月初九早忽疾作即

以是日下午卒 是年六月將長子所遺田產令諸子

等公議為兩孫分析公申諭之 同宗擢聞炳卜吉壤

於祖居之後為並穴以葬其先人公為作封樹連枝記

十七年戊午八十七歲

三月初五房大孫忽發狂疾半月餘始愈 江右地師  
熊開先爲公卜吉壤於二十都金字圩墅溝舊宅之左  
是時營築方興有五鶴盤旋之瑞 州守朱君實士華  
署任一年士民感之去之日諸生設生位於學宮迎至  
城隍廟之西偏復與三韓林九白侯講院合而祝之已  
而鄉鎮相率踵行咸以後至爲恥且集德政詩一編刻  
之公爲之序并賦七律一章

十八年己未八十八歲

是夏邀顧樊村盛寒溪諸公同賞芍藥 十一月女歸  
吳江周氏者病亡周壻已先物故矣

十九年庚申八十九歲

子扶賦性廉潔不與戶外事又素甘淡薄每自歎命蹇福薄堅持齋素兩經喪偶誓不復娶并不置婢妾云我必不永年奈何悞人子女自去歲患脾疾入春加劇二月杪病勢益重遂以三月初七日卒 三月望日家祠不戒於火祖先木主盡爲灰燼 六月七日猶手書徑尺榜額是夕諸子侍側坐談娓娓神氣朗然次晚忽夢西方三聖人現丈六金身垂手相接曰我來引度汝翼日而寒疾陡作矣毘陵憚南田壽平慕公已久時適與石谷同至來謁病榻一見而別至十七日酉時薨於寢

病中數云欲歸舊宅喃喃不休又稱雪老師者再蓋徑  
嶠老人公向所皈依者也越月而副室吳氏亦病卒是無  
子而撫育長子者至隨菴年譜康熙二十二年癸亥七  
月望日吳母病終時年八十有三且云吳母嫡姓孫以  
長兄甲申受官封太孺人乃長子生母也公歷官至太常寺少卿授中憲大  
夫以八子揆官

國朝封徵仕郎內宏文院庶吉士晉封儒林郎翰林院編  
修加一級子九人時存者揆撰扈臚揆抑女子八人孫  
十六人孫女二十一人曾孫九人曾孫女十二人是冬  
十二月十二日諸子奉公及李夫人柩合葬而以徐夫

人姚孺人沈夫人耐焉

公及李夫人墓誌銘李霽撰神道碑宋德宜撰徐夫人墓誌銘



汪琬撰姚孺人墓誌銘黃與堅撰沈夫人墓誌銘熊賜履撰時九子生母徐宜人尚在焉按芝廬集蘆中集俱有是年十月朔展二十二年正月二十二日記鄉賢祠先大人墓畢詩

學者私諡爲恭孝先生後以子揆貴累贈公爲光祿大夫文淵閣大學士兼禮部尙書公幼時曾事帖括從仕後未曾廢學迨垂老歸田閒居無事更涉獵羣書卽晚年病目昏眇猶依簷映日手一卷不暫釋吳梅村贈公七十壽序云丹黃勘讎插架千卷每賓朋雜坐舉史傳中一事輒援据出入穿穴舊聞是也繪事尤所癖嗜每見古人真蹟不惜重估購藏宋元諸名家無不摹倣而子夙尤爲專詣董思翁宗伯每見公作必讚歎題識有

蒼秀高華奪幟古人之稱病日後時倣惠崇趙大年作  
村莊小景用筆纖細設色鮮妍不類平日筆法真行書  
學褚河南八分師受禪碑參用夏承碑法署勝字大數  
尺者尤雄偉有勢於尺牘師蘇子瞻黃山谷於詩倣白  
香山陸渭南至竺乾之學夙所皈心禪宗一門亦有志  
趨向諸方尊宿之至吳者必擔簏叅訪公固夙具慧根  
也所著偶諧草西廬草及詩餘若干闕懿訓一冊俱係  
子撰  
編集并尺牘家書百餘則子姓中傳寫不置寶仁近更搜  
輯得雜體文一卷詩詞拾遺一卷書畫題跋一冊並藏  
於家

八世孫羅焯校字

## 序

先祖洪文襄公置六清定鼎之初進兵勦匪到處收服秋毫無犯覓運籌制勝紀律嚴明卽其召對之語精微透徹深切時艱使人主聽之渙然冰釋怡然理順其所奏對皆依議施行故先祖洪文襄公佐清而和以經略中原安撫黎庶展其懷抱以補政治之不足諫行言聽得救民於水火之中早登彼岸厥功亦非淺鮮嗟呼不遇盤根錯節無以別利器當中原鼎沸海內紛爭固一盤根錯節也先祖洪文襄公利器也愚以爲先祖洪文襄公輔佐故清洵爲中原百姓蓋劫數將終天亦有愾亂之意而國之治亂人之生死皆造物爲之先祖洪文襄公不死或不死請其才習之以

撥亂反清

洪文襄公年譜

柏山法式善韓

明神宗萬曆二十一年癸巳

九月二十二日子時公生公名承疇字彥演又字享九原籍福建泉州府南安縣二十七都英山霞尾鄉後隸饒黃旗漢軍會祖以訛字德謙庠生累贈太傅兼太子太師武英殿大學士曾祖母林氏累贈一品夫人祖有秩字懋庸恩貢生祖母戴氏父啓熙字爾朝庠生母傅氏妻李氏劉氏俱封贈如例

二十二年甲午

公二歲

二十三年乙未

公三歲

二十四年丙申

公四歲

二十五年丁酉

公五歲

二十六年戊戌

公六歲

二十七年己亥

公七歲

三十八年庚子

公八歲

三十九年辛丑

公九歲

三十年壬寅

公十歲

三十一年癸卯

公十一歲



三十二年甲辰

公十一歲

三十三年乙巳

公十三歲

三十四年丙午

公十四歲

三十五年丁未

公十五歲

三十六年戊申

公十六歲

三十七年己酉

公十七歲

三十八年庚戌

公十八歲

三十九年辛亥

公十九歲

四十年壬子

公二十歲

四十一年癸丑

公二十一年歲

四十二年甲寅

公二十二年歲

四十三年乙卯

公二十三年歲

中式本省鄉試甘汝樵榜典試官檢討來宗道刑科給事中姜性

四十四年丙辰

公二十四歲

中式會試沈向和榜典試官大學士吳道南禮部尙書劉楚先殿試錢士  
升榜二甲第十七名賜進士出身選刑部主事

四十五年丁巳

公二十五歲

四十六年戊午

公二十六歲

四十七年己未

公二十七歲

明光宗泰昌元年庚申

公二十八歲

明嘉宗天啓元年辛酉

公二十九歲

二年壬戌

公三十歲

擢兩浙提學道僉事

三年癸亥

公三十一歲

四年甲子

公三十二歲

遷兩浙承宣布政使左參議

五年乙丑

公三十三歲

六年丙寅

公三十四歲

七年丁卯

公三十五歲

遷陝西督糧道參議

明莊烈帝崇禎元年戊辰

公三十六歲

二年己巳

公三十七歲

固原賊犯耀州公合官兵鄉勇為營人固賊於雲陽殺殺之賊乘夜雷雨

潰圍走澤化入神道嶺

三年庚午

公三十八歲

朝命公以都御史巡撫延綏二月固原賊王左掛以其黨三百人降六月

奏請開通三省並充吏治實重功清吏治三事奉旨旨各該部知道欽此  
 又奉旨開通三省並充吏治實重功清吏治三事奉旨旨各該部知道欽此  
 百餘員兵勇分三百餘員請旨由部撥給大小寬餘經費九月公債  
 兵仗及器械等項用應酌量之應擬請在案備案公界奉旨定期計辦之

奏請開通三省並充吏治實重功清吏治三事奉旨旨各該部知道欽此

奏請開通三省並充吏治實重功清吏治三事奉旨旨各該部知道欽此

壬子年經諭公權總督陝西三邊軍務十二月公奏擬延安吳家山黨冢坪  
 匪徒大賊一十八寨賊首張獻忠羅汝才等一千九百餘名又分遣總  
 兵曹文諒等四遊擊左光先崔宗允李國奇等五路勦宜綏清米四縣之



賊於懷寧川燕泉峪綿湖峪封家溝大戰敗之追至祁家高梁丑山掃蕩  
王授首

五年壬申

公四十歲

公請留陝西餉銀二十萬資勦費并以勸農從之賈又勸楊嘉謨及寧夏  
總兵賀虎臣於七月十七日何破賊於甘泉之虎兒凹追奔五十里斬首  
七百賊大困二十四日楊騏追之於安口海二十九日追之於崇信竄入  
月初三日追之於白茅山功最著初八日云督師次平涼宣言降者勿殺  
敵去數千人追至何家老寨陣斬可天飛李都司二賊白廣恩降甘泉殺

官劫餉賊石耀伏誅十月初四日官兵敗賊於高冢畔再戰於寧州於山  
水官冢洞皆有斬獲十一月初四日追之於耀州錐子山吏士乘銳騰逐  
賊窮蹙潛伏趙和尚寺監運道飛書告諭二十二日始持郝臨潼獨行狼  
一官來備匄丐命公斬其獍獠者四百口餘釋而遣之



六年癸酉

公四十一歲

七年甲戌

公四十二歲

陝賊陷洵陽逼興安西鄉土寇乘之漢中震動興安賊連陷紫陽平利白  
河道臣王在台固守興安公赴援城得全時練國事移兵商維賊南破鳳  
縣入四川癸丑入遷安二月賊既蔓延秦晉楚豫之郊流寇無定廷議以  
爲各鎮撫事權不一互相觀望宜以重臣開督府統攝諸道兵討賊制日  
可僉擬公因陝西三邊所恃未可輕易詔進延綏巡撫陳奇瑜兵部右侍

九

郎總督陝西山西河南湖廣四川軍務視賊所向隨方勦撫奇瑜檄諸將會兵於陝川四月川賊復入陝陷兩當己卯陷鳳縣先是公因插漢犯甘肅即漢中北行至棧道青橋驛聞川賊數萬營寧羌乃返至沔州援之賊由陽平關過河奔鞏昌公追至成縣見賊勢盛須益邊兵乃檄副將賀人龍劉成功等兵三千赴藍田夾擊及兩當鳳縣連陷賊分道一向邊方一向漢中知府斷棧道守鷄頭岡賊不得前間道犯城固洋縣官兵禦卻之賊走石泉漢陰又別部賊二萬由鳳縣趨寶雞沂陽求燕公姑慮諒將時撫治鄧陝盧象昇總督陳奇瑜以數省兵力萃於楚楚賊遠西奔漢中而川巴通江入西鄉者復三二千人凡賊名盡歸漢中與平南接於商羅矣

未賊復謀入川阻大江入西安之終南五月陝別賊陷文縣文縣去歲大旱入秋早霜冬無雪今春不雨斗米銀七錢延綏西路數年不收賊分部一略鄜延一掠延慶官軍迫之賊皆傍終南山竄入商雒群盜畢集深入大峪公會師進逐之遂東走綏峪川復入大山遠竄公進師岐山駐三原賊十餘萬公兵僅三千張疑設伏賊從耀州奔向州時漢中兵三千四百有奇總兵左光先等將之臨鞏兵三千五百總兵孫顯祖等將之平涼兵千人副總兵艾萬年將之止可城守總兵張全昌等兵六千專視賊盜所向爲援勦七月公奏言入陝猖獗之賊大抵可十四五萬明知官軍一二萬不能四馳恃其勢衆旁伏遞進則勦賊之難賊一攻堡掠野到處一多

精騎每跨雙馬官軍馬三步七則追逐之難賊攻堡掠野到處可資官軍待餉轉運則糧芻之難賊入山負隅官兵相持一日卽坐談一日則時日之難因請鹽課銀三十萬加曹變蛟秩鼓其敵愾從之公進次華州各賊聞之自朔昌折而北崇澄城郃陽賊混世王等從鳳翔東奔去犯西安公馳一日夜入西安徵諸路兵赴西安合擊賊隨至西安東境官軍以力疲未能出公恐賊東出遣關先合張全昌曹變蛟間道走渭華遏其前而自率兵至潼關紅旗驛追賊遂擊李汝溫栢永鎮力戰賊卻不能出關因登山公馳赴藍田欲從山後間道勦之丙午賊覘知官兵意夜走商雒初老狃狗等萬餘先趨南鏡山甲午又益進軍餘其地山谷險阻公率諸將共

兵三千人赴潼關大峪口截其出仍備關鄉靈寶諸處總督奇瑜報降賊一萬三千有奇斬渠十人餘俱延安民並令還鄉先是賊爲公所逐竄漢中川兵扼巴西諸險賊饑無所得食故乞降于奇瑜凡數萬人奇瑜專事招撫受其降檄諸軍按甲無勦遣官監護降者諸盜未大創本無降意徒以饑疲困于地險不得逞姑從款以紓我師奇瑜檄所過郡邑爲具糗糧傳送之既度棧道已出險地數萬衆漸不受繩束仍事殺掠所至罷市賊遂盡殺監護官五十員攻陷麟游永壽勢不可遏矣九月公遣副總兵左光先等援隴州賀人龍圍始解十二月進公兵部尙書總督河南山西陝西湖廣保定眞定等處軍務其總督三邊如故先是西寧殺將領公還軍



定亂賊遂分陷關隴西寧既定公自甘肅還師東行威聞公將至悉集東  
奔分道盡入河南集宛雒間左良玉軍龜池總兵陳永福合鄧紀軍南陽  
頗有斬獲而山西防河之戍多逃自靈邱廣昌徑走五台陝西鄧陽各處  
告警賊游兵東下常德庚申江北賊陷霍邱兵部譴誦西北邊兵及南兵  
共七萬二千餉九十三萬六千并發內庫銀二十萬齊赴督臣軍前更命  
公統率大兵出關節制諸路撫鎮合力勦除期以六月掃蕩廓清立頒上  
賞如仍留餘孽督憲諸臣立賞重典具進止一聽督臣概不中制公尋軍  
入河南丁卯命公趨東馳勦寇公抵河南河南諸監知公至又入潼關公  
遣副總兵來胤昌以千二百人往戍西安令總兵秦襲明泮來朝道向山

東趨徐州捍江北逸寇乙未命侍郎朱大典總督漕運巡撫鳳陽同公協  
勦公請四川撫鎮俱移夔門達州進援襄漢湖廣撫鎮分駐承天襄陽鄖  
撫移駐鄖襄漕督移駐潁亳進援汝寧歸德山東撫臣移曹濮進援江北  
江南山西撫臣移駐蒲州進援靈陝陝西撫臣移商州調度興安漢中河  
南撫臣移汝南南陽保定撫鎮移駐邯鄲磁州可南北策應從之

八年乙亥

公四十三歲

公三月朔次汝寧諸將如曹又詔張應昌來自晉中者已次近境尚未至  
而楚之鎮守石砫兵蜀之白杆羅網壩兵遠隔數千里乃即麾下見兵隨

賊所向分軍命賀人龍崔重亨往鳳陽鄧玘往麻黃左良玉往南陽而惟  
取尤翟又之子四百人以自隨公往汝寧十日又遣翟又赴麻黃募勦客  
有謂督歸者曰公中權無帥卽緩急云何公笑曰吾以侯言又誰至也公  
以十七日由雒山抵信陽徐來駒次陳州令趨嵩秦翼明次蕭縣令趨六  
尤世威次參令趨汝隨軍情所宜相賊勢之疾徐而爲之備以告於上曰  
臣以徵兵未集就便設防于江淮雒汝之間補苴摻括未有成畫俟諸帥  
畢會度地利審機宜次第上聞於是秦鞏日急秦靈臺驛間故有賊無臣  
奉喬方往討不以關門爲憂賊由山中間道入南原直關道李煜然坐堂  
皇治他專泮聞度至恒擾不能禦賊六七萬分割成陽長安靈區等縣

大掠涇陽而老獬獬八大王等大營數萬再過商州又有豫楚之賊陸續從興安漢中襲沼秦之寧羌州由沔縣略陽轉入臨鞏兩府其麻黃之賊走鞏及襄復由鄖陽故道入秦秦故有公所留兵五千人左光先艾萬年靳桂香吳洪器趙光遠備他賊而王勳命王根子專駐西安公之在雞陽也再命來允昌以千餘人助之賊之由七盤坡入者遇霖雨馬蹄穿爛士衆饑疲撫臣率三將可以邀之于險乃乘夜潛歸避弗敢擊賊遂過險與豫賊合公再遣張全昌以千人入秦未至而三將無功賊縱掠關中大擾按臣傅永淳以寧夏總兵祖大弼赴鎮道出高陵固請留之尋全昌亦至命令擊涇陽諸賊而趙公反顧根本公抵信陽未三日而曹文詔偕張應

昌各以其衆至則大喜先令又詔于光山應隨間擊賊又詔于三月二十  
八日冒雨擊賊于隨州斬級三百有八十賊自隨奔泌陽劉成功邀之所  
殺百有四十兩人皆親將能用命軍師中以督師爲知人公四月十二日  
次汝州召其僚佐大會曰審師咸集西安望救當先定要策吾意急入  
關秦固形勝之國地勢險阻賊令依深山多徑道秦有兵則出豫楚有兵  
則走之秦我東西奔命曠日費財是蔽道也求其盪定豈不難哉天子赫  
焉震怒發遣兵諫不孰謂五月是日決期平賊余仗節而西奮必有以報  
命若秦將士受辱而後楚衆多分部以遮避要害俾賊得鳥驚獸逸則救  
垂成誰執其咎也吾出關半截具知隘口扼塞處今日之事當與諸將定

分道乃爲書曰左良玉兵村瓦屋浙川之要道也汝與湯九州以千五人扼之曰尤世威維南有蘭草川朱陽關者汝與徐來朝以五百人設守曰世威汝所將勁旅也靈陝賊所出入汝勿懈曰陳永福盧氏永寧諸隘口汝兼豫撫截擊其率千八百人以從曰鄧紀曰尤翟文曰張應昌曰許成名各以所將兵防楚楚之漢江南北上津鄖西平利竹溪有一賊勿戒者惟汝罪是役也兵之分於豫者一萬四千有奇分於楚者一萬一千有奇每地勢量兵力可以完守無恐既而徐來朝不肯入山兵譁於盧氏樊城兵變以尅餉鄧紀縱兵淫掠又遇其下寡恩不死於法死於亂是佚罰也中樞芻蕘燬天下兵越半載而譁大孝不至督師號令甫申而徐來朝鄧

把兩將不能爲議者時以爲憂公既從汝州拜西發以寇會於秦也日賊  
必由鳳縣棧道兩當徽州以入略陽改令張應昌尤翟文自鄖陽循路進  
討轉赴興安漢中以會左光先趙光遠等公自率賀人龍劉成功入秦而  
檄文詔自楚以兵來會二十七日公文靈寶文詔從南陽馳而至以賊屯  
商維兵至恐先走漢吳官軍由遠關入反在賊後乃令文詔由閬鄉取  
山徑至維南商州直趨賊巢仍從山陽鎮安洵安馳入漢中過其奔逸日  
維南漢中商州直趨賊巢仍從山陽鎮安洵安馳入漢中過其奔逸日  
文詔驛馬去三十日公至潼關諺云賊在涇陽即逃之五月初四次高陵  
二十里賊知公來奔驪泉吳平公後進走西吳謀討商維大賊而文詔之

至尚州也以初六日追賊五十里抵金嶺川賊據險以千騎逆戰參將曹  
變蛟為鬪諸營竟進卻之斬九十級俘十九人變蛟文詔兄子也賊中聞  
大小曹將軍名皆怖懼其尚餘老獬獬等以是日直薄西安距大營五十  
里公師次夏杏村命賀人龍南入子午谷日賊南走擊之命劉成功王永  
祥屯東南日賊北走擊之張全昌亦從咸陽被擊趨出與平之東賊以此  
不敢南渡盡奔武功扶風其夜賊從扶風之教坊塘渡渭走郿公恐其東  
奔又渡渭追賊初七日師至王塽鎮賊下掠南山賀人龍劉成功等大戰  
追奔三十里至大泥峪舍馬登山諸將各有斬獲是日師抵蓋屋明日諸  
將各有斬獲是日師抵蓋屋明日諸軍會郿之秦王嶺遇賊擊敗之十一



日次盩厔賊遁走瀾哈川欲奔河南以內郡有重兵折回雒南走盧氏扼於尤世威仍入山中公追賊至盩厔鄠二縣境上據鞍顧盼以鞭指謂諸將曰此地南距山北阻渭中三十餘里賊出秦入秦之要口得專將守之賊無能爲矣乃以十一日勞饗將士命游擊王永祥駐潼關馬獻圖駐盩厔都司高崇選李世春駐盩厔監軍道劉三顧節制之日商維之賊不得過而西平鳳之賊不得過而東有虓汝而不在者死部署甫定而前犯西安諸大賊闖王八大王等圍鳳翔適天星蝎子塊等圍平涼報至二十七日公自盩厔郿縣渡河抵岐山向平涼賊分爲三道東往涇州鎮原寧州而鳳翔之賊西趨汧陽隴州官軍分路追擊曹文詔自漢中以其兵至賊

大勢盡向辭寧察安清水秦州間衆且二十萬公疏曰臣所帶入秦戰兵止有二千其先在秦官軍左光先趙光憲靳桂香兵三千四百有奇在漢中孫顯祖兵一千五百會應第吳洪器兵二千在臨鞏各任堵勦未便輕調平涼有艾萬年兵一千爲城守道藍蓋郭等處王永祥以下之兵爲分戍其隨賊所向爲勦援者止有曹又詔張全昌等六千人夫以二十餘萬之強賊而用十分居一之衆扼其喉使之不逞地濶則難周兵少則弗敵臣鞠躬盡瘁死而後已勝負之數未可得而知也於是六月十一日官兵值賊於亂馬川鹵鋒中軍劉洪烈兵敗被執十四日副總兵劉成功艾萬年游擊王錫命以三千人戰寧州之襄樂頗斬獲俄賊衆伏發被圍萬年

敗沒失亡千餘人成功錫命俱重創賊連勝益驕欲犯西安涇陽三原公  
在鄜州憂之曹又詔知支萬年死拔刀砍地頓首大罵曰鼠子敢爾卽詣  
公請行公見其憤踊喜曰非將軍不足以辦此賊顧吾兵已分無可策應  
者將軍行言將赴淳化以爲將軍後勁又詔乃以三千人自寧州真寧往  
二十八日遇賊於真寧之欸頭鎮參將曹變蛟爲前鋒直前衝賊斬級五  
百有餘衆勝窮追三十里又詔自率步卒殿後賊伏數萬騎四起合圍飛  
矢噴集賊不知是文詔有帳下卒被絙呼曰將軍救我賊中叛丁譏之曰  
此曹總兵也賊喜謂之益急又詔力屈不能支勇氣彌奮手擊殺數人轉  
鬪數里拔刀自刎死薙髮材官沒者二十餘人公爲之仰天慟哭請於朝

加贈卹焉公方遮賊涇陽三原間不至淳化賊勢益熾時有言公統轄太  
廣勢難兼顧者乃以盧象昇總理江北河南山陝川湖軍務督關外兵而  
公專督關內兵值高迎祥掠武功扶風以西李自成掠富平三原以東公  
率兵躡自成大敗之渭南臨潼別遣將擊迎祥亦敗蹙東走尋爲巡撫孫  
傳庭擒送京師磔死賊黨推自成爲關王

九年丙子

公四十四歲

十年丁丑

公四十五歲

自成陷寧羌入七盤關分三路寇掠公令總兵曹變蛟等赴援由洮河轉戰自成敗竄西羌界

十一年戊寅

公四十六歲

自成謀犯蜀公檄總兵馬科左光先等扼之乃東遁曹變蛟設伏潼關之南原大破賊自成遁尚雄兵部尚書楊嗣昌劾公縱賊往來秦蜀逾久無功削官保尚書

十二年己卯

公四十七歲

授劍道總督是年冬我

大清征明錦州及寧遠總兵金國鳳拒戰於寧遠城北山岡借其三子俱沒於陣公言國鳳前守松山兵不滿三千卒保孤城以事權專號令一而人心靡也迨擢任大將兵近萬人反致殞命非其人力短由營伍紛紜人心不一也自今設連營節制之法凡遇警守城及出戰惟總兵官號令是

聽庶軍心齊肅矣

十三年庚辰

公四十八歲

總兵祖大壽以錦州圍困告公出山海關駐寧遠坑請調宣府大向諸鎮

兵俱俟集合關內外兵十五萬又必無糧足矣  
十四年辛巳

公四十九歲

公率兵十三萬來援錦州關

太宗又皇親征遂回松山固守

大兵四路追遂殺五萬餘人

十五年壬午

公五十二歲

二月虜群王豪格等圍困松山城明松山副將夏成德密遣子約降爲內

應十八日夜我兵以雲梯於夏成德所守慶登城遂克之城中文武各官俱被擒

特諭洪承疇及總兵祖大樂送入

盛京米穀不入口者七日求死不得後隸鑲黃旗漢軍

十六年癸未

公五十一歲

大清世祖章皇帝順治元年甲申

公五十二歲

四月從營王多爾袞大兵征明庚午師次遠河以軍事諮訪時流賊已陷



京師公上啓曰我兵之強天下無敵將帥同心步伍整肅流賊可一戰而  
除宇內可計日而安今宜先遣宣慰使奉命示以寬行特赦餘賊逆期  
滅賊有抗拒者必加誅戮不屠人民不焚廬舍不掠財物仍布告各府州  
縣有開門降者官則加世軍民則秋毫無犯若抗拒不服者城下之日  
必殺其官軍全其百姓有首倡內應立大功者必破格封賞法在必行此  
要務也況流寇初起時遇弱則戰遇強則遁今得京城財足志驕已無固  
志一聞兵信必焚其宮殿府庫遁而西行賊已遠去財物悉空逆惡不得  
除士卒無所獲亦大可惜也今宜約計道里限以時日輜重在後精兵在  
前出其不意從薊州密雲近京處疾行而前賊走則即行追勦倘仍坐據

京城以拒我則伐之更易如此庶逆賊潰散而神之恩可回更收其財蓄以賞士卒殊有益也初之守邊者兵弱馬疲猶可輕入今恐賊遺精銳伏於山谷狹處以步兵扼路我兵皆不宜履險宜於馬兵內選作步兵從高處覘其埋伏俾步兵在前馬兵在後比及入邊則步兵皆馬兵也孰能禦之若沿邊仍復空虛則接踵而進不勞餘力抵京之日我兵連營城外偵探勿絕庶可斷陝西宣府大柵真保諸路以備來攻則馬所至而功成矣流寇十餘年來用兵已久雖不能與大將軍相拒亦未可以昔日漢兵輕之也五月大將抵北京流寇敗走遂定燕都六月授銜書院大學士仍太子太保兵部尚書兼都察院右副都御史同內院佐理機務

二年乙酉

公五十三歲

劉夫人來歸

六月癸巳以大學士總督軍務招撫江南各省地方擊叛賊朱極渡於淮  
縣敗之撫其衆遣總兵官胡茂正卜德壽等七鎮官兵擊賊於江西麻姑  
山老坑斬首汪三傑偽將范事龍金應生徐燕恣平時徽州一府負險爲  
患故明翰林金聲陰結閩寇偽文唐汪朱聿劍敢起鄉兵十餘萬製造盜  
甲鎗礮等項分布山區以拒我師公會同固山額真葉臣一面進勦一面  
宣諭還提督張大祿由旌德進兵連破十餘寨馳至績溪縣生擒金聲并

僞官四員斫於軍前，驛駐徽州城外，不令一兵入城，出示安民，市肆如故。

十月

奏聞得

旨覽卿奏徽郡已經收服，秋毫無犯，具見運籌制勝紀律嚴明，朕甚嘉悅。

一切招諭事宜，俱聽卿商榷，便宜行事。時福王初滅，令公駐江寧。十二月

福建僞閩邵黃道局兵寇徽州，道張大祿大破之。別遣副將高進庫等擊

江西吉安府賊黨僞監軍陳學人等。十二月，故明廢官荆本微聚衆侵據

崇明，遣總兵官李成棟率兵征勦。斬僞將李守庫、擒僞都督徐君美等，遂

定崇明。

三年內戊

公五十四歲

黃道崙復寇徽州張天祿再敗之斬道崙追殺逸賊直入浙江開化縣所  
遺士民皆雜髮投順二月故明兵部尙書張縉彥廷軍前納款疏請錄用  
收山寨四百餘處文武官二十餘人辛巳僞潯安王瑞昌王等等率兵二  
萬三路來犯江寧約城內居民爲應享發捕獲奸細正法公同滿洲兵三  
路逆軍之衆無算又司空篡賊首石隱璉等擁故明突山王宗常衆於  
潛山文湖間驅聚焚掠遣官兵馳勦斬應璉等五人生擒常衆各器輿牛  
是年副將高進庫擊贛州賊敗之提督張大猷率新僞高安王監軍江於

東僞金華王王朱由棧聚眾江西發兵擒之遣總兵卜從善勦安慶府賊  
擒斬僞總兵官趙正等

四年丁亥

公五十五歲

四月駐防江寧總管巴山張大猷秦柘林遊擊陳可擒賊謝堯又獲明魯  
王封承疇國公及其總兵黃斌卿致承疇與巡撫士國寶書有仗爲內應  
殺巴張二將則江南不足定語

上獎巴山等嚴察亂萌而

諭慰公及國寶曰朕益知賊計真向兒較因卿等皆我

朝得力大臣故反間以圖險陷朕豈墮此小人之計十月巴山等以察獲遊僧函可金獲等五人携有謀叛字跡牒公鞠訊公疏言函可乃故明尙書韓日績之子出家多年乙酉春自廣東來江寧刷印敕經值大兵平江南久駐未回今以廣東路未通向臣請牌回里因韓日績是臣會試房師送給印牌及城門盤險經詩中有福王答阮大鉞書稿字失避忌又有變紀一書于與時事其不行焚燬自取愆尤與隨從之僧徒金獲等四人無涉臣愚庸庸可世詎應避疑畏不敢定擬謹將書帖牌文封送內院待旨下更部察議謹公禱請私給印牌應革職

上以公尋便江浦勞績可嘉特之發也適獲海濤黨寇領領等案交與

於國請解任守制乃議宜大總督馬國柱為江南江西河南總督

命公俟其任滿仍回內院

五年戊子

公五十六歲

四月公薨

六年己丑

公五十七歲

太宗及皇帝實錄總裁官充會試正考官待士如左敬祖吳正治湯斌熊伯勳於濟寧袁王濟曹本榮張士甄馬紹會施閔章皆一時賢才遇



恩詔加少傅兼太子太傅

七年庚寅

公五十八歲

八年辛卯

公五十九歲

公特著薦衛周祚郎廷佐佟國器亢得時李呈祥李際期于時瞻李棲鳳

祖金光等凡數十人閏二月

命管都察院左都御史尋甄別諸御史分爲六等擬差用魏瑄等二十

二人內陞陳昌言等三人外陞張燿等十一人又王世功等十七人外調

用革任有差五月張焯玩劾吏部尙書陳名夏樞黨行私請款有囑公庇其門生李嵩陽留任御史及太僕少卿黃徵允因公姻戚驟陞正卿詰並劾公不諱

旨私送母回閩又屢與名夏及尙書陳之達聚衆集火神廟屏左右密議逃叛下王貝勒大臣集質名夏辯釋公以送母回閩未奏明自引罪至火神廟會議數次則皆因甄別御史尚酌應差用及陞調降革者也吏部尙書譚泰坐焯誣陷逃叛絞死未幾譚泰以他罪伏法

上鑒焯由譚黨庇名夏免死優予贈賡革名夏任公復自引罪得

旨衆議專不必懸揣送母回閩未奏爲親甘罪其情可原仍留任以資後

效

九年壬辰

公六十歲

五月丁母傳太夫人憂

命入直如故私居持服

賜其母祭葬九月欽天監奏太白星與日爭光流星入紫微宮時內大臣

等議請

駕往邊外迎達賴喇嘛公同大學士陳之遴阮晉日者人君之象太白敢  
於爭明紫微宮者人君之位流星敢於突入

上天垂象誠宜警惕且今年南方苦旱北方苦澇歲暮起釁入告非  
聖躬慈幸之時達顯廟祇自遠方至道一大臣迎接已足嘉優待之意亦  
可服蒙古之心何勞

聖躬親往候入

諭曰卿等諫朕勿往迎喇嘛此言甚是朕即停止嗣後

國家一切機務詳明敷陳毋有隱諱

十年癸巳

公六十一歲

公出爲湖廣等處五省經略六月保舉原任大學士李率奏爲兩廣總督

七月庚申上諭內三院曰廣東賊勢復熾地方漸平且去湖南遠近應專  
任用王汝該督料理江西切近湖南一應用官調兵事宜時有關涉袁州  
吉安一帶餘賊未靖應無緝勦禦著經略轉臣洪承疇兼理欽此十一月  
公疏陳全楚情形分駐勦禦事宜看楚省寇亂多年人知迎賊孫可望等  
抗拒湖南而不知孫搖旗一雙虎毒毒害湖北今湖南有重兵分駐足備  
防勦但各郡遠近不免有首尾難顧之憂其荆州賊孽儼或由澧州而犯  
常德或截岳州以犯湘潭則我兵腹背受敵臣與督臣議臣宜往來長沙  
四應調度督臣宜駐荆州提督官兵宜駐荆州總兵官宜駐岳陽各  
營官兵增武邑城守以壯聲援又陳事西情形及賊守事宜等項著桂林

雖云恢復其實附郭止臨桂一縣外屬止靈川興安全州三州縣而已逆賊李定國距省僅二百里耽耽思進滿洲援勦官兵豈能久留將來有恢復州縣何以分守兵至則賊退兵去則復合彼逸我勞甚犯兵家之忌又若孫逆探我兵出援因以靖沅賊兵截粵西險道則我首尾難顧反置孤兵於檄外俟臣親至衡永再商機宜

奏聞

十一年甲午

公六十二歲

辰常總兵官徐勇因城陷殉節闔門被害公疏請優卹

十二年乙未

公六十三歲

二月

上諭兵部日前以湖南寇氛未靖殃及生民曾有旨增遣滿洲兵携豕口  
駐防武昌念沿途水陸居民及驛遞必致騷擾所駐之地又須撥給房屋  
田土其爲民累更有不可勝言者近聞五省經略輔臣洪承疇在被操練  
官兵軍威殊壯招徠悉輯民情悅安毋須增置携豕口兵前所遣兵照常  
更揆六月可望道其黨劉文秀盧明臣馮雙禮等分犯常德岳州武昌公  
與大將軍辰泰遣兵邀擊大敗之明臣墮水死雙禮中創還委署宜甯州

八月

詔頒賞及所統將領有差十二月公以寶慶府震雷徹夜具疏自劾  
上慰諭之

十三年丙申

公六十四歲

二月

諭曰日者逆渠孫可望等猖狂犯順夜襲常德爾向大將軍辰泰遣發官  
兵水陸勦進大獲全勝良由籌畫有素調度合宜用能張撻伐之偉略絕  
窺伺之狡謀已頒懋賞仍賜特諭彰朕嘉悅之意是年考滿曾太傅仍兼



太子太師蘇一子入監

十四年丁酉

公六十五歲

十一月孫可望與李定國不協興兵相攻爲定國所敗因遣將投誠計降  
僞總兵都督二十員僞太僕卿一員僞副參遊等一百餘員兵丁冢口五  
百餘名馬騾五百餘匹統請錄用乃封可望爲義王三楚悉平先是公以  
疾乞休至是

諭兵部曰經略輔臣洪承疇前已有旨准解任回京調理近聞病愈仍着  
留原任管事親統所屬官兵向寧南靖寇大將軍固山額真宗室繼託等

由湖廣前進相繼收取貴州

十五年戊戌

公六十六歲

二月疏陳貴州地勢情形及三路進取雲南機宜尋與貝子洛託會師常德由辰州沅州進征徼徧沅巡撫袁廓宇招降靖州並留兵鎮遠西二十里山口堵禦沿途擒斬收降甚衆四月抵貴陽城中文武官俱先遁公疏言自常德辰沅至鎮遠貴陽重關高嶺石徑尖斜大雨將及半月泥濘深三尺滿洲兵謂從來出兵未有如此之難馬匹疲斃未有如此之甚然皆不顧艱險奮勇當先漢軍綠營兵緊隨而進不五十日勦逆撫順貴州全

省底定皆

皇上德威遐暢之所致也

上命信郡王多尼爲安遠將軍率師之貴州與四川廣西兵會期近取靈  
南六月公疏言臣前有三路進取全局一疏冀不兵衆擁集爭糧乏食及  
至貴州見各府州縣衛所僅留空地即有數百數十石米穀八旗兵陸續  
經過二三日輒罄盡惟省會存米七十餘石稻穀四千餘石足供一月食  
用臣所統兵皆分布鎮遠偏橋興隆清平平越等處各自買米并尋野菜  
和米充饑投誠官兵暫駐三四日即改發天柱會同黔陽等縣及沅州以  
就糧貴州山深地冷收穫皆在九月臣遣勸諭軍民土司苗人預納本年

秋糧之半接濟滿洲兵月米今四川一路兵駐於運烏江息烽有舊日遺糧處廣西一路兵駐獨山州亦可就近購糧又聞信郡王大兵於六月初旬自荊州進發所需口糧尤多致倍臣已檄催沅州糧米速運鎮遠積貯令隨征各官分路採買令長沙常德各道府製備布口袋二萬餘并梭套木架繩索解送鎮遠又於天柱思南石阡思慈婺縣府州縣衛所及土司苗人募夫役給工食裝站遞運至平越及新添衛可不誤師期矣九月改內院爲殿閣授公

武英殿大學士是月公奉

詔赴平越會議信郡王由中路過關嶺鐵索橋抵貴南省城計千餘里解

簡銀三月携糧十五日運敵漢軍携糧二十五日平西王吳三桂由遼襄  
運七星關抵雲南省城計千五百餘里先中路兵十日起行征南將軍卓  
布泰因南寧有賊屯踞離遠難以兼顧議沿貴州廣西邊界平浪永順塘  
威遠出安隆所直趨黃草塘羅平州抵雲南省城千八百餘里先四川兵  
十五日起程既定議公還貴陽進

旨向大將軍洛託駐守遺經略右原提督張勇等隨信郡王進征黎定由

鄉章烏王白又送於藍江

十六年己亥

公六十七歲

正月三日三路兵共薄雲南省城由樞與吳定國又選等竄永昌餘衆以城降公疏言臣前料理湖南廣西幸

皇上俯鑒愚忱有請俱

允俾得勉力支持今雲南關係臣經略管轄之內必親往相度乃能處處得宜故不待

詔諭即日就道貴州有大將軍洛託彈壓巡撫趙廷臣綏輯可無他虞惟雲南尤爲險遠土司種類最多治之非易故元朝用親王坐鎮明朝以國公沐英世守乞

勅議政王貝勒大臣爲久長計留兵駐鎮俾邊疆永賴輯寧閏三月又疏

言臣自黔赴滇經過白水交水曲塘馬龍楊林等處於三月二十六日抵  
雲南省城信郡王先於二月初二日令貝勒尙書領兵向平西王吳三桂  
征南將軍卓布泰等追勦至永昌騰越及南甸土司李定國沐天波等擁  
由榔奔緬甸其國公賀九儀伯李成爵李如碧廖魚將軍鄒自貴馬得鳴  
等收集潰兵分遁沅江順寧雲龍瀾滄麗江諸處邊外雲南迤西及迤東  
在在可虞竊犯民間遭兵火殘毀饑餓載道死無虛日在永昌一帶更爲  
慘烈過國數百里杳無人烟追勦大兵因無糧不能久駐而省城糧米以  
湖南官斗市糴每石銀十三兩有奇是以分駐宜良富民羅次姚安賓川  
臨安新興徵江陸涼等處就糧臣知

皇上明鑒萬生自有

宸斷碩豐俾邊臣得以遵奉城入

上以命吳三桂駐鎮雲南又

諭戶兵二部曰雲貴新入版圖百姓皆朕赤子念十餘年來李定國等

據南服居民久在水火之中困於誅求生計日匱疾痛莫告今大兵所

群黎歸命歡若更生但聞兩省地方生理未復室廬殘毀田畝荒蕪俯仰

無資衣食艱窘朕每念及不勝憫惻至南征大兵閱歷險阻長驅深入糧

餉恐有時不繼今特發內帑銀三十萬兩爾部遣官刻期齊往經略軍前

以十五萬兩賑濟兩省窮民十五萬兩令經略臣收現在三路大兵如有



需餉甚急者立行接濟八月公疏言兵部密咨大兵宜追進瀋甸以靖根  
株令臣相機布置臣受任經略日擊凋敝景象及土司降卒觀望情節不  
可諉遺近須先安內乃可勦外李定國等竄孟良等處山川皆極險峻  
兼瘴氣爲害必縮降後方消來年二月青草將生肆即復起計自出兵駐  
兵回兵僅四閱月悉亦未能窮追遠勦况屢聞李定國勾連土司親由景  
東元江復入廣西各土司私受割印歃血立盟伺隙起釁若一朝大兵西  
進勢必共患狂追避實突虛大兵相隔已遠不能回顧而留駐省城之兵  
亦未及堵禦致定國等縱逸所關匪細臣審度時勢權量重輕謂今年秋  
冬宜暫停進兵俾雲南迤西殘黎少藉秋收以延殘喘盡力春耕以圖生

衆而數萬大兵又得養銳蓄威居中制外俾定國等不能窺動靜以潛逃  
土司不能伺窺隙以狂逞絕殘兵之勾連斷降兵之反側則饑飽勞逸勝  
算皆在於我料定國等潛滅邊界無食瘴癘受病內變易生機有可虞是  
時兵餉芻糧輾備土司苗蠻漸服殘兵降卒已安并調撥將兵次第齊集  
責成防禦然後進勦庶爲一勞永逸固內勦外長計疏下議政王貝勒大  
臣會議如所請暫停進兵十月以目疾奏請解任得

旨還京

十七年庚子

公六十八歲

十八年辛丑

公六十九歲

聖祖仁皇帝御極公乞休

允致仕

命祭叙招撫經略功予三等輕車都尉世職准襲四次

聖祖仁皇帝康熙元年壬寅

公七十歲

致仕家居

二年癸卯

公七十一歲

致仕家居

三年甲辰

公七十二歲

致仕家居

四年乙巳

公七十三歲

二月十八日 時卒於都門之私第

賜祭差如例證又裝公著述皆不傳推經略紀要三十四卷四百五十五餘

疏公歿後國人浦龍淵韓子士銘由教始乙未進士官至太常寺卿兼

世職

鄭桐菴先生年譜上

首數行原闕

萬曆三十五年丁未十二歲

是年初就童子試郡守趙紫房公世祿器之評其文曰撥弦調轉發弩機隨少年  
卽有此雋筆安得有此超解梓試卷行世云十一歲奇童選入聞子將鳴廉初集  
崑山府署中諸令公若長洲祁公承爍吳縣陳公以聞常熟楊公漣崑山祝公耀  
祖相遇爭相推引自是先生之名傾方國矣

萬曆三十九年辛亥十六歲

先是戊申楊院淇園公建筠試見遺是年熊院芝岡公廷弼面取命羅廣文廷瑋  
另封及發案以另封失之郡公特稟再三不能得

萬曆四十年壬子十七歲

趙公陞任濟寧兵憲送之於郊公曰不謂當吾任不及青子之衿勉旃自厲穿這

領藍衫非難脫這領藍衫難耳復移書後守林公紹明相薦先生嘗曰知己之感不敢忘也是年十二月初三日畢姻

萬曆四十一年甲寅十九歲

二月生長子之謨

萬曆四十三年乙卯二十歲

王院咸所公以寧取第四名入府學邑侯胡仁常公士容郡守陳蓮湖公訐謨皆優拔胡公爲治築崑山塘七十里瘴惡三十四人後以忤璫繫謫再起秦中有軍功蔭本衛百戶當日與先生期許不止在科名也

萬曆四十六年戊午二十三歲

駱院乾沙大駸會取遺才第五名本房虞公廷陞首薦主考鄭公以偉欲稍後之虞公固爭不已竟置副榜是年立廣生菴蓮社

萬曆四十七年己未二十四歲

虞公徽州司理書來趣先生十月閒偕黃五芝徐惟庸同行主僕五人繇武陵取道餘杭徒步五百里但見萬樹楓葉松杉蔽天野火燒田浸山寒焰牛羊日夕四望無聲鳥道欹窄下垂百丈之淵人跡板橋斷岸數尺之險先生卽景吟詩曠若世外忽有一人狀貌獷惡呼噏相隨能作吳語指示前林此卽半夜夫妻八百丁吳氏之墓又言此地近來多盜五芝意此人卽盜也故深相結因叩今夜宿處云在孫木嶺去新安城十餘里民居相接如楓江之於金閶五芝佯應曰諾竭蹶而趨去可二十里有章岐村便住見其人五六騎躍鞭赴嶺上更餘火光閃昱馬鈴刀鎗之聲尤尤各店搜問蘇州客五人賴五芝以鄉語投店故店主拒之次日行至嶺上飯店三四家窮荒無鄰四十里無人煙至城下先生至今述之猶談虎而色變也時已窮冬先生思親念切見虞公越三宿辭行公大怒然時江南撫軍新任公循例出謁至吳門爲言於蘇司理鄭公崇儉鄭素剛嚴遇先生以殊未久以艱去先生素無干澤之志至此愈知自安矣



泰昌元年庚申二十五歲

是歲先生館莊渠城飲賓陸弘宇家前後館地新安吳子居上林張習之觀察繆西垣東山周崑麓上舍金澄源諸家弟子日進堂下橫經奉手請問者恆以百計遠方負笈者不憚千里百里樂育英才比於河汾先生不以華陰影質傷儒者之風然立志嚴苦脯脰而外未嘗一介取諸人者

天啓元年辛酉二十六歲

毛院孺初公一鷺科試第七名補廩閏二月生次子之鑑

天啓二年癸亥二十八歲

孫院六吉公之益歲試第四名先生以實學膺蚤譽凡觀風季考之類頭頭第一遵父兄之訓從未謁河干至偃室冲抑下人人望益歸之時社事漸盛吾地有輔仁社鼎社鸞暉社觀成社而楊維斗所立羽朋社則名士咸集文章風氣爲之一開郡博劉公民悅劉公一霖立道山亭社盛世師生並以文事相知前此則有吳

公廷雲馮公世脩也是歲十二月二十三日生三子之銓先一日地震吳中災異始見次年甲子孫公科試第一

### 天啓五年乙丑三十歲

是年十二月初八日亥時拱山翁見背翁一代儒宗出其門者文行兼修散在四方如胡安定公不問可知爲胡公弟子學者相與稱先生不問可知爲胡公也人之云亡舉國痛悼先生與兄聖符先生勉力喪事人咸觀禮焉窮巷中長者之車畢至次年丙寅葬於吳縣五都八畝道字圩之新阡繆公西垣題主吾師泣血爲狀吳縣志載云拱山先生鄭光宙墓在紫石山三月十八日先生爲父翁百日營齋是日周忠介被逮開讀顏佩韋等擊死緹騎一人今半塘五人之墓是也羣怒毛撫幾及郡守寇公禮亭愼素得民心解散之

### 崇禎三年庚午三十五歲

李院玉完公懋芳科試弗錄吳令陳同凡文瑞引爲已事乃以遺才應試中應天

榜二十二名本房熊魚山開元座師姜燕及曰廣陳贊皇演先生刻窗稿曰瞻帖  
草不脛不翼紙貴都門張異度先生遺書相砥礪其略曰門下捷聞此邦家之光  
非止德門之慶也以身繫天下之重輕世味中斷不可熱聲氣中斷不可冷孔孟  
所以介然自異於鄉愿者以此時吾鄉老成未謝正氣方張文章節義之林爲四  
國望實惟吾師與維斗諸先生益振起之

### 崇禎四年辛未三十六歲

盛子裁先生偕上公車下第歸三月十四夜黃河遇盜幾不免先生嘗言自新安  
及黃河兩逢暴客皆之死而得生自謂於孔孟欲惡去處舍生取義兩章有立脚  
處是歲春聖符先生下世不及訣長慟曰此恐懼修省時也額其居曰震來堂次  
年壬申遷縣橋巷先生掩扉悔禍方思息影而魚山先生所立復社以先生主壇  
拈海內從風酬答日繁江干車馬日不暇給矣

### 崇禎七年甲戌三十九歲

先生與柯亭維斗王平仲與游上長安皆同志也既至名人相聚若豫章四子羅陳章艾公安諸袁彭城萬年少雲閒夏彝仲陳臥子日夕言志而是年得雋者陳口士袁特邱二人而已場後先生祈夢呂公堂夢呂公相視有愀然之容命之曰天地日月心須記取功名事不必問又曰心者中心非星辰之星也引至後庭示道書一卷令讀讀竟便熟寤時都不記憶矣先生嘗言如嵇叔夜石室中素書雖知其字不能入其室不應得道故也然此五字相勸所以詔先生者隱而顯遠且大矣時魚山公在吏垣疏糾戶工太監張彝憲借四司料價銀降謫議補先生以公命謀於淮揚鹽使黃公希憲乃抵淮渡河爲桃源令龔公爽掣鹽事融通相濟時正中秋往返踰月太君年八十抱恙先生歸有百金之贈辭曰候安醫禱之費實有藉焉

### 崇禎八年乙亥四十歲

詔巡方舉劾孝廉王公志舉疏薦云練品如凝秋水與人若坐春風至孝性成文

章戶誦真表裏允符而衾影不愧者也先是任公濬啓先生修蘇州志又欲以易經大義請教於先生事雖未就去後尙惓惓云

### 崇禎九年丙子四十一歲

路公振飛疏薦云入孝出弟歌詠先王之風義路禮門率繇君子之訓天下爲任不愧同鄉憂樂之傳教澤在人擅茲東南竹箭之美允稱師表夙裕經綸送扁額云人倫坊表是歲館徐宮詹勿齋二株園欲於冬初同入都宮詹丁內艱爲設處途費偕顧敬承公行

### 崇禎十年丁丑四十二歲

先生公車日柯亭公必同往返同寓是年柯亭乃同趙渙之柯亭既捷先生與渙之及魏公叔子同拜先生每云驢背風日晨星夜月往往徒步二三十里惟柯亭與余安而行之渙之則勉強而行之叔子貧士好潔好受用雖旅次必極精美晚酌必呼余相對甚樂渙之不往甚笑其固也余問何以得此曰牧齋斂會得三百

金家兄仲雪四十金差不苦耳時朝廷下保舉之令兵部職方錢公位坤應詔疏云曾參之孝原憲之貧節凜四知學窺二酉名可得聞身不可得見有司欲繼粟而無從侍御因采風而入告真足膺九重之寵命而副百姓之謳思者也事下郡守陳公洪謚歎曰聞人易致真士難求錢君先獲吾心矣頻趣應召以太君年老堅辭是歲遷學道坊

### 崇禎十一年戊寅四十三歲

夏大旱自此吳中旱蝗相仍先生從官師紳襟徒步祈禱承天寺狼山房濬井得鐵函所南先生心史外書大宋鐵函經德祐九年佛生日封內書大宋孤臣鄭思肖百拜封老生文從簡陸嘉穎等聞於中丞張公國維梓而行之諸生張邵領其事以原本歸先生將建祠守藏以陞任未果柯亭令蘭谿是冬及次年己卯春一再遊其地渡錢塘過嚴灘弔嚴先生祠谿水清平如鏡荇藻交橫鬚髮畢照入蘭邑中如三家村塾泊然清冷三日而返途之人頌廉明者耳不遑接也是年元院

瑋取長君之謨入長洲縣學第一名

### 崇禎十三年庚辰四十五歲

是年再同渙之公往返長安元旦遊醉翁亭歐陽公手植梅花大放摩娑嘯詠懷古情深卷在給諫盧公房中已入彀方加評隲俄失所在放榜後旋得之遺書屬其門人路朝陽致先生惋惜倍至徐蓼莪公懼急搜先生卷每質諸勿齋公得一卷勿齋以爲然填榜則沈以曦原注以曦字旭乾也得失之際大力者負之自是先生遂斷春明之夢矣時館西城王景雍家

### 崇禎十四年辛巳四十六歲

秋九月十三日錢太君見背年八十七太君一世女師門人輩皆感而頌之略載殿學新建姜公墓誌銘宗伯海虞錢公墓表歿時宗黨鄰舊無不傷悼男子哭於巷女子哭於機也先生投冠括髮哀痛毀瘠哭無常聲心絕志悲勉力辦大事執友奉節施公羽聖自夔門寄杪板適以時至羣情驚喜先生一遵古典凡附於身

者附於棺者必誠必信勿之有悔焉司喪姪欽諭護喪年姪楊廷樞備極嚴慈以待四方之來者郡邑大夫省牲設祭會奠弔者空國及葬大司寇王公心一題主貢士文公從簡祀后土守備曹清任趨跼職掌儀仗執引執紼而送者填塞山原後之臨喪者從先生問禮焉自戊寅以後比歲不登是年饑春夏閒當事存心振救立平糶法復設粥廠以食不能出糶者諸生張我城做宋劉彝立慈幼局收棄嬰孩於路者募貧婦月給米乳育之先生主持總理所全活甚多

### 崇禎十五年壬午四十七歲

時當荒饉之後疾疫死亡尤甚爲設法振救如前江南郡邑賢者利弊興革多式廬請益先生不多言言必有中然遠嫌潔己卽公事不輕置喙故時益重之故事孝廉謁巡方行庭參禮立階下御史趨下階詢問地方事參畢送之露臺東街越數武三揖而出宗公不采儀注於堂一揖別先生爲陳告故事不爲意乃厲聲曰諸生所以尊明公者尊朝廷也朝廷相沿之禮如此而明公廢之是失禮自上始



也遂目同袍不揖而出宗公訴於中丞黃公公曰諸君皆賢士以禮自繩故以禮繩人其又何尤焉先生立訓每言父兄宗族之所在勿以賢智先人而禮之所在侃侃不撓如此既而宗公遂督學吳中先生仲子之鑑取入長庠季子之銓取入吳庠太守陳公爲道家世宗公甚喜聖符先生子玉崑庠生是歲卒

### 崇禎十六年癸未四十八歲

鄭之先世有祭田六百餘畝爲富猾吳好古所奪上年壬午五月閩族控縣閩十一月好古訐先生於按院人心共憤至是年八月案結當事同力倡義決斷回贖始於吳縣牛公若麟終於司理倪公長珩署府孫公國楠兩道程公岫張公調鼎批結則直指周公一敬也後周公疏薦云操矢冰霜度方金玉至性不移孺慕眞修無忝人師蓄脯資以恢復祀田而自甘塵甑承德意以經營授歲而惠及維桑眞勵一介不取之慨而有天下已任之志者也送扁額云天人應瑞自注於粟云天瑞五色雲人瑞鄭仁表

崇禎十七年甲申四十九歲

三月十八日吾地共見兩日相盪黑光上壓遂有十九日之變四月初先生與平仲子裁孟宏渙之諸公候魚山先生於武陵途遇張玉筍中丞始聞三月十九之信五月朔得確報詔到日官司哭臨三日百姓如喪考妣諸生好事者哭於府學明倫堂士民環聚有倡衆擊從逆四人者之家洵洵可畏傳言李自成寇騎南下僞官踵至會吳三桂引兵驅寇南中大臣擁立福藩五月卽位於南京人心稍定先生建所南公祠於條坊巷之陽癸未蠟月啓土今八月竣工院道遣春秋一祭按入條編邠中丞優免祭田給帖宗公批令後人之賢世守其祀十月中有約先生探栖霞牛首之勝者兼覘新朝氣象及至但見城中如沸飲食拜謁賂賂公行新參馬士英與誠意伯劉孔昭自恃策立勳專攻黨人爲逆案阮大鍼等翻局開部史可法矯命出之淮揚閒故掣其肘涇材敢效陳東上書請留閣部於內兼攻從賊諸臣雖奉溫旨事格不行安遠侯疏劾徐宮詹羅網漸密先生亦遄歸冬盡

喪一女與平仲結姻者

### 弘光元年乙酉五十歲

祠初落成二月春祭兩縣會集儀文整肅張中丞時任戎政遣官束幣送南風堂額煌煌大典哉春初先生有長嫂之喪又有外母之喪鬻田二十畝治喪事四月中門人卮酒上壽先生意不自得慨然曰儉德避難不可榮以祿二三子識之時南中大起黨錮之獄募能劾東林復社者予大官有王實鼎者具東南利孔久湮復社渠魁橫斂請赦風力內臣專行清察以裕國源以誅首惡一疏專指先生與維斗先生爲言而劉阮輩每言孔孟之門三千楊鄭聚徒有萬不反何待至議陳兵於江以爲禦同志寄筭相聞聲淚俱下先生謂厝火積薪之下恐可憂者不獨在一二人也左師壓境兵破揚州五月十日帝出奔先生攜家避張莊六月四日李延齡將軍至蘇州閏六月初八日下薙髮之令勿齋先生赴水卒先生中野長號以爲負愧良友先是二月中郝中丞彪佳送扁額云吾道干城指示門人曰苟

全幸免視此能無慚乎雲祥等掩涕進曰忠良致命老成淪亡固其所也然使本朝經術之士諳故實明舊章者盡在溝壑後來采訪其何從焉先生不答



## 鄭桐菴先生年譜下

按年譜多在身後二子譜予五十歲止焉余自五十以後益不堪述而渭生踪跡亦在江南江北致身戎幕踉蹌以死可哀也予自惟祖父積德相傳一經以孝弟忠信禮義廉恥爲先入則承歡菽水出則朋友講習孟子曰父母俱存兄弟無故一樂也又曰故人樂有賢父兄也吾享受此樂者三十年至於閨闈之內敬順和悅子姪交歡差池雁齒儒者家風鄉邦所共推也自三十歲無父而家庭闕陷先兄繼之幸忝賢書兢業自砥交在四方俯仰多疚循省自知長戚戚而已四十六歲無母而天倫隕絕世界日墮至四十九歲無君而生趣盡矣昊天降酷又奪我二子有覩視息惟及門者陳蔡相從多致通顯然吾道不尊誨言衰弱以云三樂逝其遠矣嗟乎君親之恩固可量乎哉桐菴自記

## 順治三年丙戌五十一歲

春祭時縣人循故事來請辭之時舉會試亦辭以老疾郡守丁允元許之長令沈

以曠爲請於巡按趙弘文趙曰士各有志勿奪可也明日繻幣式廬自言山東鄙人知公久矣惜至今日見公賢人出處如鳳閉戶箸書公今日事也某願以蔽賢之實成先生高士之名是年夏遷興隆巷舊居

順治四年丁亥五十二歲

復舉會試巡按盧傳檄余與維斗尤急沈旭輪以丙戌故事切言之乃免余所居之前有周氏廢園一區有亭有池次男鑑與沈韓倬成交爲余坐地時先祠在學道坊兵馬蹂躪元旦五更抱神主安供亭中遂爲家祠日辦香肅拜讀書念佛將終老自以居桐悔過因號桐菴往嘗與勿齋維斗以死相期乙酉勿齋既赴義是年維斗亦殉節亡忽五月初七日生員兪昌國者請見持土撫國寶印票內開戴良遵旨直首奸渠等事共十二人余居一遣昌國密伺踪跡時巴帥每令邏卒夜半抄捉人余家人悉遠去惟一老蒼頭炒飯獨坐園中烏雀之外淒絕無聲吾友陸子明炎歎中晨至夕返至六月初八日巴歸南中初十趣家人返十二子明來

方坐定府役錢昌余舊僕也氣喘失聲云府官坐收劉曙以次及吾家矣於是急遣家人復避去次日收管子靜子靜與吾家偪索索矍矍者又十日彼時自分必死可以不負久要相見徐楊不謂獲免赧然以至於今年戊子正月介婦陸氏歿余有紀略自後館張君昭家

### 順治七年庚寅五十五歲

重舉廣生菴社九月中吳好古以前事訟於土撫土與吳甚密而相待有禮經署縣石映星知縣李廷秀皆識大體次年辛卯吳再訟於巡按秦世楨經總捕王吉人余經年在訟牒中或勸余借公車以避咎十二月盡乃遠行

### 順治九年壬辰五十七歲

策蹇單行自南京渡江城郭人民之感觸處沾襟日惟念佛哀吟閩中黃兆丹映子志士也江右金劉諸君互相倡和既至京寓南泉寺晨夕禮拜心焉如割二月初十日出都門泊舟天津同舟者宣城洪啓權長齋有道氣婁東諸子皆極和遜



一路甚安往返閒捱上下平韻作雲遊詩百首私祝四月十二日抵家爲壽黃河多颶風一夕禱於金龍神忽夜中反風得渡渡已風如故十一日抵家先於徐州訪萬年少而年少在吳門是日遇於虎邱次日道開至皆余所欲見者甚喜未久二公俱以訃聞可痛也五月中訟始結後在淨社有老人鄒澹玄爲余言好古賄屬鄒大廳使謀於中路大廳怒拒之鄒同族故知之且誓於佛前以明不妄又乙酉年好古以心史激李延齡怒幕中有張職方者振臂而前以書示李曰何得以宋元閒事陷人瞋目大叱吾友顧南征所目見也是春余姊去世吾父母生吾三人兄弟之亡也俱以遠行不得視斂天平人耶骨肉閒遺恨至此

### 順治十一年甲午五十九歲

姚文初舉假年社自五十以上者得陸起頑劉子問金五貞許孟宏徐武子李子木文端文等二十餘人吟詩論古余輪舉於正誼堂燕中梁以樟公逖適至歎羨不已賦詩紀事嗣後時復長篇見寄天下固多有心人惜不能傾蓋論心也先是

孟宏偕余起九老社文仲吉林若撫陸子垂履長吳蒼木顧宣木顧青霞張君昭舉雅集始不過六七人乃增至二十餘人由儉入奢此集與假年聚爲最久自壬辰以後怡堂鼓缶飲食宴會聊度餘年時則多廬山之社自廣生菴久而不廢若顧敬修舉於聞慧堂繆子京舉於天龍菴皆余所恭謹趨事久而勿懈也

### 順治十二年乙未六十歲

門人徐枋撰文作畫製手卷稱祝四方來賀者海虞錢謙益玉峯徐開禧梁谿秦坊華時亨族弟應皋真定施肇元皆爲文製屏軸其餘遠近知名士賢諸方相識多吟詩寫繪事羣賢畢至三男侍膝致足樂也自後專心讀易箸易廣義六七年而成又旁搜漢魏以下諸說同異采錄成編惟下經尙未就

### 順治十四年丁酉六十二歲

次男之鑑以丙申五月赴試江上正當母壽往返不寧歸途冒風微嗽因循經歲至是年五月初四日卒之鑑孝弟成性篤於朋友頗能文章稍工詩畫及字法死

後於臥地得遺言一幅以慰二老人似有夙根者前輩時髦聞者無不咨嗟歎惜  
之余自爲紀略

順治十五年戊戌六十三歲

先祠爲亡賴子所奪抱神主供廣生菴

康熙元年壬寅六十七歲

著學庸大意次年癸卯著鄉黨考略

康熙二年甲辰六十九歲

四月十五日丁未封壽壙於紫石山之穆穴

康熙四年乙巳七十歲

賦詩贈畫者甚衆徐昭法文一篇又作畫一軸同社三十有七人祝予於廣生菴

甚樂也余自爲文紀其事十年以來著金剛外書

康熙五年丙午七十一歲

二月二十八日三男之銓卒銓性恬靜無過舉自幼至死未嘗有一言忤二人意者愁困以死其死尤出意外余福薄德涼兩嬰劇痛吾父七十一歲見背子孫在旁含笑熙怡而逝吾二子死在吾七十一歲之前天之報施可概見矣余爲作遇毒雜論

### 康熙七年戊申七十二歲

八月到洞庭西山族中君玉家吾族聚居角頭號角頭鄭相傳漢四皓隱居處案魏始光中有七房鄭氏長白麟次胤伯吾家譜傳自胤伯而西山譜傳自白麟故其各自爲支是年適有閩人名燝爲蘇總捕其姪進士名泰樞出譜相質閩譜亦傳自白麟以前世次昭穆不爽先君子修譜識曰滎陽共本福建分支良有以也君玉與理齋重修舊譜刻成余爲序先是御史公準有孫泰徵助建所南公祠余姪行也無嗣載之

### 康熙八年己酉七十四歲

之銓次子宗忠生於癸卯五月初八日年七歲智慧過人初讀四字經於古今治亂貞邪之故逐一詢問時出驚人語讀大學便與四字經互相參質余禮佛諷誦必莊立不懈嘗有疑相叩時刻戀余是年二月二十八日執余之手念佛數百聲而絕至今思之

康熙十年辛亥七十六歲

點閱華嚴疏鈔

康熙十一年壬子七十七歲

覆閱資治通鑑

康熙十二年癸丑七十八歲

前次依天如會解圓通疏約略傍注楞嚴至是畢二月初六日長兒之謨六十歲猶憶謨初生吾父喜命題父母其順矣乎至今如昨而俄已周甲子婦孫男女繞膝女壻外孫男女環侍奉卮爲壽我二老人固爽然而喜亦不免吧咭之悲思也

康熙十三年甲寅七十九歲

讀楞嚴看蒙鈔

康熙十四年乙卯八十歲

奉觴拜堂上者日且不給自念一事無成五衰相見思欲爲善而爲善無地思欲改過而改過無從惟是履錯多咎而踟高踏卑恆見自家有不是處意孽口孽積習日滋而生平無欲上人之心雖則花月未忘而從來不犯二色亦或取非其有而私心實不其愛錢此固人之所不見而冀可追罪於毫芒者也正月二十日五更夢進二場出二老歸周論題夢中謂今正其年當以東海爲主完卷大得意寤後猶髣髴歌呼亦足資一笑也因二子年譜續書其後用以告罪祖宗遺戒孫子不足爲外人觀

夏閏五晦前一日桐菴重錄

年譜上

吾師鄭夫子生於萬曆二十四年四月十日酉時自丙申起至乙酉止先生年五十歲爲上卷門人徐雲祥實父盧涇材渭生編次

年譜下

桐菴自紀於丙戌年始乙卯閏五月止年八十歲爲下卷門人沈明揚玉當欽蘭序三重輯

吾師鄭夫子自敘年譜之後神情日覺不懌至七月朔詣廣生菴入祠拜所南公起而歎曰邇來吾億甚恐來月未必能赴此會復拜吾祖矣言訖泣然未幾疾作遂不能起易簀時將生平所著經書文集逐一檢示後人重以復祠修墓爲屬嗟乎吾師竟以是年九月初二日卒年正八十門人哀思痛悼私諡曰貞獻先生明年丙辰師母陸孺人歿於五月二十八日年亦八十是冬合葬吳縣紫石山

門人沈明揚玉當氏百拜書

同議私諡門人

徐長春	李穎	沈孝先	陳濟思	汪寶璐	沈元枋	宋世澹	宋德宜	繆慧隆
	顧屯	沈洽	朱芾	金廷旦	管捷	金廷焯	朱可選	繆慧遠
	盧前	朱旭	侯曰欽	王賓	何棟	顧芳菁	陳王前	張邕
	陳元摺	金式祖	沈滉	章來成	沈皋	周夏賢	蔣德竣	沈明揚
	張塾	余穀詒	郁裴	樊呈祥	章夏	張瑜光	陳匡國	徐枋
	許麟昭	倪會稔	王震吉	繆彤	濮顧肅	沈元樞	嚴化行	宋德宸

歲在乙卯九月二日丁亥

鄭夫子桐菴先生卒門人慧隆等戀慕悲哀相嚮慟哭竊念

夫子一代名儒潔已循道門內之訓訢訢雍雍平生無疑言疑行實人倫之宗師



士族之儀則也古者易名之典用以誅有位者之行跡若潛德偉人風規卓絕足

以經世易俗而國法不應錫諡者其受學弟子得以私諡尊其師顯昭素履無爽

名實百世不替其稱者備載前志唐制又有養德丘園聲望明著者雖無官爵以

嘉號冠於先生之上如晉張巨和名忠諡安道先生郭承休名荷諡元德先生之例職在太常不

特以其私追崇而已謹案易名之典準裁六經之文以章美懲遠且引逸周書諡

法解表見義例學士申其論議裨補憲章代有損益要其指歸不敢踰溢六經也

恭惟我

夫子學問淵邃以治易預庚午鄉舉徵辟賢良臺臣交薦累辭禮命備甘旨終養

太夫人金陵黨獄方張首嬰羅織未嘗通謁私門覬倖解免嗣是憂患相尋榮瘁

異趨而確然強立不震撼於死生禍福之際不有非常之操其疇能之易傳曰貞

正而固也孔子曰不日堅乎磨而不磷不日白乎涅而不緇貞之謂也允惟稽古

宜諡曰貞惟我

夫子溫文在中嗜善不倦孝弟恭讓四方爲綱夙夜勤勤以永終譽蓋所謂殷周之逸民鄒魯之遺哲問禮則軌範所繇立問道則禮義所繇明允惟稽古宜諡曰獻惟貞惟獻參之周書諡法解並有合焉爰是諏咨羣志僉謂畢協顧陸等學行卑隘安足以測

夫子盛德之高深義不敢專謹具議如右俟

先達有道之采擇

康熙十有四年十月朔日乙卯受業門人欽蘭頓首百拜撰

### 蘇州府志人物傳

長洲縣

鄭敷教字士敬光宙子湛深經術天啓中吳中倡爲文社敷教與焉崇禎庚午與同社楊廷樞張溥陳子龍夏雲彝同舉應天鄉試是時東南文士統會於吳號爲復社敷教生徒之盛亞於廷樞兩人俱爲鄉里所宗時人語曰前有朱張後有鄭楊丁丑舉賢良方正以母老辭晚歲隱居教授著述甚富尤深於易詩宗杜陵書法在蘇米

閒年七十卒門人私諡貞獻先生

光緒中葉先君子刊鄭桐菴文稿一卷於滬上癸丑夏遭匪亂版燬戊午余又重刊於蘇州並增文若干篇去年夏同邑馬君梅軒得桐菴年譜及詩文於崑山書肆年譜分上下卷上卷爲門人所編下卷則先生自紀至乙卯八十歲止先生卽於是年九月壽終蘇州府志以爲先生壽七十誤也此譜及詩文稿於道咸閒爲吾崑潘晚香先生所得晚香書簽門人徐枋手錄卽徐侯齋先生也名人手筆彌覺珍重而殘蝕破碎不堪觸手余亟購之卽乞梅軒補綴裝訂逾月始成今年余與王君慧言集貲印甲戌叢編亟付印行爲叢編之一所憾者首葉已闕數行先生生日又爲蠹蛀蝕皆無從補錄矣夫書之顯晦固有其時桐菴遺著甚夥此倖存之什一苟不遇梅軒又不知流落何所而余平生所篤好者傳前哲不傳之書往往自恨力有未逮今旣得此安忍祕爲己有不爲之流傳哉甲戌正月崑山趙

詒琛識

劉先生年譜

貴池二妙集第二十八

縣後生劉世珩謹編

先生名城字伯宗明南直隸貴池縣人曾大父岐官直隸

河開丞大父正蒙官河南湯陰丞父光謨字觀明萬厯歲

貢授浙江處州府通判按之楚有童子時在處州飲酒甚

任也署青田縣事多惠政民無逋賦監造漕艘於杭州計

材程工徧恤軍力擢廣西養利州知州告歸敦睦族黨修

舉廢墜建青谿二生祠見江南通志母柯氏柯柄之女無

子以同產弟之子城為嗣觀明崇禎癸酉卒柯先卒於庚

午事見譜中本生父光謙處士母王氏先生崇禎十二年

由諸生薦舉考授郴州知州皖撫檄任九江同知均不赴

鼎革後改字存宗隱於峽川完髮以卒年五十有三永厯

己丑桂林詔授給事道遠未達黃文煥沈壽民等私諡貞

文

明神宗萬曆二十六年戊戌先生生一歲

是年六月二十四日先生生於池州府城魚市狀元坊前

試門里俗呼試門口  
稱試門劉氏

按本集李行季遺詩序萬曆之甲寅余始交行季時余

年十七甲寅為萬曆四十二年以此上推十七年則萬

曆二十六年戊戌也又漫成詩昔賢辛丑稱為艾丁亥

今年我亦然是丁亥年先生正五十也按戴移去雲仙  
雜記跋云徵君

辛酉年作是歲徵君二十有三矣然據陳弘緒撰墓志  
蔣臣事略李行季詩序及漫成詩先生實生於戊戌至

辛酉年二  
十四戴誤

萬曆三十八年庚戌先生十三歲

從青田厲先生立身讀

萬曆四十二年甲寅先生十七歲

子廷鑾生

按樓山堂集有婆護歌為劉真父作甫九齡也是年為壬戌逆數之當生於是年

萬曆四十六年戊午先生二十一歲

見鍾伯敬先生論詩 子廷鏊生

天啟元年辛酉先生二十四歲

**時事**

大清兵取瀋陽遼陽

魏進忠矯詔殺王安

**詩文** 雲仙雜記序

天啟二年壬戌先生二十五歲

**時事**

大清兵陷廣寧熊廷弼王化貞俱論逮

**詩文**

猗園言

孺子歌代穉子婆護奉酬次尾

應箕之贈

婆護鑿小名七古

天啟四年甲子先生二十七歲

**時事**

魏忠賢專政左都御史楊漣抗疏劾忠賢二十四大

罪削籍黨禍始興

杖殺工部郎中萬燦

**詩文**

遙哭萬郎中燦

五言長律

莊烈帝崇禎元年戊辰先生三十一歲

先生入吳門婁東張天如吉士溥與張受先大令采始倡

復社之會楊維斗解元廷樞夏彝仲考功允彛陳卧子黃

門子龍皆附之江以上則先生與吳次尾應箕監紀預焉

一時有小東林之目

**時事** 毀三朝要典 卹贈死璫禍諸臣 陝西流賊大起

**詩文** 虎邛坐月五律 答張西銘溥 虎邛見贈兼致張來

章采 虎邛贈韓張甫羅七律 虎邛月夜程穆倩遂過晤

用杜集韻 虎邛逢栖筠上人戲贈七絕

崇禎二年己巳先生三十二歲

**時事** 大清兵入洪山口克遵化薄京師遼督袁崇煥率

盜錦兵入衛未幾詔下獄 定逆案 罷錢龍錫

崇禎三年庚午先生三十三歲

秋應南都試不第與吳次尾許德先

元愷蕪湖沈崑銅士

在舉國門廣業之社上下江名士畢集而先生為之倡

柯宜人卒

按明南國子監六堂首曰廣業積分之法皆自廣業遞  
升至率性始試以文學經義一歲積至八分者貢入京  
師是年合百十人為雅集先生主之並約以自後三年  
一舉行更番主會

**時議**

大清兵東歸

增田賦

殺袁崇煥逮錢龍錫下

獄遣戍

**詩文**

李行季遺詩序

秦淮社集分得六魚古五

崇禎六年癸酉先生三十六歲



春遊九華夏歷南京再舉國門廣業之社 觀明公卒

**詩文** 春秋左傳地名錄序 春秋外傳國語地名錄序

曾房仲詩序 癸酉程墨選序 楊維斗稿序

九華雜詩七律

崇禎七年甲戌先生三十七歲

遊南京與章大力世遠訂交報恩寺

是年徽安池兵備道兼管糧務江西按察使副使銜史公

可法來駐池州按貴池縣志隆慶六年設兵備道於池州

**時事** 流賊自陝西分犯江南江北湖廣

**詩文** 陳大士易鼎序

崇禎八年乙亥先生三十八歲

春流寇陷鳳陽圍攻安慶桐城池州戒嚴先生作池州防

守議三篇上之當道不省

**詩事** 流賊陷鳳陽廬江巢縣無為圍攻安慶桐城

**詩文** 池州防守議三篇

乙亥雜詩五 答方密之七律 讀和州失城本末有感

諸將三首 數詩雜體 十二辰體歌

崇禎九年丙子先生三十九歲

吏部議舉孝廉詔下池太道史可法江西右布政使張秉

文以先生應薦辟先生上書言不如吳次尾者數事請以

自代不許

**時事** 大清兵入昌平喜峰口八月東歸 盧象昇敗流

賊於滁州

**詩文** 上池太道史公辭免選舉書 上池州郡守石公舉

吳次尾自代書 香烈祠碑

過姚北若滄 五言 長律

崇禎十年丁丑先生四十歲  
是年兵備道由池移蕪湖

**時事** 流賊犯安慶

**詩文** 辭江西方伯張公 秉文 薦舉書 再與張公書 答

黃赤子論保舉書 出門偶集序 解惑篇 勵志詩 四言

崇禎十一年戊寅先生四十一歲

春池州大旱繼以大水歲饑人食白土秋應召到京師寓

真如寺脫資贈黃詹事道周 因劾楊嗣昌削奪 成御史勇 因劾楊嗣昌下

獄 陳晉州弘緒 不納劉宇亮兵入城下獄 與米吉士 壽都 梁公狄 以樟

王敬哉 崇簡 申孚孟 佳肖 陳昇昭 丹衷 孫伯玉 吉甫 馮躋

仲 京第 交

**時事** 大清兵入牆子嶺下畿輔城四十八宣大總督盧

象昇戰歿

詩文 北征草序 封疆局面說

北征早發古 舟行書所見 連日讀陳士業詩 到白

門答萬茂先望月賦贈 酬萬茂先送輿具兼問疾瘳

答周農父岐 山東贈張鍾陽方伯秉文 與吳駿公偉

業 凌龍翰嗣 陳身昭月袁 見過 贈孫魯山晉 贈申

公素園佳眉 與胡吉雲守恒 上元曲古 苦旱歌

大水歌 食土行 空倉鵲行 聞鄭大司寇三俊 蒙恩

出獄 與陳大士際泰 簡章大力世純 與楊機部廷

麟 贈朱蔚園 贈盧德水世灌 米吉士壽都 漫園

英山行 王正二日吳湯日道新 北上渡江話別五律 寄

周勒白立勳 兼訊徐闇公孚遠 采石得眉生書因懷仲

馭 用韻答魯孺發 揚州 高郵道中 清江浦重九

贈主人劉生 贈大理葉公成章 贈馮躋仲京第 都

門逢青陽熊文話舊賦贈用壁閒韻 姚都諫以抗言兵

事左遷諸公贈詩和韻送別 昌平道中望陵後諸山

恭謁長陵 行經昭陵 恭謁定陵 萬壽寺大鐘 玉

泉寺 呂公洞 香山寺 碧雲寺 祕魔崖 卧佛寺

過武清侯故第 劉羽長之鳳大行索題其隱德錄

西隄道中 贈答孫松石太僕三條 答李括蒼太史建

泰 答張季筏 聞黃宮詹劉趙兩翰林謫諫律 答雲

南王升如開 答熊仲平坡 渡黃河 輿中雜詩 德

州逢李小有盤 寓慈氏寺六日寄家書 畿南雜詩

賦得獨奏邊機出殿遲 贈丁天心時學 簡汪長源偉

投馮鄴仙元巖 和人寒夜詩 集行人張來初一如

齋中用韻 苦寒有感疊韻重贈張來初 借人暖耳追

和謝方石李西涯王鳳洲諸公韻七首 聖節日 送楊

職方廷麟軍前真如寺守歲

崇禎十二年己卯先生四十二歲

春就吏部試注官湖廣郴州夏初返南京應鄉試不第秋

回里冬復之南京在吳次尾寓度歲約同里吳非共著書

**時事** 大清兵下山東十有六城旋由青山口東歸 楊

嗣昌督師討流賊

**詩文** 燕臺集序上下 梁公狄稿序 王升如時文序 祭

山東方伯張公秉文文

己卯春暮與孫松石坐語以同道為朋為韻古五 次韻奉

酬盧德水見送南還與魯山共載詩 和孫魯山出都門

道中 德州道中大風 嶧縣早發 盧德水奉命巡漕

再次原韻寄之 望嶧古七 恭謁孟廟石象跽侍鄒國太

夫人 贈鄭休仲 河閒道中一日驟三蹶感懷題壁

酬王敬哉崇簡贈別五律再題任邛壁汶上題壁和李

小有韻感懷未已再疊前韻元日七律王正二日逢

李小有自廣平至時與城守事四十日矣春日畿南雜

詩詩人史玄納姬都門自命曰傾城悅名士盧公德水

首唱一章次韻贈之雪朝懷朱白石全律退贈孫

碩膚弔督師盧公象昇中書朱湛菴常涓王孫奉使

謁孝陵舟泊白下為我載都門所購書數百卷見還且將

從徹里過也感贈七字句逢陳定生貞慧於秦淮時攜

其令子維松同止書舍和東阿舊縣題壁詩三十首六言

律謝恩感述絕白溝河題壁和韻高唐州竹枝歌

抵南都寓靈谷寺己卯初夏返自都門友人孫克咸

賦徵車回十章見訊依韻奉答十首為顧與治題滑稽

酒隱圖分賦九日抵家唐宜之右史之襄陽見過劇

別撥悶復之金陵舟中漫興

崇禎十三年庚辰先生四十三歲

春客揚州遊越西再上京師復回江南

**因事** 遠江西巡撫解學龍及黃道周下獄尋遣戍

**又** 官子制義副鑄序

樂府三十五首 琴操二首 晤江都歐陽宰即日具舟

邀遊城北得齊字五律 揚州上方寺 將遊平山堂沿郭

一路觸目交心 夏初過馬頭 感事贈官詹黃公東厓

景陽 補梁公狄夢中句 感事用韻重與密之 弔張

德璋 除夕答次尾三首用來韻 寒食到江都喜與孫

大宣晤語七律 宿歐陽憲文蒸 公廨中兼喜晤其令子

孫氏園亭 同孫日乾釋雪耕出郭乘小舟至梅嶺遊覽

登官梅閣一云謝公別墅 漫園懷米友石太僕五言長律



三過揚州與鄒幼惠七 紅花旅店題字滿壁皆主人索

書者感賦 白鋪至訾家曠道中 長途 舜祠 望泰

山三日杜家廟大雨 過齊河 曾竹君筠同羅文止

萬藻先余出都歌四闕送之

崇禎十四年辛巳先生四十四歲

歲存饑又遊嘉興茗溪編何來集

時書李自成陷河南殺福王常洵 張獻忠陷襄陽殺襄

王翊銘 楊嗣昌自殺

詩文答皖撫鄭公搜關張文字書 再答鄭公書 答鄭

公池州救荒書

王正四日詣柯賢甫先生語及余除夕元日詩五 傷逝

後傷逝 答徐州曹澹如過訪 送澹如還彭城用前

韻 寒食 鹽官贈錢虞鄰陳靈遠 辛巳元日七 元

日書懷與次尾以其有移家入郡之約故云 連日感歎

與柯賢甫之來 空堂 孔璋 同朱雲子隗入華山道

中雜韻二首 虎邱月夜程穆倩遠過語 姜如須咳乞

假南遊結班荆社余為作詩

崇禎十五年壬午先生四十五歲

皖撫黃配立檄任九江同知辭不赴時徽安池兵備道程

世昌移駐池州

**附事** 大清兵入薊州連下畿南山東州縣 張獻忠陷

廬州連陷舒城廬江含山巢無為六安南都大震起馬士

英總督廬鳳軍務 李自成決河灌開封

**詩文** 掖垣奏疏序 鄭公奏議焚餘草序 南雍七子詩

序 祭張天如文

申公移居古 即事五 律 得次尾書卻寄 黃石齋先生

同涂德公

南言

以戍出都至白下

七律

送黃先生戍楚自

蘭水匡山溯流上永

聞陳百史還自黃州

泊清谿見訪

上余先隴留書見懷

南大司馬范質公先生諫謫歸里

詩和方孩未韻

贈光祿吳公

奉別皖臺鄭公潛菴去

京口得衣字

陳身昭

丹衷

數以漢宋舊物見遺

吳眾

香

辭

許出藏書借讀因賦贈示其兄弟

又遇石齋機部

靜海寺中

孝陵道上感懷

有懷戴敬夫

重時

卜居銅

井陶窳

泊荻港遇子鑾來自銅井因聚鄭公舟次

驚

聞河決開封偶讀汴京遺蹟志擲筆成詩

吳緒倩

應纂

將以周仲馭書入永謁石齋先生作此送之

答白瑕仲

依韻奉和

軍城夜坐

皖歸

守歲

崇禎十六年癸未先生四十六歲

春左良玉兵東下池州戒嚴兵備道光山程公世昌督兵

城守左兵退始解嚴成癸未集吳次尾為之序

**時事**夏 大清兵出口 張獻忠陷武昌 李自成破潼

關遂陷西安

**詩文**答皖撫黃公問左兵書 答貴池令林公本縣江防

書 祭李源常文

中秋前一日程公世昌招同鄧東之森廣燕集齊山得避

字詎程公集齊山令弟際甫世會留署中不出賦此致

悵用避字 齊山翠微亭為程公落成同用避字 齊山

探左史洞至史巖 紀事答問 淮上行古官鹽行

人日齊山律遂上翠微亭是程公修復者 偶憶李獻

吉有癸未中秋不月詩今夕既雨兼更月食追和悵然

九日漫懷 贈吳發若應夢渡江感事與范小范又

元旦有感二首律又聞楚警 雨中送子鑾之湖州

先過九華 警至 危城雜作十首 對書而歎 湖州

健卒至 以詩代書寄子鑾茗水 城上作書答胡文瑜

士藎沈考叔彦章見憶 得嚴子觀瀚兄弟書因憶西泠

諸友 萬戶 兵後 遂飲酒賦詩 過北門猗園 重

送王鍾淑芝瑞提學赴蜀 買牛 胡嗣立司訓吾兒有

秋浦遊覽諸詩因贈 贈撫軍黃公配立 贈安慶司理

來公元成與杜總戎 張將軍以舟師防守吾池贈之

金綠隄文光將軍過話因感歎張二無璋中丞金張嘗

共事粵東 十月五日懷集令李小有盤以外艱歸停舟

訪余與程公即夕南發 寄題石船山顧夫人祠用方憲

副孩未震為李小有悼亡韻 舟中書示吳山賓筵

除夕簡柯賢甫之來先生兼食為餉時年七十有八 送

別廣文沈立贊先生七言長律

大清順治元年甲申先生四十七歲

是年明崇禎十七年巡按賀登選特疏薦未報三月十九日闖賊陷京師明帝殉社稷夏五月福王即位於南都改元弘光初三日池州始聞京師凶問先生治木扶櫬以死自誓二十一日哀詔到與吳次尾哭於野秋去南京作茅山之遊 子廷鏊生

**詩文** 旌忠錄序 讓帝忠國臣紀序 池州防守後議

答貴池令本縣江防書 上閣部史公書 曹靜娥傳

公祭孔文忠文

茅山宿元符宮道院五 忠孝詩七 相逢行贈程際甫

世會 五月初三日聞變二首五 大行皇帝詔至池州

四首 追恨詩十首 九日荻港 茅山道中看紅葉四

首 山趾懷望 上山歷華陽洞曲水池喜客泉二首

二十四日是先帝萬壽節 讀都諫吳忠節公絕命詩律七

太僕申節愍公輓詩 秋杪同張菊人芳遊茅山懷李

小有盤有約不果 遊茅山歸呈潤生明府 霜降日小

有招同曾庭聞傳燈張菊人芳天生立三石磊兩季校書

烟鬟佐酒同用烟字次小有韻 漫成四首絕七 茅山雜

詩八首 漫成 崇禎官詞十八首 小除夜西江友吳

石卿守歲余家 除夕二首

順治二年乙酉先生四十八歲

是年明弘光元年夏左良玉兵東下池州戒嚴五月南都

破避兵至湖州秋旋里吳次尾起兵於泥灣為 大兵所

執不屈死於石灰冲先生就峽川山居改字存宗

**詩文** 答程撫軍辨張亞子書 謝樗全畫聽松圖題後

自說

樂府變九首 乙酉春童謠二首 乙酉首夏至南都以

近事寄示子鑾五言長律 斷頭歌七古 峽裏大風歌 乙酉

首夏與戴敬夫決筴去金陵二首五律 居敬夫石臼湖寓

舍贈其長公本孝用多字二首 旋泊丹陽湖憶吳空之

劉沖 湖州忽逢孫新齋廷評鼎攜家茗水在此 懷吳

山賓 答吳山賓見懷賦得欲問平安無使來次原韻

答吳山賓喜余書至賦得消息真傳解我憂次原韻 答

山賓二首 子鑾以次尾子長魯至 歲暮答空之次來

韻二首 即事用齋字二首 送山賓歸高田屬以次尾

後事 聞蔡蚪侯 不及待余而去寄語悵然余歸自南

都贈之以句蚪侯故金谿相國子七律 柯先生之來八十

二首 贈嚴別駕御風 雪夜寄上程撫軍世昌 蕪陰

送劉壽次星耀 司理之任武庫 長慟詩五首 初歸就



峽川山居 峽居二首 偶成 九日雨甚 漫成二首

恭聞 人送白菊 克捷 冬杪雜成四首 贈柯君

久欲報鄭公書有近聞賦此 記答次尾語長律 元

日喜劉及叔蘇還蜀見過絕 三日雪與李廣文聯二首

送雪上人遊天台二首 喜康三一雜髮為僧五首

題畫遺江生戲用江字二首 金陵重怨曲十五首

順治三年丙戌先生四十九歲

居峽川僦一室上漏下濕誓不入城几上惟離騷經及淵

明皋父所南諸集夏遊桃波季秋再遊

**詩文** 吳母舒太君六十序 尚寶孔君哀辭 吳次尾先

生傳

苦雨二首古 春雨歎古 寄題韓韓齋次原韻 德先

屢顧余山中用韻贈之 德先與我山右諸志再用韻贈

之禽言八首 遊杉山水竹谿放歌 別杉山蒙公

歲行盡矣廚饌蕭然適舒生 廷詔汪生之 遣信齋糟餒

鹽鯿豚躑巨鯉蔬燭諸物至戲為長歌 後孤兒行為麻

乾齡作 二日雨雪 律五 晴步二首 泥飲二首 日望

山賓至以近事相語 門人輩傳次尾題壁遺詩余以命

其子長魯誦輒上口了了明日問之諷對無一遺誤因有

此作 答劉引之來問近事次韻 松寮山寺 上天堂

巷 天堂巷三首 寄吳子相 通 杉山喜逢諸子 鎮

國寺覽眺得次尾壁閒詩 水竹谿二首 伴雲菴高處

送子鑾之金陵 得子鑾金陵書稍聞近事見其沿途

新詩二首 寄子鑾金陵時寓大報恩寺二首 明覺菴

二首 哭史公六首用晞髮集韻 哭黃先生六首用晞

髮集韻 哭戴敬夫六首用晞髮集韻 峽川谿閣用所

文二二

三

南多景樓韻 感事二首用所南郊行即事韻 鮑甥可

大來山中二首 西山尋宋蹟二首 哭麻孟璿用原韻

四首 元日口號七 上元即事就俳體 是夕未夜半

風雨大作感賦 寄懷劉引之光衍 用來韻 蒙公藏經

閣是杉山稱燕窩處 蒙公贈我竹杖一 累日山行有

作 答吳山賓送遊杉山之作次原韻 聞蘭水消息

寄白門余澹心懷 二首 秋感憶子鑾 感懷 重寄子

鑾 寄懷林茂之次來韻 重寄茂之仍用前韻 萬羅

山與鄭公話別

順治四年丁亥先生五十歲

居峽川時過湧泉 子廷厥生

詩文遊暑序 師山問字詩序 汪漢字序 游暑記

李愨傳 鮑主簿墓碣 李母金孺人哀辭 署池州府

推官監紀軍事吳公誄

蘆人謠四首 病中四首五 上曹山 下曹山 查村

始至俞菴 行眺 村塾 湧泉寺 水漲 漲後

徐生章生先後來過 兩章生來移余湧泉寺 子鑾偕

吳山賓自峽川至湧泉 二十四日諸子畢集湧泉 寺

後看泉湧處 姜生先後至湧泉 村步雜感用所南郊

行即事韻二首五律 晚步谿閣用所南僧房夜坐韻 重

尋西山宋蹟二首 茶排沖二首 寄子鑾于郡 雨後

送山賓返高田 春日漫興七律 正月二十六日暮山賓

以長魯至同用杉字 二月二日寓樓觀雪山賓朗吟急

雪舞迴風之句因各賦一詩 徐生翁以數詩見訊索贈

漫興答之二首 乙酉四月余在金陵長干寺何生見過

不值歸遇塗次有詩見貽追和一首 何寤明煜見懷有

作以近狀答之次來韻 聞孫魯山以爲僧至自台州不  
及晤余貽詩而去用韻奉答二首 苦雨遣懷用杉字  
漫興效八音體 用八音體自賦 雨寒即事用八音體  
即事 汪生授經峽川兩久不數見戲爲簡此 始聞  
孫武公訃哭之二首 魯山有述恭賦二首 答吳山賓  
見貽五十詩次韻二首 初度雜感拈得九青韻八首  
初度山行答李敬仲懋 食鮭魚絕 僧房再看湧泉處  
二首 和尚峰 古鐘仆地 夜坐 遊仙姑洞二首  
章去謀再攜尊至小飲樹下 出俞村 題贈楊園八首  
師姑橋 望自己山 楓樹嶺上松二首 麒麟山  
過隱子山 峽中人云自己山寶寺基而訛也要皆不可  
考 三年三度三絕句 舒生巢友貽我筆牀一竹制精  
好有感而賦二首 饒烈婦歌四首 男蛾來顧山中三

宿始去賦別 三首之一 寄答蔡大美次來韻郵之者孟

璿子乾齡也二首 寄題鄭公雲影菴二首 聞黃老山

姜之熊過峽川 報諸遊好 除夕前五日汪生漢訪我

山中信宿賦別 漫成二首

順治五年戊子先生五十一歲

居峽川仲春遊桃波

**詩文** 錄聞聲唱和詩序 非箴 遊桃波記 遊殷村記

墮星石記 古仙洞記 遊大樓山記上下 大樓山崩

石記 峽川山水記 鄭氏傳

後蘆人謠 桃波歌古 殷將軍墓歌 斷碑歌 大樓

山歌 古仙洞歌 大樓仙洞相望圖歌為山賓作 遊

萬羅山歌 曹烈女歌 欲雪行送山賓還高田並示長

魯兄弟 雪中送兒充役歌 遊大樓山雜詩六首五律

以詩代書寄山賓兼問高田近事 戴敬夫次子移孝亦

僧矣來過留數月送之去兼致長公本孝四首 鮑甥可

大同住萬羅山中始終遊事者五日乃各別去二首 和

子鑾枕上聞聲詩五十二首 和山賓樓夜雜聞詩三十

首 除日得和州戴本孝書及所貽詩畫即便寄答并問

其弟移孝以僧服歸者 金陵八代懷古詩十首律七 和

子鑾窮極詩十二首 羅季先尚甲維旗夢旗男占夢熊

見過峽川絕 隱莊嶺六 大樓山 桃波 洞口

順治六年己丑先生五十二歲

居峽川 桂王自桂林召先生為給事魯元藻薦也

**詩文**何來集序 醫者甯君七十序 吳文學墓表

元日小飲孫漢系輒呈二詩喜有此作律五 再用韻戲示

漢系勉之四首 人日見持折枝梅者有感因憶漳浦公

丙戌有是日■帳勉觀梅花詩追次其韻四首 踏青節  
 有感和山賓作二首 寄懷方淑人 學聖 寄吳緒倩湧  
 泉寺 姜生可久來過有感贈別二首 空之五十詩三  
 首 和遠公湖居詩六首 即事感懷六首 藏書亡戲  
 成六首 中秋薄暮柯生招余及子鑾孫系小酌待月因  
 憶山賓高田 山賓貽新栗到 作客峽谿柯生歲一送  
 菊余亦歲報一詩 去年菊至而病緒廢吟今當九日又復  
 分貽感此黃花之來陋彼秋雲之薄為賦律句謝與歎俱  
 二首 半開白菊二首 柯君再送白菊仍半開者 和  
 答山賓子相九日登高見憶之作二首 答陳秉文 希昌  
 書問二首 寄懷王公儼 心睿 五首 黃菊一本獨晚開  
 二首 答周汝為 南 兼簡農父 岐 子醞 日赤  
 順治七年庚寅先生五十三歲

少二、劉德百、年譜

三



居峽川三月二十五日卒私諡曰貞文黃文煥沈壽民等有私諡改諡議

**詩文** 胡孺人五十序

新歲四日送子鑾之高田二首律 客秋吳少友過談數

日贈詩四章用韻以答 已矣三首

嶧桐集文十卷詩十卷和州戴移孝編先生無兄弟集

曰嶧桐取嶧陽孤桐以為名

先生夫人王氏四子廷鑾廷鏊廷鎰廷庶孫十人漢系

漢關漢胄漢絳漢儀漢俊漢傑漢佐漢仕漢位

### 貴池試門劉氏世表

岐字鳴鳳號

正蒙字養

光謨字敬

城字宗更

廷鑾字德

漢系字王

石溪官

泉晚號

石晚號

號嶧桐

與父號

祖諸生

仰南官

觀明貢

徵舉貢

梅根恩

漢威字

江虞州

士配王

貢生

虎

府通判

宜人

虎

廣西養  
利州知  
州

廷鏊字  
濟諸生

廷塗名一  
添丁字  
續三諸  
生

漢胄字  
孫號半  
耳躬耕  
甯字

江諸生

漢絳字  
躬耜  
去字

孫號藜  
莠諸生

漢初字  
猊

漢關字  
躬稼  
大字

玉號紫  
田

漢俊字  
躬植  
黍字

友號雲  
堂

漢儀字  
躬稽  
既字

漢傑名一  
躬秩  
天字

劉集首世表

女二二二二

三

道字廷  
萬號維  
席諸生

廷厥名一

漢佐字賓

賸丁字

臣號雪  
巢諸生

訥夫諸  
生

漢仕字沛

人號履  
巖諸生

昇

躬榮字憲

躬標字綿

其

躬材字秀

躬秉字執

莽諸生

義躬穆字執

躬桓字執  
親



女二二二

行

三

貴池先哲遺書第十八



文康公遺集卷下

男犖編

文

黛山亭制義自序

陽曲官衙後有隙地半畝舊鑿池養魚引水灌蔬  
小亭孤峙其中歲久而圯余為新之四圍皆疎牕  
西山秀色出短牆寸許朝霞暮靄晴嵐煙雨空翠  
變幻豁人心目因名曰黛山亭凡有以文示者卽  
置之此一切簿書不得入然余鞅掌奔忙恒夜分  
乃歸足不暇履一日偶坐亭中繙閱圖書得一殘

帙檢視之乃余夙昔所揣摩以應世之文也此文  
一過不堪再陳卽當付之祝融而不禁恍然有所  
憶焉憶吾夙昔三竿之日萬卷之書也憶吾讀書  
時遠寺晚鐘清夜曉鷄也憶吾園居初春早秋芳  
陌之蝶翅鶯聲虛齋之蕉雨桐露也憶吾會中花  
茵酒壇良朋四座高譚迭出清興不輟也予文雖  
餽飮之餘而此情未可磨滅因爲災木仍置亭中  
友人之文儕我者以我文爲主人勝我者以我文  
爲奴隸

城武悲歌序

杜詩云計拙無衣食途窮仗友生何其痛切真摯  
乃爾也壬午三月宋城不守余棄子負母得脫于  
難非余能活母實老母節孝格天爲鬼神所佑活  
其子也遷徙河干城武任令念晉陽一日之雅館  
于城武解衣推食焉始而邑人之在都市者來慰  
之已而在郊垆者來慰之已而荒村窮谷之父老  
來慰之鷄豚社酒相餉不輟視予家甘旨有加焉  
嗟嗟予何以得此于城武哉因念自古後君遺親  
之世敗壞流失骨肉袍澤漠不相關是以君子讀  
葛藟河澣之章而歎周之衰也今以彈丸黑子之



邑吏治之美如斯人情之厚如斯風俗之醇如斯  
修我戈矛與子同仇可以繫賊之頸執賊之馘矣  
感慨吟咏漸積成帙友人題曰悲歌實獲我心嗟  
嗟予何以得此于城武哉

白華堂詩自序

予刻壬午詩一帙名曰白華客况白華志養也志  
養者何予八歲而孤總角受書卽矢曰異日博一  
第拜一官必將母來諗是以五年邑令五年諫官  
抗疏忤時一麾出外懼危其親而陳情辭官也客  
况者何余無家也余何以無家中州羣盜如毛城

破家亡棄子負母不懼于難也養母而何以爲客  
以故鄉田廬不可復識母子相依亦在乎河之北  
亦在乎江之南也爲客而何以養母拾薪汲水以  
供朝夕且海內君子率敦古處吾母若母甘旨無  
缺也一日余跪而泣母前曰兒不才流離瑣尾憂  
及高堂母怡然曰士之所以憂其親者豈以貧賤  
患難哉食貧茹苦寡婦之志也孤兒之志也兒無  
忘八歲黃口時

糾冢臣第一疏

兵科左給事中臣宋權爲銓政數十年大弊貽禍

封疆謹昧死直陳以祈聖斷事竊惟時事艱難至  
今日極矣遠近交亂塗炭生民中外袖手莫知所  
措用人不效僨事至此故臣昨具首議用人一疏  
以責吏兵兩部連日流氛甚熾烽煙四起皇上焦  
勞日復一日溯流窮源有一禍本最深最大人人  
知之而不敢言人人知之而不肯言因循蒙溷數  
十年於茲今日乃種種破壞事事潰決臣復畏禍  
不言臣罪當死敢以兩言而盡曰緊要之地多非  
爲朝廷任事之人而用人之始原無爲朝廷得人  
之意耳姑無毛舉其細僅就撫臣道臣兩大事言

之卽兩大弊也進士舉人但論才幹不論資格聖諭煌煌不啻再三而用人者牢不可破定謂進士勝於舉人若然則百凡盤根錯節之地其當用進士無疑而歷數險危之地有進士幾人哉大同道舉人也關內道舉人也口北道舉人也昌平道舉人也岢嵐道舉人也陝西之商雒道舉人也漢中道舉人也隴州道舉人也隴右之守巡二道皆舉人也河西道則貢士也榆林之靖邊道舉人也寧夏之河東道舉人也甘肅之莊浪道西寧道皆舉人也而腹裏安富之地曾見有舉人焉分藩臬之

席者乎如云進士才長何故置之無事之地如云  
舉人才短何故投之多事之區臣非謂舉人盡不  
堪用而所以用舉人者非用其才也用之以代進  
士耳至內外輕重之懸殊則又異矣夫所貴乎京  
卿者爲其才品兼擅可以肆應庶無忝九列清班  
耳乃今日險危之地膺封疆之任者幾人哉歷數  
諸巡撫遼東外官也山海外官也宣府外官也大  
同外官也寧夏外官也甘肅外官也延綏外官也  
登萊外官也曾見兵凶戰危之地有京卿焉出而  
肩節鉞之寄者乎如謂外官望輕何爲置之多事

之地如謂京官望重何爲逸之無事之區臣非謂  
外官盡不堪用而所以用外官者非用其才也用  
之以代京卿耳其餘府州縣官凡水旱之處能者  
不任也盜賊之處能者不任也錢糧難完之處能  
者不任也城郭不固之處能者不任也卽間有一  
二能者除授多事之地數月之後撫按必借題調  
之善地曾見撫按有題一甲科調之兵凶戰危之  
地者哉所以最緊要之地多最不堪之官賊未至  
而民先逃賊一到而城卽破皇上卽編天下之黎  
庶以爲兵括天下之物力以爲餉付之閩外如投

之流水耳真可痛哭流涕而長太息也三五年前  
尚無規避巡撫者規避巡撫自近日始江河日下  
安所底止近日通昌兩推若非時刻難緩定又以  
罪廢之人乘機啓倖肯用兩京堂哉臣子作朝廷  
之官乃終日所爲皆破壞封疆之事縱逃皇上之  
法能逃鬼神之鑒乎伏乞皇上嚴飭冢臣謝陞封  
疆不堪再壞生民不堪再塗大破積習共濟時艱  
保朝廷之土宇人民卽保自己之身家性命臣言  
大犯時忌知言出禍隨然恃皇上照臨之下臣不  
懼也

糾冢臣第二疏

兵科左給事中臣宋權爲遵旨指實糾叅以拔禍  
本以救將來事竊慨時事至今日封疆破壞日甚  
一日人情欺蒙日深一日不惟不作實事亦不肯  
實言坐視皇上焦勞於上生民塗炭於下漠不動  
念銓部所爲者皆罔上行私之事臣實憤懣欲死  
冒禍直言具銓政大弊貽禍封疆一疏大犯時忌  
不但冢臣恨臣卽京卿亦恨臣必中臣於機穽之  
中逐臣於言路之外乃荷皇上至聖至明以臣言  
爲切中責科道以指叅臣感激涕零皇上之納言



如此而有弊不發則臣之蒙狗當先豕臣而誅之  
矣請糾其罪之大者昌平道臣最爲關係豕臣以  
郭迎褒克之以迎褒爲登州知府豕臣之公祖故  
也今嚴城失守無辜赤子慘死郊原若有一得力  
道臣豈至今日興言及此迎褒之頭當斬也豕臣  
之罪不當追論之乎近日推用添註侍郎皇上將  
倚之爲左右手豕臣當擇一二堪用者分皇上憂  
勞於萬一乃皇上憂而豕臣喜矣喜其爲乘機啓  
倖之日也遂一事而三起廢他姑不論如張福臻  
者前撫延綏致軍鼓譟舊科臣馬思禮叅疏其略

云鎮臣軍謀打毀節鉞之門非總鎮分司力為解救幾致不測兵部看議其略云打毀衙門搶劫當舖幾於不可嚮邇節鉞之體已覺少損已經閑住近朦朧敘功復官實逋誅之罪人也而今且添註侍郎矣皇上試思以起釁封疆之人用之以佐籌樞務是何肺腸則以福臻為同鄉故也在皇上為寢食不寧之會在冢臣為恩權并市之期視朝廷之封疆不如鄉井之情面亦欺君悞國之甚矣此中更有隱情今日之樞貳異日之總督也京卿惴惴恐宣大薊遼缺出早為規避而罪廢者因乘之

以起官故一事而三起廢嗟嗟規避者遂其規避  
營求者遂其營求心計何等周匝若肯用之朝廷  
天下不足平矣臣靜夜思維皇上取冢臣自南京  
倚冢臣以統均高官厚祿有何負彼而專為破壞  
封疆之事臣言官也言官不發奸與武官不殺賊  
其罪何異故昧死直糾如臣言一字不公不實願  
立斬臣頭以為妄言之戒否則冢臣之罪不可不  
問也臣此疏更犯衆忌知禍不旋踵然皇上至聖  
至明彼魑魅魍魎必不敢朦朧殺臣也

糾冢臣第三疏

兵科左給事中臣宋權爲聖主甫納臣言冢臣立  
害臣官願一明言而死以存言官之職事朝廷設  
官各有司存職錢穀者理錢穀職兵刑者理兵刑  
臣則以言爲職者也敵在四郊臣良心勃發謂朝  
廷所責於臣者僅僅一言而尚不肯以實言告皇  
上臣當萬死因兩疏糾銓政之弊語多激直冢臣  
見旨內有貽禍封疆四字不覺心膽皆墮又見張  
福臻實有軍謀一事飾無可飾遂誣臣爲恐年例  
將及故爲此疏冢臣之敢於欺君何至此極也恭  
誦明旨諭冢臣以秉公是皇上明知其不公也臣

死而復生矣夫進退予奪朝廷之權非冢臣愛憎之具也年例舊規雖主自吏部而送自吏垣且叅之六垣之公議無敢私者臣居鄉居官兢兢自守歷任三垣循職盡言咸蒙採納實無有貽玷班行之事冢臣旣云叅酌於舊科臣顏繼祖矣乞皇上卽名繼祖并九卿科道問臣生平爲何如人果犯清議願甘寸斬冢臣此意非爲臣一人也見明旨煌煌令科道官指實叅處自覺通身皆弊故爲此計以箝言官之口蓋曰再有發其奸者當報之以年例耳旣使臣不得言而又令衆言官不敢言冢

臣之罔上行私復何忌乎臣官雖小一片血誠實  
知忠孝大義爲報効朝廷之官雖典史亦香爲欺  
罔朝廷之官雖尚書亦臭臣言官也生殺予奪出  
自聖裁此頭可斷此口不可掩也臣言出禍隨死  
何足惜但臣八歲而孤兩母白髮蕭蕭年七十餘  
矣以盜警不敢陳情今禍機險迫乞皇上憐臣無  
罪削臣官職耕田養母庶冢臣之欺蒙無所忌憚  
也臣不勝泣籲待命之至

仰仗 天威疏

原任順天巡撫都察院右僉都御史臣宋權謹題

爲仰仗 天威誅僞官獲僞印進繳以慰 上懷  
事竊惟逆賊犯順篡弑故主中協兵單勢弱不能  
倡義報讎幸 王師赫怒大挫賊鋒中協官民嚮  
應臣偶遇原任宣鎮總兵官臣唐鈺薊道臣李永  
昌推官臣袁中縈中協副總兵臣沈應麟將官臣  
孔國治唐鈞韓際明張允重王天福陳國才金芝  
陳四清胡友錄殷壯猷高崇選竇應時米富玉趙  
真植袁憲武賈廷章張鎮張明王有爵及臣親丁  
材官宋煖丘山王楷賈進孝孫之麟龐宗德王國  
重楊俊喬柱石徐光耀共爲誅賊安民之舉前月

二十三日自白羊峪起兵將太平僞將黃錠喜峰  
僞將馬應湖僞將畢三才悉誅之獲其印三屯營  
爲中協要地僞將劉衷率衆賊盤踞之其計驅使  
去地方無恙則鎮臣孔希貴子國治之力也臣同  
鈺等復遵化而希貴亦返三屯軍聲益振三屯殺  
僞推官常璵而遵化道臣耿應衡知縣臣廖攀龍  
飛騎兩營將官臣楊遇明張德裕撫標中軍臣戴  
維藩副旗鼓臣張一誠城操守備臣陳以德道標  
中軍臣熊龍韜合力殺僞道潘躍鯤僞廳張耀然  
僞縣李廷瑗三人悉獲其印而道臣李永昌指授



蘇營將官臣鄔乘鸞斬得功張彪白天柱蔡成功  
楊建程英擒僞道郭可圻僞戶政分司鄭嗣揮僞  
州牧閻景仁等賊聞之恨入骨已率衆賊欲屠蘇  
導而王師自天而下賊遂敗走是中協數百萬  
生靈皆

聖主奪之鋒鏑之下予以生全者臣權等有何尺  
寸之功哉合將僞印七顆差推官臣袁中縈副將  
臣高崇選親齎進繳伏候

上裁臣權等不勝瞻仰悚惕之至

治平三策疏

巡撫順天等處地方贊理軍務都察院右僉都御史臣宋權謹題爲敬獻治平三策以報天恩以佐末議事臣于本月二十三日奉到欽頒關防一顆恭設香案望闕叩頭謝恩捧受訖伏念臣才淺罪重蒙

皇上錄用者以臣爲識路之老馬耳明主可與忠言况

聖主開天闢地光昭大業問察邇言而一得之愚不告我

后是不忠之大者敢竭芻蕘惟

皇朝通志卷一百一十一  
二  
皇上矜其冒昧而采之一請議崇禎廟號以彰至德歷代帝王必有廟號其禮甚重其義甚嚴念舊主御宇十有七年聲色寶玩毫無所嗜思治天下而臣下不能盡心職業以致民窮寇起卒成篡弑之禍臣每清夜捫心死有餘辜幸

聖主殲賊復仇祭葬以禮每捧

聖旨惓惓以明朝爲念朱姓槩錫故爵凡有血氣莫不感泣倘天恩隆重勅下廷議定廟號以光萬世詔布天下卽三尺之童誰不誦

大聖人仁至義盡四海傳檄而定端在此舉矣一

盡裁加派弊政以蘇民生寇從何起以民之窮也  
近以軍需浩繁不得已有加派之徵有司奉行不  
善借公濟私明加之外有暗加焉公派之外有私  
派焉而民之骨髓竭矣是以民愈窮寇愈起今

聖主救民水火自當薄賦輕徭定萬世久安長治  
之策臣妄謂海內賦役頭緒多端卽有心計之臣  
講求酌定必需歲月計近日財賦正額十之三加  
派十之七真有指大于股之誚當萬曆初年絕無  
此事也今姑照萬曆初年賦役全書爲正額其餘  
各項加增一筆鉤削百姓熙然樂業矣至兵荒殘

破之地悉行蠲免尤思出自上者也一廣羅四方賢才以佐上理日者下徵舉之詔求賢若渴真堯求舜舜求禹臯及周公吐哺握髮之盛心也不才如臣且蒙錄用可謂自隗始矣臣不敢泛舉謹就近日與臣共事地方知之最真者爲

皇上陳之如原任薊遼總督王永吉立身如泰山喬嶽應事如流水行雲原任督標監軍道方大猷一塵不染原任薊州道僉事楊毓楫八面皆靈皆濟時舟楫也此外則有臣師原任南京禮部尚書朱繼祚之博學清修原任戶部右侍郎葉廷桂之

雄才大略皆可以黼黻 皇猷者但或逃名道釋  
或混跡漁樵惟

皇上訪諸丘園而召用之四海多才臣訪確彙薦  
乞 勅廷臣各舉所知則野無留良矣統祈 聖  
明採擇施行臣不勝悚慄瞻戴之至

嚴飭考成疏

巡撫順天等處地方贊理軍務都察院右僉都御  
史臣宋權謹題爲欲修吏治當嚴考成乞 勅定  
畫一之規以坐臻上理以力救頽風事天下民生  
所以不安者吏治不修故也吏治何以不修則以

服官者自拜官之始不曰此報効朝廷之日此撫  
養百姓之日而曰此我富貴利達之日也視衙門  
爲忽去忽來之舍視百姓爲不痛不癢之人于是  
乎玩職廢業而于民事絕不關心矣于是乎朘百  
姓之膏血以營自己之功名無所不爲矣所以然  
者明季銓政不嚴躁進成風如在外巡撫監司爲  
一方表率乃巡撫不數日而謀陞卿貳監司不數  
日而謀陞巡撫有司尤而倣之其又何底焉夫考  
成之法振古如茲三年一考六年再考九年三考  
由求大賢其自課也曰比及三年孔子大聖亦曰

三年有成謂今之人才遠過聖賢此臣所不信也  
天下事有一定之程則巧者思守焉無一定之程  
則拙者思競焉當今

聖政聿新百度俱飭之始斷當嚴考成之法臣在  
外言外自督撫以及典史非三年考滿無過不得  
陞轉三年內督撫有劣狀者聽廷議不時黜斥方  
面有司有劣狀者聽撫按不時糾叅如此則賢者  
固奮志勳猷冀垂竹帛而不肖者亦勉圖職掌求  
副鑑衡一切奔營之弊不禁而自絕矣如此而吏  
治不修民生不安請治臣以妄言之罪伏乞嚴飭



必行永著爲令此救時之第一義也謹具奏聞

條陳六事疏

巡撫順天等處地方贊理軍務都察院右僉都御史臣宋權謹題爲舉綱常名分之大端陳吏治民生之急務事

聖主開天百度更始一日萬幾一切浮泛之談瑣細不敢煩宸聰惟目前最重大關切者凡六事倘蒙

聖鑒勅行其於國紀民生未必無小補也

一曰明分義天尊地卑君尊臣卑君臣定而五倫

胥定五倫定而天下晏如矣然朝廷之尊莫重於  
名器臣子之罪莫大於僭越昨寇禍京師舊朝御  
用之物強半佚於民間其無關名器之物聽從民  
便如龍鳳皿器惟奉 欽命頒賜親王外其餘卽  
勳臣大僚槩不敢用况齊民乎宜 勅下官民凡  
收藏犯禁器物盡繳禮部彙繳 御前以後恪遵  
典制勿得僭踰臣巡撫順天輦轂之地分義攸關  
不敢不言伏乞 勅下禮部議行

二曰定郵符開國之始經營四方輪蹄交錯勢所  
必然乃今奉差而出者滿洲漢官多無部文又無

牌票猝然而至往來如織有司不應不敢盡應不能各項錢糧 天恩方分別蠲免而夫馬廩餼日煩一日有司未有不剝削民膏者今後奉差官員無論滿洲漢官宜俱領兵部勘合註定夫馬若干餼廩若干其無勘合者一槩勿應則公事不至稽悞而勞民亦得息肩伏乞 勅下兵部議行

三曰辨等威官之未委質則皆民也朝廷命之爲官百姓乃敬之爲長故車服文物非僅昭威儀所以定名分也今滿洲職官其衣冠之尊卑大小惟滿洲能辨之漢官與民皆不能辨也今後奉差滿

洲官員或執旗幟或張傘扇使有司軍民望之知  
爲職官不至畏而避之又不至狎而慢之似亦上  
下咸宜之事也伏乞 勅下禮部議行

四曰息訛言近畿之地慣爲訛言奸民布之愚民  
傳之如目前查勘無主地畝興農裕餉以惜民力  
最是 朝廷經界大政寬恤 特恩

聖旨煌煌部文娓娓極其嚴明而民間見印官逐  
畝踏丈遂騰爲分地之說以致愚民皇皇除臣出  
示曉諭禁緝外臣愚謂此事只在開報之清而不  
在量丈之細田之有主無主印官未必知其詳書

手里老固爛熟於胸中者也嚴飭開報然後量丈  
其真真實實有主之地萬耳萬目所共知者印官  
亦免踏丈但有隱漏立置重典則訛言不禁自息  
矣再照莊頭原爲種地今地未定而莊頭已至安  
插於市廛致商民頓失其一枝之棲於是民又訛  
傳有分房之說臣思有地自然有莊有屋待清查  
已畢安插未遲且耕耘早夜勤劬亦無住城中之  
理伏乞 聖明勅下戶部再行宣諭絕無分田分  
房之事以安民心 國計民生幸甚

五曰嚴職守官之有職也如農之有畔典衣典冠

毋侵毋曠乃近來在外文武職官擅離汛地欲入京則入欲出京則出并不申報撫按如此行徑必非公事除已往免究外以後各官必進表齎本及有撫按公文起送方許進京如違禁潛入許撫按巡城御史題叅拏問則官方肅然伏乞 勅下各該衙門施行

六曰肅關禁據關內道臣楊雲鶴呈稱管關通判朱伸鐸呈稱竊照山海爲遼左通衢逢 清朝仁政萬姓歌咏太平如真正滿洲各王部下員役遇晚住宿貿易往來原不擾民無奈東兵借名滿洲

及稱王役任意橫行羣聚街衢有擅入民房白晝  
搶奪者有夤夜入室殺人劫掠財物者有在關西  
截路行兇者有城市強買毆商者更有大患每日  
市集馱載銅錢販買糧米往遼東運發小民升斗  
易錢圖活生命被其強勒短價甚至有赤手空回  
老幼啼號飲冤而不敢控訴且山海民命全賴昌  
樂糧米卽有肩糶者又懼要奪之患遂皆裹足不  
至間有一二負販再若頓買東行此關門之士民  
商賈斷粒絕爨貧寒者旦夕必至立槁又如遠近  
村落無藉兇棍假裝東人明劫暗竊且有密結引

道而肆然行劫甚至遼兵杜大杜二郝大等寄住  
居民王三楊萬之家以失驢小過逼打房主投河  
頓亡二命莫可擒究致使良弱遭荼毒道路斷行  
人種種爲害若不亟爲設法戢禁將來之禍患滋  
蔓更不可言者爲今之計山海幸有三關合令西  
來步騎出北水關東來步騎進南水關其固山牛  
祿科道官員滿洲人役由正關出入而南北關仍  
令集貨貿易毋容一騎入城正關官員立有公署  
設處供役隨帶者無多可免起事之虞如此則城  
市永安商民有樂生之慶矣合請本道憲裁亟賜



詳示等情到道據此爲照山海乃 神京門戶  
聖駕經臨秋毫不驚商民誦德今往來東兵仰體  
德意安靜者固多假冒騷擾者亦復不少據詳有  
搶奪截路強買等情甚至馱錢販買搶奪至赤手  
空回似非子遺所能堪也永平府城以知府馮如  
京面奉

聖旨往來兵馬不許入城遂免詐僞之擾關門一  
視同仁既有南北水關車馬俱可通行且糧石食  
物就便亦足貿易似不妨如該廳之請散兵俱行  
兩水關貴官大人真正差使仍行城中則假克騷

擾之弊不禁自絕商民歌舞太平矣其遼兵杜大  
等除一面嚴緝另詳外等因到臣據此該臣看得  
民爲邦本而順天則根本之地也永平則  
聖駕入主中國之始也故承化獨先而蒙恩獨厚  
據關內道詳文山海一鎮滿洲員役仰體

聖心來往安靜遠邇樂生不意有借託東兵假稱  
王役私販強劫種種不法難以遏止今議南北關  
散兵步騎行走其貴官大人乃由正關供應出入  
則軍民無擾而主客交宜最爲便計伏乞 勅下  
兵部嚴飭施行

屯田利弊疏

巡撫順天等處地方贊理軍務都察院右僉都御史臣宋權謹題爲農事方興屯田宜講詳陳利弊實圖舉行事屯政經國之大道也其在明季則大弊矣本以生財而反以耗財南畝未見一人而設巡撫設監司設廳官不知費幾萬金矣西成未知幾許而貪弁猾胥借名牛具子種不知領幾萬金矣得不償失可歎也本以養軍而反以病軍蓋錢糧旣被奸弁侵尅不得不驅饑軍代爲之耕及收不足額又不得不扣軍餉以補之胼胝其手足而

又剗其心頭之肉更可憐也今農事方興將仍聽  
婪弁預請朝廷之金錢臣不敢也若坐視其荒蕪  
不爲開墾臣亦不敢也欲革弊而利興惟有按兵  
授田之法耳計三協屯田舊額不下十八萬餘畝  
然或有縣地衛地占爲屯地者應還縣衛起課况  
今口外當豁矣分給王府莊頭者當豁矣其山石  
磽確實不堪耕者亦不必復報虛數矣惟確查可  
耕之田除戰兵外每守兵給地十畝免作本兵五  
箇月餉銀地盡然後支餉在各兵勤則飽惰則餒  
自然力農且出入總不由官誰得而侵尅之一切

屯正屯副各官如螟螣蠹賊皆食田之物一槩革  
逐以杜弊源至目前牛具子種自十月起查有未  
領月餉盡數找給便可足用不敢額外費戶部一  
錢也牛羊自寇變後侵隱彫耗已甚今尚存牛七  
百五十六隻羊四百零五隻分給各兵則不能徧  
及或估價作餉算與各兵庶幾均平如臣言可行  
當嚴督各道核實算明造冊奏報伏乞 勅下戶  
部速議施行

請除兩大害疏

巡撫順天等處地方贊理軍務都察院右僉都御

史臣宋權謹題爲懇乞 天恩急除百姓兩大害  
事何爲兩大害一曰祖軍一曰民壯祖軍隸在營  
路民壯隸在州縣此二差者如著骨之瘡本人死  
則勾子孫子孫絕則勾宗族宗族絕則勾戚屬最  
苦最累之事也二項小民往往向臣泣訴今日  
新主御宇普天同慶我輩卽應斬應絞之人亦蒙  
大赦况無罪之人苦累二百七十餘年尚不可息  
肩乎其言甚有理而可憐臣聞之酸鼻且語塞無  
以應及查清勾軍士原以實伍而營路官從來居  
爲奇貨有錢者放無錢者勾勾而復放放而復勾

弊孔百出鷄犬不寧且既有月餉募兵何須用此  
至民壯之用更無理矣每州縣額設三五百名不  
過如保甲鄉兵耳乃有司遂爲供應往來上司及  
本州縣酒席下程填宅鋪墊之用賣妻鬻子流移  
死亡真可痛哭衙役各有工食公費各有額編而  
以此窮民膏血供貪吏谿壑亦何忍乎 聖明仁  
覆萬方如此疾苦臣若不言何由得達 天聽懇  
乞立沛 恩詔永除此兩大害出民水火蒼生幸  
甚

請免圈地疏

巡撫順天等處地方贊理軍務都察院右僉都御史臣宋權謹題爲畿民不安萬懇 聖明信 詔  
旨慰人心以定萬世治平之謨事民爲邦本况京  
畿之民尤

皇上懷中膝下之赤子施恩必先承恩必厚近悅  
遠來一定之理臣屢爲請命矣乃自密民逃亡而  
後近畿一帶復皇皇不安坐失農時若旦夕不保  
其業者臣寢食不安躬爲巡察以圖奏聞初不知  
有三百里內復行圈地之訛言也十五日行至薊  
州戶部飛傳



聖諭近聞民間訛傳近京三百里內各州縣田地已經分撥相率遷徙不肯耕種此必奸人捏造煽惑愚民深可痛恨以後再有訛言許親聽之人執送官司重究其去年近京三百里內已經丈量無主田地有分撥未盡暫寄民間者東兵新到自當續撥乃係原寄之田此外一畝不復再取著該撫按行文所屬州縣大張告示曉諭人民使及時耕種毋得輕信訛言遲悞農作自妨生業爾部卽傳諭行欽此欽遵小民歡聲雷動喁喁復見太平臣卽飛檄各道徧爲榜示及次三河有戶部滿漢官

二員在焉夫三河正三百里之內也或卽查原撥之地抑別有差委乎小民尚疑信相半矣詩曰訄謨定命遠猷辰告言令命之當信也初奉 詔旨原種無主之地也後恐滿漢不便并處改爲撥換之舉夫滿漢之官未嘗不同寅協恭也滿漢之民未嘗不通工易事也獨不可同井而耕乎卽少有不便亦何至先離其墳墓舍其室廬乎去年已撥者已矣今三百里外似當遵初 旨之爲是也初奉 詔旨投充一事收無業之民也今有田產者皆投矣優免雜差且抗正賦優免本身且庇族黨

將一切徭役盡累貧民不轉溝壑則散四方豈法  
之所能繩乎似當一遵初 旨查有地產者仍歸  
有司則生民有濟 國賦無虧此二者非臣敢妄  
為條議也 詔旨煌煌原是如此但望 勅行百  
姓便受福無窮事關民隱恐詞不達意字稍逾格  
伏乞 聖明採擇施行畿民幸甚天下幸甚

### 家世略

宋氏蓋微子之後以國為姓先世不詳載始祖諱  
貴貴子二曰瑾曰讓瑾鄉飲大賓以孫諡莊敏吏  
部尚書纁貴贈戶部尚書莊敏公功烈詳國史及

誌傳中瑾子三曰雲曰霓曰雷霓鄉飲大賓贈戶部尚書雷子四曰暉曰曜曰暘曰曉暘號樂菴卽權祖也先人世有隱德大父尤積陰隲事不求人知幼受書穎甚髫年時曾祖有事南畝大父守舍曾祖遺錢一緡爲食三日曾祖歸緡錢具在怪之大父曰兒食其息矣曾祖色喜大父曰家貧親老須富貴何時遂業商數年家道稍裕季祖好飲不問生人產大父計子母所獲若干錢而均之是夜夢神告之曰此德世人所難汝子孫皆當貴顯及寤而父諱沾生大父性勤儉好潔日未出輒灑掃

庭內衣及敝不受汚生平無憂戚容每遇清風朗  
月常獨歌不問卜筮曰惠迪吉從逆凶吉凶了然  
何以卜爲爲莊敏公介弟意泊如也舉鄉飲大賓  
士人矜式之先君辛卯舉于鄉仲叔渥弱冠補弟  
子員聲籍甚早世無嗣叔母劉氏欲以死從不食  
爾時季叔未生先君曰白首雙親惟賴吾兄弟二  
人弟雖死有爾在爾爲我弟死獨不爲父母生乎  
叔母乃勉進食不死織紡井臼佐甘旨如叔在越  
兩年權生叔母曰姪曰猶子是吾有子也又三年  
先君筮仕山東福山令大父七十有八生季叔湛

家報至方早衙先君喜不勝退食語家人曰吾無弟有弟矣福山地僻民朴先君治以清淨幾無訟惟日萊衣舞膝下授兒以書樂陶陶也性介甚或曰胡自苦乃爾先君笑曰吾家莊敏公官太宰無中人產非家範耶吾家薄田數頃吾尚欲鬻其半恐兒薄福不能承也無何病僅餘俸百金貯一篋付嫡母張生母丁曰我生不獲送二親留此為百年後棺衾資妻子卽餓死勿問此也遂不起福人為設奠于嵩山嵩山距城十里許婦子傾城而出時方春寒權跣足小民爭以手拊之涕零如雨權

方八歲大父母年已耄飄零千里外囊橐蕭然不能歸小民爭扶父棺歸里大哭乃去大父以數自遣門外植兩槐日坐其下交遊皆盡時呼後生輩與談陰隲事言及天道好還則色栗然與人揖必及地曰吾不敢老而倨也年高不問家政嫡母以泣父成疾匝歲見背田園皆蕪資生無策丁母曰翁姑老矣呱呱八歲兒將誰賴乃與劉叔母同居處形影相依出簪珥買耕牛付蒼頭墾之一歲田大易以女紅供肉帛翁姑無失養二母曰吾所以報死者以此兒耳乃延師課業夜則親自課讀機

軋軋與呶唔聲相應望兒成立淚盡而血母教極  
嚴權不告不敢出庭戶如出從某某遊母必曰某  
也賢爾當師事之某也不賢爾勿往母不識字然  
每課文未嘗不披閱見筆跡不爲衡文者許輒泣  
曰教子無成何以見夫君地下耶權十七補諸生  
時大父年已九十矣手摩權頂曰此吾之再世也  
先君見背時大父夢壽當九十四見孫成立果不  
爽云大父母及父與嫡母仲叔五喪皆二母手發  
之襄事備禮觀者泣下二母同建坊旌表作者多  
詠以詩有不待兒官詔已頒之句蓋苦節大孝有



以自致若此權二十八歲成進士令陽曲一遵先  
君之治福後拔置諫垣以抗疏忤時浮沉外藩比  
遷遵撫甫三日逆闖篡弒因起兵討賊誅僞官奪  
僞印以迎王師

上命裁一督三撫總轄于遵化尋召入政地

隆恩特典懼不克荷以愧先德謹爲紀其略益用  
白勛云

丁太夫人行實

先考諱沾 詔贈資政大夫原爲明之福山令清  
嚴孤介愛民如子見背時不孝方八歲猶記福民

傾城而出哭奠於蒿山鬼神欲泣不孝黃口兒顧  
何能狀且不知狀然循良實蹟有東人墮淚碑已  
足炳炳天壤矣不孝不知狀父而狀母不狀父腸  
欲割不狀父而狀母更腸欲割雖然先大人齋志  
以歿而家法肅肅母之教皆父之教詩云釐爾女  
士謂有士行也不孝官忝國史奉勅纂

太宗文皇帝實錄方表彰今古而於吾母闕然是  
不孝之溺職也爰不爲狀而爲實一切閨門懿德  
不能殫述謹將有關忠孝節義之大者泣血而質  
紀之先大人四十無子嫡母張祇生一女心竊憂

之聞農民丁諱有冬之女賢往聘之卽吾母也張  
母見其端莊靜穆大喜曰古有以雜佩贈賢者何  
况門以內有賢者如此吾姊妹也何云嫡庶遂以  
家政委焉三年而不孝生先大人以家貧親老筮  
仕福山奉祖父母板輿甘旨無缺一日圍爐不孝  
見火箸繫索問曰此何爲先大人笑曰防脫失耳  
不孝曰何不去此縱脫一存一先大人甚喜曰此  
兒慧可讀書退食之暇手授字口授句讀養親教  
子天倫至樂也歷三年輒病不起傷哉痛哉上有  
八旬翁姑下止八歲孤兒宋氏之不絕如綫二母

扶櫬二千里歸途次艱難賴蒼頭李夢魁周旋之  
歸則宋大荒瘠田數百畝一望皆蘆荻大父母年  
衰不能理家務二母脫簪珥買耕牛命蒼頭皇甫  
叅墾之叅曰遭家不造奴有死以報主人耳一二  
年而田大易始得有衣食祖母田嫡母張以哀痛  
相繼逝叔生員渥亡在父先無子叔母劉氏矢志  
靡他母遂與共居形影相弔日夜課兒讀機聲軋  
軋相應母不識字見兒課業爲衡者所鉤塗輒淚  
簌簌下一日讀書有字不能識棘口不成讀以問  
二母二母大哭曰安能起爾父而問之耶不孝出

門必告母母誠曰某某賢當從之某某不肖當遠之不孝唯唯不孝年十七入庠大父九十矣謂母曰我老人賴賢媳無失養又教我孫成立我感爾吾子亦感爾於地下也大父矍鑠善飯猶陪賀客飲里中稱為地僊壽至九十有四直指丘公兆麟聞之疏其事於熹廟三母并旌客投詩有不待兒官詔已頒之句蓋言母之自致也家有五喪一曰祖考一曰祖母一曰父一曰嫡母一曰叔不克舉母曰我所以未送死者爲兒未成立耳今何憾一日手發五喪祭葬盡禮里人歎曰宋家賢寡婦真

不愧莊敏公家風云不孝二十四舉于鄉二十八  
成進士爲陽曲令二母誠曰爾父善人之報得有  
今日兒其慎旃一日退食母問不孝曰我在衙聞  
箠楚聲果百姓有罪耶不孝慚懼爲加謹邑有孝  
子節婦必親禮其廬告于二母二母色喜時有買  
鉛之令母聞之曰兒奉此令但可買不可採爾父  
在福山時奸民以礦報爾父爾父痛治之曰汝無  
殺我民甚德之兒記吾言不孝唯唯不孝之不  
敢擅箠楚民以大役擾民者母之命也拔置掖垣  
草銓政數十年大弊貽禍封疆一疏直糾主爵者

婦曰無觸禍機母笑曰兒爲言官何計此不孝之不敢黨同不敢緘默者母之命也比遷晉藩母曰時不淑矣我兩媪白髮垂垂爾盍棄官終養不孝曰兒數請兩臺兩臺堅不從劉母笑曰爾不爲官問兩臺耶母曰爾叔母言是不孝之不至隱忍依阿以危其身者母之命也歸家數年侍二母甚歡無何劉母逝母痛曰劉母與我相依如一人共憂患安樂者三十餘年雖我弟婦長于我我姊也師也一飯一衣我必先奉之伊不以粒絲私其母家養翁教姪大有功德于宋門一旦死無子無女吾

家無持三年之服者忍諸爾時尚有長兒焯在遂以犖兒爲服齊衰三年母之曉然大義如此至壬午賊破歸德不孝日負母走白刃中不保朝夕母甚泰然不孝問其故曰此數耳憂之何爲客寓鎮江主爵者以危疆需人勒令監軍遵化母曰時至此惟有生死相將耳監軍三月授巡撫三日而李賊篡弒破京師僞權制等將軍布滿三協不孝與大將軍唐公鈺集數百人從白羊峪起義兵趨入遵城劔戟森然諸將歃血誓師升堂拜母母亦拜勉以大義諸將感奮三日而遵薊四路之賊皆授



首飛奏功于關門賞賚有差是誅篡復仇以迎  
王師母成之也一日

上賜母宴于湯泉遠近榮之迨不孝擢今官母曰  
官愈大心愈小兒慎旃勉旃貧家米鹽事我老媪  
優爲之不須兒也不孝唯唯一日呼犖兒曰我見  
人之子孫於先人誕忌多不記憶孫取筆來我口  
述之爾手記之有季叔庠生湛亦早世叔母陳氏  
有子庠生森在里中一日母念之曰爾陳叔母是  
我幼弟婦孀居悽苦數年不見我有一姊窮鄉下  
戶我甚思之語多悽然有永別之意偶病痰嗽百

藥罔効問曰詔書封贈兒官可能及祖父母耶若  
止封我心終不安不孝曰兒官應及祖矣母悲喜  
交集命婦輩爲之浴一日不言而絕屬續之日不  
忘父母其天性純孝如此傷哉痛哉不孝亦不能  
久居人世矣

上慮臣哀毀 遣同官大臣 賜茶酒玄狐 諭

慰備至 特恩隆禮皆臣子所不敢望者又 允

部臣請予祭一壇父母合葬夫 諭祭非已受實

封不得承我母雖遇 恩詔未經部覆而 天恩

慨俞且品頒光祿 命重禮臣又特典也我母一

生大節惟瞑父目於地下耳今奉合葬之 旨父  
之目瞑嫡母之目瞑母之目亦瞑矣傷哉痛哉嗣  
後百事冥行誰爲教我不忍曰五十不致毀不敢  
曰五十而慕惟有一號再號曰哀哀父母生我劬  
勞欲報之德昊天罔極惟有長號永號曰哀哀父  
母生我劬勞欲報之德昊天罔極而已父明萬曆  
辛卯舉人生於嘉靖乙卯年七月初一日終於萬  
曆乙巳年正月二十七日嫡母張氏 詔贈夫人  
明旌表節婦生於嘉靖丙辰年十二月二十七日  
終於萬曆丙午年正月二十九日生母丁氏 詔

封太夫人明旌表節婦生於萬曆戊寅年四月十四日子時終於順治戊子年十二月二十三日辰時子一卽不孝權內翰林國史院大學士娶明舉人劉公永貽女 封夫人劉公先大人年友也女一適明故庠生侯國楨孫四焯犖炘炘焯焯破城之後音信杳然存亡未卜犖侍衛娶明兵部右侍郎葉公廷桂第五女炘聯浙江道御史王公應昌第五女炘聯兵部尚書劉公餘祐第三女孫女二一適明太常寺卿侯公執蒲第五子慮一適明光祿寺署丞侯公執中第五子懃釐爾女士從以孫子

知我母子孫之繩繩也

文康公遺集卷下終

文康公家傳

公諱權字元平號雨恭又號梁園八歲喪福山公  
扶匱歸跣足號慟哀感路人事母至孝力學攻苦  
年十七補諸生二十四領天啓辛酉鄉薦乙丑舉  
於禮部冠本房殿試賜同進士出身授陽曲令當  
事欲爲魏闔建生祠公力持不行崇禎間歷吏工  
兵給事中三疏糾冢宰銓政大弊貽禍封疆柄臣  
銜其切直出爲山西按察副使以母老乞歸築室  
西郊有終焉之志壬午流寇陷歸德一賊以令箭  
護宅曰吾故晉人感公恩所以報也男婦來依得

脫者幾千人公負母渡河走曹南走城武又遷白  
門京口躬自拾薪汲水以承太夫人歡尋起大名  
道調順廣再調遵化甲申巡撫順天命下甫三日  
而京師陷當是時劇寇李自成擁百萬衆遣其將  
略地至遵化公知勢不支走白羊峪遇故總兵唐  
鈺稍集部曲纔五十騎公灑泣誓衆勒兵太平斬  
賊將黃錠遣守備某從一騎馳入喜峰謁賊將  
斬之定其衆松棚三屯亦相繼下兩日有卒三千  
突入遵化擒僞官十人得僞印七是時王師已  
入關自成迎戰敗還恨公舉兵誅其將將屠遵化

城公遣唐鈺乞援

本朝而伏千人於城外戒以賊至而發如吾令賊數千騎薄城伏卒乃易兜鍪旗幟遶賊大呼曰北兵十萬至矣賊駭亂城中出兵蹴之遂大潰遵化獲全未幾王師入都賊遁公集將士諭曰復故主讎者卽吾主也盡誅僞官籍所復四路二十一州縣上于朝曰主讎復臣事畢矣疏乞歸田詔公巡撫如故總轄山海永平密雲昌平等處公乃上疏論三事首請議崇禎廟號略曰崇禎帝十七年宵衣旰食圖致治安聲色玩好一無所嗜不



幸有君無臣釀成傾覆之禍臣每清夜撫膺死有餘辜幸逢

聖主殲賊復讎祭葬以禮凡有血氣莫不感泣伏冀 勅定廟號以垂萬世詔告天下仁至義盡永清四海祇在傳檄此臣所爲報故主以報

陛下者次議請除苛賦舉遺佚皆嘉納之是歲卽世祖章皇帝改元順治初年也公旣受事乃上考績疏曰天下事有一定之程則巧者思守無一定之程則拙者思競明季銓選不嚴躁進成風如在外巡撫監司爲一方表帥乃巡撫不終朝而求陞

卿貳監司不終朝而求陞巡撫有司尤而倣之鑽營遷轉如恐不及而望政成民安不可得也請自今永著爲令凡大小職官非三年考績無過不得輒更又上土寇疏曰中原大寇二十年矣其初止以爲嘯聚弄兵卒至燎原不可撲滅皆明季將吏不職專以無賊欺朝廷也近天恩解網赦舊畿之士寇嘉與維新乃蠢茲小醜不以爲朝廷不忍殺而以爲不能殺未經招撫猶爲私賊旣撫轉成官賊以致農業益荒民生日蹙有司拙者養寇黠者通寇竊恐明季餘風因循滋蔓宜察其一二甚者

者寘之法以懲後又上屯田疏曰屯田軍國之大經也其在明季則人弊播種未見一夫收穫未見一粒而設巡撫設監司設廳官貪弁猾胥不知費幾萬金且官糧旣被侵剋不得不驅饑軍代爲之耕及官收不足額又不得不扣軍糧以補之是本以生財而反耗財本以養軍而反病軍也臣請首倡所部定爲按兵授田之法以革其弊又請大兵無輕出曰土賊忽聚忽散以大兵勦之則良民被傷者多矣此守臣之責何煩王師哉又有陳六事論圈地及請除密雲等處祖軍民壯諸疏悉見

施行時流寇餘孽猶蔓延三輔公在鎮二年前後  
擊降解散其黨數萬人 召拜內翰林國史院大  
學士值 國家初造公處滿漢間務爲調和同心  
協力以襄國事上下倚之 勅纂

太宗文皇帝實錄詞臣分修明史者以萬曆末事  
請於公公曰史載一時傳信萬世是非取舍不宜  
參愛憎恩怨天啓崇禎間乃我所身歷古者信史  
人主尚不得取視豈可自注乎辭不與丁亥己丑  
兩主會試釐正文體曰文體正則大忠大孝由此  
出文體不正則大姦大惡亦由此出禁閹者毋受

進士謁曰得人爲國非爲私也 詔禁天下鐵器  
弓矢蓄馬公曰百姓無戰守具賊益無忌矣從容  
言于

上卒弛其禁以天下吏胥憑藉害民議裁之遭丁  
太夫人艱請奔喪不許 詔給假歸葬入朝加太  
子太保尋致政歸公在相位凡六年旣歸修西郊  
亭自號歸德老農日延故人賈開宗門人侯方域  
諸君與犖等校文賦詩名諸故舊會飲淋漓酣嬉  
倣曹參故事以爲常歲餘薨於第守臣以聞 朝  
廷傷悼 賜祭九壇 遣中書舍人來造葬河南

布政使來致祭 贈少保兼太子太保給與 誥  
命廕一子中書舍人謚文康後犖遇 國恩 贈  
光祿大夫公生之夕丁太夫人夢巨蛇繞室幼而  
超悟自筮仕陽曲稟太夫人教矢爲廉吏至居相  
位產不及中人身後囊無餘財犖鬻產以葬初公  
所爲三疏劾明冢臣者

太宗適破昌平得疏稿歎曰中原若行此豈不長  
治平乎大學士范公文程云

贊曰犖自少侍先公側教以清操謹恪又言爲政  
在安靜和平務養元氣遭遇 盛朝慶流後裔不

亦休哉犖起任子身受 兩朝寵眷洵歷中外濫  
膺旄節

聖主恩數隆渥無比常恐弗克負荷以爲先公羞  
緬惟遺烈媿不文無能揚先公之令德惟用自勵  
夙夜祇懼而已

皇清太子太保內翰林國史院大學士贈少保兼  
太子太保光祿大夫謚文康府君年譜

戊戌明萬曆二十六年秋七月先文康公生

先一夕丁太夫人夢巨蛇繞室既而公生朔  
四日丁亥也

癸卯三十一年先文康六歲

隨王父福山公任

冬與福山公圍爐見銅箸以鎖繫之問曰此  
何爲者曰懼佚失耳曰不如散之失尚可得  
半繫則俱失矣福山公異之曰是兒聰穎



甲辰三十三年先文康七歲

隨福山公任

入塾

日誦數千言

乙巳三十三年先文康八歲

春正月福山公卒於任

囊無餘貲嫡母張太夫人生母丁太夫人鬻

簪珥攜先文康扶櫬歸

丙午三十四年先文康九歲

春正月曾王母田太夫人祖母張太夫人相繼

卒

丁太夫人與福山公弟婦劉氏共養居紡績  
以給以其餘買車牛課農桑延師訓先文康  
丁未三十五年先文康十歲  
能文

壬子四十年先文康十五歲

試於里

里中有童子試每試百餘人糊名送鄉先達  
甲乙之先文康每試必冠軍

癸丑四十一年先文康十六歲

秋九月母劉夫人來歸

福山公同年永貽公女

甲寅四十二年先文康十七歲

秋八月補博士弟子員

時曾王父年九十矣喜而加餐

丙辰四十四年先文康十九歲

試於講院

郡守李公本固邑令張公鵬雲集十庠之士  
於范文正公講院月二試先文康每試必冠

軍

丁巳四十五年先文康二十歲

秋八月曾王父卒

自乙巳以來歲儉不能備禮停有曾王母及叔祖及福山公及張王母數喪先文康悉勉力以襄大事

辛酉天啓元年先文康二十四歲

秋八月舉於鄉

次六十七名

壬戌二年先文康二十五歲

春正月赴公車

韓公日續錄中副榜

癸亥三年先文康二十六歲

試於講院

邑令孫公傳庭課士於范文正公講院請先

文康與焉以其文為式

乙丑五年先文康二十八歲

春二月舉南宮

次十二人為房首

丙寅六年先文康二十九歲

春二月令陽曲

訪節婦孝子旌其門

設義學八處

夏四月長女生母李氏

闡魏忠賢專政當路請建生祠於陽曲先文康  
持之不果

冬饑施粥

設火坑

邑人藉以甦者甚衆

丁卯七年先文康三十歲

命陽曲

夏六月辭官不果

魏忠賢使人偵不建祠故先文康恐貽丁太夫人憂乃以病辭官會忠賢敗而止

秋八月分校鄉闈詩經房

得士六人

戊辰崇禎元年先文康三十一歲

令陽曲

治臨汾河橋

西隍臨汾河民艱於渡捐俸置舟爲浮橋

己巳二年先文康三十二歲

令陽曲

春二月二女生母李氏

庚午三年先文康三十三歲

令陽曲

辛未四年先文康三十四歲

令陽曲

春正月長子焯生母李氏

奉部文行取離任赴京考選

先文康令陽曲日所行政績不能悉記而去  
任之後遺愛在民有里民唐社等所刊傳馨



錄不下數十條如士氣之培植文教之作興  
表揚潛德和解爭訟均徭役則吏絕侵漁飭  
保甲則盜窮淵藪裁冗胥以清狐鼠除豪猾  
以戢豺狼火耗之革不溢錨銖催科之寬常  
廢鞭扑荒地墾而流庸復水利興而灌溉時  
行戶之賠墊永杜于私征賑恤之精勤遍霑  
其實惠迄今猶謳思不替云

陽曲縣公建先文康生祠

三月擢吏科給事中

疏請治官軍殺良民冒功

以流寇蔓延秦晉也

壬申五年先文康三十五歲

疏劾吏兵二部

略曰用人以資安攘在文武兩途而已文以屬吏武以屬兵如耕之問僕織之問婢今問吏以堪督撫者幾人問兵以堪鎮將者幾人漠然不知何以平寇當事者銜之

癸酉六年先文康三十六歲

疏請緝京師強暴

以蘆溝橋等處行劫也

甲戌七年先文康三十七歲

春正月次子犖生母趙氏

疏請募敢死之士勦賊

乙亥八年先文康三十八歲

調工科右給事中

疏請特設重臣於涿州通州

以二州水陸咽喉治兵衛京師也

冬十月疏給貧軍布花

調兵科左給事中

疏劾吏部尚書謝陞

凡三上疏言路推其抗直全疏見文集及家  
乘

丙九年先文康三十九歲

夏五月補山西按察司副使

當事惡而黜之也

冬十月刊三垣疏稿四卷

十二月內召不果

上傳吏部補進先文康三疏將召用之後不  
果

皇清兵入昌平州得先文康三疏

時有通漢字者見即報宣讀三疏於

太宗側異之曰中原若行此豈不長治乎乎譁  
之而去大學士范公文程云

丁丑十年先文康四十歲

請終養許之

夏五月歸里

秋七月構亭西郊摹刻五老像於碑

五老者宋太子少師杜衍侍郎王渙司農卿  
畢世長郎中朱貫馮平以自況也

己卯十二年先文康四十二歲

秋九月三子炘生母趙氏

庚辰十三年先文康四十三歲

宋大饑收無主童子百餘人養之

冬長女歸於侯氏

名慮明太常卿執蒲公子

辛巳十四年先文康四十四歲

夏六月從王母劉氏卒

從王母共丁王母嫠居三十年

壬午十五年先文康四十五歲

春二月葬從王母劉氏

以次子犖為嗣孫後以長子焯亡犖歸宗

春三月寇李自成破宋先文康負母丁太夫人  
避寇渡河寓於曹長子焯亡先文康曰老母無  
恙足矣惶恤其子詳見犖所記壬午脫難始末  
夏六月遷於城武

買蕪田躬耕之

秋九月奉丁太夫人遷於白門

癸未十六年先文康四十六歲

春正月奉丁太夫人遷於京口

刊白華堂詩

三月四子炘生母郝氏

秋八月起補大名道副使

冬十月次女歸於侯氏

名懃明光祿寺署丞執中公子

調順廣道

請蠲屬邑稅三年

十二月調遵化

甲申

皇清順治元年

三月以前崇禎十七年

先文康四十七歲

春三月擢都察院右僉都御史巡撫順天寇李



自成陷京師遣其將黃錠等略地至遵化先文  
康勒兵誅之因籍所部歸 本朝詳見犖所記  
遵化平僞始末

夏五月疏請解官歸田里不許

六月

詔以先文康總轄山海永平密雲昌平等處

上治平三策

一曰請崇禎廟號 一曰裁加派財賦 一曰收  
散佚人才全疏見文集及家乘

秋七月疏報出巡日期及勦撫土寇情形

略云官不驅民爲盜自可化盜爲民因力薦道將有功諸人并劾庇寇殃民之吏

疏請定外官考成陞遷之令

凡外官自督撫以及典史非三年內考滿無過不得陞轉三年內督撫有劣狀者聽

廷議不時黜斥方面有司有劣狀者聽撫按不

時糾叅全疏見文集

通州等處土賊高元寧等作亂討平之

散其黨歸田者萬餘人

鳳河營土賊郝得珍等作亂密擒之

時通薊之間土寇充斥而鳳河尤爲逋逃之  
藪初得珍以邪道惑民愚民畏之如神珍欲  
得財則代爲手攫珍欲殺人則代爲手刃流  
毒已久乃密遣原撫頭目張洲以計招之遂  
就擒送部正法先文康曰非示以不信不得  
已耳

請

勅畿輔將吏勦土寇

略曰中原大寇二十年矣其初祇以爲嘯聚  
弄兵卒至燎原不可收拾皆明季將吏不職

專以無賊欺朝廷也日者近畿土寇作梗  
大恩解網嘉與更新乃蠢茲小醜不以爲

朝廷不忍殺而以爲不能殺未撫猶爲私賊旣  
撫且成官賊以致農業一荒民生日困有司  
拙者養寇黠者通寇竊恐明季餘風因循滋  
蔓請申嚴賞罰務盡根株

詔從之

秋九月陳鳳河善後之策

鳳河與采育地方接壤舊爲後府蕃育署所  
轄不屬通霸兩道故羣盜竊發卽匿于此兩

道不得問焉因請以采育屬霸道管轄鳳河屬通道管轄以便責成兼令兵將分駐其地庶亂萌可以全銷

勦撫就緒題請還鎮

略云用兵勦賊如用藥治病病愈卽當勿藥况客兵久駐糜費糧草且搜捕無已民心驚惶臣宜班師回密以鎮將料理善後事裕如矣

冬十一月疏陳六事

明分義定郵符辨等威息訛言嚴職守肅關

禁全疏見文集

通州土賊楊爾善等作亂討平之

十二月薦地方人材李孔昭杜立德等十二人  
增設遵化標兵八百名

以軍器馬價養之不仰給司農

乙酉二年先文康四十八歲

春正月疏覆山海總兵高第捕誅悍兵事

甲申五月經大亂之後永平悍兵趙文才等  
糾衆行兇將劉家營架砲攻破鎖坐營將官  
遍索當舖布舖銀錢高鎮初涖關門遇商民

泣訴其事遂擒文才等六人梟示懲衆奉  
旨以非臨陣何得擅殺命先文康確察因力陳  
悍兵鎖官脇民目無三尺鎮臣高第立誅渠  
惡先發後聞原欲伸法非敢作威及

天語詰責第卽悚息認罪則前日之除兇仍歸  
朝廷之法而今日之宥過更見

朝廷之恩

詔從之

二月懷柔上賊史三呼等作亂討平之  
請蠲畿民換田者租稅三年

疏論屯田利弊

全疏見文集

請除百姓祖軍民壯兩大害

略曰祖軍隸在營路民壯隸在州縣此二差者如著骨之瘡本人死則及子孫子孫絕則及宗族宗族絕則及戚屬最爲擾民夫清勾軍士原以實伍而營路官居爲奇貨有錢者免無錢者勾勾而復免免而復勾弊孔百出鷄犬不寧且既有月餉募兵何須用此至民壯之設每州縣舊額三百五名原不過如保



甲鄉兵有司遂爲供應往來上官及本州縣  
一切之用賣妻鬻子流移死亡真可痛哭今  
衙役各有工食公費各有額編以此窮民膏  
血供貪吏谿壑亦何忍乎一處若此天下可  
知伏請嚴行禁革

恩加百姓非細故也疏上民甚便之全疏見文  
集

三月馬山土賊張應科等作亂討平之

夏四月通州等處土賊宋進忠等作亂討平之  
海子紅門等處土賊趙金等作亂討平之

五月以土寇平靖

欽賜銀四十兩疏謝

閏六月固安等處土賊岳二等作亂討平之  
請

勅大兵無輕出

時有唐庫二大人同勦賊者先文康請曰土  
賊忽聚忽散以大兵勦之則良民被傷者多  
矣且畿輔有警守臣之責何敢煩

王師哉

賜先文康宴貂裘一帽一靴一韞一

賜丁王母宴

秋八月題報寶坻武清水災請大賜蠲恤  
請停畿民名買草豆

以水災價騰爲民害也

冬十一月請發饑軍及征婦月餉

十二月請蠲密雲名買軍需

略云密邑額地二千七百餘頃除滿洲園去膏壤外見存僅二千餘頃無論砂磧拋荒總計每畝獲糧三五斗共糧不過四五萬石奉派糧料金斗三千六百四十三石五升計小

斗一萬四千五百七十二石二斗是密民終  
歲勤苦半已輸之公家矣見奉部劄又督元  
二年分額豆解運古北口計該一萬六千餘  
石當此逃徙之餘萬難征比足額請

特賜蠲豁至古北軍需當聽部臣另爲設處

通州等處土賊范義等作亂討平之

丙戌三年先文康四十九歲

春正月海子紅門等處土賊劉尚義等作亂討  
平之

通州等處土賊果二等作亂討平之

盜發明恭恪陵請於

朝誅之

時議者坐盜以民間發塚例先文康固爭曰  
新朝優禮前代松楸不改乃千秋盛典今坐以  
民間律非法意也宜以盜掘園陵論卒誅之  
疏論園地

略曰臣次三河見戶部滿官二員以園地至  
詩曰訂謨定命遠猷辰告言令命之當信也  
初奉

詔旨原種無主之地後恐滿漢不便竝處改爲

撥易夫滿漢之官未嘗不同寅協恭也滿漢之民未嘗不通工易事也獨不可同井而耕乎必使離其田園別其墳墓且種新授之田廬舍未必有備耕耘未必及時恐流亡死傷者多矣豈

朝廷爲民父母之意哉廷議是之全疏見文集  
詔拜內翰林國史院大學士

秋九月作書訓族人

無殖田產無害鄉里無行請託無倚勢作非

賜內府書畫

丁亥四年先文康五十歲

春二月總裁會試

時崇禎以來文漸詭僻與同官上疏釐正之  
中有文體正則大忠大孝由此出文體不正  
則大奸大惡亦由此出之語

禁閹者無受進士謁狀

曰為國得人非為私也

錄次子犖為侍衛

秋八月請弛天下蓄馬及鐵器弓矢之禁

時為禁甚嚴坐罪者眾先文康曰百姓無戰

守之具賊愈無忌徒厲良民耳屢白之始弛  
其禁

冬十月次子犖娶婦葉氏

明兵部侍郎廷桂公女

戊子五年先文康五十一歲

春三月奉

勅纂

太宗文皇帝實錄

有以明史爲請者卻之

時諸詞臣分修明史至萬曆末有問及者先



文康曰史載一時信傳萬世不宜參愛憎恩  
怨天啓崇禎間乃我所身歷古者信史人主  
尚不得取視豈堪自注乎辭不與

請停鬻人參馬匹

夏五月四子炆聘於劉氏

兵部尚書餘祐公女

冬十二月丁太夫人卒固請終制不許

遣同官宣慰先文康於寓

賜茶酒玄狐裘一襲

己丑六年先文康五十二歲

春正月

賜丁王母祭葬王父沾嫡張王母合葬

請歸葬不許

二月總裁會試

秋九月

皇帝遣禮部尚書王鐸諭祭於丁王母

文見家乘

復請歸葬

詔給假六月

冬十月加太子太保

十一月歸里

葬丁太夫人

庚寅七年先文康五十三歲

夏四月還

朝

議裁吏胥

以其憑藉害民而巡按御史之役為甚也

冬十月重刊米芾寶章待訪錄

因

頒賜書畫以崇文寓規導也

卯<sup>辛</sup>八年先文康五十四歲

帝親政疏陳三事

一起用廢官一會推京堂一與重巡方

春三月致仕

夏五月長孫基生犖出

秋七月三女許字劉氏

名士元刑部尚書劉公昌子

八月歸里

修西郊亭重刻五老遺像

延故人賈開宗門人侯方域校文賦詩犖與焉

名故舊會飲

以醉爲度不道及樽壘外事

壬辰九年先文康五十五歲

春二月廕四子炆入監讀書

夏四月先文康有疾

五月三子炆娶婦王氏

御史應昌公女

疾病

六月先文康終

月之五日綱紀家事如將遠去者開筵悉召

姻友竝子弟懽飲越七日而終遺命無厚殮  
巡撫河南提督軍務兵部尚書都察院右副都  
御史吳公景道以訃聞於

朝

賜祭九壇造葬贈少保兼太子太保給與

誥命廕三子炘中書舍人

癸巳十年夏五月

皇帝遣內翰林弘文院撰文中書舍人吳之樞來  
造葬

秋八月

皇帝遣河南等處承宣布政使司右布政使李中  
梧致祭

文見家乘

冬十二月十二日癸酉葬於闕伯臺之左

己十六年春正月以士民公請崇祀歸德府商

丘縣兩學鄉賢後畿東府州縣各以士民公請

崇祀名宦

夏五月

上允巡撫河南等處地方提督軍務兼理河道兵  
部尚書兼都察院右副都御史加二級賈公漢

復請

賜謚文康

壬寅康熙元年夏六月領

誥命

文見家乘

按宋氏之望出自廣平其先宋微子之弟喬也故世居於宋者為得姓之宗先文康公諱權字平公號雨恭又號梁園父曰沾舉明萬曆辛卯孝廉仕終山東福山令沾之父曰暘暘之父曰雷雷之父曰瑾以莊敏公纁贈戶



部尚書瑾之父曰貴宋氏自貴以前無顯人  
至莊敏公舉甲科歷官御史巡撫都御史以  
至尚書戶部吏部皆以清勤嚴正著績為明  
名臣福山公之舉孝廉也曾王父嘗訓之曰  
爾他日服官無忝爾伯故福山公克自砥礪  
德及於福山卒之日邑人有墮淚碑其後先  
文康令陽曲丁太夫人實紹明其訓以訓先  
文康故先文康自邑令以至為相產不及中  
人卒之日家無餘財謂犖曰庶無忝爾祖矣  
若其大者則誌狀載之他日自有

國史在小子何贅焉男焯敬撰

文康公年譜終

孫起筠致校

文康公年譜

三十一

